

**O`ZBEKISTON RESPUBLIKASI
OLIY VA O`RTA MAXSUS TA'LIM VAZIRLIGI
TOSHKENT DAVLAT IQTISODIYOT UNIVERSITETI**

**M.S. QOSIMOVA., SH.J. ERGASHXODJAYEVA,
L.T. ABDUHALILOVA**

STRATEGIK MARKETING


TOSHKENT

O'ZBEKISTON RESPUBLIKASI OLIY VA O'RTA MAXSUS
TA'LIM VAZIRLIGI

TOSHKENT DAVLAT IQTISODIYOT UNIVERSITETI

M.S. QOSIMOVA., SH.J. ERGASHXODJAYEVA,
L.T. ABDUHALILOVA

STRATEGIK MARKETING



TOSHKENT – 2012

**O'ZBEKISTON RESPUBLIKASI OLIY VA O'RTA MAXSUS
TA'LIM VAZIRLIGI**

TOSHKENT DAVLAT IQTISODIYOT UNIVERSITETI

**M.S. QOSIMOVA., SH.J. ERGASHXODJAYEVA,
L.T. ABDUHALILOVA**

STRATEGIK MARKETING

O'zbekiston Respublikasi Oliy va o'rta maxsus, kasb-hunar ta'limi o'quv-metodik birlashmalar faoliyatini Muvofiqlashtiruvchi Kengash tomonidan "Marketing" ta'lim yo'nalishi talabalari uchun o'quv qo'llanma sifatida tavsiya etilgan. 2007-yil 28-may 113-sonli buyrug'i asosida berilgan. 0891-guvohnoma asosida tavsiya etilgan

TOSHKENT – ИҚТИСОДИЁТ - 2012

Qosimova M.S., Ergashodjaeva Sh.J., Abdusalilova L.T. Strategic marketing: O'quv qo'llanma. –T.: Иқтисодиёт, 2012. –153 б.

Ushbu o'quv qo'llanmada marketingning asosiy rivojlanish tamoyillari firmalarning umumiy rivojlanish strategiyasi bilan bog'liq holda bayon etilib, marketing strategiyasi bilan taktikasini samarali uyg'unlashtirish masalasiga katta ahamiyat berilgan. Shuningdek, iste'mol va sanoat tovarlarini sotib oluvchi xaridorlarning ehtiyoji va ularning xulq-atvorini o'rganishga ilmiy asoslangan yondashuvlar bayon etilgan.

Bozorning jalb etuvchanligi tahlili, firmaning raqobatbardoshligini tahlil qilish, bozorni segmentlash orqali ehtiyojlarini o'rganish, sotish kanallari, narx va kommunikatsiya bo'yicha strategik qarorlar qabul qilish va uning muammolari batafsil yoritib berilgan.

Qo'llanma oliy o'quv yurtlari talabalariga, magistrlar, aspirantlar, tadbirkorlar hamda marketing fani bilan qiziquvchi keng kitobxonalar ommasiga mo'ljallangan.

Mas'ul muharrir i.f.n., dots. Yusupov M.

Taqrizchilar: i.f.d., prof. Nabiev E.,

i.f.d., prof. Rahimova D.

Касымова М.С., Эргашоджаева Ш.Ж., Абдухалилова Л.Т. Стратегический маркетинг: Учебное пособие. –Т.: Иқтисодиёт, 2012. – 153 с.

В данном учебном пособии излагаются основные маркетинговые принципы связанные с стратегией развития предприятия и интеграция стратегии и тактики маркетинга. А также рассматриваются научно обоснованные рекомендации по изучению потребительских нужд и их поведение.

Освещаются вопросы анализ привлекательности рынка, анализ конкурентоспособности предприятия, анализ потребностей методом сегментирования рынка, каналы сбыта, принятие стратегических решений по ценообразованию и коммуникации и связанные с ними проблемы.

Учебное пособие предназначено для студентов, магистров и аспирантов вузов, а также предпринимателям и всем интересующимся вопросами развития маркетинга.

Ответственный редактор к.э.н., доц. Юсупов М.

Рецензенты: д.э.н., проф. Набиев Э.

д.э.н., проф. Рахимова Д.

Qosimova M.S., Ergashodjaeva Sh.J., Abdusalilova L.T. Strategic marketing. The manual. –T.: Иқтисодиёт, 2012. – 153 p.

In data educational the grant the basic marketing concepts the developments of the enterprise connected with strategy and integration of strategy and tactics of marketing are stated. And also scientifically proved recommendations on studying consumer needs and their behaviour are considered.

Questions of appeal of the market, the analysis of competitiveness of the enterprise, studying of needs through segmentation of the market, trade channels, acceptance of strategic decisions on pricing and communications and coherent problems with them are taken up.

The manual is intended for students, masters and post-graduate students of high schools, and also to businessmen and all were interested by questions of development of marketing.

Editor in chief p.h.d., prof.Yusupov M.

The reviewers: p.h.d., prof. Nabiyev E.

p.h.d., prof. Rahimova D.

KIRISH

Iqtisodiyotni erkinlashtirish va modernizatsiyalash sharoitida xo'jalik yurituvchi subyektlar faoliyatini samarali tashkil qilish va ulardagi iqtisodiy munosabatlarni bozor iqtisodiyoti talablariga moslashtirish zarurati keltirib chiqaradi.

Iqtisodiyotni bozor tamoyillari asosida tartibga solishning bugungi bosqichida to'g'ridan-to'g'ri tovar ishlab chiqaruvchilarning ishlab chiqarish, sotish strategiyasini ishlab chiqish va amalga oshirish maqsadga muvofiqdir. Bunda korxonaning faoliyati bozorni o'rganish, tadqiq etish, ishlab chiqargan mahsulotlarining reklamasini uyushtirish, tovarning to'liq qo'lga yetib borungacha qadar bo'lgan barcha bosqichlarda qatnashishdan iborat bo'ladi.

Mamlakat ijtimoiy-iqtisodiy taraqqiyoti ko'p jihatdan xo'jalik yurituvchi subyektlar tomonidan bozor raqobati sharoitidagi faoliyatini chuqur tahlil qilish asosida qabul qilingan qarorlarga bog'liq. Tadbirkorlik subyektlarining barqaror rivojlanishi bevosita davlat iqtisodiy barqarorligining muhim omili hisoblanadi. Bu borada mamlakatimizda yetarli chora-tadbirlar ishlab chiqilgan. Bu borada mamlakatimiz Prezidenti Islom Karimov quyidagi fikrlarni alohida ta'kidlab o'tgan: "...raqobatbardosh iqtisodiyotni shakllantirmasdan, pirovard natijada esa raqobatbardosh mamlakatni barpo etmasdan turib, biz qabul qilgan mamlakatimizda demokratik islohotlarni chuqurlashtirish va fuqorolik jamiyatini rivojlantirish konsepsiyasida ko'zda tutilgan maqsadli vazifalarni amalga oshirmasdan turib, bu haqda jiddiy so'z yuritish mumkin emas.

Bu vazifaning o'rta qo'yilishi, shuningdek, inqiroz jarayonlarining chuqurlashuvi, dunyo miqyosida xarid talabining pasayishi va shunga muvofiq tarzda jahon bozorida xomashyo, materiallar, ayniqsa, tayyor mahsulotlar bo'yicha raqobatning yildan-yilga kuchayib borayotgani bilan ham bog'liq, albatta.

Bugungi kunda ko'plab rivojlanayotgan va jahon iqtisodiyotida yetakchi o'rin tutuvchi mamlakatlar tajribasi shuni ko'rsatib berib bermoqdaki, raqobatbardoshlikka erishish va dunyo bozorlariga chiqish, birinchi navbatda iqtisodiyotni izchil isloh etish, tarkibiy jihatdan o'zgartirish va diversifikatsiya qilishni chuqurlashtirish, yuqori texnologiyalarga asoslangan yangi korxonalar va ishlab chiqarish tarmoqlarining jadal rivojlanishini ta'minlash, faoliyat ko'rsatayotgan quvvatlarni modernizatsiya qilish va texnik yangilash jarayonlarini tezlashtirish hisobidan amalga oshirilishi mumkin¹

So'nggi yillarda iqtisodiy islohotlarni chuqurlashtirishning eng muhim ustuvor yo'nalishlarini muvaffaqiyatli amalga oshirishda marketing konsepsiyasi, raqobat konsepsiyasi qoidalaridan samarali foydalanish ham o'z samarasini ko'rsatdi, bu aholi turmush darajasini oshirishning asosi hisoblangan ijtimoiy-iqtisodiy o'sish ko'rsatkichlarida namoyon bo'lmoqda.

Marketing faoliyati samaradorligi avvalo to'g'ri ishlab chiqilgan marketing strategiyasiga bog'liq bo'ladi. Bu esa o'z o'rnida "Strategik marketing" fanining ahamiyati nechog'li yuqori ekanligini asoslaydi.

Bozor sharoitida xaridorga e'tibor katta ahamiyatga ega bo'lib, marketing ustunlaridan biri hisoblanadi. Xaridorlarning ehtiyojini qondirish-marketing va bozor iqtisodiyotining o'zidir. Marketing, bir tomondan, bozorni, talab, didlar va ehtiyojlarni mukammal va har tomonlama o'rganish; ishlab chiqarishni talabga yo'naltirish; boshqa tomondan, bozorga mavjud talabni, ehtiyojlarni va iste'molchilarning afzalliklarining

¹2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi ma'ruzasi. //Xelq so'zi. 2012-yil 20-aprel, №14 (5434).

shakillanishiga faol ta'sir etishni ko'zda tutadi.

Har qanday firma iqtisodiyotda samarali harakat qilishi uchun o'zi marketing strategiyasini tanlab olishi lozim. Bunda korxonaning imkoniyatlari bozor talablariga muvofiqqlashtirilib, marketing strategiyasi bozorni tadqiq etish va istiqbolini belgilash, tovar va iste'molchilarni o'rganish asosida ishlab chiqiladi.

Firma tomonidan eng avval qabul qilinadigan strategik qarorlardan biri u raqobatli kurash olib bormoqchi bo'lgan bozorni tanlab olishdir. Asosiy bozorni tanlash bozorning ehtiyojlari va xulq-atvori yoki motivatsion tavsiflari o'xshash bo'lgan iste'molchilardan tashkil topgan qismlarga ajratishni ko'zda tutadi. Bu tajribaviy qismlar firma uchun qulay marketing imkoniyatlarini vujudga keltiradi.

Bu o'rinda segmentlash jarayoni firma uchun strategik ahamiyatga egadir, chunki uning natijasida firmaning faoliyat yritish sohasi va tanlangan bozorlarda muvaffaqiyatga erishishning hal qiluvchi omillari ham aniqlanadi.

Mamlakatimiz korxonalar va tashkilotlarining jahon bozorlarida o'z o'rinini topishida, rivojlangan kompaniyalar tajribasini o'rganish zarur.

Shularni hisobga olib, ushbu o'quv qo'llanmada J.J. Lamben, G.L. Bagiev, Devid Krevens, A. Fatxuddinov, A. Pankruxin va boshqa xorijlik olimlarining turli davrlarda yaratgan asarlaridan foydalanildi va rivojlangan mamlakatlar kompaniyalari tajribalari o'rganilib, mamlakatimiz korxonalar va tashkilotlarida qo'llanishi mumkin bo'lgan strategiyalar va ularni amalga oshirish yo'llari berildi. Mamlakatimizda J. Jalolov, A. Soliev, P. Nosirov, M. Qosimova, A. Bekmurodov, M.R. Baltabayev, M. Yusupovlar tomonidan marketing faniga taalluqli o'quv qo'llanma va darsliklar chop etilgan.

J. Lamben tomonidan tayyorlangan "Strategik marketing" nomli kitobda kompaniyada va bozor iqtisodiyoti sharoitida marketingning roli, marketing va ehtiyojning qondirilishi, turbulentsharoitida marketing, tanlashni amalga oshirishda xaridor – xulq-atvori, xaridoring xulqiy ta'siri nazariy jihatdan keng yoritib berilgan. Unda bozorni segmentlash vositasida ehtiyojlar tahlili, bozorning jalb etuvchanligi tahlili, firmaning raqobatbardoshligi tahlili ko'rsatilgan. Shuningdek, yangi tovar ishlab chiqarish bo'yicha rivojlanish strategiyasi, narx bo'yicha, kommunikatsiya bo'yicha strategik qarorlar qabul qilish va strategik marketing rejasi berilgan.

Jan-Jak Lambenning "Менеджмент, ориентированный на рынок» darsligida strategik va operatsion marketing faoliyati 15 ta bobni o'z ichiga olgan va 5 qismdan iborat. Darslikda marketingning roli o'zgarishi, xaridorlar xulq-atvorini tadqiq etish, bozorga mo'ljallangan strategiyalarning rivojlanishi, bozorga mo'ljallangan boshqaruv qarorlarini qabul qilish kabilar keng yoritib berilgan.

Mualliflar tomonidan tayyorlangan o'quv qo'llanma O'zbekiston Respublikasining "Marketing(tovarlar va xizmatlar)" ta'lim yo'nalishi talabalari uchun oliy ta'lim muassasalarida foydalanib kelinayotgan namunaviy o'quv dasturi asosida yozildi.

Ushbu o'quv qo'llanma chop etilgach, mamlakatimizda bozor iqtisodiyotini shakllantirish, tadbirkorlikka keng yo'l ochish, korxonalarda marketing faoliyatini tashkil etish, uni rivojlantirish borasida muhim manba bo'lib xizmat qiladi, degan umiddamiz.

1-bob. BOZOR IQTISODIYOTI SHAROITIDA KORXONADA MARKETINGNING ROLI

1.1. Marketingning g'oyaviy asoslari

Marketing ayni paytda biznes falsafasi hamda faol jarayondir. U harakatdagi jarayon sifatida bozor iqtisodiyoti aniq faoliyat yuritishi uchun zarur bo'lgan bir qator vazifalarni hal etadi.

"Marketing" – so'zi keng tarqalgan bo'lsa-da, asosan quyidagi uch jihatda namoyon bo'ladi: reklama, sotishni rag'batlantirish va xaridorga ta'sir ko'rsatishdir, ya'ni boshqacha aytganda, mavjud bozorlarni egallab olish uchun foydalaniladigan savdoning o'ta muhim vositalari majmuasidir. Shu bilan birga, marketing birinchi navbatda va eng merkantilistik ma'noda asosan ommaviy iste'molchilar bozorida ko'proq, yuqori texnologiyalar, moliyaviy, ijtimoiy va madaniy xizmatlar kabi sektorlarda esa kamroq qo'llaniladi.

Marketing - faqatgina katta korxonalarining imkoniyatiga to'g'ri keladigan bozorni tahlil qilish (sotishni bashorat qilish usullari, bozorning imitatsion modellari va tadqiqotlari kabi) vositalari majmuasi bo'lib, ulardan ehtiyojlar va talabni tahlil qilishga istiqbolli va ilmiy yondashuvni ishlab chiqish uchun foydalaniladi. Tanqidchilar bunday qimmatbaho usullarning ishonchliligi va amaliy ahamiyatini unchalik ochiq-oydin emas, deb hisoblaydilar.

Marketing iste'mol jamiyatining me'moridir, ya'ni bu xaridorlar iste'molchilardan tijoriy jihatdan foydalanuvchi bozor tizimidir. Ko'proq tovar sotish uchun yangi ehtiyojlarni muttasil tashkil qilib borish lozim. Bunda xuddi ishchilar ish beruvchidan ajratib qo'yilgan singari, xaridorlar sotuvchidan ajratib qo'yiladi.

Bu o'ta soddalashtirilgan qarashlar ortida marketing konsepsiyasining uch jihati yotadi: faol jihat (bozorga kirib borish), tahliliy jihat (bozorlarni tushunish) va g'oyaviy jihat (fikrlash shakli). Marketingni faol jihatdan tushunish, ya'ni marketingga bir necha sotish usullari sifatida qarash (operatsion marketing) ko'p uchraydi va uning tahliliy jihatiga (strategik marketing) yetarlicha baho berilmaydi.

Marketingga bunday qarash marketing va reklama hamma narsaga qodir, ular bozorni qudratli kommunikatsiya usullari yordamida istalgan narsani qabul qilishga majbur eta oladi, degan mavhum fikrga asoslangan. Bunday sotish usullari ko'pincha xaridorlarning real ehtiyojlarini qondirish istagiga mutlaqo bog'liq bo'lmaydi. Asosiy e'tibor sotuvchining ehtiyojlari, ya'ni savdoni amalga oshirishga qaratiladi. Shuning uchun marketingni strategik jihatdan ishlab chiqish va marketing strategiyasini tushunish muhim ahamiyatga ega.

Marketing strategiyasi firma imkoniyatlarini bozordagi holatga muvofiqlashtirish, qo'yilgan maqsadlarga erishishning kompleks vositalarini belgilashdan iborat. Amerikalik yetuk iqtisodchi olim I. Ansoffning fikricha, strategiya o'z mohiyatiga ko'ra tashkilotning o'z faoliyatida qaror qabul qilish jarayonida qo'llash uchun mavjud qoidalar majmuiga aytiladi.

Strategiya birmuncha qiyin va mavhumlashtirilgan amaliy faoliyat falsafasi sifatida namoyon bo'ladi. U aniq sharoitda va o'zgarishlar ta'sirida oydinlashtirilib, mo'ljallarga aylanadi. Tegishli davr mobaynida, qisqa muddatda, tegishli sharoitdan kelib chiqqan holda qabul qilinadigan qarorlarda, tavakkalchilik siyosatida (uni xavf-

xatar darajasiga ko'ra) uslublar yig'indisi - taktikasi tarzida ushbu strategiyani amalga oshiradi. Umumlashtirib aytganda, marketing strategiyasi o'zaro bir-biriga asoslangan besh asosiy jihat bilan tavsiflanadi: bozorni tanlash, maqsadni tanlash, mablag' va muddatlarni tanlash, samaradorlikni nazorat qilish, muqobil strategiyani tanlashdan iboratdir. Bu holda iste'molchilar tamoyilini ham ko'rib chiqish mumkin. Aslida marketing asosini, uning konsepsiyasini tashkil etuvchi nazariya yoki g'oya mutlaqo boshqachadir. U iste'molchining ustuvorlik tamoyilidan kelib chiquvchi shaxsiy tanljv nazariyasiga asoslanadi.

Ushbu yondashuv nuqtai nazaridan qarasa, marketing – XVIII arsning oxirida klassik iqtisodiyot tomonidan ilgari surilgan tamoyillar menejmentining ijtimoiy ifodasi va operatsion atamalarga qilingan tarjimasining aynan o'zidir.

Bozor iqtisodiyoti sharoitida to'rtta markaziy g'oyani ko'rishimiz mumkin:

- insonlar hayotdan manfaat olishga intiladilar. Aynan shaxsiy manfaatning ko'zlanishi kishilarni mehnatga undaydi, o'sishning, shaxsiy kamolotning harakatlantiruvchi kuchi vazifasini o'taydi va oxir-oqibatda jamiyatning farovonligini belgilab beradi;

- manfaatlarning xarakterini did, madaniyat, qadriyatlar va hokozolarga bog'liq shaxsiy qarashlar belgilaydi. Bu tanlovning muhimligi yoki oddiyligi haqida yoki "haqiqiy" yoki "yolg'on" ehtiyojlar deb nimani tan olish haqida fikr yuritish uchun jamiyatdagi milliy, axloqiy va ijtimoiy qoidalarni hurmat qilishdan boshqa hech qanday asoslarga yo'l qo'yilmaydi.

- aynan erkin va raqobatli ayirboshlash yordamida kishilar va ular bilan hamkorlik qiluvchi tashkilotlar o'z maqsadlariga erishadilar. Agar ayirboshlash erkin bo'lsa, u faqat ikkala tomon uchun ham foydali bo'lgan taqdirdagina amalga oshadi, agar ayirboshlash raqobatli bo'lsa, u holda ishlab chiqaruvchilarning bozordagi o'rini suiist'emo qilish xavfi cheklangan;

bozor iqtisodiyoti mexanizmlari shaxsiy erkinlik tamoyili, ayniqsa iste'molchining ustuvorlik tamoyiliga asoslangan. Tizimning axloqiy negizi kishilarning o'z xatti-harakatlari uchun javobgar ekanligi hamda o'zlari uchun nima yaxshi va nima yomon ekanligini o'zlari hal qilishlariga asoslanadi.

Marketing sohalari. Marketing zamirida yotuvchi to'rt tamoyildan xaridorlarning ehtiyojlarini qondirish bilan shug'ullanuvchi har qanday tashkilot uchun muhim bo'lgan harakat falsafasi kelib chiqadi. Bu marketing harakatlari sohasini uch asosiy qism bo'lish mumkin:

1) **iste'mol marketingi**, bunda ayirboshlash firmalar va pirovard iste'molchilar, jismoniy shaxslar yoki oilalar o'rtasida amalga oshiriladi;

2) **firmalararo marketing**, bunda ayirboshlash jarayonida ikkala tomon sifatida tashkilotlar ishtirok etadi;

3) **ijtimoiy marketing**, u muzeylar, universitetlar va shu kabi daromadsiz tashkilotlarning faoliyat sohalarini o'z ichiga oladi.

Marketing konsepsiyasi tashkilotning butun faoliyati foydalanuvchilarning ehtiyojlarini qondirishni asosiy maqsad qilib olishi lozimligini ko'zda tutadi, chunki bu o'z taraqqiyot maqsadlariga erishish va rentabellikni oshirishning eng yaxshi yo'lidir.

Marketingning ikki qiyofasi. Mazkur harakat falsafasining qo'llanilishi firma

faoliyatining ikki yo'nalishini ko'zda tutadi.

1. Birinchi yo'nalish iste'molchilarning hal qiluvchi guruhlarini ehtiyojlari va talablarini muntazam va doimiy tahlil qilib borish, shuningdek kompaniyaga tanlab olingan xaridorlar guruhlariga raqobatchilarga nisbatan yaxshiroq xizmat ko'rsatishga imkon beruvchi va shu yo'l bilan ishlab chiqaruvchiga raqobatchilikdagi barqaror ustunlikni ta'minlovchi samarali tovar va xizmatlar konsepsiyasini ishlab chiqishdan iboratdir.

2. Ikkinchi yo'nalish esa salohiyatli xaridorlarni xabardor qilish va xaridorlarni izlash xarajatlari kamayganda tovarning o'ziga xos sifatlarini namoyish qilish maqsadida savdoni va kommunikatsiyalar siyosatini tashkil qilishdan iborat bo'lib, bu **operatsion marketing** vazifasini tashkil etadi.

Bu ikki yondashuv bir-birini to'ldiradi va firmaning marketing siyosati doirasida o'zining muayyan ifodasini topadi. Bu o'rinda **J.J. Lamben** marketingga quyidagicha ta'rif beradi:


“Marketing kishilar va tashkilotlarning ehtiyojlari va istak - xohishlarini xaridor uchun qiymatli bo'lgan tovarlar va xizmatlarni erkin raqobatli ayirboshlash bilan qondirishga qaratilgan ijtimoiy jarayondir”.

Bu ta'rifda uch asosiy tushuncha ehtiyoj, tovar va ayirboshlash mavjud. Ehtiyoj tushunchasi xaridorning xulq-atvori va uni bir tovar yoki xizmatni sotib olishga undagan sababni ifodalaydi; tovar konsepsiyasi harakat usullari, ishlab chiqarish va ishlab chiqaruvchilarning tashkiloti bilan bog'liq; ayirboshlash e'tiborni bozorga hamda talab va taklifning o'zaro ta'sirlashuvini ta'minlovchi mexanizmlarga jalb etadi.

1.2. Kompaniyada marketingning roli


“Marketing” atamasi tom ma'noda bozor sari harakatlanish jarayoni ma'nosini anglatadi, bu atama jarayonning ichki ikkiyoqlamalik xossasini to'la ochib bera olmaydi va marketingning “tahliliy” jihatiga nisbatan uning “faolroq” tomoniga ko'ra ko'proq urg'u beradi. Bu ikkiyoqlamalikni xarakterlash uchun “strategik” va “operatsion” marketing atamalaridan foydalaniladi.

Operatsion marketing qisqa muddatga mo'ljallangan rejalashtirishning mavjud bozorlarga qaratilgan faol jarayonidir. Bu tovar, sotish, narx va kommunikatsiyalarga oid taktik vositalardan foydalanish yo'li bilan kerakli savdo hajmiga erishishning klassik tijorat jarayonidir.



1.1-rasm. Marketingning ikki qiyofasi.

Marketingning firmaning iqtisodiy operatsiyalarida o'ynaydigan roli 1.2-rasmda ko'rsatilgan. Bu yerda boshqaruvning to'rt asosiy vazifasi (tadqiqot va ishlab chiqish, ishlab chiqarish, marketing va moliya) o'rtasidagi asosiy moliyaviy aloqalar keltirilgan.



1.2-rasm. Marketingning firma operatsiyalaridagi roli.

Operatsion marketingning asosiy maqsadi sotishdan daromadlar hosil qilish, ya'ni maqsadli aylanmalardir. Bu sotishning eng samarali usullaridan foydalangan holda xarid uchun buyurtmalarni "sotish" hamda qabul qilish va ayni paytda xarajatlarni kamaytirishni anglatadi. Ma'um darajadagi savdo hajmiga erishishdan iborat maqsad operatsiyalar bo'limi uchun ishlab chiqarish dasturiga va savdo bo'limi uchun tovarlarni saqlash va bevosita o'tkazish dasturiga aylanib ketadi. Bundan kelib chiqadiki, operatsion marketing firmaning qisqa muddatli rentabelligiga bevosita ta'sir ko'rsatuvchi hal qiluvchi elementdir.

Operatsion marketingning faolligi firma faoliyatidagi, ayniqsa raqobat kuchaygan bozordagi hal qiluvchi omildir. Har qanday tovar, hatto uning sifati eng yuqori bo'lsa ham, bozor uchun maqbul narxga ega bo'lishi, sotish tarmog'i ko'taradigan, mo'ljaldagi iste'molchilarning odatlariga moslashgan bo'lishi kerak, hamda tovarning bozordagi yaxshi ketishini ta'minlovchi va uning o'ziga xos xususiyatlarini ta'kidlovchi kommunikatsiya yordamiga ega bo'lishi lozim. Bozorda talab taklifdan ko'p bo'lgan, firma xaridorlarga yaxshi tanish bo'lgan va raqobat bo'lmagan holatlar kam uchraydi.

Operatsion marketing marketingning eng ko'zga ko'rinarli jihatidir, bunga asosiy sabab shuki, reklama va tovarlarni siljitish faoliyatining roli g'oyatda muhimdir. Ba'zi firmalar, masalan, sanoat tovarlari ishlab chiqaruvchilarning ko'pchiligi esa aksincha, marketingni reklama bilan uzviy bog'liq deb tushunib, uzoq vaqtgacha marketing bizning biznesga to'g'ri kelmaydi, deb hisoblab keldilar. Demak, marketing firmaning tijorat dastagi bo'lib, hatto eng yaxshi strategik reja ham yaxshi natijalarga olib kela olmaydi. Ammo ko'rinib turibdiki, yetarlicha katta strategik bazasiz mutlaqo rentabelli operatsion marketing ham bo'lishi mumkin emas. Fikrsiz dinamizm - asossiz tavakkal, xolos. Operatsion marketing rejasi har qancha kuchli bo'lmasin, u ehtiyoj yo'q bo'lgan joyda talabni yuzaga keltira olmaydi va yo'qolib ketishi muqarrar bo'lgan faoliyat yo'nalishini saqlab qola olmaydi. Binobarin, rentabellikni ta'minlash uchun operatsion marketing strategik fikrlashga asoslangan bo'lishi kerak, u esa o'z navbatida, bozordagi ehtiyoj va uning kutilayotgan evolutsiyasiga tayanadi.

Strategik marketing, avvalo, jismoniy shaxslar va tashkilotlar ehtiyojlarining tahlilidir. Marketing nuqtai nazaridan xaridor tovarning o'ziga emas, balki shu tovar yordamida yechiladigan **muammoning hal qilinishiga** muhtojdir. Yechimga turli texnologiyalar yordamida erishiladi, texnologiyalarning o'zi esa tinimsiz o'zgarib turadi. Strategik marketingning roli - berilgan bozorning evolutsiyasini kuzatib borish va qondirishga muhtoj ehtiyojlarni tahlil qilish asosida turli mavjud yoki kutilayotgan bozorlarni yoki ularning segmentlarini aniqlashdan iborat.

Aniqlangan tovar bozorlari iqtisodiy imkoniyatlarni ifodalaydi, endi ularning jalb etuvchanligini baholash kerak. Tovarni bozorining jalb etuvchanligi miqdoriy jihatdan *bozor salohiyati* tushunchasi bilan o'lchanadi, dinamik jihatdan esa o'zining mavjud bo'lish muddati bilan yoki *hayot davri* bilan xarakterlanadi. Muayyan firma uchun tovar bozorining jalb etuvchanligi uning raqobatbardoshligiga, boshqacha qilib aytganda, xaridorlarning ehtiyojlarini raqiblariga nisbatan yaxshiroq qondira olish qobiliyatiga bog'liq. Firmaning *raqobatbardoshligi* uning raqobatli ustunlikka ega bo'lishi yoki uning raqiblaridan ajralib turuvchi sifatlari tufayli yoxud xarajatlar bo'yicha afzallik beruvchi yuqori ishlab chiqarish samaradorligi tufayli mavjud bo'ladi.

1.2.-rasmda strategik marketingning firmaning boshqa asosiy vazifalariga nisbatan olingan turli bosqichlari ko'rsatilgan. Tovarni bozorning o'z-o'ziga "tortayotganligi" yoki tovarning bozorga texnologik jihatdan "kiritilyotganligidan" qat'iy nazar, tovar o'zining iqtisodiy va tijorat ahamiyatini baholash maqsadida strategik marketing nazoratidan o'tishi kerak. Tadqiqotlar va ishlanmalar xizmatlari (IITTI), ishlab chiqarish va strategik marketing o'rtasidagi muvofiqlik bu o'rinda

muhim ahamiyat kasb etadi. Tovar uchun bozor tanlash shu muvofqlikning natijasi bo'lib, ishlab chiqarish quvvatlarini belgilash va investitsion qarorlar qilish uchun zamin yaratadi va binobarin, firmaning butun moliyaviy tuzilmasining muvozanatda bo'lishini ta'minlashda g'oyatda muhimdir.

Shunday qilib, strategik marketingning roli firmani manfaatli iqtisodiy imkoniyatlarga yo'naltirish, ya'ni uning "nou-xau" va resurslariga mos keladigan, uning o'sish va rentabellik salohiyatini ta'minlovchi imkoniyatlarga yo'naltirishdan iborat. Strategik marketing jarayoni o'rta va uzoq muddatli istiqbollarga egadir. Uning vazifasi firmaning missiyasini aniqlash, maqsadlarni belgilash, o'sish strategiyasini ishlab chiqish va tovar portfelining muvozanatlangan tuzilmasini ta'minlashdan iborat.

Tovarni siljitishga sarflangan marketing xarajatlarini ayirib tashlagandan keyin hosil bo'ladi. Ushbu daromad firma uchun tovar bozoriga kiritgan hissa hisoblanadi.

Integratsiyalangan marketing jarayoni. Anglab olish va strategik rejalashtirish bo'yicha ko'rsatib o'tilgan ishlar operatsion rejalashtirishdan anchagina farq qiladi va ishtirokchilardan boshqacha qobiliyatlarni talab qiladi. Shunga qaramay, bu ikki vazifa ma'lum ma'noda bir-birini to'ldiradi, ya'ni strategik rejaning tuzilmasi operatsion marketing bilan chambarchas bog'liq bo'lishi lozim. Operatsion marketing narx, sotish tizimi, reklama va tovarni siljitish kabi vositalariga alohida e'tibor beradi, strategik marketing esa firma raqobatli ustunlikka ega bo'lgan tovar bozorlarini tanlash va maqsadli bozorlarning har biridagi umumiy ehtiyoj istiqbollariga qaratilgan. Operatsion marketing bu mo'ljallardan kelib chiqqan holda bozor ulushini egallab olish maqsadlari hamda bunga erishish uchun zarur bo'lgan marketing budjetini belgilaydi.

Bozor ulushini egallash maqsadini har bir tovar bozori bo'yicha umumiy ehtiyoj istiqbollari bilan taqqoslash tanlangan narx siyosatiga mos ravishda sotish hajmi va aylanmasi bo'yicha topshiriqlarni ishlab chiqishga imkon beradi. Kutilayotgan daromad bevosita ishlab chiqarish xarajatlari, ehtimoliy doimiy tarkibiy xarajatlar, marketing budjeti imkon bergan miqdordagi savdo xodimlari, reklama va u qo'shimcha chiqimlarni qoplashi va sof foyda kelishini ta'minlashi kerak.

1.3. Bozor iqtisodiyoti sharoitida marketingning roli

Bozor iqtisodiyoti sharoitida marketing vazifasi tovar va xizmatlarga talab va taklifning samarali mutanosibligini ta'minlash maqsadida erkin va raqobatli ayirboshlashni tashkil qilishdan iborat. Bu mutanosiblik o'z-o'zidan vujudga kelmaydi va quyidagilarni talab etadi:

- moddiy ayirboshlash yoki boshqacha aytganda, tovarlarning ishlab chiqarish va iste'molchi o'rtasidagi jismoniy harakatni tashkil qilish;

kommunikatsiyalarni tashkil qilish, ya'ni talab va taklifning samarali mutanosibligini ta'minlash maqsadida ayirboshlashdan avval yuz beruvchi, ayirboshlash bilan bir paytda yuz beruvchi va unga ergashuvchi axborot oqimini tashkil qilish.

Shunday qilib, marketingning jamiyatdagi roli sotuvchilar bilan xaridorlar o'rtasida ayirboshlash va kommunikatsiyani tashkil qilishdan iborat. Mazkur ta'rifda ayirboshlash jarayonining maqsadidan qat'iy nazar marketingning vazifa va

vazifalariga alohida e'tibor beriladi. Bunday ifodalangan ta'rif tijorat faoliyatiga ham, notijorat faoliyatiga ham to'g'ri kelishi mumkin.


Ayirboshlash jarayonini tashkil qilish. Tovar va xizmatlar ayirboshlashini tashkil qilish, sotish jarayonining vazifasi bo'lib, uning vazifasi tovarlarning ishlab chiqarish holatidan iste'mol uchun tayyor holatgacha keltirishdan iborat.

Sotish jarayoni vazifalari tarixda asosan xaridlar bo'yicha agentlar, ulgurji savdogarlar, chakana sotuvchilar va sanoat savdosi xodimlari kabi mustaqil vositachilar tomonidan, ya'ni sotish sektori nom toifa tomonidan amalga oshirib kelingan. Sotish jarayonining ba'zi vazifalari ishlab chiqarish tomonidan (bevosita marketing), iste'mol tomonidan (iste'molchilarning birlashuvi) va sotish jarayoni tomonidan (supermarketlar, do'konlar tarmog'i va boshqalar) birlashtirilishi mumkin.

So'ngra ishlab chiqarish va sotish jarayonlarining turli bosqichlarida ishtirok etuvchi mustaqil firmalarni birlashtiruvchi vertikal marketing tizimlari ishlab chiqildi. Bu ularning tijorat faoliyatini muvofiqlashtirish, operatsion xarajatlarda iqtisodga erishish va shu yo'l bilan ularning bozorga ko'rsatuvchi ta'sirini oshirish maqsadida amalga oshirildi. Bunga chakana sotuvchilarning ko'ngilli birlashmalari va franshiza tashkilotlari misol bo'la oladi. Ko'plab sektorlarda marketing tizimlari g'oyatda tarqoq bo'lgan an'anaviy sotuv kanallarining o'rmini egallamoqda. Ular sotuv sektoridagi eng katta siljish bo'lib, sotuvning turli ko'rinishlari o'rtasidagi raqobatning keskinlashuviga sabab bo'ladi hamda uning samaradorligini sezilarli darajada oshiradi.

Sotish tufayli qo'shilgan qiymat sotuv ustama narxi yoradmiida o'lchanadi, bu narx ishlab chiqaruvchiga birinchi xaridor to'lagan narx bilan pirovard iste'molchi yoki tovardan foydalanuvchi to'lagan narx o'rtasidagi farqdan iboratdir. Shuning uchun sotishdagi ustama narx yoki bir necha vositachi qo'ygan, masalan, ulgurji va chakana savdodagi sotuvchilar qo'ygan narxlarni o'z ichiga olishi mumkin. Shunday qilib, sotishdagi ustama narx vositachilar amalga oshiradigan vazifalar bajarilishining o'rmini qoplaydi. Sotish xarajatlari bozorning barcha sektorlarida xariddan to'planadigan narxning katta qismini tashkil etadi. Masalan, iste'mol tovarlari sektorlarida sotish jarayoni tomonidan hal qilinadigan jami vazifalar ko'lamini o'z ichiga olgan ayirboshlash narxi chakana narxning 40 %ini tashkil etadi, deb hisoblanadi.

Kommunikatsiya oqimlarini tashkil qilish. Talab va taklif o'rtasidagi samarali muvozanatni ta'minlash uchun jismoniy ayirboshlash shartlarini bajarishning o'zi kamlik qiladi. Tovar ayirboshlash jarayoni amalga oshishi uchun salohiyatli xaridorlar tovarlarning mavjudligi haqida, ya'ni o'z ehtiyojlarini qondiruvchi xususiyatlarning muqobil shakllari mavjudligidan xabardor bo'lishlari kerak.



1.3-rasm. Bozor iqtisodiyoti sharoitida marketingning roli.

Mavjud bozorda turli kommunikatsiya oqimlarining yetti turini 1.4-rasmda ko'rsatib o'tish mumkin.

1. Ishlab chiqaruvchi investitsiyalarni amalga oshirishdan avval xaridorlarning ehtiyoj va istaklarini aniqlash maqsadida axborot to'playdi. Bozorni tadqiq qilish va strategik marketingning roli ham shundan iboratdir.

2. Xuddi shu yo'l bilan salohiyatli xaridor yetkazib beruvchilar taklif qilayotgan imkoniyatlarni o'rganib chiqish va sotishga oid takliflarni tahlil qilishga turtki bo'ladi.

3. Ishlab chiqarish amalga oshirilgandan so'ng, ishlab chiqaruvchining kommunikatsion dasturi sotishga yo'naltirilgan bo'ladi va uning maqsadi tovarning bozor tomonidan qabul qilinishidan hamda sotish joyi, tovarlarni siljitish va narxlar masalasida sotish tizimi bilan kooperatsiyalanishdan iborat bo'ladi.

4. Ishlab chiqaruvchi pirovard xaridorni markaning o'ziga xos tavsiflari mavjudligidan xabardor qilish maqsadida tovarni siljitish faoliyatini reklama va o'z savdo xodimlari yordamida amalga oshiriladi.

5. Sotish tizimi yordamida amalga oshiriladigan va pirovard xaridorga yo'naltirilgan siljitish va kommunikatsiya faoliyatining maqsadi markaga sodiqlikni ta'minlash, tovar harakatini amalga oshirish, yangi paydo bo'lgan savdo markalarini qo'llab-quvvatlash, savdo-sotiq shartlari va hokazolar haqida axborot berishdan iborat.

6. Tovar foydalanilgandan yoki iste'mol qilingandan so'ng iste'molchilarning qoniqish hosil qilgan yoki qilmaganligini tekshirish ishlab chiqaruvchiga taklifni ularga moslashtirish imkonini beradi.

7. Tovarlar foydalanilgandan yoki iste'mol qilingandan so'ng arizalar yoki

baholar yakka va uyushgan (konsyumerizm) xaridorlar tomonidan o'z-o'zidan tarqatiladi.

Kichik bozorlarda ayriboshlash jarayoni ishtirokchilari o'rtasidagi kommunikatsiya o'z-o'zidan sodir bo'ladi. Katta bozorlarda esa ishtirokchilar o'rtasida jismoniy va ruqiy masofa katta bo'lib, bunday sharoitda kommunikatsiyani maxsus tashkil qilish zarur.

Marketing, ayniqsa, strategik marketing xo'jalikning bozor tizimida muhim iqtisodiy rol o'ynashi lozim. Bunga sabab nafaqat strategik marketingning talab va taklifni samarali birlashtirishi, balki iqtisodiy taraqqiyotning quyidagi bosqichlardan iborat davrini ishga tushirishdir:

- strategik marketing qondirilmagan ehtiyojlarni topadi va ularga moslashtirilgan tovarlarni ishlab chiqadi;

- operatsion marketing esa bu yangi tovarlarga talabning kuchayishiga olib keladigan ishlar rejasini amalga oshiradi;

o'sib borayotgan talab xarajatlarning kamayishi va natijada narxlarning pasayishiga olib keladi, shu tufayli bozorga xaridorlarning yangi guruhlarini jalb etiladi;

bozorning bunday kengayishi yangi investitsiyalarni jalb etadi, bu investitsiyalar esa ko'lam hisobiga tejash va takomillashtirish yoki yangi tovarlarni ishlab chiqish imkonini beradi.

1.4. Marketingning ustuvor ahamiyati o'zgarishi

Bozor iqtisodiyoti sharoitlarida kommunikatsiya va ayriboshlashni amalga oshirish nuqtai nazaridan hozirda kuzatilayotgan yuksalishga qaramay, marketing faoliyatining yangi turi emasligi shubhasizdir, chunki u har doim ham mavjud bo'lib kelgan va erkin ayriboshlashga asoslangan har qanday tuzimda ham biror-bir tarzda ko'rib chiqilgan vazifalarni o'z ichiga oladi.

Firmaning marketing vazifasini barpo etish, so'ngra uni kuchaytirish zaruratining yuzaga kelishiga texnologik, iqtisodiy va raqobat muhitlarining murakkabligi sabab bo'ldi. Marketingning bugungi kundagi ahamiyatini yaxshiroq anglab olish uchun ushbu evolutsiyaning tarixini ko'rib chiqish qiziqarlidir. Bu yerda uch bosqichni ajratib olish mumkin, ularning har biri marketingning ustuvor maqsadi bilan xarakterlanadi: passiv marketing; tashkiliy marketing; faol marketing.

Passiv marketing cheklangan taklif sharoitida yirik salohiyatli bozor mavjud bo'lgan, ishlab chiqarish quvvatlari bozor ehtiyojlarini qondirish uchun yetarli bo'lmagan iqtisodiy muhitga xosdir. Shunday qilib, talab taklifdan ko'p. Passiv marketing mazkur bozordagi ehtiyojlarning ma'lum va barqaror bo'lishini, texnologik jarayonning esa sekinlik bilan borayotganligini ko'zda tutadi.

Ko'rinib turibdiki, taklif yetarli bo'lmagan hollarda marketing cheklangan va passiv ahamiyatga ega. Strategik marketing tabiiy tarzda faoliyat yuritadi, chunki ehtiyojlar ma'lum. Operatsion marketing tayyor tovarlar oqimini tashkil qilishdan iborat bo'ladi, ularni ilgari surish borasidagi faoliyat esa ortiqcha hisoblanadi, chunki firma bozorni etarlicha ta'minlay olmaydi. Bozor bilan muloqotlar ko'pincha tovarning birinchi xaridori bilan cheklanadi, bu birinchi xaridor ko'pincha vositachi, ulgurji savdogar yoki sanoat tovarlarining distribyuteri bo'ladi.

Shu sababdan pirovard talab bilan o'zaro ta'sirlashuv unchalik katta bo'lmaydi, bozor tadqiqotlari esa tez-tez o'tkazib turilmaydi. Bunday ahvol firmaning tashkil qilinishida ham aks etadi, firmada operatsion vazifa ustunlik qiladi, ishlab chiqarish quvvatlarining rivojlanishi va unumdorlikning oshirilishi esa asosiy ustuvor yo'nalishlar bo'ladi. Marketing ishlab chiqarilgan tovarning sotilishiga xizmat qiladi.

"Tovar konsepsiyasi"ni qabul qilgan firmaning tarkibiy tuzilishi quyidagi xususiyatlar bilan xarakterlanadi:

- funksional muvozanatsizlik: marketing tashkiliy tizimida operatsiyalar, moliya va kadrlar kabi boshqa vazifalar kabi ierarxik darajani egallamaydi;

- marketingning birinchi darajasi tijorat xizmati bo'lib, bu xizmat savdo-sotiqni boshqarishga javob beradi va sotish tarmoqida faqat pirovard iste'molchi bilan emas, balki birinchi xaridor bilan o'zaro ta'sirlashadi;

- tovar bo'yicha qarorlar ishlab chiqarish xizmati tomonidan qabul qilinadi, narxning shakllanishi va tovarni sotish istiqbollarini belgilashga esa moliya bo'limi javob beradi. Bu yerda marketing vositalari nuqtai nazaridan javobgarlikning tarqalib ketishi kuzatiladi.

Bunday fikrlash talabning taklifdan ustunligi bilan xarakterlanadigan, xaridorlar o'zlari topa olgan har qanday tovarni sotib olishga tayyor bo'lgan muhit uchun xosdir. Aslida bunday bozor sharoitlari favqulodda vaziyatlarda mavjud bo'ladi va shunday vaziyat hukm sursa ham, vaqtincha davom etadi. Tovar konsepsiyasining xavfliligi shundan iboratki, u firmaning uzoqni ko'ra olmasligiga sabab bo'ladi va faol xatti-harakatlar, ya'ni muhitga o'zgarishlar yuz berishini kutish va ularga yarasha tayyorgarlik ko'rishni ko'zda tutuvchi xatti-harakatlarga undamaydi.

Passiv marketing bugungi kunda sanoati rivojlangan mamlakatlardagi ko'pchilik firmalarga xos muhitga to'g'ri kelmay qoldi. Shunga qaramay, tovar konsepsiyasi asosan sanoat firmalari yoki sug'urta kompaniyalari kabi moliyaviy institutlarda saqlanib kelmoqda. Ko'plab bankrotlik hollarining asosiy sababi bozorga yo'naltirishning yo'qligidir.

So'nggi paytlargacha tovar konsepsiyasi rivojlanayotgan mamlakatlarda ustunlik qilib keldi. Ammo marketing bu mamlakatlarda ham faol ahamiyat kasb etishi va iqtisodiy taraqqiyotga o'z hissasini qo'shishi mumkin, ammo buning uchun uning usullari bu yerdagi rivojlangan mamlakatlardagidan mutlaqo farq qiluvchi vaziyatlarga moslashgan bo'lishi shart.

Tashkiliy marketing sotish konsepsiyasiga e'tiborni jalb etadi. Bu davrda talab tez o'sdi, ishlab chiqarish quvvatlari yetarli bo'ldi, sotish tizimi esa ko'pincha samarasiz va unumsiz edi.

Marketing boshqaruviga yangi yondashuvning bo'lishiga iqtisodiyotdagi quyidagi o'zgarishlar sabab bo'ldi:

- ommaviy sotuv talablariga moslashmagan odatdagi sotish tarmoqlarida unumdorlikning yuksalishiga imkon bergan yangi sotuv shakllarining, asosan o'z-o'ziga xizmat ko'rsatish shakllari paydo bo'lishi;

- bozorlar hududining kengayishi va natijada ishlab chiqaruvchi va iste'molchi o'rtasidagi jismoniy va ruhiy ajralish, bu esa o'z navbatida kommunikatsiyaning bevosita sotuvlar va ayniqsa ommaviy axborot vositalaridagi reklama kabi

ko'rinishlariga o'tish zaruratini yuzaga keltirdi;

- tovar markalari sohasidagi siyosatning rivojlantirilishi, bu siyosat savdoda o'z-o'ziga xizmat ko'rsatish talablaridan kelib chiqqan va firmalar tomonidan pirovard talabni boshqarish usuli sifatida foydalanilgan.

Marketingning bu bosqichidagi ustuvor maqsadi samarali tijorat tashkilotini barpo etishdir. Marketingning ahamiyati tobora kamayib bormoqda. Endilikdagi vazifa tayyorlangan tovarlar uchun bozorlarni topish va tashkil qilishdan iborat bo'lmoqda. Ko'pchilik firmalar bu bosqichda tovarning asosiy yadrosini tashkil qiluvchi ehtiyojlarga va ko'pchilik xaridorlarning ehtiyojlarini qondirishga ixtisoslashadi. Shuning uchun bozorlar yaxshi segmentlanmagan, tovar siyosatiga oid strategik qarorlar qabul qilish esa ishlab chiqarish bo'limining vakolatiga kiradi. Marketingning asosiy vazifasi esa tovarlarning samarali sotilishini tashkil qilish va tijoratlashtirish jarayoni tushunchasiga to'g'ri keladigan barcha vazifalarni bajarishdan iborat.

Tashkiliy tizimga kelsak, ustuvor yo'nalishlarning bunday o'zgarishi sotish bo'yicha direksiya yoki tijorat direksiyasining paydo bo'lishiga olib keladi va vazifalarning qayta taqsimlanishi kuzatiladi. Sotuvlar bo'yicha direksiyaning vazifasi savdo tarmoqini shakllantirish, jismoniy sotish, reklama va o'tkazuvni tashkil etishdir. Bu direksiya, shuningdek bozorni tadqiq qilish dasturlari bilan shug'ullanadi, bu dasturlar, masalan, xaridorlarning odatlarini, reklamani samardorligini, savdo markalari va o'ramlari sohasidagi siyosatning ta'siri va boshqalarni tahlil qilishda tobora kattaroq ahamiyat kasb eta boshlamoqda.

Faol marketing bosqichida strategik marketing rivojlanadi va uning roli kuchayib boradi. Bu rivojlanishning zamirida uchta omil yotadi:

- texnologik taraqqiyot tarqalish tezligining ortishi;
- bozorlarning yetukligi va asosiy bozor ehtiyojlarining progressiv to'yinishi;
- xalqaro savdo yo'lidagi to'siqlarning birin-ketin bekor qilinishi oqibatida bozorlarning yanada baynalminallashuvi.

O'zgarishlarning uchta omilini ko'rib chiqamiz. Texnologik taraqqiyotga kelsak, bu davmi ixtirolar davridan ko'ra innovatsiyalar davri deyish to'g'riroq bo'ladi. Innovatsiya bilan ixtiro o'rtasidagi farqni ajratib olish muhim. Ixtiro - innovatsiyaning zamirida yotuvchi ijodiy ish. Innovatsiya esa konsepsiya, kashfiyot yoki ixtironing ijodiy va muvaffaqiyatli ro'yobga chiqarilishidir. Innovatsiya oddiy omadning kelishi emas, balki o'zgarishlar yashashga kuchli istakning natijasidir. Texnologik taraqqiyotning tarqalishi ilmiy tadqiqotlarning tezlashishi, kengayishi va tizimli yondashuv natijasidir.


Texnologik taraqqiyotning tezlashishi deganda innovatsiyalarning tobora tezlashib borayotganligi hamda ishlab chiqishdan tijorat asosida keng miqyosda amalga oshirishgacha bo'lgan muddatlarning qisqarishini tushunamiz. Bunday rivojlanish tovarlar texnologik hayot davrining qisqarishi hamda buning natijasida IITTI xarajatlarini qoplashga sarflanadigan vaqtning qisqarishini ko'zda tutadi.

Texnologik innovatsiya endi tasodifan yuz beradigan ixtirolarga bog'liq emas. Endilikda u ma'lum bir nazariy tasavvurlar tomonidan yo'naltirilgan rejalashtirilgan va muvofiqlashtirilgan tadqiqotlar natijasidir. Tovar va xizmatlarni ishlab chiqarishda bevosita qo'llanilishi mumkin bo'lgan nazariy vositalarni ishlab chiqish (bu faqat

fundamental tadqiqotlarga xos edi) hamda usullarni ro'yobga chiqarishda izchillik mavjud. Tadqiqotlarning o'zi esa sinalgan usullarga asosan rejalashtiriladi va avvaldan ilgari surilgan maqsadlarga mos keladi.

Texnologik rivojlanish bevosita tovar siyosatiga ta'sir ko'rsatadi va firmaning tovarlar portfelining tizimini avvalgidan ko'ra tezroq o'zgartirib turishga undaydi. Texnologik muhitga bog'liqlikning kuchayganligi bozorni tahlil qilish va muhitni kuzatib borishning ahamiyatini oshirishni taqozo etadi.

Bozor tomonidan boshqariladigan tashkilot. Ko'rib chiqilgan uchta o'zgarishlar guruhlari firmada strategik marketingning ahamiyati kuchayishini ko'zda tutadi. Firmaning "faol marketing"ga qaratilgan tashkiliy tuzilishiga kelsak, bu yerda katta o'zgarishlar tovarga oid qararlarga taalluqli bo'ladi. Bu qarorlar tadqiqot va ishlab chiqarish bo'linmalari bilan yaqin hamkorlikdagi marketing bo'limining vakolatiga ega bo'ladi. Bu esa strategik marketing amaldagi tovar sohasidagi siyosatni belgilashi va tovarlarning iqtisodiy layoqati masalasini hal etishini anglatadi. Yangi tovarlar g'oyasi istalgan joydan - ishlab chiqarish, IITTI va boshqa manbalardan kelib chiqishi mumkin, biroq odatda u 1.4-rasmda ko'rsatilganidek qabul qilinib, ishlab chiqishga o'tkazilishdan avval strategik marketing nazoratidan o'tishi kerak.




1.4-rasm. Marketing - IITTI - ishlab chiqarish zanjiri.

Marketing konsepsiyasiga rioya etadigan firmalarda marketing direksiyasi mavjud bo'lib, uning vazifalari strategik va operatsion marketing, shu jumladan bozorlarni tanlash kabi vazifalarni hal qilishni o'z ichiga oladi.

Tez o'zgaruvchan bozor sharoitida uzoq muddatli marketingli qarorlar qabul qilish yetakchi o'ringa kiradi. Bu marketing xarajatlari kapital xarajat sifatida va uzoq muddatda o'z samarasini berayotgan vaqtda bozorga yondashuv global yondashuv zaruratidan kelib chiqadi.

Eng muhimi, korxonaga maqsadli bozorning vujudga kelgan tarkibi sharoitida korxonaga va iste'molchi uchun sotishdan keyingi xizmat ko'rsatish xarajatlarning bir texnologiyasini ishlab chiqarishdir. Iste'molchi mahsulotni sotib olish va foydalanishda to'liq xarajatlarni qiymatini bilishi zarur bo'lsa, korxonaga uzoq muddatga mo'ljallangan marketing xarajatini to'liq o'z-o'zini qoplashini bilishi zarur (1.5-rasmga qarang).



1.5-rasm. Korxonada faoliyatida qaror qabul qilish sohalari.

Marketing strategiyasini tashkil qiluvchi qaror qabul qilishning maqsadi - iste'mol talabiga ta'sir etishdir. Uning vositalari esa tovarning sifati va assortimenti, baholar, ustama va shegirmalar, xizmatlar tiplamlari yetkazib berish tizimi va boshqalardir.

Yangi tovarlar ishlab chiqarishga qo'yiladigan asosiy talablardan biri, ularni ekologiya, atrof-muhit va inson salomatligiga ziyon yetkazmasligini bilishidir. Bunday tovarlar ishlab chiqarish yuzasidan jahonda marketing tadqiqotlari olib boriladi. Rivojlangan mamlakatlarda bu tadqiqotlar katta kompaniyalar, korporatsiyalar va firmalar xomiyligida o'tkaziladi va ularning natijalari korxonalar tomonidan qo'llaniladi. Ilmiy izlanishlar ham katta mehnat unumdorligini oshirishga xizmat qilsa, jamiyat va alohida iste'molchilarning talablariga har tomonlama javob beruvchi tovarlar miqdori va sifatini oshiradi.

Marketing ham bozor iqtisodiyoti kabi har bir aniq sharoit, har bir firma, har bir mahsulot turi yoki xizmat sohasiga alohida yondashuv va ijodiy izlanishni talab etadi.

Mamlakatimizda vujudga kelgan iqtisodiy, ma'naviy, ekologik vaziyatni hisobga oladigan bo'lsak, yurtimiz kelajakda farovon, xalqimiz tinch va sog'lom bo'lishini istasak, har qanday darajadagi marketing faoliyati faqat foyda va talabni qondirish emas, balki uchinchi unsur inson, jamiyat va tabiatning sog'lig'ini ham hisobga olish shart. Shunday ekan, ijtimoiy-axloqiy marketingni shakllantirishni

tezlashtirish, bozor iqtisodiyotiga o'ta borgan sari uni yuksakroq pog'onaga ko'tarib borish mamlakatimizning hozirgi va kelajagi uchun obyektiv zaruratdir.

Nazorat va muhokama uchun savollar

1. Marketingni rivojlanayotgan mamlakatlarda ham qo'llash mumkinmi?
2. Moliyaviy va kadrlar resurslari cheklangan kichik firmada strategik marketingni qanday amalga oshirish mumkin?
3. Firma va kompaniyalarda strategik va operatsion marketingning qo'llanilish farqini tushuntirib bering.
4. Marketingning turlarini aytib bering.
5. Passiv marketing, faol marketing va tashkiliy marketinglarning farqini ayting.
6. Bozor iqtisodiyoti sharoitida korxonada marketingning ahamiyati nimalardan iborat?
7. Marketingni rejalashtirish jarayoni qanday amalga oshiriladi?
8. Strategik marketing deganda nimani tushunasiz?
9. Korxonada faoliyatida qaror qabul qilish jarayoni qanday amalga oshiriladi?

Asosiy adabiyotlar

1. 2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. //Xalq so'zi, 2011-yil 20-yanvar, № 14 (5434).
2. Ergashxodjaeva Sh.J. va boshq. Marketing. Darslik. - T.: TDIU, 2011.
3. Кривин, Дэвид, В. Стратегический маркетинг, 6-е изд. – М.: Вильямс, 2008.
4. Розова Н.К. Маркетинг. – СПб.: Питер, 2008.
5. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с.127-138
6. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.

Qo'shimcha adabiyotlar

7. Soliyev A., Buzrukhonov S. Marketing, Bozorshunoslik. Darslik. – T.: Iqtisod-Moliya, 2010. – 424 b.
8. Соловьев Б.А., Мешков А.А., Мусатов Б.В. Маркетинг. Учебник. – М.: ИНФРА-М, 2010. – 336 с.
9. www.4p.com.ua/books/4.html
10. www.marketologi.ru/docs/teaching.html

2-bob. MARKETING VA EHTIYOJNING QONDIRILISHI

2.1. Inson ehtiyojlari


Ehtiyoj tushunchasi shunday atamaki, uning ustida tinimsiz bahs boradi, chunki unda ba'zan axloq yoki mafkuraga asoslangan subyektiv fikrlash elementlari mavjuddir. Ehtiyoj biror narsani tanlashdan avval his qilinishi lozim. Buning ma'nosi shuki, mantiqan biror narsani afzal ko'rish samarali tanlash jarayonidan avval yuz beradi. Agar shaxs tafakkur jihatidan yetuk va aqlli bo'lsa, uning xulq-atvorini oldindan aytib berish mumkin bo'ladi, chunki xulq-atvor oqilona hisob-kitobning natijasi hisoblanadi.

Ehtiyoj - individ shaxsining madaniy darajasiga asosan o'ziga xos shaklga kirgan muhtojlikdir. F. Kotler ehtiyojga *"Hayot sharoitlari bilan bog'liq va his qilinadigan qoniqmaslik holati"*, - deb ta'rif bergan edi. Bu mohiyat jihatdan asl ehtiyojga berilgan ta'rifdir. Insonlarning turmush tarzini belgilab beruvchi yo'nalishlarning har biriga mos keluvchi asl ehtiyojni tasavvur qilish mumkin, bunda ushbu yo'nalishlar soni cheklangan. Shuning uchun asl ehtiyojni inson tabiati belgilaydi, binobarin, jamiyat yoki marketing tomonidan vujudga keltirmaydi, u talab yuzaga kelishidan avval ham yashirin yoki ifodalangan holda mavjud bo'ladi.

F. Kotler ehtiyojlar, istaklar va talab o'rtasidagi tafovutlarni o'rnatadi. Istaklar ehtiyojlarni chuqurroq qondirishning maxsus vositalaridir. Asl ehtiyojlar barqaror va kam bo'ladi, istaklar esa ko'p bo'lib, o'zgarib turadi, ularga ijtimoiy kuchlar doim ta'sir qilib turadi. Istaklar sotib olish qobiliyati va xohishi bilan mustahkamlansa, maxsus tovarlarga doimiy talablarga aylanib boradi. Kotlarning fikricha, marketing istak va talablarga ta'sir etishga urinadi hamda tovarning o'ziga jalb etuvchi va arzon bo'lishini ta'minlaydi. Marketing ehtiyojlarni hosil qilmaydi; ehtiyoj marketologlar paydo bo'lishidan avval ham mavjud bo'lgan.

F. Kotler marketing iste'molchining ijtimoiy maqomdagi ehtiyojni muayyan rusumdagi avtomobil qondirishini aytib beradi. U ijtimoiy maqomdagi ehtiyojni hosil qilmaydi, balki uni qondirish vositasini taklif qiladi, - deb ta'kidlagan.

Ehtiyoj, istak va talab ko'pincha o'zaro adashtirib yuboriladi, holbuki bu uch konsepsiya o'rtasida jiddiy farqlar bor. Ammo marketingning ijtimoiy roli haqidagi bahsni yopishga bu tafovutlarning o'zi kamlik qiladi. Ko'rinib turibdiki, ehtiyojlar ilgari mavjud bo'lsa-da, marketing ularga ta'sir ko'rsatishi mumkin. Bundan tashqari, xarid qilish qobiliyati yetarli bo'lmaganligi uchun talabga aylantirib bo'lmaydigan istaklarning hosil bo'lishi iqtisodiyotdagi uzilish va emirilishlarning muhim manbaidir. Marketing aynan shu narsa uchun bevosita javobgar va aynan shu narsa uni qo'llashda cheklolvar qo'yish zarurligini izohlaydi. Ehtiyojlarning bir necha turlarini ko'rsatish mumkin.



2.1-rasm. Ehtiyojlar tasnifi.

Mutlaq va nisbiy ehtiyojlar. Ehtiyoj so'zining lug'aviy ma'nosi tabiiy yoki ijtimoiy hayot taqozosidir. Ta'rifda ikki ehtiyoj ajratib ko'rsatiladi. Dastlabki azaliy ehtiyojlar (tabiiy, tug'ma yoki organizmga xos bo'lgan ehtiyojlar) va orttirilgan, keyin paydo bo'lgan ehtiyojlar (madaniy va ijtimoiy ehtiyojlar) bo'lib, ular tajriba, atrof-muhit va jamiyatning taraqqiyot darajasiga bog'liqdir.

Keynsning mutlaq va nisbiy ehtiyojlar o'rtasidagi farqi ham shunga o'xshab ketadi. Uning fikricha, "mutlaq ehtiyojlarning ma'nosi shuki, biz ularni boshqa kishilar bilan qanday ahvolda ekanligidan qat'iy nazar his etamiz, nisbiy ehtiyojlarning ma'nosi shuki, bunday ehtiyojlar qondirilganda o'zimizning boshqalardan ustundek sezamiz" Mutlaq ehtiyojlarni to'yintirish mumkin, nisbiy ehtiyojlarni esa to'yintirib bo'lmaydi. Nisbiy ehtiyojlarni to'yintirishning mumkin emasligiga sabab shuki, ularning umumiy darajasi yuksalgan sari bu darajadan ham yuqori ko'tarilish istagi kuchayib boraveradi.

Bunday sharoitlarda nisbiy ehtiyojlarni qondirish maqsadidagi ishlab chiqarish ularni rivojlantirish bilan bir xildir. Mana shuning uchun ham tuymush darajasi mutlaq yuksalgan kishilar o'zlarini doim xavf bilan qaragan kishilarning o'zlaridan ko'ra yaxshiroq yashay boshlaganini ko'rsalar, o'zlarini yomon his etadilar, ya'ni Kotta (Cotta) yozganidek, "ba'zilar uchun zeb-ziynat va hasham hisoblangan narsalar birovlar uchun zaruratga aylanadi". Voqelik bilan istak-xohishlar o'rtasidagi masofa qoniqmaslik darajasi kuchaygan sari o'zgarib boradi.

Gelbreytning ta'kidlashicha, ehtiyojlarni to'yintirish mumkin, reklama esa "ilgari mavjud bo'lmagan istaklarni yuzaga keltirish uchun" sun'iy ehtiyojlarning vujudga kelishiga javobgardir. Aslida Gelbreyt o'z tahlilida ehtiyojlar bilan talabni adashtirib yuborgan. Reklama ilgari mavjud bo'lgan va talabga aylana olmagan ehtiyojni aniqlashda yordam berishi mumkin, chunki bu talabga mo'ljallangan tovar hali yo'q edi. Albatta, bir ehtiyoj mavjud bo'lib, uni qondiradigan tovar hali mavjud bo'lmayligi ham mumkin. Reklama ehtiyoj haqida xabar berar ekan, talabni hosil qiladi, ehtiyojlarni esa hosil qilmaydi. Boshqacha qilib aytganda, reklama mavjud

bo'lgan, biroq aniqlanmagan ehtiyojlar uchun talab hosil qilishi mumkin.

Xuddi shu kabi, Gelbreyt foydalangan "sun'iy" ehtiyoj tushunchasi ham ehtiyojlarning chegaraviy foydalilik darajasi haqida fikr yuritishni belgilab beradi. Demak, Gelbreytning tahlillaridan kelib chiqadigan xulosa yangi "sun'iy" ehtiyojlarning chegaraviy foydalilik darajasidir. Masalan, foydalilik kichik miqdorda bo'lsa-da, mavjuddir. Yangi ehtiyojlarning paydo bo'lishini har doim oqlash mumkin.

Mutlaq va nisbiy ehtiyojlar o'rtasidagi farq unchalik aniq emas. Masalan, hayot uchun zarur bo'lgan narsa iste'molning istalgan boshqa turiga nisbatan cheksiz darajada muhimroq, deyish mumkin. Bu fikrda noaniqlik mavjud.

Ijtimoiy-ruhiy ehtiyojlarni ham oddiy ehtiyojlar kabi chuqur his etish mumkin. Masalan, e'tiborsizlik yoki loqaydlik ba'zi hollarda o'limga, ruhiyatning jiddiy buzilishiga yoki ijtimoiy hayotdagi qiyinchiliklarga olib kelishi mumkin.

Mutlaq va nisbiy ehtiyojlar o'rtasidagi farqning yetarlicha aniq emasligiga qaramay, bu tafovutning ikki qiziqarli jihati bor. Bir tomondan, u nisbiy ehtiyojlarning mutlaq ehtiyojlarchalik qat'iy bo'lmasligi mumkinligini ko'rsatadi. Ikkinchi tomondan, u to'yintirishning mumkin emasligini belgilovchi nisbiy ehtiyojlar dialektikasini birinchi o'ringa qo'yadi. Inson o'zi maqsad qilib qo'ygan darajaga yetishgach, kamolotning yangi bosqichini ko'zlay boshlaydi.

Ebbot tug'ma va hosilaviy ehtiyojlar o'rtasiga ajib bir chegara tavsiya etadi. Hosilaviy ehtiyojlar tug'ma ehtiyojlarga nisbatan maxsus texnologik javob (tovar)ni va istak obyektini ifodalaydi. Bir qancha sharoitlarda tovarning iste'moli ma'lum hayotiylik davrida kutilganligi natijasida hosilaviy ehtiyojlar qondirilganligi kuzatiladi. Hosilaviy ehtiyojlarning eng yuksak foydaliligi pasayish yo'nalishiga egadir. Lekin, texnologik taraqqiyot tufayli tug'ma ehtiyojlar qondirilmaydi, yangi takomillashgan tovarlar yuzaga kelishi, shu bilan birga yangi hosilaviy ehtiyojlar paydo bo'lishi sharoitida yanada yuqoriga intiladi. Shunday qilib, tug'ma ehtiyojlarni qondirish uchun tovar ishlab chiqarish hamisha o'z evolutsiyasi bilan rag'batlantirib boriladi. So'ng ehtiyoj bozorga ta'sir qiladi, bu esa o'z navbatida, yangi darajada qondiradigan yangi tovarlarning paydo bo'lishiga olib keladi. Ushbu hosilaviy ehtiyojlar o'z navbatida qondiriladi, so'ng yangi takomillashgan tovarlar vujudga kelishi natijasida o'zgaradi.

Shunday qilib, tug'ma ehtiyojlar va hosilaviy ehtiyojlarning farqi shuni ko'rsatadiki, umumiy to'yinish bo'lmasligiga qaramay, bemaolol xususiy to'yinishga erishish mumkin. Shunday ekan, strategik marketingning muhim roli firmalar ehtiyojlarini qondirishga qaratilgan rivojlanishni rag'batlantirishni tashkil etadi.

2.2. Yakka iste'molchi motivatsiyasi

Iste'molchining xulq-atvorini va motivatsiyaning tuzilishi yanada sinchiklab tahlil qilinsa, iqtisodchilar ham, marketologlar ham, aniqlashga urinayotgan talab va taklif o'rtasidagi aloqani yaxshiroq anglab olish mumkin bo'lar edi. Tajribaviy psixologiyaning bu sohada yutuqlari ko'p narsaga aniqlik kiritmoqda, hamda turli individlarning xulq-atvorini belgilab beruvchi motivatsion yo'nalishlarning doirasini ochib berishga yordam bermoqda.

"Rag 'bat-reaksiya" nazariyasi. Motivatsiyaning markaziy vazifasi

organizmning nima sababdan faol holatga o'tishini tadqiq etishdir. Shunday qilib, motivatsiya energiyaning safarbar qilinishidir. Tajribaviy psixologiya dastlab asosan, ochlik, tashnalik va shu kabi fiziologik, tabiiy ehtiyojlar va urinishlarni o'rganar edi. Biz ko'rib chiqayotgan "rag 'bat (S) - reaksi (R)" (yoki "S-R") nazariyasiga ko'ra, rag 'batga organizm reaksiyasining boshlanishi deb qaraladi. Ammo kuzatishlarimizga ko'ra, organizm muhit ta'siridagi rag'batga har doim ham javob beravermas ekan. Bundan tashqari, ko'pincha muvozanatni buzuvchi va "S-R" nazariyasi bo'yicha izohlash qiyin bo'lgan holatni yuzaga keltiruvchi faoliyat bilan shug'ullanayotgan individlarni uchratish mumkin.

Faollashishi konsepsiyasi. Bugungi kunda motivatsiya nazariyotchilari xulq-atvorni yangichasiga izohlashga urinmoqdalar, chunki neyrofiziologlar miya faoliyati to'g'risidagi bilimlarni ancha kengaytirishga muvaffaq bo'ldilar. Masalan, Xebb reaksiyon qobiliyatga emas, balki asab tizimining tabiiy faoliyatiga asoslangan gipotezani ilgari surdi. Avval mavjud bo'lgan qarashlarga teskari ravishda, faoliyatni ta'minlash uchun miyani tashqaridan qo'zg'atish shart emas. Miya fiziologik jihatdan inert emas, uning tabiiy faoliyati esa o'z-o'zini motivatsiyalash tizimini shakllantiradi, deb ta'kidlanadi.

Rag'batlantirishga bo'lgan ehtiyoj. Bu sohada Berlaynning kattagina tajribaviy bazaga asoslangan asarlari qiziqish uyg'otishi mumkin. Berlaynning ta'kidlashicha, yangilik (ya'ni, qandaydir ajoyib, ilgari bo'lgan yoki bugungi kunda kutilayotganidan farq qiluvchi narsa) e'tiborini tortadi va rag'batlantiruvchi ta'sirga ega bo'ladi.


"Yangilik, ayniqsa u hayron qoldirsa, o'zgartirib yuborsa, noaniqlik, betartibliq, tarqoqlik hamda kutilayotgan bilan yuz berayotgan holat o'rtasida farq hosil qilsa, rag'batlantiradi va quvontiradi".

Yangi hodisaning kutilmaganda sodir bo'lishi dinamik ta'sirga ega bo'ladi va shunga mos xatti-harakatlarga sabab bo'ladi. Ammo, yangi va ajoyib narsaning faqat ma'lum darajagacha jalb etuvchan bo'lishini, shundan so'ng uning yoqimsiz va qo'rqinchli bo'lib qolishini ham aytib o'tish lozim. Jalb etuvchanlik avvaliga kuchayib boradi, so'ngra yangilik darajasiga mos ravishda susayib ketadi. Bu nisbat teskari U-shaklidagi egri chiziq ko'rinishida ifodalanishi mumkin. 2.1-rasmda ko'rsatilgan bu egri chiziq Vundt (Wundt) egri chiziq'i nomi bilan ham mashhurdir. Yetarlicha yangi va ajoyib bo'lmagan narsa zerikarli bo'ladi, haddani tashqari yangi narsa kishini cho'chitadi. Yangilikning o'rtacha darajada bo'lgani ma'quldir.

Tovarlarning qiyosiy tavsiflari tufayli vujudga kelgan rag'batlantirish tovarlar siyosatini ishlab chiqish, segmentlash va pozitsiyalash, kommunikatsiya va ilgari surish kabi katta qismi bu kutilayotgan ehtiyojlarning qondirilishiga qaratilgandir. Yaxshimi, yomonmi, har qalay tovarlar asab tizimiga rag'batlar sifatida ta'sir qiladi va bu o'yinchoqlarning bolalarga ko'rsatadigan ta'sirini eslatadi. Ma'lum bir o'yinchoqlarning yo'qligi bolaning aqliy rivojlanishida turg'unlikka olib keladi. Shunga, o'xshash iste'mol jamiyati beradigan rag'batlardan mahrum bo'lgan katta yoshdagi kishi ham zerikish, diqqinafaslik va yolg'izlikdan iztirob chekadi.

"Ko'pchilik yangi mashina sotib olganda o'zini yoshroq his qiladi va o'z mashinasining eskirishini o'zi yoshiga bog'liqdek his qiladi. Shu tariqa mashina sotib olish jismoniy yangilanish o'rniga ramziy o'lchov kasb etadi" Binobarin, organizm havo va ozuqaga muhtoj bo'lganidek, rag'batlar va turli hissiyotlarning doimiy


oqimiga ham muhtojdir. Insonlar ehtiyojlarga ehtiyoj sezadilar. Bu asosiy motivatsiya tanglikni yumshatish motivatsiyasi bilan bir qatorda inson xulq-atvorining butun rang-barangligini izohlaydi, bu esa iqtisodchilarning qarashlariga kuchli putur yetkazadi. “Yangilikni qidirish” nazariyasi o‘z turmush tarziga o‘zgarish va yangilik olib kirayotgan iste’molchilarning xulq-atvorini izohlaydi.



2.2-rasm. Vundt egri chiziqi.

Iste’molchilar farovonligining deatamaantlari. Tajribaviy psixologiyaning inson motivatsiyasini o‘rganishga qo‘shgan asosiy hisasini sharhlash oxir-oqibatda ehtiyoj tushunchasini yanada kengroq tushunishga olib keladi. Biz iqtisodchilarning qarashlaridan boshladik, ular uchun ehtiyoj asosan xaridorlarning xulq-atvorida aks etuvchi “etishmaslik holati” bo‘lib, bu holat mazkur tanqislik holatining zamirida yotuvchi motivatsiya tabiatini hech qanday izohlamaydi. Motivatsiya nazariyasining yo‘qligi iqtisodchilarni ularning dastlabki taxminlaridek qiymatga ega bo‘lgan va haqiqatda kuzatilayotgan xulq-atvorga jiddiy aloqasi bo‘lmagan me‘yoriy tavsiyalarni ifodalashga olib keladi.


Psixologlarning tadqiqotlari motivatsiyaning umumiy yo‘nalishlarini belgilashga imkon beradi, bu yo‘nalishlar shaxsning umumiy farovonligini izohlashga imkon beruvchi omillar bo‘lib, ular xulq-atvorlarning butun boshli yig‘indisini izohlay oladi. Bu deatamaantlarni uch guruhga bo‘lish mumkin: komfort, lazzatlanish va rag‘batlantirish. 2.3-rasmda bir tomondan uch deatamaantlar o‘rtasidagi munosabatlarning diagrammalari, ikkinchi tomonlan ularning shaxs farovonligiga bog‘liqligi grafigi tasvirlangan.



2.3-rasm. Farovonlik deatamaantlari.

Komfortni izlashdan maqsad tanqislikni bartaraf etish va shu bilan salbiy ne'matlarni ta'minlash; rohatlanish va rag'batlantirishning maqsadi esa ijobiy ne'matni tanlashdir.

Marketingdan tovarlarning tinimsiz yangilanib turilishi, yanada torroq differentsiatsiya, turli xil xulq-atvorlarga mo'ljallangan reklama ko'rinishidan keng ko'lamli foydalanilmoqda. Ammo bu aslida lazzatlanish va rag'batlantirishga bo'lgan ehtiyojlarning o'sib borayotganligiga, asosiy ehtiyojlar yaxshi qondirilayotgan jamiyatdagi mo'l-ko'lchilikka javob reaksiyasi bo'lib, yangilik, o'ziga xoslik, murakkablik va xatar kabi ehtiyojlar hayotiy muhim bo'lib bormoqda.



2.4-rasm. Motiv turlari.

Ehtiyojlar turli hissiyotlarni, turli xulq-atvorlarni, har xil tovarlarni sinab


ko'rish va rohatbaxsh manbalardan foydalanish bunday jamiyat uchun muhim jihatdir. Bu izlanishlarning cheki yo'q, chunki bunday ehtiyojlarni qondirib bo'lmaydi.

Iste'molning umumiy nazariyasi haqida gapiradigan bo'lsak, motivatsiya nazariyasining yutuqlari bizga insondagi motivatsion yo'nalishning umumiy turlarini aniqlashga imkon beradi. Yo'nalish turlari inson xulq-atvorining g'oyatda rang-barang va turli-tuman qirralarini qamrab oladi.

2.3. Inson ehtiyojlari tipologiyasi

Farovonlik har bir ehtiyojni qondirish uchun "ne'matlarning" mavjud bo'lishini anglatadi. Tabiiyki, ehtiyojlar reestrini ishlab chiqish va uni mavjud ne'matlar bilan taqqoslash maqsadga muvofiq bo'lar edi. Bu yerda "ne'mat" so'zi maxsus ahamiyat kasb etadi. Bu yerda ne'mat deganda oddiy jismlar yoki xizmatlar emas, balki sevgi, nufuz va shu kabi mavhum, ijtimoiy yoki ruhiy omillar ham tushuniladi. Bunday yondashuv Murray, Maslow, Rokeach hamda Shet, Nyuman va Grosslarning eng yangi tadqiqotlarida bayon etilgan.

Merreyning inson ehtiyojlari reestri. Merrey individning ehtiyojlarini quyidagi to'rt mezonga ko'ra tasniflovchi ancha tartiblangan reestrini keltiradi: kelib chiqishi fiziologik yoki fiziologik bo'lmagan *birlamchi* va *ikkilamchi* ehtiyojlar; obykti individni o'ziga tortishi yoki uni o'zidan itaruvchi *ijobiy* va *salbiy* ehtiyojlar; ehtiyojning iqtisodiyotiy yoki xayoldagi xulq-atvorni belgilashiga ko'ra *yaqqol* va *latent* ehtiyojlar; individning retrospektiv jarayonlari bilan bog'liqligiga ko'ra anglangan yoki anglanmagan ehtiyojlar. Merrey o'z reestrda shu mezonlar asosida ehtiyojlarning 37 xilini keltiradi.



2.5-rasm. Merreyning inson ehyiyojlari reestri.

Merreyning fikricha, ehtiyojlar barcha kishilarda bir xil edi, biroq u yoki bu ehtiyojlar turli kishilar uchun shaxsiy omillar va muhit omillarining ta'siriga ko'ra

turlicha namoyon bilishini e'tirof etar edi. Ehtiyojlar ichki va tashqi rag'batlar tomonidan vujudga kelishi va turli paytlarda kuchli yoki kuchsiz bo'lishi mumkin. Ehtiyojlar uch xil holatda bo'ladi: (1) refraktor holat, bunda ehtiyojning uyg'onishiga hech qanday rag'bat ta'sir qilmaydi; (2) ishontiruchi holat, bunda ehtiyoj passiv bo'lsa-da, biroq uni qo'zg'atish mumkin; (3) faol holat, bunda organizmning xulq-atvorini shu ehtiyoj belgilaydi (Murray). Shunday qilib, marketing sohasidagi faoliyat his qilinadigan ehtiyojlarga bevosita ta'sir ko'rsatishi mumkin.


Niyat mayillarini tadqiq etishdan maqsad iste'molchilarning bozordagi xulqini oydinlashtirish, ya'ni nega odamlar unday emas, bunday qiladilar - degan savolga javob topish, shuningdek ularni zarur xatti-harakat qilishga undashdan iborat. Niyat (motivatsion) tadqiqotlarda gap asosan iste'molchilarning fikriy, iqtisodiy nuqtai nazarini bilan aloqasi bo'lmagan xatti-harakatlar, iste'molchi huquqining motivlarini ochib berish haqida bormoqda. Shu sababli niyatlarni o'rganish tadqiqotlarida psixologik usul eng ko'p qo'llaniladi. Psixologlar tomonidan inson motivatsiyasining bir qator nazariyalari yaratilgan. Ularning orasida Z. Freydning "Motivatsiya nazariyasi" va A. Maslouning "Ehtiyojlar iyerarxiyasi" nazariyalari mashhurdir.

Z. Freydning fikricha, odamlar o'z xulqlarini shakllantiradigan real ruhiy kuchlarni anglamaydilar. Yosh ulg'aygan sayin mayllarning ko'pi to'la yo'qolib ketmaydi, balki ongda saqlanib qoladi. Shu sababli, kishilar o'z motivatsiya manbalari jihatidan o'zlariga oxiriga qadar hisobot bermaydilar.

A. Maslou esa muhimligi darajasiga qarab inson ehtiyojlarini bir-biriga o'zaro bo'ysunish bosqichlari tartibini ishlab chiqadi. Bu tartib quyidagicha:

- fiziologik ehtiyojlar (ochlik, tashnalik);
- o'z-o'zini muhofaza qilish ehtiyojlari (xavfsizlik, himoyalanganlik);
- ijtimoiy ehtiyojlar (ma'naviy yaqinlik, his-tuyg'u, muhabbat);
- hurmat-izzatga ehtiyojlar (obro' darajasi, mavqe);
- o'z-o'zini qaror toptirishga ehtiyojlar (o'zini namoyon etish).

Inson birinchi navbatda eng muhim ehtiyojlarini qondirishga intiladi, bu ehtiyojlar qondirilgandan keyin harakatlantiruvchi motivlar so'nadi, so'ngra qolgan ehtiyojlarni qondirish harakati yuzaga keladi. (2.3.-rasm.)



2.6-rasm. A.Maslouning taklif etgan ehtiyojlar iyerarxiyasi.

A. Maslouning fikricha ehtiyojlarni ahamiyati bo'yicha saralash mumkin: biz keyingi toifaga o'tishdan avval asosiy ehtiyojlarni qondirishga urina boshlaymiz. quyi tabaqadagi ehtiyojlarni qondirish yuksakroq ehtiyojlarga xulq-atvor uchun motivator bo'lib xizmat qilish va unga ta'sir ko'rsatish imkonini beradi. Qondirilgan ehtiyojlar intensivligi susayib boradi va hali qondirilmagan yuksak ehtiyojlar intensivligi ortadi. Shaxs umumiy yashab qolish yoki hayot minimumini ta'minlash kabi maqsadlardan turmush tarzi yoki sifatiga taalluqli yuksakroq maqsadlarga o'tganda uning rivojlanishiga bog'liq ravishda ehtiyojlar tarkibining evolutsiyasi yuz beradi.

A. Maslouning tahlili qiziqish uyg'otadi, chunki u nafaqat ehtiyojlarning ko'p o'lchamli tuzilishini, balki ehtiyojlarning turli shaxslar individlar uchun turli darajada intensiv bo'lishini ham ilgari suradi. Amalda ehtiyojlarning bu toifalari doimo birgalikda mavjud bo'ladi va u yoki bu toifa individning o'z xususiyatlariga bog'liq holda yoki bu individ boshidan kechirayotgan vaziyatlarga mos ravishda ko'proq darajada ahamiyat kasb etadi.

Shunday qilib, ehtiyojlarni qondirish uchun ishlab chiqariladigan tovarlarni tegishli rejalashtirish zarurdir. Ne'mat yoki tovar o'zining asosiy vazifasidan tashqari bir necha rolni o'ynashi yoki vazifani bajarishi mumkin. Insonlar tovarlardan nafaqat amaliy maqsadlarda, balki ular yordamida tashqi muhit bilan aloqa bog'lash,

o'zlarining kimligini ko'rsatish, o'z hissiyot va kechinmalarini namoyish qilish va hokazolar uchun ham foydalanadilar. Marketing uchun tovar va tovar markalarining faqat funksional qiymati emas, balki hissiy yoki ramziy qiymatlari tufayli hosil bo'ladigan ahamiyatidan xabardor bo'lish muhimdir.

Rokichning qiymatlar reestri. Insoniy qadriyatlarni tatbiq qilishda asosiy e'tibor inson erishishga intiladigan eng muhim maqsadlarga qaratiladi. Qadriyatlar insonning ehtiyojlari bilan chambarchas bog'liq bo'lsa-da, nisbatan realroq darajada mavjud bo'ladi. Ular nafaqat shaxsiy, balki ijtimoiy institutsional asl ehtiyojlarning intellektual ro'yobga chiqarilishidir. Boshqacha qilib aytganda, bu bizning o'zimiz istagan va orzu qilgan narsalar haqidagi fikrlashimizdir.

Qadriyatlarning ikki turi bor: (1) terminal va (2) instrumental qadriyatlar. Terminal (yoki pirovard) qadriyatlar – o'zimiz intiladigan maqsadlar va holatlar haqidagi fikrlarimizdir (baxt, donishmandlik va h.k.). Instrumental (yoki bilvosita) qadriyatlar esa atamaal qadriyatlarga erishish uchun biz qo'llaydigan xulq-atvor shakllari haqidagi tasavvurlarga taalluqlidir (xalol bo'lish yoki o'z zimmasiga majburiyat olish).

Qadriyatlar madaniyat vositasida qo'lga kiritiladi, shu sababli biror jamiyatning a'zolari bir xil qadriyatlarni turli darajada qo'lga kiritadilar. Shuning uchun har bir qadriyatning nisbiy ahamiyati turli individlar uchun turlicha bo'ladi, bu farqlardan esa bozorni segmentlarga ajratish mezonini sifatida foydalanish mumkin. Turli qadriyatlarning ahamiyati ham vaqt o'tishi bilan o'zgarishi mumkin. Rokich inson erishgan qadriyatlar unchalik ko'p emas, deb hisoblaydi. U o'z tajribalarida o'n sakkiz xil atamaal va instrumental qadriyatlarni keltiradi (Rokeach).

So'nggi yillarda ba'zi tadqiqotchilar qadriyatlarining ma'lum darajada baholash mumkin bo'lgan qisqacha ro'yxatini ishlab chiqdilar. Kayle (Kahle) atamaal qadriyatlarining sakkiztasini ko'rsatib o'tgan:

- o'z-o'ziga hurmat;
- xavfsizlik;
- iliq o'zaro munosabatlar;
- maqsadga erishganli hissi;
- o'z-o'zidan qoniqish;
- boshqalar tomonidan hurmat;
- mansublik hissi;
- shodlik, lazzat, yoqimli his.

Ushbu qadriyatlar iste'molchi xulq-atvorining yoki ijtimoiy o'zgarishlarining turli jihatlari bilan juda yaxshi mos kelishi tajribalarida aniqlangan.

Shodlik yoki lazzatni qadrlaydigan kishilar bir qadah qahvani yoqimli ta'mi uchun ichishni istashlari mumkin; maqsadga erishganlik hissini qadrlaydigan kishi qahvaga ishlab chiqarish unumdorligini oshiradigan kuchsiz rag'batlovchi deb qaraydilar; boshqalar bilan iliq munosabatda bo'lishni qadrlaydigan kishilar esa ijtimoiy urf-odatga rioya qilgan holda bir piyoladan qaxva ichadilar (Kayle). Bu metodologiyaning mantiqini quyidagicha izohlash mumkin: insonlar motivatsiyasini tushunishdagi dastlabki nuqta ularning nimani qadrlashni, birinchi navbatda iste'mol qiymatiga ega qanday ne'matlarni qadrlashini tushunib olishdir. qadriyatlarining biror

jamiyatda qanday o'zgarayotganligini tushunish ijtimoiy o'zgarishlar dinamikasini hisobga oladigan samarali strategiyalarni ishlab chiqishga yordam beradi.


Xarid qilish jarayoni uzviy tarzda quyidagi bosqichlardan iborat:

- qanday talabning qondirilishini belgilash;
- tovar xususida axborot olish;
- tovarlar turi bo'yicha variantlarni baholash;
- xarid qilish to'g'risida qaror qabul qilish;
- xarid qilingan buyumga munosabat.

Xaridor o'zining qaysi turdagi talabini dastlab qondirishi borasidagi bir qarorga kelguncha, u ko'p jihatlarini tahlil qiladi. Ushbu tovarni olish va u ayni shu vaqtda nechog'lik zarur. Bu munga qanday imkoniyatlar yaratadi. Ushbu xarid men uchun o'rinlimi va atrofdegilar unga qanday baho berishlari mumkin. Ushbu tovarni sotish bilan shug'ullanayotgan marketing tadqiqotchisi uchun quyidagi savollarga javob topish zarur: qanday turdagi ehtiyojlar va muammolar xaridorga ta'sir o'tkazadi. Ushbu muammolar qanday vujudga keldi. Qanday qilib xaridor aynan shu tovarni tanlamog'chi.

Ko'pgina holatlarda xaridorga tovarning to'liq imkoniyatlari, foydalanish xususidagi axborot to'liq yetib bormaydi. Shu sababdan, xaridor va sotuvchi suhbatidan asosiy natija kutiladi. Ushbu suhbat mavzusi qaysi tovar qanday assortimentda taklif etilgan, uning sifati, narxi xususida axborot to'plash hisoblanadi. So'ngra tovarlar bo'yicha variantlar baholanadi. Baholash mezonlari sifatida moda, texnik imkoniyatlar, pishiqdigi, dizayni, kafolat, sotuvdan keyingi xizmat va shu kabilar bo'ladi. Lekin har bir tovar o'ziga xos baholanish ketma-ketligiga ega. Masalan, avtomobillar bo'yicha ularning sinfi, ehtiyot qismlar va tuzatish imkoniyatlari, rangi, narxi bo'yicha axborot albatta zarur. Bu axborotlar xaridorga: tovar markasi, marka-tarzi, manfaat darajasi to'g'risida yetarlicha ko'nikma hosil qilishga va baholashga imkon yaratadi.

Bevosita xarid qilish chog'ida ham xaridor o'z tanlovini o'zgartirishi mumkin. Bunga unga sotuvchi, oila a'zosi, hamkasbi va qolaversa, o'sha vaqtda savdo zalida bo'lgan o'tkinchi xaridor ta'sir etishi mumkin. Xaridorning o'z tanlovini va qarorini o'zgartirishga uning o'z fikrida qat'iy tura olishi, o'z shaxsiyatini qadrlash va boshqa psixologik xususiyatlar ta'sir etadi.



2.7-rasm. Tovarni xarid qilish va undan keyingi xaridorlik harakati bosqichlari.

Xaridor o'z xaridini amalga oshirgandan so'ng ham tovar taqdiri to'la hal bo'lmaydi, chunki eng muhim bo'lgan iste'mol doirasidagi sinov boshlanadi. Xarid qilingan tovar harakatini quyidagicha tasvirlash mumkin (2.7-rasm).

Yuqorida keltirilgan sxemaga ko'ra, tovarning taqdiri xarid qilingandan so'ng to'xtamaydi, u yanada murakkablashib, axborot olish qiyin bo'lgan sharoit, ya'ni iste'moldan bo'ladi. Sotib olingan tovar taqdiri xususida ham marketing mutaxassisi o'ylashi, mulohaza yuritishi lozim.


Demak, xarid qilingan tovar taqdiri, uni iste'moli qay darajada kechayotganligi, yangidan tovar olish uchun dastlabki salbiy iste'moli sababchi bo'lmaganligini aniqlash, zarur hollarda tegishli maslahat berish marketing mutaxassislarining muhim vazifalaridan biri hisoblanadi.

2.4. Sanoat tovarlari xaridori motivatsiyasi

Har qanday ko'rinishdagi iqtisodiy tizimda tijorat faoliyatining katta qismi tashkilotlar o'rtasidagi bitimlardan iborat bo'ladi. Masalan, asbob-uskunalar, tovarlar, tarkibiy qismlar, xomashyo va hokazolar bilan savdo qiladigan firmalar ushbu

mahsulotlardan o'zining ishlab chiqarish jarayonida foydalanadigan boshqa firmalar xizmat ko'rsatadi. Marketingning boshqaruv tamoyillari sanoat tovarlarini sotuvchi firma uchun ham, iste'mol tovarlarini sotuvchi firmalar uchun ham bir xil bo'lishiga qaramay, tamoyillarni qo'llashning muayyan usullari turlicha bo'lishi mumkin.

Sanoat tovarlariga talab hosila talab bo'lib, talabning ba'zi bir boshqa quyi turlariga bog'liqdir. Sanoat talabi hosila talabdir. Ya'ni sotib olingan tovarlardan boshqa tashkilotlarning talabini yoki pirovard iste'molchining talabini qondirish maqsadida o'z ishlab chiqarish jarayonida foydalanadigan tashkilotning talabidir. Demak, tashkilot ishlab chiqarish zanjirining bir qismidir, ya'ni, uning "quyi" talabga bog'liq talabi oxir-oqibatda iste'mol tovarlariga talabning natijasidir.



2.8-rasm. Sanoat xaridori xarid jarayoniga ta'sir etuvchi omillar.


Sanoat talabi va xususan kapital asbob-uskunalarga talab keskin o'zgarib turadi va pirovard talabda yuz beradigan eng kichik o'zgarishlar ham bu talabga kuchli ta'sir qiladi (akseleratsiya tamoyili).

Sanoat talabi ko'pincha, ayniqsa tovar hal qiluvchi komponent bo'lganda, ya'ni aniq ixtisoslik asosida tayyorlanganda narxga nisbatan noelastik bo'ladi. Tovar xaridorga zarurdir va uning o'rmini bosuvshi tovarlar ko'p emas.

Sanoat xaridori zanjirining har bir pog'onasidagi kollegial tizimi bilan tavsiflanadi: bir necha individlar, hamda xarid markazi turli vazifalarni bajaradi va turli rollarni o'ynaydi.

Mijoz - texnik saviyasi yuqori bo'lgan professional xaridor; xarid haqidagi qaror iste'mol xaridlariga xos bo'lmagan rasmiylashtirish bosqichlarini ko'zda tutadi.

Sanoat tovarining tavsiflari, odatda mijozlar izlanayotgan tovarni aniq tasavvur qaladilar, talablar aniq qo'yilgan bo'ladi, tovar yetkazib beruvchining imkoniyatlari esa cheklangan bo'ladi. Sanoat tovarlari sanoatchi xaridorning ishlab chiqarish jarayoniga kiritilgan bo'lib, shu sababdan strategik ahamiyat kasb etadi.



2.9-rasm. Sanoat xaridori "Xarid markazi" tarkibi.

Sanoat tovarlari ko'pincha turli maqsadlarda qo'llaniladi, ular shu jihati bilan har doim maxsus maqsadlarga mo'ljallangan iste'mol tovarlaridan farq qiladi.

Sanoat marketingining o'ziga xos xususiyatlari shundan iboratki, sanoat talabi tushunchasi "sanoat zanjiri" tushunchasiga bog'liqdir. Sanoat zanjiri ishlab chiqarishning barcha bosqichlarni o'z ichiga oladi, bu bosqichlar xomashyo materiallari iste'molchining pirovard talabini qondirishga yetkaziladi. Har bir firma uchun tarmoqlar iyerarxiyasi mavjud bo'lib, ular firma uchun yo mijoz va yoki yetkazib beruvchi bo'ladi. Sanoat buyurtmachisining strategik kuchi birinchi navbatda o'zi a'zo bo'lib turgan zanjirdagi pirovard bozorni oldindan bilish va uni nazorat qila olish qobiliyatiga bog'liq bo'ladi.

O'z-o'zidan tushunarlik, talab zanjiri bir qator hollarda bundan ko'ra uzunroq va murakkabroq bo'lishi mumkin. Ushbu ro'yxat to'liq bo'lmasa-da, quyidagi xususiyatlarni qayd etib o'tish mumkin:

- yangi vazifa. Buyurtmachi tashkilot uchun yangi tovarlar sinfiga mansub yangi tovarni xarid qilish;

- takroriy xaridning o'zgarishi. Muammo va tovar ma'lum, ammo xarid vaziyatining ba'zi elementlari o'zgaragan;

- takroriy xarid. Firma foydalanishda ma'lum bir tajribaga ega bo'lgan, hech qanday o'zgarishlarga uchramagan, ma'lum tovarni xarid qilish.

Dastlabki ikki holatda xarid markazining vazifalari to'liq amalga oshiriladi. O'z-o'zidan ravshanki, yetkazib beruvchi xarid jarayonining barcha ishtirokchilarini aniqlab olish muhimdir, chunki u kommunikatsiya siyosatining maqsadlarini belgilab olishi lozim. Shuningdek, ushbu ishtirokchilarning o'zaro qanday munosabatda bo'lishini va ularning motivatsiyasi qanday ekanligini aniqlash ham muhimdir.

Qaror qabul qilish bosqichlari va xarid markazining roli

Xarid jarayonining bosqichlari	Xarid markazining tarkibi				
	Foydalanuvchi	Nufuzli shaxs	Xaridor	Hal qiluvchi shaxs	«Darvoza-bon»
Ehtiyojlarni aniqlash	+				+
Talablarni shakllantirish	+	+			+
Yetkazib beruvchilarni qidirish			+		+
Takliflarni baholash	+	+	+	+	+
Yetkazib beruvchilarni tanlash			+	+	+
Ish ko'rsatkichlarini baholash	+				

Nazorat va muhokama uchun savollar

1. Ehtiyoj, xohish, talab o'rtasidagi farqlarni tushuntirib bering.
2. Ehtiyojni qanday turlarini bilasiz?
3. Marketingni sun'iy ehtiyojlar yaratishda ayblagan Gelbreytning tanqidi qanchalik jiddiy?
4. A. Maslou bo'yicha ehtiyojlar tipologiyasining mazmuni nimadan iborat?
5. Yakka va sanoat xaridorlarning ehtiyojlar tarkibini taqqoslab, ular o'rtasidagi o'xshash va farqli tomonlarni aniqlashga harakat qilib ko'ring.
6. Yuksak texnologiyali tovarlar ishlab chiqaruvchi firmaning xarid markazidagi har bir a'zoning ehtiyojlar tarkibini tavsiflab bering.
7. Tovar tanlovini amalga oshirishda xaridor xulq-atvori qanday ta'sir ko'rsatadi?
8. Tovarni xarid qilish va undan keyingi xaridorlik holatlari bosqichlari nimalardan iborat?
9. Z. Freydning motivatsion nazariyasi mazmunini aytib bering.
10. Farovonlik deatamaantlariga nimalar kiradi?

Asosiy adabiyotlar

1. 2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. //Xalq so'zi, 2011-yil 20-yanvar, № 14 (5434).

2. Ergashxodjayeva Sh.J. va boshq. Marketing. Darslik. – T.: TDIU, 2011.
3. Кревин, Дэвид, В. Стратегический маркетинг, 6-е изд. – М.: Вильямс, 2008.
4. Розова Н.К. Маркетинг. – СПб.: Питер, 2008.
5. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.


Qo'shimcha adabiyotlar

6. Котлер Ф. Основы маркетинга. Краткий курс. /Пер. с англ. – М.: Издательский дом «Вильямс», 2010. – 656 стр.
7. Soliyev A., Buzrukxonov S. Marketing, Bozorshunoslik. Darslik. – T.: Iqtisod-Moliya, 2010. - 424 b.
8. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
9. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с.127-138.
10. www.gov.uz
11. www.stat.uz

3-bob. BOZORNI SEGMENTLASH VOSITASIDA EHTIYOJLAR TAHLILI

3.1. Makrosegmentlash tahlili

Firma tomonidan eng avval qabul qilinadigan strategik qarorlardan biri raqobatli kurash bozorini tanlab olishdir. Asosiy bozorni tanlash bozorni ehtiyojlari va xulq-atvor va motivatsion tavsiflari o'xshash iste'molchilardan tashkil topgan qismlarga ajratishni ko'zda tutadi. Bu tarkibiy qismlar firma uchun qulay marketing imkoniyatlarini vujudga keltiradi. Firma butun bozorga yuzlanishni afzal ko'rish e'tiborni o'z asosiy bozori doirasidagi bir yoki bir necha maxsus segmentlarga qaratish mumkin.



3.1-rasm. Bozorni segmentlash bosqichlari.

Ushbu rasmdan ko'rish mumkinki, bozorni segmentlash bosqichi 5 ta o'zaro bilan bog'liq quyidagi bosqichlarni o'z ichiga oladi:

- * segmentlash sohasini aniqlash;
- * segmentlash mezonini o'rnatish;
- * segmentlarni aniqlash;
- * aniq segmentlash strategiyasi;
- * segmentlarning strategik tahlili.

Segmentlashning asosiy maqsadi bozordagi harakatlarni o'rganib, ularning modeli va kelajakdagi ehtiyoj talablarini tasavvur qilishdan iborat. Hozirgi raqobatda yutib chiqishning asosiy sharti, yangi yuqori sifatli tovar va kompleks servis texnika xizmatlarini hamda samarali sotish usullarini qo'llashdan iborat bo'lib qoldi. Ana shu talablar asosida marketing strategiyasining ustuvor turi iste'molchilarni o'rganish, o'z navbatida, bozorni segmentlashdan boshlanadi, chunki bozor bir xil subyektlardan tashkil topmagan. Asosiy bozorni bunday qismlarga ajratish odatda ikki bosqichda amalga oshiriladi. Bu ikki bosqich esa bozorni bo'lishning ikki xil darajasiga to'g'ri keladi.

Makrosegmentlash deb ataluvchi birinchi bosqichning vazifasi "tovar bozorlari"ni aniqlashdan iborat bo'lib, mikrosegmentlash deb ataluvchi ikkinchi bosqichda esa ilgari aniqlangan har bir bozor ichida iste'molchilarning "segmentlarini" ajratib olish maqsad qilib olinadi. Asosiy bozorning bunday sxemasini tuzib olgach, firma har bir tovar bozori yoki segmentning jalb etuvchanligi va o'z raqobatbardoshligini baholay boshlaydi.

Makrosegmentlashni tahlil qilish. Makrosegmentatsiyada bozorlarni hududlar, mamlakatlar bo'yicha ularning sanoatlashuviga qarab bo'lish nazarda tutiladi. Ko'pchilik bozorlarda barcha mijozlarni birgina tovar yoki xizmat yordamida qanoatlantirish amalda mumkin emas. Turli iste'molchilarning istaklari va qiziqishlari xilma-xil bo'ladi. Bu xilma-xillik xaridorlarning odatlari va ehtiyojlarida asosiy tafovutlarning, taklif qilinayotgan tovar va xizmatlardan, ular qidiradigan manfaatlarining bir xil emasligidan kelib chiqadi. Industrial jamiyatlarda xaridorlar ko'proq "o'rtacha" xaridorga mo'ljallangan tovarlar bilan qanoatlanishga moyil bo'ladilar. Ular o'zlarining maxsus muammolariga moslashtirilgan yechimlarni qidiradilar.

Firmalar istiqbolda kutilayotgan bunday o'zgarishlar tufayli ommaviy marketing strategiyasini tashlab, qat'iy yo'naltirilgan strategiyalar tomonga o'tishga majbur bo'ladilar. Iste'molchilarning maqsadli guruhlarini aniqlash aynan segmentlash jarayonining o'zi bo'lib, u asosiy bozorni talablar va xaridorlarning odatlari jihatidan bir jinsli qismlarga ajratadi. Segmentlash jarayoni firma uchun strategik ahamiyatga egadir, chunki uning natijasida firmaning faoliyat yuritish sohasi va tanlangan bozorlarda muvaffaqiyatga erishishning hal qiluvchi omillari aniqlanadi. Bozorni segmentlarga ajratish - firma ega bo'lish kerak bo'lgan eng asosiy qobiliyatlardan biridir.

"*Qarorlar*" atamalarida asosiy bozorning ta'rifi. Bozorni segmentlarga ajratish strategiyasini amalga oshirishni firmaning missiyasini aniqlashdan boshlash lozim. Ushbu missiya uning iste'molchiga yo'naltirilgan istiqboldagi roli va asosiy vazifasini tavsiflaydi. Bu yerda uchta asosiy savolga javob topish lozim.

- Biz qanday biznes bilan shug'ullanayapmiz?
- Biz qanday biznes bilan shug'ullanishimiz kerak?
- Biz qanday biznes bilan shug'ullanmasligimiz lozim.

Bu savollarga bozor sharoitlarida javob topish uchun biznesning ta'rifini texnik atamalar yordamida emas, balki umumiy tushunchalar orqali, ya'ni iste'molchini qoniqtiradigan "qarorlar" atamalarida ifodalash lozim.

Avval aytib o'tilganidek, buning quyidagi tamoyillaridan kelib chiqish lozim:

1. Xaridor uchun tovar - bu shu tovar olib keladigan foydadir.
2. Hech kim tovarni o'z-o'zicha sotib olmaydi. Bu yerda xizmat ko'rsatish yoki muammoni hal qilish talab qilinadi.
3. Turli texnologiyalar ham bir xil yechimni taklif qilishi mumkin.
4. Texnologiyalar tez o'zgarib bormoqda, asosiy ehtiyojlar esa avvalgidek qolib kelmoqda.

Aynan mana shu tufayli bozorga yo'naltirilgan firma uchun o'z biznesini tovar atamalarini bilan emas, balki jinsdosh ehtiyoj atamalari tashkil etish orqali ifodalab olish muhimdir. Buni strategik tahlil jarayonining boshida amalga oshirish maqsadga

muvofiqdir. Asosiy bozorni aniqlashga bir necha xarakterli misollarni keltiramiz:

- "Derbit Interneshnl" (Derbit International) firmasi tomlari uchun qoplamalar bozorida faoliyat ko'rsatadi va bitum plyonkalar ishlab chiqaradi. Kompaniya o'z bozorini quyidagicha aniqlaydi: "Biz ekskluziv distributerlar va malakali qoplamachilar bilan hamkorlikda tomlarning suv o'tkazmasligini kafolatlaydigan mahsulot sotamiz".

- "Otis Elevaytor" (Otis Elevator) kompaniyasi bir-biriga chambarchas bog'liq bo'lgan ikki bozorda faoliyat ko'rsatadi: (a) liftlar, eskalatorlar va harakatlanuvchi trotuarlarni ishlab chiqarish va o'rnatish; (b) o'rnatilgan asbob-uskunalarga xizmat ko'rsatish. Kompaniya o'z bozoriga shunday ta'rif beradi: "Bizning biznes - odamlarni va materiallarni vertikal va gorizontal yo'nalishda qisqa masofalarga tashish demak. Va bizning liftlarimiz yaxshi ishlar ekan, kishilar ularni sezmaydilar. Bizning vazifamiz - sezilmaslikdir".

Aslida biznesning ta'rifi amaliy ko'rsatmalar berish maqsadida yetarlicha aniq atamalar yordamida ifodalanishi kerak, ayni paytda bu atamalar ijodiy yondashuvni rag'batlantirish uchun, masalan, ishlab chiqariladigan assortimentni kengaytirish imkoniyatlari yoki oraliq tovar sohaslarini diversifikatsiyalash uchun yetarlicha keng qamrovli bo'lishi kerak.

Asosiy bozorni konsuptualiztsiyalash. Eybellning (Abell, 1980) fikricha, asosiy bozor quyidagi uch mezon bo'yicha ta'riflanishi mumkin:


- qanday ehtiyojlar, vazifalar yoki vazifalarning kombinatsiyalarning qondirish kerak? ("nima?").

- ehtiyojlari qondirilishi kerak bo'lgan iste'molchilarning qanday turli guruhlari bor? ("kimni?")

- bu vazifalarni bajara oladigan qanday texnologiyalar mavjud? ("qanday?").

Buni uch o'lchamli tizim ko'rinishida tasvirlash mumkin.

Ushbu tizim asosida segmentlash jadvalini qurish uchun har bir holatda bu uch mezonni tavsiflaydigan mezonlarni belgilab olish kerak (3.2.-rasm).



3.2-rasm. Maqsadli bozorning mezonlari.

Vazifalar yoki vazifalarning kombinatsiyalari. Bu yerda gap tovar yoki xizmat qondirishi kerak bo'lgan ehtiyojlar haqida bormoqda. Bunday vazifalarga uylarning ichki jihozlanishini, xalqaro yuk tashishni, tomning suv o'tkazmasligini, zangdan himoyalash, tishlarni tozalash, chuqur va yuza burg'ulash, tibbiy tashxis va shu kabilarni misol qilib keltirish mumkin.

Vazifalarni shu vazifa bajariladigan usullar (ya'ni texnologiyalar bilan) bilan adashtirib yubormaslik kerak. "Vazifalar" va "foydalar" o'rtasidagi farq, ayniqsa tor sohadagi vazifalar yoki ularning kombinatsiyalarida har doim ham aniq ko'rinib turavermaydi. Masalan, tishlarni tozalash va ularni turli kasalliklardan himoyalash, qazg 'oqqa qarshi shampunlar va hokazo. Demak, vazifalarga iste'molchilarning turli guruhlarini qidirayotgan foydalar to'plami sifatida ham ta'rif berish mumkin.

Iste'molchilar guruhlarini. Salohiyatli iste'molchilarning turli guruhlarini ajratishda eng ko'p qo'llaniladigan mezonlar quyidagilardan iborat: oila yoki tashkilot, ijtimoiy-iqtisodiy sinf, geografik hudud, faoliyat turi, firmaning moliyaviy imkoniyatlari texnologik saviya, pirovard mahsulotlarning ishlab chiqaruvchisi yoki iste'molchisi, xarid markazi va hokazo.

Makrosegmentlashda, ayniqsa sanoat tovarlari haqida gap ketganda faqat umumiy tavsiflar hisobga olinadi. Iste'mol tovarlari uchun ko'pincha yosh guruhlarini, qidirilayotgan foydalar, xulq-atvor yoki turmush tarzi kabi torroq mezonlar talab qilinadi. Ularni aniqlash esa mikrosegmentlashning vazifasidir.

Texnologiyalar. Bu yerda xilma-xil vazifalarning bajarilishini ta'mirlovchi "nou-xau" shaklidagi turli texnologiyalar ko'rib chiqiladi. Masalan, uy-joylarning shinamlik vazifasi uchun bo'yoqlar yoki gulqog'ozlar, tovarlarni xalqaro tashishlar uchun avtomobil, havo, temir yoki dengiz yo'llari, tomlarning suv o'tkazmaslik uchun bitum yoki plastmassa plyonkalar, tibbiy tashxis vazifasi uchun rentgen nurlari, ultratovush va kompyuter tomografiyasi va hokazolalar.

Yuqorida aytib o'tilgandek, texnologik mezonlar dinamik bo'lib, mukammalroq texnologiyalar vaqt o'tishi bilan hozirgi ilg'or texnologiyalarning o'rini egallaydi. Buni tibbiy tashxisda yadro magnit rezonansi, axborot uzatishda elektron pochta, teletaypga nisbatan esa faks misolida ko'rish mumkin.

Asosiy bozorning tuzilishi. Bayon etilgan yondashuvdan foydalangan holda biz uch xil tuzilmalarni: "tovar bozori", "bozor" va "sanoat tarmog'i"ni farqlay olamiz.

- tovar bozori iste'molchilar guruhi va muayyan texnologiyaga asoslangan vazifalar majmuasining kesishmasida joylashgan;

bozor iste'molchilarning bir guruhi va bir vazifani bajarish uchun mo'ljallangan texnologiyalar majmuasining qamrab oladi;

sanoat tarmog'i texnologiya bilan (u bilan bog'liq vazifalar yoki iste'molchilar guruhidan qat'iy nazar) belgilanadi.

Bundan asosiy bozorga berish mumkin bo'lgan va har biri o'zining afzal tomonlarini va kamchiliklariga bo'lgan uch xil ta'rif kelib chiqadi.

Sanoat tarmog'i tushunchasi an'anaviy tushuncha bo'lsa kerak. Ayni paytda u biz uchun kamroq to'g'ri keladi, chunki u bozor talabiga emas, taklifga yo'naltirilgan. Shu bilan birga, ko'rinib turibdiki, u o'zaro mutlaqo bog'liq bo'lmagan xilma-xil vazifalar va iste'molchilar guruhlarini qamrab olishi mumkin. Masalan, uy-jihozlari tarmog'i qisqa to'liqlik pechlar va dazmollar, ya'ni xaridorlar

xulq-atvori tavsiflari va o'sish salohiyati nuqtai nazaridan mutlaqo turlicha bo'lgan ikki tovarni o'z ichiga olishi kerak.

Binobarin, bu tushuncha ko'rib chiqilayotgan vazifalar va iste'molchilar guruhi faqat yuqori darajada bir jinsli bo'lgan taqdiridagina qiymatga egadir. Shuni qayd etib o'tish lozimki, amaliyotda tarmoq konsepsiyasiga murojaat qilinishi muqarrardir, chunki sanoat va xalqaro savdo sohasidagi statistik ma'lumotlarning ko'pchiligi aynan shu mezonga asoslangan.

Bozor tushunchasi asliy ehtiyoj konsepsiyasiga juda yaqindir va shu yo'l bilan bir vazifa uchun mo'ljallangan turli texnologiyalarning bir-birining o'rmini bosa olishini ta'kidlaydi. Texnologik innovatsiya bozorning mavjud chegaralarini mutlaqo o'zgartirib yuborishi mumkin. Asosiy bozorning bunday ta'riflanishi o'rinsosar texnologiyalarni kuzatib borishni yengillashdir. Bu yerda asosiy qiyinchilik shundaki, nazorat qilinishi kerak bo'lgan texnologiyalar g'oyatda xilma-xil bo'lishi va ayni paytda bir-biridan juda uzoq bo'lishi mumkin.

Yana sanoat binolari va uy joylarning ichki bezaklariga qaytamiz. Bu yerda gulqog'ozlar, bo'yoqlar va devoriy matolar muqobil texnologiyalardir. Gap bir xil vazifani bajaruvchi, ammo bir-biridan mutlaqo farq qiluvchi tarmoqlar to'g'risida bormoqda. Bozor tushunchasiga murojaat qilish strategik tahlilning yo'nalishini aniqlash, hamda tadqiqot ishlanmalari yo'nalishlarini tanlashda ayniqsa muhimdir.

Tovar bozori tushunchasi eng katta marketing yo'nalishiga egadir. U strategik biznes-birlik tushunchasiga mos keladi hamda talab va taklifning voqeiklariga juda yaqin darajada javob beradi. Bozorning bu ta'rifidan avtomatik ravishda firmaning o'z strategik xatti-harakatlaridagi to'rt hal qiluvchi elementi kelib chiqadi:

- ehtiyojlarni qondirish kerak bo'lgan xaridorlar;
- bu xaridorlar qidirayotgan foydalar to'plami;
- yengib o'tish kerak bo'lgan raqobatchilar;
- sotib olish va o'zlashtirish kerak bo'lgan resurslar.

Asosiy bozorning shu tarzda tovar bozorlariga ajratilishi bozorlarni tanlash bo'yicha qarorlar qabul qilish va tegishli tashkiliy tuzilma uchun asos bo'lib xizmat qiladi. Bu tushuncha bilan bog'liq bo'lgan qiyinchilik ko'pincha tegishli bozorning kattaliklarini o'lchash muammosidan iborat bo'ladi: rasmiy statistik ma'lumotlar bozorlarga emas, tarmoqlarga asoslanadi.

Yangi segmentlarni qidirish. Makrosegmentlashning bayon qilingan tahlili ayni paytda yangi salohiyatli segmentlarni topish imkoniyatini beradi. Bu maqsadda quyidagi savollarga javob topish foydalidir:

talab qilinayotgan vazifalarni bajarish uchun boshqa texnologiyalar mavjudmi?

- takomillashtirilgan tovar qo'shimcha vazifalarni bajara oladimi?

- o'xshash ehtiyojlar yoki vazifalarga ega bo'lgan boshqa xaridorlar guruhlari bormi?

- ba'zi xaridorlarning ehtiyojlarini vazifalar sonini kamaytirgan holda (masalan, mos ravishda narxlarni pasaytirib) yaxshiroq qondirish mumkinmi?

- vazifalar, tovarlar yoki xizmatlarning bir butun, yaxlit holda sotishga yaroqli (qisqartirilgan yoki kengaytirilgan) yangi to'plamlari bormi?

Yangi segmentlash usulining topilishi firmaga o'z raqiblari oldida kuchli

raqobatli ustunlik keltirishi mumkin.

Asosiy bozorni qamrab olish strategiyasi. Bozorni qamrab olish strategiyasi har bir segmentga nisbatan jalb qilinuvchan raqobatbardoshlikni tahlil qilish asosida tanlanadi. Firma bozorni qamrab olishning turli strategiyalarini ko'rib chiqishi mumkin:

Konsentratsiya yoki fokuslanish strategiyasi: firma tovar bozori, vazifa yoki iste'molchilar guruhiga nisbatan o'z faoliyat sohasini tor darajada belgilaydi. Bu bozorda aniq belgilangan sohada yuqori ulushni egallashga intilayotgan mutaxassisning strategiyasidir.

Funksional mutaxassisning strategiyasi: firma bir vazifada ixtisoslashishni afzal ko'radi, biroq shu vazifaga, masalan, sanoat tovarlarini omborlarga joylashtirish vazifasiga qiziqqan barcha iste'molchilar guruhlariga xizmat ko'rsatadi.

Mijoz bo'yicha ixtisoslashish strategiyasi: firma mijozlarning ma'lum bir toifaga (kasalxonalar, mehmonxonalar) ixtisoslashadi va o'z mijozlariga keng assortimentli tovarlarni yoki qo'shimcha, yoki o'zaro bog'liq vazifalarni bajaradigan asbob-uskunalar majmualarini taklif qiladi.

Selektiv ixtisoslashish strategiyasi: bir-biriga bog'liq bo'lmagan turli bozorlarga turli xil tovarlarni chiqarish; bu diversifikatsiyalashga qaratilgan opportunistik strategiyadir.

To'liq qamrab olish strategiyasi: iste'molchilarning barcha guruhlarini qoniqtiradigan to'liq assortiment taklif qilinadi.

Ko'pchilik holatlarda bozorni qamrab olish strategiyalari faqat ikki jihatdan: vazifalar va iste'molchilar guruhi jihatidan ifodalanishi mumkin, chunki odatda firma muqobil texnologiyalar mavjud bo'lsa ham, faqat ma'lum bir texnologiyagagina ega bo'ladi.

Quyidagi misolni ko'rib chiqaylik. Ma'lumki, jern eritilgan pishloq va shokolad pastasi bilan bevosita raqobatdadir. Ushbu uch sektordagi ishlab chiqarish talablari bir-biridan keskin farq qilsada, mevalarni qayta ishlash sektorida faollik ko'rsatayotgan firmalarning birortasi oraliq sektorlarda sanoat korxonalariga ega emas.

Agar asosiy bozor turli texnologiyalarni ham o'z ichiga olsa, bozorni qamrab olish strategiyasiga "texnologiyani" o'lchash ham kiradi, masalan, tibbiy tashxis bozorda "Djeneral elektrik" (General Electric) firmasi mavjud texnologiyalarning bir necha xiliga egadir.

Turli raqobatchilar o'z asosiy bozorlarini har bir sektorda bir xilda aniqlamasligi mumkin. Biror bir tovarga ixtisoslashgan firma ayni shu tovarga qiziqadigan mijozlarning ma'lum bir toifasiga ixtisoslashgan raqobatchiga duch kelishi mumkin. Birinchi raqobatchi o'z ishlab chiqarish hajmini hisobga olgan holda ikkinchi raqobatchiga nisbatan harakatlarda ustunlikka ega bo'lishi mumkin, ayni paytda ikkinchi raqobatchi savdo-sotiq va mijozlarga xizmat ko'rsatish sohasida samaraliroq ishlashi mumkin.

Asosiy bozorning evolutsiyasida texnik taraqqiyotning bosimi ostida va iste'mol odatlarining o'zgarib turishi natijasi yuqoridagidek ta'riflangan tovar bozorlari barqaror bo'la olmaydilar, biroq quyidagicha uch toifaga ajratish mumkin bo'lgan yo'nalishlarda rivojlanishda davom etadilar.

Iste'molchilarning yangi guruhlarini qo'shib olish hisobiga kengayishda tovar asta-sekin iste'molchilarning yangi-yangi guruhlarini o'ziga jalb qilib boradi, bozorni qamrab olish darajasi ortib boradi. Masalan, shaxsiy kompyuterlar o'rta ta'lim sohasiga tobora kirib bormoqda.

Yangi vazifalar hisobiga kengayishda esa yangi tovarlarning paydo bo'lishi ilgari turlicha bo'lgan vazifalarni birlashtirmoqda, masalan hozirgi telefonlar faks, nusxa ko'chirish qurilmasi va avtomat javob beruvchi vazifalarni o'zida mujassam etadi.

Texnologiyaning o'rnini bosish. Ma'lum bir iste'molchilar guruhiga mo'ljallangan ma'lum bir vazifalar endilikda yangi, mukammalroq texnologiyalar vositasida amalga oshirilmoqda. Masalan, bosma materiallarni tarqatish hozirda elektron pochta yordamida amalga oshirilmoqda.

Ushbu o'zgarayotgan kuchlar va ular ta'siri ostida tovar bozorlarining kengayishi jalb etuvchanlikni baholashning hal qiluvchi mezonini bo'lgan hayot davrini ham o'zgartirmoqda.

3.2. Mikrosegmentlash tahlili

Mikrosegmentlashning vazifasi makrosegmentlovchi tahlil bosqichida aniqlangan tovar bozorlarining ichida xilma-xil ehtiyojlarni batafsil tahlilini amalga oshirishdan iboratdir. Ta'rifga ko'ra, ma'lum bir tovar bozoriga mos keluvchi iste'molchilar birgina asosiy vazifa bilan, masalan, soatlar haqida gap ketganda, vaqtni o'lchash masalasi bilan qiziqadilar. Shunga qaramay, ular qidirilayotgan vazifaga yoki unga hamroh bo'lgan qo'shimcha xizmatlarga nisbatan turli xil maxsus ko'rsatkichlar yoki afzalliklarni kutayotgan bo'lishlari mumkin.

Segmentatsiya va differentsiatsiya tushunchalarini adashtirib yubormaslik kerak. Differentsiatsiya ikki xil darajadagi xilma-xil tovarlarga tayanuvchi: (a) bir xil turdagi tovarlar bo'yicha raqobatchilar o'rtasida va (b) bir ishlab chiqaruvchining turli segmentlarga mo'ljallangan tovarlari o'rtasidagi tafovutlarni anglatuvchi tushunchadir.

Chemberlen o'zining monopolistik raqobat haqidagi klassik asarida differentsiatsiyaga quyidagicha ta'rif bergan:

"Agar bir sotuvchining tovarlarini (yoki xizmatlarini) boshqa sotuvchining tovarlaridan (yoki xizmatlaridan) farqlash uchun qandaydir ahamiyatli asos mavjud bo'lsa, bu tovarlar sinfi differentsiyalangan hisoblanadi. Bunday asos xaridorlar uchun qandaydir ahamiyat kasb etar ekan, u real yoki mavhum bo'lishi mumkin va u bir tovarning boshqasidan afzal ko'rilishiga olib keladi".

Shunday qilib, agar iste'molchilar tovarlarni turlicha deb o'ylasalar, ya'ni o'z muammolarining yechimlarini turlicha deb tasavvur qilsalar, bu tovarlar differentsiyalangan bo'ladi.

Differentsiatsiya tovarlarning xilma-xilligiga asoslangan bo'lsa, segmentlash bozorni tashkil qiluvchi doimiy xaridorlarning ehtiyojlariga asoslangan. Iste'molchilarning bir jinsli emasligi aniqlanishi tufayli firmalar o'zlarining har bir segmentdagi takliflarini yangilashga majbur bo'ladilar. Odatda segmentlash bozorni bo'laklarga ajratish deb qaraladi.

Shunday qilib, differentsiatsiya takliflar xilma-xilligini yoritib beruvchi,

segmentlash talablar xilma-xilligini yoritib beruvchi konsepsiyadir.

Mikrosegmentlash to'rt asosiy bosqichdan iboratdir:


- segmentlovchi tahlil: tovar bozorlarini tovarning fazilatlarini nuqtai nazaridan bir jinsli va boshqa segmentlardan farq qiluvchi segmentlarga ajratish;

maqsadli segmentlarni tanlash: firmaning vazifalari va uning maxsus imkoniyatdan kelib chiqqan holda bir yoki bir necha maqsadli segmentlarni tanlab olish;

pozitsiyalashtirishni tanlash: har bir maqsadli segmentda salohiyatli iste'molchilarning istaklarini va raqobatlar egallab turgan pozitsiyalarni hisobga olgan holda ma'lum bir pozitsiyani tanlash;

- maqsadli marketing dasturi: maqsadli segmentlarning tavsiflariga moslashtirilgan marketing dasturini ishlab chiqish.

Bulardan kelib chiqqan holda marketing strategiyasini amalga oshirish quyidagi rasmda keltirilgan.



3.3-rasm. Marketing strategiyasini amalga oshirish.

Vaziyat tahlili mavjud strategiyalarni tahrir qilishda, xuddi shuningdek, yangi strategiyalar ishlab chiqishda zarurdir.

Marketing strategiyasini amalga oshirishning birinchi bosqichi, ya'ni vaziyat tahlili bozor imkoniyatlarini aniqlashga, bozor segmentini aniqlashga, kompaniyaning o'z kuchi va zaif tomonlarini belgilashga imkon beradi. Bozor tahlilining natijalari marketing strategiyasini ishlab chiqish uchun asos bo'lib xizmat qiladi.

Iste'mol bozorlari uchun birinchi bosqichda tovar bozorlarini turli usullar yordamida bir jinsli segmentlarga ajratish mumkin:

iste'molchilarning ijtimoiy-demografik tavsiflari asosida (ijtimoiy-demografik yoki tavsifiy segmentlash);

- doimiy iste'molchilarning tovardan qidirayotgan foydalari asosida (foydalar bo'yicha segmentlash);

- faollik, manfaatlar va fikrlar atamalarida tavsiflangan turmush tarzi asosida (ijtimoiy-madaniy segmentlash);

- xarid paytidagi xulq-atvor tavsiflari asosida (xulq-atvorga ko'ra segmentlash).

Bu segmentlash usullarining har biri o'zining ijobiy va salbiy tomonlariga ega bo'lib, ular quyida ko'rib chiqiladi.

Ijtimoiy-demografik segmentlash segmentlashning bilvosita usulidir. U quyidagi gipotezaga asoslanadi: iste'molchilar qidirayotgan afzalliklardagi farqlarni aynan ijtimoiy-demografik tafovutlar belgilaydi.

Buni ko'pgina sektorlarda ochiq - oydin ko'rish mumkin. Erkak va ayollarning kiyim-kechak, bosh kiyimlar, kosmetika, zargarlik buyumlari kabi tovarlarga ehtiyojlari turlichadir, xuddi shunday tafovutni yoshlar va keksalar, daromadi yuqori va past bo'lgan tabaqalar, shahar va qishloq aholisi o'rtasida ham kuzatish mumkin. Shu tariqa, ijtimoiy-demografik mezonlardan ehtiyojlarning indikatorini sifati foydalaniladi.

Ijtimoiy-demografik segmentlashda eng ko'p qo'llaniladigan ko'rsatkichlar iste'molchining yashash joyi, jinsi, yoshi, daromadi, ijtimoiy sinfi kabi rivojlangan mamlakatlarda olish oson bo'lgan ma'lumotlardir. Amalda ijtimoiy-demografik segmentlash bir paytning o'zida ikki yoki uchta ko'rsatkichga tayanadi.

Ijtimoiy-demografik segmentlashning foydaliligi. Bu usulda ijtimoiy-demografik ko'rsatkichlarni o'lchash osonligi tufayli undan ko'proq foydalaniladi. Sanoati rivojlangan barcha mamlakatlarda iqtisodiy va ijtimoiy axborotlarni statistika institutlari, ijtimoiy sug'urta organlari kabi rasmiy manbalardan bevosita olish mumkin.

So'nggi yillarda rivojlangan mamlakatlarda jiddiy ijtimoiy-demografik o'zgarishlar yuz berdi. Ular ichida quyidagilarni ko'rsatib o'tish mumkin: tug'ilish kamaydi; o'rtacha umr uzaydi; ishlovchi ayollar soni ko'paydi; oila qurish kechika boshladi; ajralishlar soni ko'paydi; to'liq bo'lmagan oilalar soni ko'paydi.

Bu o'zgarishlar turmush tarziga va iste'mol shakllariga bevosita ta'sir ko'rsatadi. Ular bozorda yangi segmentlar yaratadi va ayni paytda mavjud segmentlardagi talablarni ham o'zgartiradi. Masalan:

- bank xizmatlari, faol hordiq chiqarish, tibbiy xizmat ko'rsatishga nisbatan keksa yoshdagilar (65 yoshdan katta) segmenti;

- to'liqsiz oilalar segmenti: bo'ydoqlar, ajrashganlar, bevalar;

xarid qobiliyati yuqori, ammo bo'sh vaqti cheklangan va ikki kishi ishlaydigan oilalar segmenti;

- vaqtni tejashga yordam beradigan barcha tovar va xizmatlarga (mikroto'liqinli pechlar, oziq-ovqat yarim fabrikatlari, tez xizmat ko'rsatish restoranlari) katta e'tibor beradigan ishlovchi ayollar segmenti.

Ijtimoiy-demografik ma'lumotlardan foydalanishdagi asosiy yo'nalishlar quyidagilardan iborat:

- segment yoki bozorning ijtimoiy-demografik yo'nalishini aniqlash;

tanlangan ijtimoiy-demografik guruhga ta'sir ko'rsatish ehtimoli katta bo'lgan kommunikatsiya vositalarini tanlash;

- yangi tovarning salohiyatli xaridorlarini aniqlash;

- xaridorlar soniga qarab bozorni miqdoriy baholash.

Ijtimoiy-demografik segmentlashning cheklanishlari. Bunda segmentning paydo bo'lishini izohlovchi omillarni tahlil qilish emas, balki uni tashkil qiluvchi kishilarga tavsif berishga asosiy e'tibor beriladi. Mana shuning uchun ham ushbu segmentlashni tavsiflovchi segmentlash ham deb ataladi.

Sanoati rivojlangan mamlakatlarda ijtimoiy-demografik segmentlashning prognozlash qobiliyati pasayib boradi, chunki ularda turli ijtimoiy sinflarning iste'mol uslublari tobora standartlashib boradi. Boshqacha qilib aytganda, yuqori daromadli guruhga mansub kishilarning xulq-atvori o'rta daromadli kishilarning xulq-atvoridan albatta farqli bo'ladi degani emas. Shuning uchun, xaridorlarning xulq-atvorini izohlash va oldindan ayta olish uchun ijtimoiy-demografik segmentlashda qo'shimcha ravishda tahlilning boshqa usullaridan ham foydalanish zarur. Bundan tashqari, bunday segmentlash markalardan birortasini tanlashda katta samara bermaydi. Bundan manfaatlarga ko'ra va ijtimoiy-madaniy segmentlash dolzarbligi kelib chiqadi.

Foyda olish segmentatsiyasi - odamlar oladigan naflarning har xilligidan kelib chiqadi. Bu guruh iste'molchilari arzon narxli yaxshi ishlaydigan soatlar sotib oladi, agarda ular 1 yil davomida buzilsa, ular boshqasi bilan almashtiriladi (23%).

1. "Chidamlilik va sifat segmenti" - bu guruh xaridorlari uzoq muddat ishlaydigan sifatli, chiroyli soatlarni sotib oladilar va bunga yuqori narx to'laydilar.

2. "Simvolizm" segmenti - bu guruh xaridorlari o'ziga xos xarakterli, estetik va emotsional qiymatga ega soatlar bilan qiziqadilar. Bularga nufuzli markalarga ega soatlarni kiritish mumkin (31%).

Ijtimoiy-madaniy segmentlash xuddi naf olish va ijtimoiy demografik segmentlash kabi xaridorning tovarga ehtiyoji bir xil yoki shu guruhni o'zida boshqalar bo'lishini o'rganadi. Bu yerda masala xaridorning qiziqishi, fikri, faolligi, qadriyati kabi hayot tarzini yaratishga qaratiladi. Hayot tarzi bo'yicha segmentlash psixografik segmentlash ham deb yuritilib, motivatsiya sohasida va yakka iste'mol jihatlari bo'yicha yana ham ilgari siljishga harakat qiladi.

Xulq-atvorga ko'ra segmentlash. Bozorni segmentlarga ajratish uchun asos mumkin bo'lgan holat xarid paytidagi xulq-atvordir. Bu holda quyidagi mezonlardan foydalanish mumkin.

Foydalanuvchining maqomi. Salohiyatli foydalanuvchilar, foydalanmaydiganlar, birinchi bor foydalanayotganlar, muntazam va nomuntazam foydalanuvchilarni o'zaro farqlash mumkin. Bu toifalarning har biri uchun turli xil kommunikatsiya strategiyalarini ishlab chiqish mumkin.

Tovardan foydalanish darajasi. Ko'pincha mijozlarning 20 yoki 30 foiz qismini savdo hajmining 80 yoki 70 foiz qismini ta'minlaydi. Firma o'z tovarlarini mayda, o'rta va yirik foydalanuvchilarning ehtiyojlariga moslashtirishi mumkin. Yirik yoki muhim foydalanuvchilar o'zlari uchun maxsus sharoitlar yaratilishiga loyiqdirlar.

Befarqlik darajasi. Takroran xarid qilinayotgan tovarlarning iste'molchilarini shubhasiz sodiq, nisbatan sodiq va sodiq bo'lmagan iste'molchilarga ajratish mumkin. Sodiqlikni qo'llab-quvvatlash maqsadida, masalan, ekskluzivlik uchun qulay sharoitlar yaratish yo'li bilan tovarlarni ilgari surish va kommunikatsiya bo'yicha choralar ko'rilishi mumkin. Mijozlarning sodiqligini ta'minlash munosabatlar marketingning vazifasidir.

Marketing omillariga sezgirlik. Iste'molchilarning ma'lum bir guruhlari narx yoki maxsus takliflar kabi marketing o'zgaruvchilariga nisbatan ayniqsa sezgirdirlar. Tovar ular kutganidek bo'lishi uchun maxsus choralarni ko'rish, soddalashtirilgan "markasiz" tovarlarni chiqarish mumkin.

Xulq-atvorga ko'ra segmentlash, sanoat bozorlari uchun katta ahamiyatga egadir. Uning vazifasi yaqinlashish strategiyasini xarid haqida qaror qabul qiluvchi markazning tarkib va faoliyat xususiyatlarini hisobga olgan holda sanoat mijoziga moslashtirishdan iboratdir. Masalan, ba'zi korxonalarda xarid jarayoni qat'iy markazlashtirilgan bo'lib, u yerda qarorlar qabul qilishning talabchan qoidalari amal qiladi, ba'zi joylarda esa, aksincha, xaridlar markazlashmagan, shu sababli mijoz bilan muomala tarzi mayda firmalar bilan ishlashga mumkin qadar yaqin bo'lishi kerak.

Shuningdek, markaz ishlarining quyidagi tavsiflari ham muhimdir: turli a'zolarning motivatsiyasi, taqdim etilgan turli vazifalar o'rtasida vakolatlarni taqsimlash, rasmiylashtirish darajasi va qarorlar qabul qilish jarayonining muddati va boshqalar. Ko'rsatib o'tilgan xulq-atvor tavsiflarini bevosita kuzatish har doim ham mumkin bo'lavermaydi. Shuning uchun ularni aniqlash ko'pincha qiyin bo'ladi. Shunga qaramay, yuqorida aytib o'tilganidek, bu tushunchalar savdo xodimlarining o'zlashtirib olishi uchun juda muhimdir.

3.3. Segmentlash strategiyasini amalga oshirish

Segmentatsiya jarayonining muhim bosqichi bo'lib bozorning maqsadli segmentini tanlash hisoblanadi. Maqsadli segmentni tanlash muammosi yetarli darajada murakkab bo'lib, uni hal etish uchun quyidagi ketma-ketlikda turish tavsiya etiladi:

- segment o'lchov va uning o'zgarish (o'sish, kamayishi) tezligini o'rnatish;

- segmentni jalb etuvchanlik tuzilishini tadqiq etish;

- o'zlashtirayotgan segment maqsadini va tashkilot resurslarini aniqlash;

Segment o'lchami uning miqdoriy o'lchamlari va birinchi navbatda sig'imi bilan tavsiflanadi. Segment sig'imini aniqlash uchun tovarlar hamjimini, ushbu segmentda ularni umumiy sotish qiymati, bozor joylashgan tumanda yashovchi ushbu tovarning salohiyatli iste'molchilari sonini aniqlash zarur.

Bozor sig'imini o'rganish asosida ishlab chiqarish quvvatlarini shakllantirish uchun va tovar sotish bo'yicha taqsimlash tarmog'i tuzilishi uchun asos bo'lib hisoblanuvchi uning o'sish dinamikasi baholanadi. Shuni hisobga olish kerakki, bozor sig'imi yetarli bo'lishi kerak, ya'ni bozor faoliyati natijalarini qo'llash, bozorda ishlash bilan bog'liq xarajatlarni qoplab, rejalashtirilgan foydani olishga kafolat berishi kerak.

Segmentning jalb etuvchanligi tuzilishini tadqiq etish raqobat darajasini o'rganishi, mavjud mahsulotlar raqobatdoshligi, xaridorlarga munosabati, taklif etilayotgan va mavjud tovarlarga bo'lgan segment ehtiyojining barqarorligi, mavjud xaridor ehtiyojlarini qondiruvchi mutlaq yangi mahsulotni bozorga kiritish zarurat va imkoniyatini o'z ichiga oladi.

O'zlashtirilayotgan segment maqsadlariga erishish uchun zarur bo'lgan

tashkilot maqsad va resurslarini aniqlash strategik muhim ahamiyatga ega bo'lib, tashkilotning uzoq muddatli maqsadlariga mos holda joriy maqsadlari bilan amalga oshirish hamda shunga mos holda maqsadli bozorda ishlash uchun salohiyatli imkoniy resurslarni yetarli yoki yo'qligini aniqlash uchun zarur. Buning uchun tavakkalchilikni hisoblash maqsadga muvofiq. Tashkilotning tavakkalchiligini hisoblash uchun maxsus marketing, konsalting kompaniyalarini taklif qilish mumkin.

Imkoniy bozor segmentlari sonini optimallashtirish uchun konsentrlangan va dispersli usublardan foydalanish mumkin. Konsentrlangan uslub kelgusidagi yaxshi segmentni axtarishga asoslangan. U uncha qimmat bo'lmagan, lekin uzoq vaqt xarajatlarini talab qiladi. Dispersli uslub bir vaqtning o'zida bir necha bozor segmentida ishlashni ko'zda tutadi, keyinchalik ma'lum davrdagi faoliyat natijalarini baholash yo'li bilan samaraliroq bozorni tanlaydi.

Foydali segment joriy sotuvning yuqori darajasiga, yuqori o'sish sur'atiga, yuqori foyda shakliga, sotish kanali talablariga real va raqobatga chidamli bo'lishi kerak.

Bozordagi faoliyat strategiyalarini asoslashda uch turdagi strategiyalardan foydalanish mumkin:

1. Differensiyalangan marketing.
2. Differensiyalanmagan marketing.
3. Konsentrlangan marketing.

Amaliyotga ko'ra, bozor munosabatlarining tiklanish va shakllanish davrida tadbirkorlik tuzilishida ko'plab korxonalar differensiyalanmagan marketing strategiyasini ushlab turdi. Bu strategiya firmani xaridorlarni xarid jarayoni va tovarga bo'lgan munosabat hamda motivatsiyasidagi turli-tumanlikka emas, balki xaridor ehtiyojlarida qiziqish umumiyligiga mo'ljali oladi.

Maqsadli segmentlarni tanlash. Segmentlash tahlil qilib bo'lingach, keyingi vazifa bozorni qamrab olishning qaysi strategiyasini tanlashdan iboratdir. Bu esa o'z navbatida firmaning tovar siyosatini belgilab beradi. Bu bosqichda uchta asosiy strategik yo'nalishlarni ajratib ko'rsatish mumkin.

Firma «**differensiyalanmagan marketing**» strategiyasini tanlar ekan, segmentlarni tahlil qilishning ustunliklaridan foydalanmay, bozor segmentlari o'rtasidagi farqni inkor qiladi va bozorni yaxlit, bir butun deb qaraydi. U xaridorlarning ehtiyojlari o'rtasidagi farqlarga emas, balki ular o'rtasidagi umumiy tomonlarga ko'proq e'tibor beradi. Ushbu standartlashtirish strategiyaning ahamiyati ishlab chiqarish xarajatlari hamda zaxiralar, savdo va reklama xarajatlarini tejashdan iboratdir. Iqtisodiyoti rivojlangan mamlakatlarda bu strategiyani himoya qilish tobora qiyinlashib bormoqda, chunki bir tovar yoki marka barchaning ehtiyojini qondirishiga erishish juda kamdan-kam hollarda yuz beradi.

«**Differensiyalanmagan marketing**» strategiyasiga ko'ra, firma bozorni to'liq qamrab olish strategiyasini ham qabul qiladi, biroq bu safar bozor har bir segmentga moslashtirilgan dasturlar yordamida qamrab olinadi. AQSHdagi «Djeneral Motors» (General Motors) firmasining yondashuvi shunday ediki, firma har bir «hamyon, maqsad va shaxs»ga mos keladigan avtomobil borligini reklama qilardi. Rossiya bozorlarida IBM firmasi differensiyalangan marketing strategiyasini amalga oshirmoqda. Firma ushbu strategiyaga ko'ra Rossiya iqtisodiyotining barcha

tarmoqlarida individuallashgan mahsulotlarni taklif etmoqda (Adrov, 1994). Bu strategiya firmalarga o'z individual narx, savdo va kommunikatsiya strategiyalariga ega bir necha segmentlarda ishlashga imkon beradi. Bunda firma har bir segmentda katta bozor ulushini egallab olishni mo'ljallashi mumkin. Differensiyallangan marketing har doim ham butun bozorni qamrab olishni ko'zda tutavermaydi.

«**Konsentrlangan yoki fokuslangan marketing**» strategiyasiga ko'ra, firma o'z resurslarini bir yoki bir necha segmentlarning ehtiyojlarini qondirishga qaratadi. Ushbu ixtisoslashuv strategiyasi ma'lum bir vazifaga (amaliy mutaxassis) yoki iste'molchilarning biror-bir guruhiga asoslangan bo'lishi mumkin. Masalan, Moskvadagi «Diasoft» firmasi o'z faoliyatini tijorat banklari segmentini dasturiy mahsulotlar bilan ta'minlashga yo'naltirgan (Solovyeva, 1994).

Bozorni qamrab olish strategiyalarining uchalaridan birortasini tanlab olishda aniqlangan va salohiyatli rentabel segmentlar soni va firmaning resurslariga e'tibor beriladi. Agar bu resurslar cheklangan bo'lsa, fokuslangan marketing strategiyasi yagona amalga oshirish mumkin bo'lgan yagona strategiya bo'ladi.


Gipersegmentlash va kontrsegmentlash. Segmentlash siyosatining ikki jihati bo'lishi mumkin. «**Gipersegmentatsiya**» strategiyasi tovarlarning shaxsiy buyurtmalar bo'yicha ishlab chiqilishiga, turli xil variantlarning taklif qilinishiga, asosiy vazifaga qo'shimcha ravishda qo'shimcha narx evaziga har xil ikkinchi darajali vazifalarning bajarilishiga olib keladi. «**Kontrsegmentatsiya**» strategiyasi esa, aksincha, tovarlarni hech qanday «bezaklarsiz» taklif qilishga qaratilgan bo'lib, bunda arzon narxlarda sotiladigan qo'shimcha variantlar soni eng kam bo'ladi.

Firmalar gullab-yashnagan paytlarida tobora mayda segmentlarga ajratish strategiyalarini qo'llar edilar. Bu strategiyalar esa markalar sonining ko'payishiga olib kelar, natijada ishlab chiqarish va savdo xarajatlari hamda sotuv narxлари ortib ketar edi.

Yuqorida aytib o'tilganidek, iqtisodiyotning va ijtimoiy muhitning turbulentligi tufayli yuz bergan o'zgarishlar iste'molchilarni «**narx qoniqish**» nisbatiga ko'proq e'tibor beradigan qilib qo'ydi. Endilikda iste'molchilar tovarning narxлари bilan uning xarakteristiklarini solishtirib ko'rishga yaxshiroq tayyorlanganlar, ularning tovarning narxi maxsus talablarga kamroq darajada moslashtirilganligi tufayli arzonlashtirilgan deb qabul qilishga ko'proq moyildirlar. Ko'pgina g'arb mamlakatlarida «**markasiz**» tovarlarning muvaffaqiyat qozonganligi ushbu evolutsiyani yana bir bor tasdiqlaydi.

Shu munosabat bilan ba'zi sektorlarda va avvalo, ommaviy iste'mol tovarlari sektorida tovarlarni ataylab soddalashtirish kuzatilmoqda, ya'ni cheklangan vazifalarga ega tovarlar ishlab chiqarilmoqda. Bunday tovarlar standartlashtirish darajasi yuqori bo'lganligi tufayli ishlab chiqaruvchilarga ko'proq daromad keltirmoqda. Shunday qilib, «kontrsegmentatsiya» - «**narx qoniqish**» mezoniga asoslangan segmentlashdir.

Pozitsiyalash strategiyalari. Firma maqsadli segmentni (yoki segmentlarni) tanlab olgach, har bir segmentda qanday o'rinni egallash kerakligini hal etishi kerak. Bu qarorning ahamiyati shundaki, u marketing dasturini ishlab chiqishda asos vazifasini o'taydi. Pozitsiyalash firmaning maqsadli xaridorlar tomonidan qanday qabul qilinishini belgilaydi. Unga quyidagicha ta'rif berish mumkin:



3.5-rasm. Joylashtirish strategiyasini tashkil etuvchilar.

Joylashtirish - tovarning imijini xaridorning ongida raqobatchi tovarlarnikidan farqli ravishda munosib o'rin egallaydigan tarzda ishlab chiqish va yaratish.

Marketing strategiyasini ishlab chiqish uchun maqsadli bozorni tanlash va joylashtirish strategiyasi iste'molchilar bilan aloqalarni o'rnatish, yangi tovarlarni ishlab chiqish, siljitish va boshqalar uchun asos hisoblanadi. Shunday qilib, joylashtirish strategiyasi differensiallash strategiyasini amalga oshirish vositasidir. Odatda bu bosqichda quyidagi savollar vujudga keladi:

xaridorlar ko'proq ijobiy nazar bilan qaraydigan (haqiqiy yoki his qilinadigan) xususiyatlar va yoki foydalar qanday?

- raqobatlashuvchi markalar va firmalarning ushbu xususiyatlar va foydalarga nisbatan pozitsiyalari qanday qabul qilinmoqda?

muayyan segmentda salohiyatli xaridorlarning istak-xohishlari va raqobatchilar tomonidan egallab bo'lingan joylarni hisobga olgan holda qanday joyni egallagan ma'qul?

- tanlab olingan joyni egallash va himoya qilish uchun qanday marketing vositalari eng yaxshi mos keladi?

Differentsiyalangan marketing strategiyasi yuqori investitsiya, ishlab chiqarish va boshqarish xarajatlarini talab qiladi, shuning uchun u yirik korxonalar uchun zarurdir.

Mahsulot differentsiyasi turli bozorga chiqishning keyingi imkoniyatidir. Bu birinchi navbatda tovar taqsimlashda diversifikatsiya strategiyasini olib borishga asoslanadi.

Konsentratsiyalangan marketing strategiyasi korxonalardan bozorning foydali segmentiga, ya'ni bitta yoki bir necha segmentiga e'tiborni qaratishni talab etadi. Bu bozor segmentiga firma bitta yoki bir necha mahsulot bilan hamda maqsadli marketing dasturi bilan yondashadi. O'z mazmuniga ko'ra bu strategiya bozor chuqurchasi konsepsiyasiga mos keladi, ya'ni shunday bozor segmentida ishlash

kerakki, tovar ushbu firma va uning yetkazib berish imkoniyatlari uchun ko'proq mos keluvchi hisoblanadi. Konsentrlangan marketing strategiyasi ko'proq kichik va o'rta korxonalar uchun mos keladi, chunki bozorning barcha segmentlarida ishlash uchun hamda katta yetarli moliyaviy vositalarning bo'lishi talab etilmaydi.

Bozorni joylashtirish alohida bozor segmentlarida mahsulot o'rmini aniqlash texnologiyasidir. Joylashtirishning maqsadi - mavjud va shakllanayotgan fikrlarni tadqiq etish, xaridorlar yoki ularning guruhini mahsulot parametrlariga munosabatini baholash tahlili, maqsadli bozorning ushbu segmentida mahsulotning raqobatli afzalligini ta'minlashda shunday tovar o'rmini marketing chora-tadbirlarini o'tkazish yo'li bilan tuzishdan iborat.

Mahsulotni samarali joylashtirish uchun talab va taklifning muhim tavsifnomalarini, xarid to'g'risida qaror qabul qilishda mo'ljallanuvchi omillar ta'sirini o'rnatish va o'rganish zarur. Aniqlovchi omillar esa mahsulot sifati, sifat darajasi, ishonchliligi, energiya hajmi, dizayni va tovar raqobatbardoshligining boshqa ko'rsatkichlari bo'lishi mumkin.

Bozorni joylashtirishni to'g'ri tashkil etishning marketing rejasi va kompleksini samarali ishlab chiqish shart-sharoiti hisoblanadi.

Nazorat va muhokama uchun savollar

1. Segmentlashning qanday turlarini bilasiz?
2. Differentsiatsiya va segmentatsiya o'rtasidagi tafovutni ko'rsatib bering.
3. Bozorni qamrab olish strategiyasini va uning turlarini izohlab bering.
4. Tovarni joylashtirish deganda nimani tushunasiz?
5. Sanoatning bo'yoqlar, vertolyotlar, bank xizmatlari, tasvirli tibbiy tashxis asboblari kabi sektorlarida makrosegmentlashning «vazifalar xaridorlar texnologiyalar» usuli qanday qo'llaniladi? Har bir sektor uchun tarmoq, bozor va tovar bozori tushunchalariga ta'rif bering.
6. Yapon fotoapparatlarini import qiluvchi firma mahalliy bozor uchun foydalar bo'yicha segmentlashni rejalashtirmoqda. Sizingcha buning uchun eng mos keladigan segmentlash turini hamda uning asoslanganligini tekshirishga imkon bera oladigan axborot yig'ish jarayonini taklif qiling.
7. Ma'lum bir ijtimoiy-demografik guruhga (yoshlar, tadbirkorlar, uy bekalari, etnik guruhlar) mo'ljallangan ikki gazetani tanlab oling. To'rtta reklama e'lonini tanlab olib, reklama beruvchilar erishmoqchi bo'lgan o'rilarni aniqlashga urinib ko'ring.
8. Rivojlangan mamlakatlarda bozorlar tobora fragmentlashib bormoqda, chunki xaridorlar o'z maxsus ehtiyojlariga ko'proq moslashtirilgan tovarlarni qidirmoqda. Global marketing rivojlanib, tovarlar va tovar markalari butun dunyo bo'ylab standartlashtirishga katta e'tibor qaratilayotgani bunga qanday ta'sir ko'rsatishi mumkin?
9. Mikrosegmentlash tahlili necha bosqichdan iborat?
10. Makrosegmentlashda asosiy bozorning tuzilishi qanday tahlil qilinadi?

Asosiy adabiyotlar

1. Ergashxodjayeva Sh.J. va boshq. Marketing. Darslik. – T.: TDIU, 2011.

2. Кревин, Дэвид, В. Стратегический маркетинг, 6-е изд. – М.: Вильямс, 2008.
3. Розова Н.К. Маркетинг. – СПб.: Питер, 2008.
4. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007. 127-138 стр.
5. Bekmirodov A.SH., Qosimova M.S., Ergashxodjaeva Sh.J. Strategik marketing. O ‘quv qo ‘llanma. – T.:TDIU, 2010.

Qo‘shimcha adabiyotlar

6. Котлер Ф. Основы маркетинга. Краткий курс. /Пер. с англ. – М.: Издательский дом «Вильямс», 2010. – 656 стр.
7. Soliyev A., Buzrukxonov S. Marketing, Bozorshunoslik. Darslik. –T.: Iqtisod-Moliya, 2010. – 424b.
8. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
9. Юсупов М.А., Абдурахмонова Н. Маркетинг. – Т.: Иқтисодиёт, 2011.
10. www.dis.ru.Маркетинг. Журнал в России и за рубежом. Merder, David.
11. www.gov.uz
12. www.stat.uz


4-bob. BOZORNING JALB ETUVCHANLIGI TAHLILI

4.1. Talab tahlilining asosiy konsepsiyasi

Eng oddiy holda tovar yoki xizmatga bo'lgan talab ma'lum bir joyda va ma'lum bir vaqtdagi savdo hajmiga teng bo'ladi. Avvalo talabning ikki darajasi: butun bozordagi jami (yoki global) talab va firmaning mahsulotiga yoki markaga bo'lgan talab o'rtasidagi farqni aniq ajratib olish kerak.

Bozordagi talab ma'lum bir joyda va ma'lum bir davrda, markalar majmuasi yoki raqobatchi firmalar uchun tovar bozoridagi (tarmoq yoki bozordagi) umumiy savdo hajmidir.

Buni inobatga olsak, gap «birlamchi talab» haqida yoki ehtiyojning muayyan toifasiga mos keladigan talab haqida bormoqda. Ko'rinib turibdiki, bu ta'rif avval asosiy bozorning aniqlab olinishini ko'zda tutadi.



4.1-rasm. Korxonaning bozordagi o'z holatini o'rganish uslublari.

Firma mahsulotiga talab (markaga talab) deb bozordagi talabning bir qismiga aytiladi va u tovarning asosiy bozorida firma yoki marka egallab turgan bozor ulushiga mos keladi.

Shuni tushunish muhimki, birlamchi talab ham firmaning mahsulotiga bo'lgan talab kabi reaksiyaning vazifasi bo'lib, bu vazifaning darajasi talab deatamaanti deb ataluvchi bir qator omillarga bog'liqdir. Ushbu birlamchi talab deatamaantlari ikki xil bo'ladi: nazorat qilib bo'lmaydigan muhit omillari va marketing omillari. Marketing omillari bozorda raqobatlashayotgan firmalar tomonida qilinadigan marketing harakatlari majmuasi, ya'ni umumiy marketing bosimidir.

Odatda talab vazifasining «S» shaklida bo'lishi umumiy marketing bosimi oshib borgan sari reaksiyaning kuchayish tezligi avval ortib borib, so'ngra pasayishini anglatadi.


Marketing bosimi nolga teng bo'lganda talab darajasi Q_0 eng kam bo'ladi; oraliq daraja $E(Q)$ umumiy bosim M sharoitida kutilayotgan talabga mos bo'ladi. Agar umumiy marketing bosimi ortib borsa, talab ham kuchayadi, biroq uning tezligi kamayib boradi.

Umumiy marketing bosimi cheksizlikka intilganda talab o'zining Q_m maksimal darajasiga yetadi. Birlamchi talabning ushbu maksimal darajasi bozorning joriy salohiyati tushunchasiga to'g'ri keladi.

Birlamchi (global) talab darajasiga faqat bozorda faoliyat ko'rsatayotgan firmalarning marketing bosimi emas, muhitning ijtimoiy-iqtisodiy omillari ham ta'sir qiladi. Muhit omillarining o'zgarishi reaksiya egri chizig'ining rasmdagidek vertikal siljishiga olib keladi. Shu tufayli egri chiziq bo'ylab harakatlanish bilan shu egri chiziqning o'zining siljishini farqlay olish zarur. Raqobatchilar reaksiya vazifasining siljishiga hech qanday ta'sir ko'rsatmaydilar, bu siljish faqatgina tashqi iqtisodiy muhitning holati bilan, masalan iqtisodiy sekinlashish yoki yuksalishlar bilan belgilanadi.

Birlamchi talab reaksiya vazifasi sifatida. Bozor salohiyati talabning ma'lum bir vaqt oralig'idagi eng yuqori ko'rsatkichiga mos keladi. Tarmoqdagi birlamchi talab bilan umumiy marketing faoliyati (o'zgarimas makromuhit sharoiti uchun) o'rtasidagi munosabat quyidagi rasmda ko'rsatilgan. Agar vertikal o'q bo'ylab birlamchi talab va gorizontal o'q bo'ylab umumiy marketing faoliyati qo'yilsa, javob vazifasi «S» shaklida bo'ladi.

Demak, marketing bosimi bir xilda bo'lganda ham birlamchi talab iqtisodiyot taraqqiy etgan davrda yuqori va iqtisodiyot susaygan davrda past bo'ladi. Birlamchi talabni $E(Q)$ kerakli darajada ushlab turish uchun taraqqiyot davridan turg'unlik davriga o'tilganda marketing xarajatlari M dan M - gacha ko'payishi kerak (rasmg qarang).



4.2-rasm. Bozordagi talab umumiy marketing bosimi vazifasi sifatida.

Firma muhitning mavhumligi oldida mutlaqo o'zidir; uning qo'lidan keladigan birgina narsa - birlamchi talab ayniqsa sezgir bo'lgan asosiy omillar ustidan ishonchli nazorat qilib borish tizimini barpo etish yo'li bilan kelajakni oldindan ko'rishga urinib ko'rishdir.

Kengayadigan va kengaymaydigan birlamchi talab. Birlamchi talabning minimal va maksimal darajasi o'rtasidagi farq bozor imkoniyatlarining ko'lamini karakterlaydi.

Egri chiziqning birinchi qismi bilan ifodalangan talab birlamchi talab deb ataladi, chunki birlamchi talab miqdoriga hajmi yoki umumiy marketing faoliyatining intensivligini o'zgartirish orqali osonlik bilan ta'sir ko'rsatish mumkin. Egri chiziqning ustki qismida talab noelastik bo'lib boradi, unga tegishli bozor esa kengaymaydigan bozor deb ataladi. Marketing faoliyatining yanada kuchayib borishi yetuklik bosqichiga yetgan bozorning hajmiga ta'sir qilmaydi.

Shunday qilib, kengaymaydigan bozorda uning hajmi aniq belgilab qo'yilgan bo'ladi. Savdo hajmining biror firma foydasiga salgina ortishi muqarrar ravishda uning bozordagi ulushi ham ortishini anglatadi.

Bozor salohiyatining mohiyatini ifodalovchi asosiy ko'rsatkichlar xususida to'xtalib o'tamiz. Mahsulotga bo'lgan umumiy talab xususiyati talabning o'zgarishi va talab hajmining o'zgarishi singari, bozorning kengligi va undagi xaridorlar ishtiyogiga bog'liq bo'ladi. Bozor talabi vazifasi vositasida yalpi talab miqdori tebranib turadi. Yalpi talab miqdori o'z navbatida mamlakat, viloyat, tarmoq kabi ko'lamlarda, turlicha davr mobaynida o'ziga xos o'zgarish xususiyatlariga ega bo'ladi. Demak, yalpi talab o'zining yuqori va quyi chegaralariga ega bo'ladi. Jami talabning yuqori chegarasini ifodalovchi miqdor bevosita bozor salohiyatini aks ettiradi.

U holda bozor salohiyati yalpi talab miqdorini aks ettiradigan ko'rsatkich hisoblanadi. Bozor salohiyati ayrim adabiyotlarda bozor sig'imi tushunchasi bilan tenglashtiriladi. Lekin ko'pgina xorijiy adabiyotlarda salohiyat tushunchasi yalpi talabning miqdoriy ko'rsatkichi sifatidagina qaraladi.

Bozorda doimiy faoliyat yuritayotgan firmalar o'zlariga mos keluvchi talab miqdoriga ega. Firma mahsulotiga talab miqdori yalpi talabning vazifasi sifatida bozorda muayyan firmaning ehtimoliy va amaldagi ulushini ifodalaydi. U holda firma o'z mahsulotlariga talab vazifasi va firmaning ishtiyoqlari vazifasi sifatida yalpi talab ham o'zgarib turadi.

Mutlaq va joriy bozor salohiyati. Iqtisodiy omillardan qat'i nazar, salohiyatli bozor vaqt mobaynida iste'mol karakteriga ta'sir ko'rsatuvchi madaniy va ijtimoiy omillar ta'siri ostida rivojlanib borishi mumkin. Bundan tashqari, atrof-muhitni muhofaza qilish haqidagi g'amxo'rlikning kuchayishi ekologik jihatdan toza asbob-uskunalarga talabni rivojlantiradi. Hozirgi paytda kichik firmalarda axborot tizimlaridan foydalanish tarqatish, nusxa ko'chirish va o'qitish jarayonlari natijasida, ya'ni ishlab chiqaruvchi firmalar tomonidan marketing bosimidan qat'i nazar, kengayib bormoqda.

Shu munosabat bilan ikki tushunchani: bozorning «mutlaq» salohiyati bilan bozorning «joriy» salohiyatini o'zaro farqlash lozim.

Bozorning joriy salohiyati tushunchasiga yuqorida ta'rif berildi, u rasmda tasvirlangan, uni amalga oshirish raqobatchilar tomonidan ko'rsatilayotgan marketing bosimi darajasiga bog'liq. Bozorning mutlaq salohiyati maksimal talabga mos keladi, ya'ni bunda salohiyatli iste'molchilar tovarni har safar optimal miqdorda iste'mol qiladilar.

Shunday qilib, **bozorning mutlaq salohiyati** uning joriy imkoniyatining yuqori chegarasiga mos keladi. Ushbu ikki tushuncha o'rtasidagi nisbat quyidagi rasmda tasvirlangan.


O'z-o'zidan ko'rinib turibdiki, bozorning mutlaq salohiyati tushunchasi bozor hajmi tushunchasiga yaqin bo'lib, bu tushuncha tovar «erkin» bo'lganda, ya'ni mutlaqo tekin narxda taklif qilinganda uning bozor tomonidan qabul qilinishi ehtimoliy hajmini xarakterlaydi. Amalda esa bozor salohiyati har doim tovarning aniq narxi uchun aniqlanadi.

Shunday qilib, **bozorning mutlaq salohiyatini** bozordagi talab intiladigan chegara sifatida tushunish lozim. Bu tushunchaning foydaliligi shuki, u mazkur bozor ega bo'lgan iqtisodiy imkoniyat ko'laminii baholashga imkon beradi. Bozorning mutlaq salohiyatini hisoblashda uch fikrga asoslaniladi:

- tovarning har bir salohiyatli iste'molchisi real foydalanuvchidir;
- har bir foydalanuvchi tovardan foydalanish imkoniyati vujudga kelgan har bir holatda undan foydalanadi;
- tovardan har safar optimal miqdorda foydalaniladi.

4.3-rasmda bozorning mutlaq salohiyatining vaqtga bog'liqligi ko'rsatilgan. Uning evolutsiyasi iste'molchilarning odatlaridagi o'zgarishlar, madaniy qiymatlar, daromad va narx-navolar, texnologiyalar, davlat me'yorlari va shu kabi tashqi omillarga bog'liqdir. Firma bevosita nazorat qila olmaydigan ushbu omillar bozorning rivojlanishiga hal qiluvchi ta'sir ko'rsatishi mumkin. Ba'zan firmalar bu tashqi sabablarga bilvosita ta'sir ko'rsata olishlari mumkin (masalan, lobbi vositasida), biroq ularning imkoniyatlari cheklangan. Shuning uchun firmaning asosiy xatti-harakatlari muhitdagi o'zgarishlarni avvaldan bilishga qaratilgan bo'ladi.

Talab deatamaantlari. Yuqorida ko'rsatib o'tilganidek, bozor talabi aniq belgilab qo'yilmagan kattalik emas, balki talab deatamaantlari deb ataladigan bir necha o'zgaruvchilarning vazifalaridir. Talabning evolutsiyasini ikki xil omillar guruhi: nazorat qilinmaydigan yoki tashqi omillar hamda firmaning nazorat qilinadigan yoki ichki omillari vujudga keltiradi.



4.3-rasm. Bozorning mutlaq salohiyati.

Nazorat qilinadigan omillar - operatsion marketing vositalari bo'lib, firma ulardan talabga ta'sir ko'rsatishda foydalaniladi. Ularni to'rtta mezonga birlashtirish mumkin bo'lib, bu mezonlarni MakKarti (McCarthy, 1960) ingliz tilidagi *Product* (tovar), *Place* (o'rin, joy, bu yerda sotish, o'tkazish ma'nosida), *Price* (narx) va *Promotion* (ilgari surish, ya'ni sotuvni rag'batlantirish) so'zlarining bosh harflari bo'yicha «To'rtta P (R)» deb atagan. Aynan mana shu mezonlar marketing bosimi vositalari, ya'ni firma mahsulotiga talabning deatamaantlaridir.

Shuni ham qayd qilish o'tish lozimki, faol marketing ko'rsatkichlarini aniqlashning mazkur usuli asosan firmaga mo'ljallangan bo'lib, ma'lum darajada xaridorga ham qaratilgan. Xaridor nuqtai nazaridan qaraganda esa, «To'rtta R» quyidagilarni anglatadi:

- tovar, yoki xaridor muammosini «hal qilish», ya'ni vujudga keltiriladigan ne'matlar to'plami;
- narx, ya'ni xaridor o'zi tanlagan tovarning ne'matlaridan foydalanish uchun sarflagan xarajatlar majmuasi;
- o'rin, joy yoki tovarlarni xaridorlar uchun eng qulay tarzda taqdim etish;
- siljitish yoki taklif qilinayotgan tovarning ustunligi haqida xabar berayotgan kommunikatsiya va reklamalar.

Nazorat qilinmaydigan omillarga kelsak, ular firma bozorda duch keladigan cheklashlarni ifodalaydi. Ularni keng ko'lami beshta toifaga ajratish mumkin:

- xaridorlar tomonidan cheklashlar: firma ularning ehtiyojlarini tushunishi va avvaldan ko'ra bilishi hamda ularga moslashtirilgan va ularni jalb eta oladigan dastur yordamida faoliyat ko'rsatishi lozim.

- raqobatchilar tomonidan cheklashlar: firma bozorda yakka o'zi emas, shuning uchun u o'zi himoya qila oladigan raqobatli ustunlikni aniqlashi kerak;

sotish tarmoqlari tomonidan cheklashlar: sotuv tarmoqlari mustaqil vositachilar (ulgurji firmalar, distribyutorlar, chakana savdo korxonolari) bo'lib, ular o'z maqsadlariga ega bo'lsalar-da, firmaning muhim sheriklaridir;

- kompaniyaning o'zi sabab bo'lgan cheklashlar: firma o'z resurslariga, kuchli va zaif tomonlariga mos keladigan ish rejasini qabul qilishi kerak;

- vaziyatga bog'liq cheklashlar: talab darajasiga ta'sir ko'rsatadigan tashqi muhit, iqtisodiy, ekologik, iqlim va boshqa shu kabi omillar majmuasi.

Marketologning vazifasi - ushbu nazorat qilinmaydigan omillarni belgilash va tushunish, ularning talabga ehtimoliy ta'sirini aniqlash va ularning kelgusidagi rivojlanishini imkon qadar aniqroq oldindan aytib bilishi lozim.

Nazorat qilinmaydigan omillar - tashkilot va marketing xizmatlari tomonidan boshqarila olmaydigan faoliyatiga ta'sir ko'rsatuvchi tarkibiy qismlardir. Nazorat qilinmaydigan omillarning salbiy ta'siri natijasida qanchalik jozibali bo'lmasin, har qanday reja barbod bo'lishi mumkin. Shuning uchun tashqi muhitni muntazam kuzatish, uning ta'sirini hisobga olish lozim, kutilmagan vaziyatlar sodir bo'lganda qilinadigan ishlar rejada ko'zda tutilishi kerak. Quyidagi nazorat qilinmaydigan omillarni hamisha hisobga olish va oldindan ko'ra bilish talab qilinadi: *iste'molchilar, raqobat, hukumat, iqtisodiyot, texnologiya, mustaqil ommaviy axborot vositalari*.

Demak, yuqoridagilardan xulosa chiqaradigan bo'lsak, firma yoki korxonada faoliyati to'la-to'kis bozor munosabatlarini mujassamlashtiradi. Firma va bozor tushunchalari, bozor iqtisodiyoti sharoitida bir-biridan ajratib bo'lmaydigan iqtisodiy kategoriyalar hisoblanadi. Chunki firmalar faoliyatisiz bozor bo'lishi mumkin emas.

Firma, marketing va bozor munosabatlari o'zaro ta'sir ko'rsatib, dialektik bog'liqlikda harakatlanib boradi. Firma yangi texnologik jarayonlarni egallashiga, yangi mahsulotlar ishlab chiqarishga faqat bozordagi o'zgarishlar bozor munosabatlari sabab bo'ladi.

4.2. Birlamchi talab tarkibi

Talabni tahlil qilish va uning deatamaanti bozorning jalb etuvchanligini o'rganishning asosini tashkil etadi. Tahlildan maqsad bozor salohiyati va birlamchi talabning amaldagi darajasini miqdoriy baholash bo'lib, busiz hech qanday iqtisodiy tahlil o'tkazish mumkin emas. Birlamchi talab tuzilmasi talabning iste'mol tovarlari yoki sanoat tovarlariga hamda uzoq yoki qisqa muddat foydalaniladigan tovar yoki xizmatlar toifasiga kirishiga ham jiddiy bog'liqdir.

Iste'mol tovarlariga talab. Baholashning turli usullari aslida ikki omildan: iste'mol qilinadigan birliklar miqdori (n) va bir birlik tomonidan iste'mol qilinadigan tovarlar miqdoridan (q) kelib chiqadi. Buning umumiy ko'rinishi quyidagichadir:

$$Q = n \times q,$$

bu yerda Q - birlamchi talab (donalarda). Birlamchi talab pul ko'rinishida mos ravishda quyidagicha ifodalanadi:

$$R = n \times q \times p,$$

bu yerda, R umumiy tovar aylanmasi, p - tovar birligining o'rtacha narxidir.

Bu asosiy tamoyillarning turli tovar toifalariga nisbatan o'zgarishini ketma-ket ko'rib chiqamiz.

Iste'mol bozori - uy xo'jaliklari va individual xaridorlarning o'z ehtiyojlari uchun sotib oladigan barcha tovar va xizmatlarni o'z ichiga oladi. Iste'mol bozori ko'lamini o'rganishda uni bir qancha belgilariga ko'ra turkumlash mumkin. Xususan, tovarlarni iste'mol qilish davriyligiga ko'ra ularni:

- uzoq muddatli istemol tovarlari;

- qisqa muddatli iste'mol tovarlari;
- xizmat turlariga ajratish mumkin.

Iste'mol tovarlari bilan savdo qilish xususiyatiga ko'ra esa ularni:

- kundalik iste'mol tovarlari;
- dastlabki tanlov asosida olinadigan tovarlar;
- alohida talabga ega tovarlar;
- passiv talabdagi tovarlarga bo'lish mumkin.

Ushbu turkumlash belgisi va tegishli guruhlariga kiruvchi tovarlar xususida batafsil to'xtalib o'tamiz.

Ko'pgina holatlarda kundalik iste'mol tovarlari guruhiga faqat oziq-ovqat mahsulotlarini kiritish mamlakatimiz aholisi uchun ko'nikma bo'lib qolgan. Chunki dastlabki ma'muriy iqtisodiyot tizimidagi keng ko'lamdagi ixtisoslashuv bevosita iste'mol bozorida ham takrorlanar edi. Hozirgi vaqtda esa ko'pgina firmalar va savdo shaxobchalari xorijiy tajriba va savdo qilishdagi mahalliy ko'nikmani nazarda tutib, kundalik iste'mol tovarlarini bir muncha to'g'ri shakllantirishga yondashmoqdalar.

Kundalik iste'mol tovarlariga kundalik turmush uchun zaruriy oziq-ovqatlar, kir yuvish va tozalash vositalari, uy xo'jaligi uchun zaruriy mayda tovarlar, ayrim kanselyariya tovarlari, kundalik ro'znomalari, ommabop jurnallar va hokazolarni kiritish mumkin.

Kundalik iste'mol tovarlarini iste'mol qilish intensivligiga ko'ra ularni o'z navbatida yana 3 ta quyi guruhga ajratish mumkin:

- a) doimiy ehtiyojdagi asosiy tovarlar;
- b) impulsiv tarzda sotib olinadigan tovarlar;
- v) favqulodda holatlar uchun xarid qilinadigan tovarlar.

Doimiy ehtiyojdagi asosiy tovarlar - xaridorlar tomonidan dastlabki ko'nikmaga, odatga ko'ra tanlovsiz, qiyoslashsiz sotib olinadi. Masalan, oila uchun ko'nikmadagi non mahsuloti turi, xo'jalik sovuni, o'simlik yog'i va hokazolalar. Impulsiv tarzda sotib olinadigan tovarlar guruhiga esa xaridor doim ular haqida o'ylamaydigan, lekin uchrashi bilan xarid qilinadigan tovarlar kiradi. Masalan, saqichlar, shokolad batonlari, televizion ko'rsatuvlar dasturi bo'lgan jurnal, ro'znoma va shu kabilar.

Favqulodda holatlar uchun xarid odatda retseptsiz sotiladigan dori-darmonlar, uy hashoratlariga qarshi dorilar, zontlar va unga o'xshash xaridor duch kelgan sharoitidagina zarur bo'lgan tovarlardan tashkil topadi.

Dastlabki tanlov asosida olinadigan tovarlar safiga: mebellar, kiyim-kechaklar, uy-ro'zg'or uchun elektr jihozlari kiradi va u xaridorlarni qiyoslashni, narx, moda, dizayn jihatidan tanlovda bir muncha mulohaza yuritishni talab etadi. Ushbu tovarlar o'xshash (sifat jihatidan bir-biriga yaqin, lekin dizayni va narxi jihatidan farqlanadigan) hamda alohida ko'rinishdagi (rangi, fasoni, navi jihatidan) xaridor didi va holatiga mos bo'lgan tovarlarga bo'linadi.

Iste'mol tovarlari turkumi			
Kundalik iste'mol tovarlari: a) doimiy talabdagi asosiy tovarlar; b) impulsiv tarzda sotib olinadigan tovarlar; v) favqulodda holatlar uchun tovarlar	Dastlabki tanlov asosida olinadigan tovarlar: a) o'xshash tovarlar; b) alohida ko'rinishdagi tovarlar	Alohida talabdagi tovarlar	Passiv talabdagi talablar

4.4-rasm. Iste'mol tovarlari turkumini tashkil etuvchi tovarlar tarkibi.

Alohida talabdagi tovarlar - xaridor uchun o'ta qadri sanalayotgan, o'ta nufuzli, mashhur firmalar tovari bo'lib, ular uchun xaridor tayinli vaqt va harakatlarni ayamaydi. Masalan, xususiy uylar uchun maxsus mebellar, jihozlar yoki bo'lmasa, Mercedes-bents, BMV, Volvo avtomobillarining ayrim turlari bo'yicha ishtiyoqli xaridorlar talabi bunga yorqin misol bo'la oladi.

Passiv talabdagi tovarlar - xaridorlarga notanish yoki ular xususida juda kam o'ylatadigan tovarlardan tarkib topadi. Masalan, yaqin o'n yil ichida mamlakatimiz aholisi uchun mikroto'lqinli pechlar, idish yuvish mashinalari notanish edi. Ushbu tovarlarning reklamasi, sotuvda ko'p tarqalishi natijasida u keng xaridorlar ommasiga yetib bordi. Bundan tashqari, dafn marosimi uchun anjomlar, hayot sug'urtasi kabi passiv talabdagi tovarlar ham aynan shu guruhga kiradi.

F. Kotler iste'mol tovarlari turkumiga ushbu yuqorida qayd etilgan 4 katta guruhga bo'lib o'rganish va ular bilan savdo qilishda sezilarli natijalar berishini asoslaydi.

Tez sarflanadigan iste'mol tovarlariga bo'lgan talab. Uzoq muddat foydalaniladigan tovarlarga bog'liq bo'lmagan iste'mol tovarlariga talabni quyidagi ma'lumotlardan kelib chiqqan holda aniqlash mumkin:

- salohiyatli iste'mol qiluvchi birliklar soni;
- real foydalanuvchilarning salohiyatli iste'mol qiluvchi birliklardagi ulushi (qamrov darajasi);
- bitta real xaridorga to'g'ri keladigan birlik iste'mol darajasi (kirib borish darajasi).

«Qamrov darajasi» bilan «kirib borish darajasi» o'rtasidagi farq bozorga ta'sir ko'rsatishning ustuvor maqsadlarini aniqlab olish uchun muhimdir: maqsad yo foydalanuvchilar sonini oshirish yoki bir foydalanuvchiga to'g'ri keladigan iste'mol hajmini oshirishdir.

Bozorning mutlaq salohiyati qamrov darajasi 100 %ga teng, kirib borish darajasi esa har bir foydalanish holati uchun maqbul deb olingan holda aniqlanadi. Talabning joriy darajasi xarid paytidagi barqaror ko'nikmalarni kuzatish orqali aniqlanishi mumkin. Zarur ma'lumotlarni ba'zan professional uyushmalardan yoki rasmiy statistika axborotlaridan ham olish mumkin. Biroq, ko'pincha, iste'molchilar komissiyalaridan («panellaridan») olingan dastlabki ma'lumotlarni chetlab o'tib

bo'lmaydi.

Agar iste'mol tovari uzoq muddat foydalaniladigan tovar bilan bog'liq bo'lsa (masalan, kir yuvish kukuni va kir yuvish mashinasi), iste'molchilarning qamrov darajasi uzoq muddat foydalaniladigan shu tovarning qamrov darajasi bilan almashtiriladi. Bu yerda qo'shimcha ko'rsatkichni tovarga qilinadigan murojaatlar orasidagi vaqtni ham kiritish zarurdir. Natijada quyidagi ko'rsatkichlar to'plamiga ega bo'lish mumkin:

- sarflanayotgan tovar birligining salohiyatli miqdori;
- uzoq muddat foydalaniladigan tovarning qamrov darajasi;
- uzoq muddat foydalaniladigan tovarga murojaatlar tezligi;
- sarflanayotgan tovarning uzoq muddat foydalaniladigan tovarga nisbatan birlik murojaatga to'g'ri keladigan iste'mol hajmi (texnik koeffitsient).

Sarflanayotgan tovarlarning salohiyatli iste'moli ular bajarayotgan vazifalardan kelib chiqqan holda aniqlanadi. Qolgan zarur ma'lumotlar so'rovlar yoki kuzatishlar orqali olinishi lozim, bunga bir murojaatdagi sarf hajmi kirmaydi, chunki u texnik sabablar bilan belgilanadi.

- uzoq muddat foydalaniladigan tovarga talab.

Bu holda birlamchi talab bilan almashuvga talab o'rtasidagi muhim farqni ajratib olish zarur. Uzoq muddat foydalaniladigan tovarga birlamchi talab quyidagi ko'rsatkichlar asosida aniqlanadi:

1. Real iste'mol qiluvchi birliklar soni va ularning uzoq muddat foydalaniladigan tovarlari bilan jihozlanganlik darajasi ortishi.
2. Yangi iste'mol qiluvchi birliklar soni va ularning uzoq muddat foydalaniladigan tovarlari bilan jihozlanganlik darajasi ortishi.

Uzoq muddat foydalaniladigan tovarlarning maqsadli xaridorlar orasida diffuziyalanish tezligi ham muhim ko'rsatkichdir. Uni aniqlash uchun o'xshash tovarlarning avvalgi davrlarda bozorga kirib borish egri chiziqlari juda foydalidir.

Almashtirishga talabni baholash birmuncha qiyinroqdir; buning uchun quyidagi ma'lumotlar kerak:

- uzoq muddat foydalaniladigan tovarlarning mavjud miqdori;
- ularning xizmat qilish muddati bo'yicha taqsimlanishi;
- tovarning xizmat qilish muddati bo'yicha taqsimlanishi (jismoniy, iqtisodiy yoki ma'naviy eskirish);
- tovarni almashtirish tezligi;
- almashtiriladigan yangi muqobil tovarlarning (yangi texnologiyalar) paydo bo'lish samarasi;
- iste'mol qiluvchi birliklarning yo'qolish samarasi.

Almashtirishga talab uzoq muddat foydalaniluvchi tovarlarning miqdori va xizmat qilish muddatiga bevosita bog'liq. Almashtirish tezligi xizmat muddatining tugash tezligi bilan mos kelishi shart emas, bunda iste'moldan chiqib ketadigan uzoq muddat foydalaniluvchi tovarlarning ulushi tushuniladi. Har bir narsa eskirishi mumkin, chunki uning iqtisodiy ko'rsatkichlari qoniqarsiz bo'lib qoladi yoki foydalanuvchilarning fikricha, u modadan qolgan bo'ladi.

Umuman, xizmat muddatining tugash tezligi bu muddatning uzoqligiga teskari proporsionaldir. Masalan, o'rtacha xizmat muddati 12 yilga teng bo'lsa, bu

muddatning o'rtacha tugash tezligi 8,3 %ni tashkil qiladi.

Xizmat muddatining yana davom ettirilishi birlamchi talabga taalluqli bo'lgan baholarga kuchli ta'sir ko'rsatadi. Masalan, Frantsiyada avtomobillarning real xizmat muddati 10-11 yilni tashkil qiladi. Agar bu muddat 12,5 yilga yetsa, xizmat muddatining tugash tezligi taxminan 8 %ga teng bo'ladi, bu esa 1,7 mln.ga yaqin mashinani almashtirishga talabga to'g'ri keladi. Agar, aksincha, o'rtacha xizmat muddati 9 yildan oshmaydi, deb faraz qilsak, xizmat muddatining tugashi taxminan 11,1 %ni tashkil qiladi, bu esa 2,1 mln. mashinani almashtirishga talab, demakdir.

Avtomobil bozorida texnologik xizmat muddati uzluksiz ortib boradi. Shvetsiyada o'tkazilgan tadqiqotlarning ko'rsatishicha, ba'zi rusumdagi avtomobillarning xizmat muddati 1965 yildan buyon 65 %ga uzaygan.

Talabni baholash uchun zarur ba'zi ma'lumotlar, masalan, mavjud tovarlar miqdori va ularning muddatlar bo'yicha taqsimlanishi haqidagi ma'lumotlarni o'tgan yillardagi savdo faoliyatini tahlil qilish natijasida olish mumkin. Masalan, xizmat muddati bo'yicha taqsimlanishning bahosi o'zlaridagi buyumni almashtirish bilan band bo'lgan tovar egalarini tanlab olish yo'li bilan aniqlanishi mumkin. Bunday yo'l bilan aniqlangan almashtirish tezligi eskirishning tovarni almashtirishga sabab bo'ladigan turli turlarini farqlashga imkon bermasligi tabiiydir. Texnik jihatdan yaroqli bo'lgan tovar iqtisodiy (masalan, agar yangi tovarlardan foydalanish xarajatlari keskin kamaygan bo'lsa) yoki hissiy (masalan, agar foydalanuvchi yangi modellarning estetik xususiyatlariga katta ahamiyat bersa) sabablarga ko'ra almashtirilishi mumkin. Undan tashqari, almashtirish paytida foydalanuvchi shu vazifani bajaruvchi, biroq boshqa texnologiyaga asoslangan tovarga murojaat qilishi mumkinligini ham esdan chiqarmaslik kerak.

Tejamliroq «past haroratli» qozonlar ishlab chiqilishi natijasida markaziy isitish sohasida katta taraqqiyotga erishildi, bu esa iqtisodiy sabablarga ko'ra almashtirish sur'atlarining tezlashishiga olib keldi. Ayni paytda boshqa texnologiyalar, masalan, issiqlik nasoslari ham rivojlandi va ular ko'p holatlarda ba'zi maxsus sohalarda mazutda ishlaydigan qurilmalarning o'rini egalladi.

Uzoq muddat foydalaniladigan tovarlar sektoridagi savdo hajmlarining katta qismi almashtirishga talabga to'g'ri keladi, bu ayniqsa, uy xo'jaliklarining bunday tovarlar bilan jihozlanish darajasi juda yuqori bo'lgan hamda aholi sonining o'sish darajasi past bo'lgan g'arb mamlakatlarida kuzatiladi.

Iste'mol sektoridagi xizmatlarga talab xuddi iste'mol tovarlariga talabni aniqlash singari aniqlanadi. Bunda salohiyatli iste'mol birliklarining xizmatdan foydalanish darajasi yoki tezligiga to'g'ri keladigan miqdori asos qilib olinadi. Shu bilan birga xizmatlar talabni tahlil qilishda e'tiborga olish lozim bo'lgan ba'zi xususiyatlarga ega bo'ladi. Bu xususiyatlar xizmatlarning moddiy emasligi va saqlanmasligidan kelib chiqadi. Xizmatdan foydalanish uchun shu xizmatni ko'rsatuvchi shaxs yoki servis tashkiloti bilan bevosita muloqot o'rnatish zarur.

Sanoat tovarlariga talab. Yuqorida ko'rsatib o'tilganidek, sanoat sektoridagi talab ishlab chiqarish talabidir. Bunday talab sotib olingan tovarlardan boshqa tashkilotlar yoki pirovard iste'molchilarning talabini qondirish maqsadida o'z ishlab chiqarish tizimida foydalanadigan tashkilotlarda paydo bo'ladi. Demak, sanoat tovarlari va yoki xizmatlariga talab kelgusida qondirilishi kerak bo'lgan bir yoki bir

necha manbalarga bog'liq bo'ladi.

Shuning uchun operatsion marketing uchun mas'ul xodim bevosita mijozlarining talabini emas, balki bevosita mijozlar xizmat ko'rsatadigan mijozlarning talablarini ham bilishi va oldindan ko'ra olishi lozim. Aks holda u g'oyatda reaktiv faoliyat bilangina cheklanishga majbur bo'ladi.

Sanoat tovarlariga talab ularning sarflanadigan materiallar, yarim tayyor mahsulotlar yoki pirovard mahsulot ekanligiga qarab turlicha tarkiblanadi. Ba'zi tafovutlarni hisobga olmagan holda, talabni baholash uchun zarur bo'lgan dastlabki ma'lumotlar iste'mol tovarlari uchun talab qilinadigan ma'lumotlardan farq qilmaydi.

Sarflanadigan materiallarga talab. Iste'mol tovarlariga eng yaqin toifa firma o'z ishlab chiqarish jarayonida foydalanadigan va pirovard mahsulotlarga o'tmaydigan sarflanadigan materiallardir. Bu holda quyidagi ma'lumotlarga ega bo'lish lozim: salohiyatli foydalanuvchi tashkilotlar soni (o'lchamiga qarab); o'lchamiga qarab saralangan real foydalanuvchilar soni; bir real foydalanuvchi hisobiga to'g'ri keladigan faollik darajasi; faollik birligiga to'g'ri keladigan birlik iste'mol darajasi (texnik koeffitsient).

Iste'mol darajalari - tovarning oson tanib olinadigan texnik tavsiflaridir. Korxonalarining o'lchami va faollik darajasiga ko'ra taqsimotini turli sanoat ma'lumotnomalaridan osonlik bilan topish mumkin.

Sanoat tovarlarining ikkinchi toifasiga sanoat mijozi tayyorlaydigan mahsulotni ishlab chiqarishda foydalaniladigan yoki uning tarkibiga kiritiladigan oraliq mahsulotlar kiradi. Bu holda talab mijozning ishlab chiqarish hajmiga bevosita bog'liq bo'lib, quyidagi tarkibiy qismlarga ega bo'ladi:

- salohiyatli iste'molchi korxonalar soni (o'lchamiga qarab);
- real iste'molchi korxonalarining ulushi (o'lchamiga qarab);
- bir foydalanuvchiga to'g'ri keladigan ishlab chiqarish hajmi;
- pirovard mahsulot birligiga to'g'ri keladigan birlik foydalanish darajasi

(texnik koeffitsient).

Bu toifaga ko'p sonli avtomobil ehtiyot qismlarini ishlab chiqaruvchi ko'p sonli korxonalar kiritiladi. Avtomobillarga iste'mol talabining o'zgarishi ertami-kechmi detallarni ishlab chiqaruvchilarga qaratilgan talabning o'zgarishiga aylanadi. Demak, pirovard talab evolutsiyasini sinchiklab kuzatish o'z mahsulotiga talabni avvaldan ko'ra bilishni istagan korxonalar uchun muhimdir.

Sanoat asbob-uskunalariga talab. Sanoat tovarlarining so'nggi toifasi asbob-uskunalar, shu jumladan dastgohlar, prokat stanlar, korxonalar va ishlab chiqarish faoliyati uchun zarur bo'lgan boshqa vositalardir. Gap uzoq muddat foydalaniladigan tovarlar to'g'risida borayotganligi tufayli, shunga o'xshash iste'mol tovarlaridagi kabi, birinchi marta sotib olinayotgan asbob-uskunalar bilan almashtirilayotgan asbob-uskunalarni o'zaro farqlash kerak. Asbob-uskunalariga birlamchi talab quyidagi omillarga bog'liq:

- asbob-uskunalar bilan jihozlangan korxonalar soni (o'lchamiga qarab);
- ishlab chiqarish quvvatlarining o'sishi;
- yangi foydalanuvchilar soni (iste'mol darajasiga qarab);
- shu korxonalarining ishlab chiqarish quvvatlari.

Almashtirishga talabni baholashda hisobga olinishi kerak bo'lgan omillar:

mavjud asbob-uskunalar miqdori;

- asbob-uskunalar parkining yoshiga ko'ra tarkibi va uning texnologik darajasi; mahsulotning xizmat muddatini taqsimlash (texnik va iqtisodiy eskirish); almashtirish sur'ati; mahsulotning o'rini bosish samarai (yangi texnologiyalar); ishlab chiqarish quvvatlarining kamayish samarasi.

Sanoat asbob-uskunalariga talab bevosita mijoz-korxonalarining ishlab chiqarish quvvatlariga bog'liq, aynan mana shu bog'liqlik sanoat asbob-uskunalariga talabning o'zgarishini izohlaydi.

O'sish imkoniyatlarini qidirish. Birlamchi talabning joriy va mutlaq darajalari o'rtasidagi farq bozorning rivojlanganligi yoki rivojlanmaganligini ko'rsatadi. Bu farq qanchalik katta bo'lsa, global talabning o'sish salohiyatlii shunchalik yuqori bo'ladi va aksincha, bu farq qanchalik kichik bo'lsa, to'yinish darajasiga shunchalik yaqin bo'ladi.

4.3. Tovar hayotiylik davri modeli

Bozorning salohiyati shu tovar bozori ega bo'lgan iqtisodiy imkoniyatlarning ko'lamini belgilaydi. Bu jalb etuvchanlikning birinchi va mohiyat jihatdan miqdoriy o'lchovi bo'lib, unga dinamik baho qo'shimcha qilinishi mumkin. Ushbu dinamik baho uning davomiyligini, ya'ni salohiyatli talabning vaqt davomidagi evolutsiyasini xarakterlaydi. Odatda, bu evolutsiyani tavsiflash uchun tovarning hayot davri (THTs) modeliga murojaat etiladi, bu model biologiyadan olingan bo'lib, u S-simon logistik egri chiziqdir. Bu davrda to'rt asosiy faza mavjud: tovarning bozorga kiritilishi fazasi, eksponentsial faza (o'sish-turbulentlik), statsionar faza (yetuklik-to'yinish) va tushkunlik davri (yakunlanish yoki chirish).

Tovarning hayot davri deatamaantlari. Tovarning hayot davrini muhokama qilishdan avval hayot davrini qaysi tovarlarga nisbatan tahlil qilish kerakligini tushunib olish muhimdir - masalan, tovarlarning toifasigami (yozuv mashinkasi)? toifa tarkibidagi ma'lum bir turdagi tovargami (elektron yozuv mashinkalari)? Maxsus modellargami (portativ elektron yozuv mashinkalari)? Muayyan markagami («Canon» markasi)?

Marketingga oid adabiyotlarda bu mavzuda anchagina chalkashliklar bor bo'lib, tovarlarning ushbu turli darajalariga har qanday tovar vaqti o'tishi bilan u yoki bu shaklda o'zgaradi, degan nuqtai nazardan qaraladi. Hayot davri modelini qo'llash mumkin bo'lgan boshqa sohalarni inkor qilmagan holda, tovarning hayot davri modeli tovar bozorining hayot davrini tahlil qilishda eng ko'p foyda beradi. Yuqorida ko'rib o'tilganidek, tahlilning aynan mana shu darajasi xaridorlarning real xulq-atvoriga eng aniq mos keladi. Shu yo'sinda, tovarning har bir bozori ma'lum bir hayot davriga mos keladi. Bunday yondashuvda hayot davri nafaqat tovarning evolutsiyasini, balki u mo'ljallangan bozorning evolutsiyasini ham aks ettiradi. Tovarning evolutsiyasi texnologiya bilan, bozorning evolutsiyasi global talab va uning deatamaantlari bilan ifodalanadi.

Tahlil obyekti - tovar bozorlarining sinfini aniqlashda yana bir muammo tug'iladi: hayot davrini nazorat qilinmaydigan omillar bilan belgilanadigan mustaqil o'zgaruvchi deb qarash kerakmi, yoki kompaniyaning marketing faoliyatiga bog'liq o'zgaruvchimi. Bu muhim masaladir. Birinchi holda hayot davrining har bir

bosqichida qaysi strategiyasini qabul qilishni aynan tovarning hayot davri belgilaydi; ikkinchi holda esa, aksincha, tanlangan strategiyalar tovarning hayot davrini belgilaydi.

Tovar markasining hayot davri. Markalar miqyosidagi asosiy harakatlantiruvchi kuch saylanma talabdir. Ko'rinib turibdiki, u asosiy bozorning rivojlanishi bilan belgilanadi, ammo unga raqobat omili qo'shiladi: bu omil bir marka va unga raqobatchi markalar o'rtasidagi jami marketing harakatlarining nisbatidan iboratdir. O'sib borayotgan bozorda tushkunlik va aksincha o'sish bosqichidagi markalarni kuzatish mumkin.

«Prokter end Gembel» firmasining bosh direktori hayot davri modeliga ishonmaydi va 1949-yilda chiqarilgan bo'lishiga qaramay, 1976-yilda ham hali o'sish bosqichida bo'lgan «Tayd» markasini misol qilib keltiradi. Aslida bu marka 29 yillik umri davomida bozordagi o'zgarishlarga: iste'mol ko'nikmalariga, kir yuvish mashinalarining tavsiflariga, yangi mato-gazlamalar va boshqalarga yaxshiroq moslashtirish maqsadida 55 marta o'zgartirildi.

Ko'rinib turibdiki, markaning hayot davri asosan firmaning nazorati ostidagi omillar tomonidan - qabul qilingan marketing strategiyasi va uni qo'llab-quvvatlash bo'yicha harakatlar ko'lamini bilan belgilanadi. Xinkl 275 xil markadagi oziq-ovqat tovarlari, kosmetika va uy jihozlarining evolutsiyasini o'rganib chiqdi. Kelgusida biz muayyan markaning emas, balki faqat tovar bozorining hayot davrini ko'rib chiqamiz.

Hayot davrining strategik oqibatlar. Birlamchi talab evolutsiyasining xarakteri vaqt bo'yicha differensiyalanganligi muhim oqibatlarga olib keladi, marketing strategiyalari ularni hayot davrining har bir bosqichida hisobga olish lozim. Ushbu to'rtta asosiy xulosani chiqarish mumkin:

- iqtisodiy va raqobatli muhim tovar hayot davrining har bir bosqichida o'zgarib boradi;

- har bir bosqich uchun ustuvor strategik maqsadni qaytadan belgilab olish lozim;

- tovarning hayot davridagi har bir bosqich uchun xarajatlar va daromadlar tarkibi turlichadir;

- marketing dasturi tovarning hayot davridagi har bir bosqichiga moslashtirilgan bo'lishi lozim.

Tovarlar hayot davrining texnologik o'zgarishlar bosimi ostida qisqarishi o'z kapital qo'yilmalarini oqlash uchun tobora kam vaqt qolayotgan firmalar uchun asosiy muammodir.

Tovarni bozorga olib kirish bosqichi. Tovarni kiritish bosqichida model muhitga xos bo'lgan to'rtta guruh omillar ta'siri ostida tovar savdosining anchagina sekin rivojlanishini ko'rsatadi.


Firma oldida ushbu bosqichda hali yetarlicha o'zlashtirilmagan **texnologiya bilan bog'liq** muammolar vujudga kelishi mumkin. Bundan tashqari, ishlab chiqarish jarayonini tanlashda mavhumlik saqlanishi mumkin. Shuning uchun firma bozorni talab qilinayotgan sur'atda ta'minlab tura olmaydi yoki buni istamaydi.

Sotish tarmoqlari, ayniqsa yirik sotish tarmoqlari hali o'z samaradorligini isbotlamagan tovarga nisbatan ehtiyotlik qilishi mumkin. Bundan tashqari, sanoat

tovarlarining distribyutori avval tovar bilan, uning texnik tavsiflari va asosiy qo'llanish variantlari bilan o'zi tanishib olishi lozim.

Salohiyatli xaridorlar o'z iste'mol odatlarini o'zgartirishga shoshilmaydilar, ularning faqat innovatsiyalarga eng moyil bo'lganlari esa yangilikning mavjudligi haqida axborotga ega bo'lib, tovarni asta-sekin qabul qiladilar.

Muhitning to'rtinchi omili raqobatdir. Umuman, novator firma bevosita raqobat yo'qligida bozorda yagona firma bo'lib, hech bo'lmaganda innovatsiyaning patent asosida himoyalaniş jarayoniga ko'ra ma'lum muddat davomida yagona firma bo'lib qoladi. Ammo o'rinbosar tovarlar juda kuchli raqobatchi bo'lib, talabning rivojlanishini sekinlashtirishi mumkin.



4.5-rasm. Tovar hayotiy davrining ideal ko'rinishi.

Ushbu bosqich yuqori darajada mavhumdir, chunki texnologiya hali rivojlanish bosqichida, raqiblar noma'lum, bozor esa aniq belgilab olinmagan bo'lib, axborotning yo'qligi juda bilinadi. Innovatsiya qanchalik inqilobiy xarakterda bo'lsa, mavhumlik shunchalik yuqori bo'ladi.

Tovarni chiqarish paytida tovarni kiritish bosqichining muddatini baholash muhim muammodir, chunki ushbu bosqichda pul oqimlari anchagina manfiy bo'ladi. Savdoni rag'batlantirishga va bozorni axborot bilan ta'minlashga qaratilgan marketing xarajatlari katta bo'lib, savdo hajmining katta qismini tashkil etadi. Chiqarish hajmi kichik bo'lganligi tufayli ishlab chiqarish xarajatlari ham yuqori bo'ladi. Kapital qo'yilmalarning amortizatsiyasi va IITTI xarajatlari ham rentabellikka og'ir yuk bo'lib tushadi. Ushbu bosqich qanchalik qisqa bo'lsa, firmaga shunchalik yaxshidir. Uning uzunligi xaridorlarning qabul qilish vazifasi bo'lib, uni quyidagi omillardan kelib chiqqan holda aniqlash mumkin:

- yangi tovar ta'minlaydigan foydalarning muhimligi;
- foydaning yaqqol ifodalanganlik darajasi: u maqsadli guruh tomonidan oson qabul qilinib, oson tushuniladimi?
- iste'mol yoki ishlab chiqarish ko'nikmalariga mos tushadigan yangi tovarga

o'tishda mijoz uchun katta xarajatlarning yo'qligi;

- sanoat mijozini innovatsiyani qabul qilishga undaydigan raqobatning bosimi.

Ushbu vaziyatda novator uchun strategik ustuvor yo'nalish mavhumlik bosqichidan chiqish uchun birlamchi talabni imkon qadar tezroq shakllantirishdir. Ushbu umumiy maqsad quyidagi vazifalardan iboratdir: tovarning mavjud ekanligi haqidagi xabarning keng tarqalishiga erishish; bozorni innovatsiya olib keladigan foydalar haqida xabardor qilish; xaridorlarni tovarni sinab ko'rishga undash; tovarni savdo tarmoqlariga olib kirish. Shunday qilib, tovar hayot davrining birinchi bosqichida ustuvor maqsadlar asosan axborot va ta'lim xarakteriga ega bo'ladi. Ushbu maqsadlarga erishish uchun **marketing dasturi** quyidagi masalalarga e'tibor qaratishi lozim:

- tovarning asosiy konsepsiyasi;

- selektiv yoki hatto ekskluziv sotish tizimi;

- talabning elastiklik darajasining pastligini hisobga olgan holda yuqori narxlar belgilash imkoniyati;

- informativ kommunikatsiya dasturi.

Tovarni bozorga chiqarishning, ayniqsa narx siyosati borasida, turli strategiyalarini qabul qilish mumkin. Bozorga kirib kelish narxi bilan «qaymog'ini olish»ning narxi o'rtasidagi dilemma aynan shu bosqichda ayniqsa keskinlashadi. Ushbu muammo keyinroq batafsil qarab chiqiladi.

O'sish bosqichi. Agar tovar birinchi bosqichda sinovdan muvaffaqiyatli o'tsa, u savdo tez rivojlanadigan **o'sish bosqichiga** o'tadi. Tovarning hayot davri modeliga ko'ra, bunday o'sishga quyidagilar sabab bo'ladi:

- dastlabki qoniqqan foydalanuvchilar o'z xaridlarini takrorlaydilar va og'zaki kommunikatsiya orqali boshqa salohiyatli xaridorlarga ta'sir ko'rsatadilar; bozorni qamrab olish darajasi tez ortadi.

- tovarning sotish nuqtalarida mavjudligi uni sezilarli qilib qo'yadi, bu ham uning bozorda tarqalishiga imkon beradi.

- bozorga yangi raqobatchilarning chiqishi talabga jami marketing bosimining oshishiga olib keladi, bu paytda talab kengayuvchan va juda moslashuvchan bo'ladi.

Ushbu bosqichning muhim jihati mahsulot hajmining ortishi va paydo bo'lib kelayotgan tajribaning samarasi hisobiga ishlab chiqarish xarajatlarning muntazam kamayib borishidir. Narxlar pasayib boradi, bu esa asta-sekin butun salohiyatli bozorni qamrab olishga imkon beradi. Shuning uchun marketing xarajatlari tez o'sib borayotgan savdo hajmiga taqsimlanadi. Pul oqimlari musbat bo'lib boradi.

Iqtisodiy va raqobat muhitining tavsiflari tez o'zgaradi:

1) savdo o'sib boruvchi sur'atlarda ortib boradi;

2) endilikda maqsadli guruh yangilikni erta qabul qiladigan kishilar segmenti bo'ladi;

3) yangi raqobatchilar bozorga ko'p miqdorda chiqadilar;

4) texnologiya bozorda keng tarqaladi.

Ushbu vaziyatdan unumli foydalanish uchun marketingning ustuvor maqsadlari ham quyidagicha o'zgarishi kerak:

- bozorni talab kengayib borayotgan sharoitlarda kengaytirish va rivojlantirish;

- bozorni qamrab olish darajasini imkon qadar kengaytirish;

- markaning kuchli timsolini yaratish;
- markaga ishqibozlikni yaratish va qo'llab-quvvatlash.

Ushbu yangi maqsadlarga erishish uchun marketing dasturi yangilanishi, ya'ni quyidagilarga qaratilishi lozim:

- tovarni avvalo unga, yangi xususiyatlar qo'shish orqali yaxshilash;
- intensiv savdoga o'tish va sotish tarmoqlarining sonini ko'paytirish;
- xaridorlarning yangi guruhlarini jalb etish uchun narxni pasaytirish;
- kommunikatsiya vositasida markaning yangi timsolini yaratish.

Birlamchi talabni ishlab chiqishdan maqsad odatda katta moliyaviy xarajatlarni talab etadi, va holanki, agar pul oqimi musbat bo'lib, rentabellik yaxshilanib borayotgan bo'lsa, moliyaviy muvozanat chegarasiga yetilmasligi ham mumkin. Bunday bozorda faoliyat yuritayotgan firma o'z o'sishini moliyaviy ta'minlash uchun anchagina katta moliyaviy bazaga ega bo'lishi kerak.

Ushbu bosqichda talab kengayib borganligi tufayli, raqobatchilar ko'p bo'lgan taqdirda ham raqobat muhiti tinchligicha qoladi. Har bir firmaning marketing harakatlari bozorning taraqqiyotiga o'z hissasini qo'shmoqda, bozor bilan hamqadam o'sib borish maqsadi barchaga to'g'ri keladi.

Turbulentlik bosqichi. Ushbu o'tish davri birlamchi talabning o'sish sur'ati sekinlashadigan davrdir. Iqtisodiy va raqobat muhiti yana yangilanadi:

- talab sekinlashuvchi sur'atda o'sib boradi;
- bozorning asosiy qismini egallab olish maqsadi qo'yiladi;
- eng zaif raqobatchilar narxlar pasayganligi tufayli bozordan ketadilar;
- tarmoqda konsentratsiya o'sib boradi.

Turbulentlik davrining asosiy jihati shundaki, o'sish sur'atlarining sekinlashishi tufayli vaziyat barcha firmalar uchun qiyinlashib qoladi. Ko'proq darajada dinamik firmalar o'z faoliyatini qayta tuzilmalab, o'zi uchun yangi maqsadlarni belgilaydi.

Navbatdagi vazifa bozorni rivojlantirish emas, balki undagi o'z ulushini ko'paytirishdan iborat.

Tovar siyosati o'z tovarlarini raqobatdan va ayniqsa ko'plab maxsus ishlab chiqilgan nusxalardan differentsiyalash maqsadida segmentlash va maqsadli segmentlarni tanlab olish orqali belgilanadi. Yangi ustuvor maqsadlar quyidagicha belgilanadi:

- bozorni segmentlashga ijodiy yondashish va ustuvor maqsadli segmentlarni belgilab olish;
- ushbu ustuvor segmentlarda bozor ulushini kattalashtirish;
- markani yoki markalarni xaridorlar ongida aniq joylashtirish;
- bozorni e'lon qilingan joydan xabardor qilish.

Ushbu maqsadlarga erishish uchun marketing dasturida quyidagi strategik yo'nalishlar alohida ta'kidlab o'tilishi lozim:

- tovarlarni bozorda segmentlash asosida differentsiyalash;
- tovarning imkon qadar ko'zga ko'p tashlanishiga erishish maqsadida savdo tarmog'ini kengaytirish;
- markaning ajralib turuvchi xususiyatlariga asoslangan narx belgilash;
- markaning e'lon qilingan tarzda joylanishi haqida reklama kommunikatsiyasi.

Turbulentlik davri juda qisqa bo'lishi hamda g'oyatda shiddatli o'tishi va qayta tuzilmalashni keltirib chiqarishi mumkin. Raqobat muhiti tobora keskinlashib boradi, muvaffaqiyatning hal qiluvchi ko'rsatkichi bozor ulushining kattalashishi bo'ladi.

Yetuklik bosqichi. Birlamchi talabning o'sishi sekinlashishda davom etib borib, YaMMning yoki aholi sonining real o'sish sur'atiga tenglashib qoladi. Tovar yetuklik bosqichiga qadam qo'yadi. Rivojlangan iqtisodiyotda sanoat sektorlarining ko'pchiligi odatda eng uzun bo'lgan ushbu bosqichda bo'ladi. Birlamchi talabning barqarorlashishiga quyidagilar sabab bo'ladi.

- bozorni qamrab olish va unga kirib borish darajasi juda yuqori bo'lib, uning yanada o'sish ehtimoli juda kichik bo'ladi;

- bozorning savdo tarmoqlari bilan qoplanishi intensiv bo'lib, bundan ham kattalasha olmaydi;

- texnologiya barqarorlashdi; endi tovar sezilarli darajada yangilanmaydi.

Ushbu bosqichda bozor kuchli darajada segmentlangan bo'ladi, firmalar ko'p sonli ehtiyojlarning barchasini qondirishga urinadi. Aynan shu bosqichda takroriy texnologik takomillashuv ehtimoli eng yuqori bo'ladi, chunki raqobatchilar tovarning hayot davrini uzaytirishga intiladilar.

Yetuklik bosqichida iqtisodiy va raqobat muhitining asosiy tavsifi quyidagilardan iborat bo'ladi:

- talab kengaymay qo'yadi va global iqtisodiy o'sish sur'atlarida ortib boradi;

- uzoq muddat foydalaniladigan tovarlarga talabda almashtirishga talab ustunlik qiladi;

- bozorlar o'ta segmentlangan bo'ladi;

- tovar bozorlarida bir necha qudratli raqobatchilar ustunlik qiladilar va bozorning tuzilmasi oligopoliyaga mos keladi;

- texnologiyalar standartlashtiriladi.

Bundan kelib chiqqan holda firmaning ustuvor strategik maqsadi o'z bozor ulushini saqlab qolish va iloji bo'lsa, kengaytirish hamda bevosita raqobatchilar oldida barqaror raqobatli ustunlikka erishishdan iborat. Ushbu maqsadlarga erishish uchun qo'llaniladigan vositalar quyidagicha bo'ladi:

- tovarlarni sifat bo'yicha differentsiatsiyalash, bozorga yangi yoki yaxshilangan xususiyatlarni taklif qilish;

- bozor bo'shliqlarini yoki segmentlarini qidirish;

- tovardan boshqa turli marketing o'zgaruvchilaridan: imij, talabni rag'batlantirish va narxdan foydalangan holda raqobatli ustunlikka erishishdir.

Talabning o'sishidagi sekinlashish raqobat muhitiga muqarrar ravishda ta'sir ko'rsatadi. Raqobatning kuchayishiga ortiqcha ishlab chiqarish quvvatlarining paydo bo'lishi sabab bo'ladi. Narx raqobati tobora ko'proq uchraydi; u narx bo'yicha noelastik bo'lib borayotgan global talabga sust ta'sir ko'rsatadi yoki mutlaqo ta'sir etmaydi. Shuning uchun narx kurashi faqatgina bozor ulushlarining safi tobora kamayib borayotgan raqobatchilar o'rtasida qayta taqsimlanishiga olib keladi. Tarmoq narx kurashlariga qanchalik kam uchraganligiga qarab, ushbu bosqich rentabellik eng yuqori bo'lgan davr bo'lib, bozor ulushi qanchalik katta bo'lsa, rentabellik shunchalik yuqori bo'ladi.

Pasayish bosqichi. Pasayish bosqichi talabning tarkibiy pasayishida namoyon

bo'ladi. Bunga quyidagilar sabab bo'ladi:

texnologik taraqqiyot ta'siri ostida yangi, mukammalroq tovarlar paydo bo'ladi va ular bir xil vazifani bajaradigan mavjud tovarlarni siqib chiqaradi;

- istak-xohishlar, ta'blar va iste'mol ko'nikmalari vaqti o'tishi bilan o'zgaradi va tovarlar modadan qoladi;

- muhitdagi ijtimoiy, iqtisodiy va siyosiy o'zgarishlar xavfsizlik, gigiena, ekologik himoya me'yorlarining o'zgarishi natijasida tovarlar eskiradi yoki ular taqiqlab qo'yiladi.

Savdo hajmi va daromad istiqbollari kamayganligi tufayli, ba'zi firmalar o'z investitsiyalarini qaytarib olib, bozorni tark etadilar; boshqalari esa, aksincha, agar biror iqtisodiy manfaat bor bo'lsa va agar pasayish sekin borayotgan bo'lsa, qoldiq bozorlarda ixtioslashishga urinadilar. Ba'zan uchrab turadigan bozorning qayta tiklanish hollarini hisobga olmaganda, texnologik jihatdan eskirgan tovarni ishlab chiqarish muqarrar ravishda to'xtatiladi.

4.4. Talabni bashorat qilish uslublari

Bozor bashorati belgilangan uslubiy doirasida, haqiqiy axborot asosida, uni ehtimol bo'lgan xatolarini baholash bilan bajarilgan talab, tovar taklifi va narx rivojlanishi istiqbollarini ilmiy asosda oldindan ko'ra bilishdir.


THD modelidan foydalanish muayyan tovar bozoridagi birlamchi talab evolutsiyasiga oid sifat yoki miqdoriy prognozlarni ifodalash qobiliyatini ko'zda tutadi. Ushbu muammo so'nggi o'n yillikda kuzatilayotgan muhitning turbulentligi va tub o'zgarishlar oqibatida g'arb mamlakatlarida g'oyatda murakkablashib ketdi. Ushbu qiyinchiliklarni hamda prognozlardagi «xatolar»ning kritikligini hisobga olgan holda, ba'zi tahlilchilar prognozlashning befoйда ekanligi haqida fikr bildirishga majbur bo'ldilar. Aslida esa prognozlash - barcha firmalar muqarrar ravishda ochiq yoki yashirin shaklda bajarishi lozim bo'lgan majburiyatdir. Ushbu bo'limning maqsadida talabni prognozlash muammolarini va prognozlashning asosiy usullarini qo'llashda rioya qilinishi kerak bo'lgan shartlarni tavsiflash.

Bashorat qilish usullarining tipologiyasi. Prognozlash usullarini ikki mezon bo'yicha tasniflash mumkin bo'lib, bu mezonalar prognozlash jarayonining subyektivlikdan erkinlik darajasi va ushbu jarayonning ko'proq yoki kamroq darajada tahlil bo'lishidir. Ushbu o'lchashlarning qutblarida subyektiv va obyektiv usullar hamda sodda va sabab-oqibat usullari yotadi.

Subyektiv usullar. Subyektiv usullarda prognozni shakllantirish uchun foydalaniladigan jarayonlar ochiq uslubda bayon qilinmaydi va ular prognoz qiluvchidan ajralmasdir.

Obyektiv usullar. Bunda prognozlash jarayonlari aniq ifodalangan bo'lib, boshqalar tomonidan ham ijro etishi mumkindir va ular ham muqarrar ravishda xuddi shunday prognozni ifodalaydilar.

Aslini olganda birinchi mezon miqdoriy usullarni intuitsiya, ijod va tasavvur ustunlik qiladigan sifat usullariga qarshi qo'yadi.



4.6-rasm. Bashorat qilish usullari tipologiyasi.

Sodda usullar. Prognoz o'rganilayotgan o'zgaruvchining (masalan, birlamchi talab darajasining) avvalgi evolutsiyasini kuzatish asosida, asosiy harakatlantiruvchi omillarni ochiq-oydin hisobga olmagan holda shakllantiriladi.

Sabab-oqibat usullar. Talabni belgilovchi omillar aniqlangan bo'lib, ularning kelgusi ehtimoliy kattaliklari oldindan aytib berilgan; ulardan talabning ehtimoliy qiymati keltirib chiqariladi. Ushbu ikkinchi mezon ekstrapolyatsiya usullarini, ularning sifat yoki miqdoriy xarakterdaligidan qat'i nazar, o'zaro munosabatlarni izohlovchi usullarga qarshi qo'yadi.

Ekspert baholashda bashorat bu holda obyektiv ma'lumotga emas, balki ekspertlar mulohazasiga menejer yoki iste'molchi fikriga asoslanadi. Bu yondashuvning asosini bir yoki bir necha ko'rinish doirasida ularni amalga oshirish ehtimoli va birlamchi talab omillariga kiruvchi sabablarning muhokama yig'indisi tashkil qiladi. Bu ekspertning shaxsiyatiga bog'liq.

Muhokamaga asoslangan 3 ta uslubi keng qo'llanadi:

- 1) qaror qabul qiluvchi shaxsning muhokamasi;
- 2) savdo xodimini baholash;
- 3) xaridorlarning niyat-mayllari.

Birinchi menejer tajribasidan kelib chiqib bashorat qiladi. Bu uslubning qadri bashoratni tuzayotgan shaxsning tajribasi va his-tuyg'ulariga bog'liq. Asosiy kamchiligi kommunikatsiya qiyinchiligi va bashoratni yolg'on yoki haqiqiy ekanligini tekshirish imkoniyati yo'qligi hisoblanadi.

Savdo personalini baholash. Mijozlarni ta'minlayotgan savdo xodimlari odatda sotish imkoniyati haqida aniq ma'lumotga ega bo'ladi. Xizmat qilayotgan hududi bo'yicha bozor salohiyatini baholash imkoniyatiga ega.

Agar **evristik va ekstrapolyatsiya** uslubida bashorat jarayonini tahliliy tuzilishi kuchsiz bo'lsa, bashoratlarning obyektiv ma'lumotiga asoslangan evristik usublardan qo'llanadi. Oldingi tajribaga yoki oldingi sotuv murakkab ekstrapolyatsiya

ma'lumotlariga asoslanadi.

Tushuntiruvchi (eksplikativ) uslublar. Ilmiy nuqtai nazardan obyektiv va tahliliy uslublar juda zo'r uslub hisoblanadi. U matematik modellarga asoslanadi. Bitta yoki bir necha ssenariylar ishlab chiqarilib, talabni ehtimoliy baholashga olib keladi.

Nazorat va muhokama uchun savollar

1. Bozorning joriy salohiyati bilan mutlaq salohiyati o'rtasida qanday nisbat bor? Ushbu ikki tushunchaning darajasini va evolutsiyasini belgilaydigan omillarni tavsiflab bering.

2. Talab deatamaantlari deganda nimani tushunasiz?

3. Bozor sig'imi deganda nimani tushunasiz?

4. Tovarning hayotiy davri modeli qanday bosqichlardan iborat?

5. Birlamchi talabning narx bo'yicha elastikligi tovar hayot davrining turli bosqichlarida qanday rivojlanadi?

6. Ushbu evolutsiyani qanday omillar izohlaydi? Ushbu evolutsiyadan strategik marketing uchun qanday xulosalar kelib chiqadi?

7. Talabni bashorat qilishning qanday uslublarini bilasiz?

8. Bashorat qilish usullarining qaysi birini mamlakatimiz bozoriga qo'llanish mumkin?

9. Ekspert baholash uslubi qanday ?

Asosiy adabiyotlar

1. Кревин, Дэвид, В. Стратегический маркетинг, 6-е изд. – М.: Вильямс, 2008.

2. Розова Н.К. Маркетинг. – СПб.: Питер, 2008.

3. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, 127-138 стр.

4. Bekmirodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. –T.: TDIU, 2010.

Qo'shimcha adabiyotlar

5. Soliyev A., Buzrukxonov S. Marketing, Bozorshunoslik. Darslik. –T.: Iqtisod-Moliya, 2010. – 424b.

6. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.

7. Солиев А. Маркетинг. Бозоршunoslik. – Т.: ART-FLEX, 2008. – 384 б.

8. Юсупов М.А., Абдурахмонова М. Маркетинг. – Т.: Иқтисодиёт, 2011.

9. www.dis.ru.Маркетинг. Журнал в России и за рубежом. Merder, David.

10. www.gov.uz

11. www.stat.uz

5-bob. FIRMANING RAQOBATBARDOSHLIGI TAHLILI

5.1. “Raqobatli ustunligi” tushunchasi

Raqobatli afzallik tovar yoki markaning firmaga o'zining bevosita raqobatchilariga nisbatan ma'lum bir afzallik beradigan tavsif va xususiyatlaridir. Bu tavsiflar (atributlar) g'oyatda xilma-xil bo'lishi va tovarning o'ziga (asosiy xizmatga) ham, asosiy xizmatga qo'shimcha xizmatlarga, ishlab chiqarish, savdo shakllariga ham taalluqli bo'lishi, hamda firma yoki tovarga xos bo'lishi mumkin. Demak, bunday afzallik nisbiy bo'ladi va tovar bozorida yoki bozor segmentida eng yaxshi mavqega ega bo'lgan raqobatchiga nisbatan belgilanadi. Bu eng xavfli raqobatchi imtiyozli raqobatchi deb ataladi.

Raqobatchining nisbiy afzalligi turli omillar bilan belgilanadi. Umuman olganda, bu omillarni ular vujudga keltiradigan ichki va tashqi afzalliklardan kelib chiqqan holda ikki keng toifaga ajratish mumkin. Agar raqobatli afzallik tovarning ajralib turuvchi sifatlariga asoslangan bo'lsa, u «tashqi» afzallik deb ataladi, bu sifatlar xarajatlarning qisqartirilishi yoki samaradorlikning oshirilishi hisobiga xaridor uchun qiymatli bo'ladi.


Binobarin, tashqi raqobatli afzallik firmaning «bozor qudratini» oshiradi, ya'ni u bozorni imtiyozli raqobatchidagiga nisbatan yuqoriroq sotish narxlarini qabul qilishga majbur qila oladi, chunki imtiyozli raqobatchi bunday ajralib turuvchi sifatarni taklif eta olmaydi.

Tashqi raqobatli afzallikdan kelib chiqadigan strategiya differentsiatsiya strategiyasi bo'lib, bu strategiya firmaning marketing sohasidagi nou-xausiga, uning mavjud tovarlardan norozi bo'lgan xaridorlarning istaklarini aniqlash va qondirishdagi afzalligiga tayanadi. Agar raqobatli afzallik firmaning ishlab chiqarish xarajatlari, firmani boshqarishdagi afzalligi yoki raqobatchidan ko'ra kamroq tannarxga erishishga imkon beruvchi va «ishlab chiqaruvchi uchun qiymat» hosil qiluvchi tovarga asoslangan bo'lsa, bunday afzallik «ichki afzallik» deb ataladi.

Ichki raqobatli afzallik - firmaga ko'proq rentabellik keltiruvchi va uni sotuv narxlarining bozor yoki raqobat tomonidan pasaytirilishiga ko'proq darajada bardoshli qiluvchi yuqoriroq «unumdorlik» oqibatidir. Ichki raqobatli afzallikka asoslangan strategiya xarajatlar bo'yicha afzallik strategiyasi bo'lib, u asosan firmaning tashkiliy va ishlab chiqarish «nou-xau»siga asoslanadi.

Raqobatli afzallikning kelib chiqishi va tabiati turlicha bo'lgan bu ikki turi ko'pincha bir-biriga to'g'ri kelmaydi, chunki ular mutlaqo farq qiluvchi ko'nikma va madaniyatni talab etadi.

5.1.-rasmda raqobatli afzallikning quyidagi ikki savoldan foydalangan holda aniqlash mumkin bo'lgan ikkala jihati ko'rsatilgan.



5.1-rasm. Raqobatli afzallik tushunchasi.

Bozor kuchi: bozor tomonidan qabul qilinadigan bizning maksimal sotuv narximiz imtiyozli raqobatchining narxiga qanday nisbatda?

Unumdorlik: bir mahsulot birligiga to'g'ri keladigan xarajatlarimiz (birlik xarajatlar) imtiyozli raqobatchinikidan ko'pmi yo kammi?

5.1-rasmdagi gorizontaal o'q bozor qabul qiladigan maksimal narxga, vertikal o'q esa ishlab chiqarish xarajatlariga mos keladi.

Bu ikki kattalik imtiyozli raqobatchidagi shu kattaliklarga nisbatan foiz hisobida keltirilgan.

- chapdagi yuqori va o'ngdagi quyi kvadrantlar mos ravishda eng yomon va eng yaxshi vaziyatlarga to'g'ri keladi;

- chapdagi quyi kvadrant xarajatlar bo'yicha peshqadamlikni anglatadi;


- o'ngdagi yuqori kvadrant differentsiatsiya strategiyasiga mos keladi;

- bissektirisa qulay va noqulay hududlarni ajratib turadi.

Raqobatbardoshlikni tahlil qilishning vazifasi strategik xulosalar chiqarish va ustuvor maqsadlarni belgilash uchun firmaga shu o'qlarda joylashishga imkon berishdan iboratdir. «Bozor kuchi» o'qidagi o'rinni tanlash uchun avvalgi boblarda ko'rib chiqilgan markaning imijini tadqiq qilishda olingan ma'lumotlardan foydalanish kerak. Bu tadqiqotlar bozor qabul qiladigan qiymatni o'lchash va narx bo'yicha egiluvchanlikni baholashga imkon beradi. «Unumdorlik»ni tahlil qilishda tajriba egri chizig'idan kelib chiqish yoki «bozorni tekshirish» xizmati ma'lumotlarini hisobga olish lozim, bu xizmat raqobatchilar ustidan kuzatuv o'rnatish vazifasini bajaradi.

5.2. Raqobatlashuvning kengaytirilgan konsepsiyasi

Porter tomonidan 1982-yili kiritilgan kengaytirilgan raqobat konsepsiyasining mazmuni shuki, firmaning asosiy bozordagi raqobatli afzallikdan foydalana olish qobiliyati faqatgina o'zi duch kelayotgan bevosita raqobatga emas, balki shu bozordagi salohiyatli raqiblar, o'rinbosar tovarlar, mijozlar va yetkazib beruvchilar kabi kuchlarning ta'siriga ham bog'liq. Salohiyatli raqiblar va o'rinbosar tovarlar firma uchun bevosita xavf uyg'otsa, mijozlar va yetkazib beruvchilar esa o'z talablari bilan bilvosita tahdid solib turadi (rasmga qarang). Mana shu kuchlarning o'zaro ta'siri oxir-oqibatda tovar bozorining rentabelligini belgilaydi. Tabiiyki, raqobat muhitini tashkil qiluvchi asosiy kuchlar turli bozorlarda turlicha bo'lishi mumkin.



5.2-rasm. Kengaytirilgan raqobat konsepsiyasi.

Yangi raqiblarning kirib kelish xavfi. Bozorga kirib kelish ehtimoli katta bo'lgan salohiyatli raqiblar firma uchun jiddiy xavf-xatar bo'lib, firma bu xatarni kamaytirishga urinishi, undan o'zini himoya qilishi, kirish to'siqlarini vujudga keltirishi lozim.

Ushbu xavfning qay darajada jiddiyligi kirish to'siqlarining balandligi va salohiyatli raqibga qaratilgan reaksiya kuchiga bog'liqdir. Kirish to'siqlari quyidagicha bo'lishi mumkin:

- miqyosdan tejash, ya'ni kirib kelayotgan firmani keng ko'lamli ishlab chiqarishni tashkil qilishga majbur qilish yoki unga xarajatlar bo'yicha zarar ko'rish xavfini vujudga keltirish;

«Kodak» va «Polaroid» firmalari o'rtasidagi nizodagi kabi patentlar yordamidagi *huquqiy himoya*;

- xaridorlarni yangi firmaning tashviqotlariga e'tibor bermaslikka undaydigan *marka imijining kuchi*;

- faqat ishlab chiqarishni o'zlashtirish emas, balki reklama xarajatlarini qoplash uchun zarur *kapitalga ehtiyojlar*;

xaridordan mashhur ishlab chiqaruvchining tovaridan yangi firmaning tovariga o'tishda talab qilinadigan real yoki ruhiy qayta qurishga *sarflanadigan o'tish xarajatlari*;

- *sotuv tarmoqlariga kirish*: ulgurji sotuvilar yangi tovarlarni olishda juda

ehtiyotkor bo'lishlari kerak, shunda yangi firma yangi tovar uchun yangi sotish kanalini tashkil qilishga majbur bo'ladi;

- bozorda oyoqqa turib olgan firma ega bo'lgan *tajriba samarasi* va xarajatlar bo'yicha afzallik ayniqsa qo'l mehnati sektorlarida juda katta ahamiyatga ega bo'lishi mumkin.

O'rinbosar tovarlar xavfi. O'rinbosar tovarlar - muayyan iste'molchilar guruhi uchun muayyan vazifani bajaruvchi, biroq boshqa texnologiya asosida ishlab chiqarilgan tovarlardir. O'rinbosar tovarlarning bozorga kirib kelishiga, masalan, fan-texnika taraqqiyoti yoki narx siyosatining o'zgarishi sabab bo'lishi mumkin - mikrokompyuterlar narxining pasayib borishi an'anaviy pochtaning elektron aloqa tomonidan siqib chiqarilishiga sabab bo'ldi. O'rinbosar tovarlarning narxi tovar bozorida firmalar belgilashi mumkin bo'lgan eng yuqori chegara vazifasini o'taydi. O'rinbosar tovarning narxi xaridorlar uchun qanchalik foydali bo'lsa, tovar bozorida narxni ko'tarish imkoniyatlari shunchalik cheklangan bo'ladi (Porter).

Bu qonuniyat ayniqsa energiya bozorida yaqqol namoyon bo'ldi va energiya manbalarining yangi turlarini ishlab chiqishga katta ta'sir ko'rsatdi. Neft bozorlarida narx-navoning ko'tarilib borishi atom va quyosh energetikasining rivojlanishiga turtki bo'ldi.

O'rinbosar tovarlar o'sha xaridorlar guruhi uchun xuddi shu vazifani bajaruvchi tovarlar, lekin boshqa texnologiyaga asoslangan. Bu permanent xavf yaratadi, chunki o'rinni bosish xavfi doimo majud. Ushbu xavflar texnologik yutuqlar natijasida o'sishi mumkin. O'rinbosar tovarlarga haqiqiy narxlar tovar bozorida harakat qiluvchi firmalar belgilashi mumkin bo'lgan eng yuqori baholarni aniqlaydi. O'rinbosar tovarlar foydalanuvchilarni qanchalik qoniqtirsa, tovar bozorida narxlarning o'sish imkoniyati shunchalik chegaralangandir.

Energoresurslar bozorida bunday holat energiyaning yangi manbalarini ishlab chiqarishga katta ta'sir ko'rsatadi. Neft bahosining oshib ketishi atom va quyosh energetikasining rivojlanishiga keng yo'l ochib beradi.

Mijozlar o'z ta'minotchilari bilan ma'lum miqdorda savdolashish qobiliyatiga egadir. Ular firmanni narxlarni pasaytirishga majbur qilib, keng xizmatlar kompleksini va yanada yaxshi to'lov sharoitlarini talab qilib, firma u yoki bu harakatining salohiyatli rentabelligiga ta'sir etishlari mumkin. Yaxshi sharoitlarga erishish qobiliyati darajasi qator omillarga bog'liq:

- markazlashgan mijozlar guruhi yoki uni xaridining hajmi ta'minotchi savdosining anchagina qismini tashkil: bu yirik sotish tarmoqlari va savdo markazlari holatidir;

- mijoz tomonidan xarid qilinadigan tovarlar uning o'z xarajatlarining muhim qismini tashkil etadi, bu esa uni yanada ko'proq savdolashishga undaydi;

- sotish tarmoqlariga kirish: yangi tovarlarni kiritishda ehtiyotkor bo'lish kerak, ko'pincha yangi firmalar yangi sotish kanalini tashkil etishga majbur bo'ladi;

- tajriba samarasi va harakatlar bo'yicha afzalliklar;

- tovarlar kuchsiz differensiyalangan va mijozlar boshqa ta'minotchilarni topishga ishonadilar;

- ta'minotchilar almashinuvi bilan bog'liq o'tish xarajatlari mijoz uchun

muhim emas;

- mijoz talab, bozordagi haqiqiy narx va ta'minotchining xarajatlar to'g'risida yetarli ma'lumotlarga ega.

Bundan kelib chiqadiki, xaridorlarni tanlash muhim strategik qarordir. Firma mijozni tanlash siyosatiga amal qilgan holda o'z raqobat sharoitini anchagina yaxshilab olishi mumkin.

Ta'minotchilarning mijozlardan manfaatli shartlarga erishish qobiliyati shundan iboratki, ular o'z ta'minoti uchun narxni oshirishi, ma'lum mijozga yetkazib beradigan tovarlar sifatini pasaytirish yoki hajmini chegaralash imkoniyatiga ega. Shu yo'l bilan kuchli ta'minotchilar mijozlar harakati rentabelligiga ta'sir etishlari mumkin.

Ta'minotchilarga tijorat tomonidan yordam beruvchi sharoitlar quyidagilardir:

- ta'minotchilar guruhi mijozlar guruhiga nisbatan ko'proq markazlashgan;
- ta'minotchilar o'rinbosar tovarlar tomonidan xavfni his etmaydilar;
- firma ta'minotchi uchun muhim mijoz sanalmaydi;
- tovar mijoz uchun muhim ishlab chiqarish vositasi hisoblanadi.


5.3. Raqobatli vaziyatlar tahlili

Tovar bozorida to'g'ri raqobatchilar o'rtasida raqobatchilik kurashining jadalligi va aniq shakli raqobat holatining xarakteriga bog'liq holda o'zgaradi. Bu raqobatchilar harakati natijasida yuzaga keladigan ularning o'zaro bog'liqligi darajasini xarakterlaydi.

Aniq bozordagi tahlilni o'tkazishda iqtisobchilar tomonidan taklif etilgan turli raqobatli tuzilishlarga tayanish muhimdir. Odatda bunday tuzilishni 4 ga bo'lish mumkin: sof (yoki takomillashgan) raqobat, oligopoliya, monopolistik raqobat va monopoliya.

Sof raqobat modeli bozorda sotuvchilarning guruhi xaridorlarning katta guruhiga qarama-qarshi turishining mavjudligi bilan xarakterlanadi va bu guruhlarining hech biri baholarga ta'sir etishi uchun yetarlicha kuchga ega emas. Tovarlari aniq belgilangan tavsifga ega. O'zaro o'rinbosar va faqatgina talab va taklif o'rtasidagi nisbat bilan belgilanadigan baholarda sotiladi. Bunday bozordagi sotuvchilar hech qanday bozor kuchiga ega emas va ularning harakati boshqa sotuvchilar harakatiga bog'liq emas. Bunday bozorning asosiy xususiyatlari quyidagilardir:

- sotuvchi va xaridoring katta miqdori;
- differensiyallanmagan, to'la o'zaro o'rinbosuvchi tovarlar;
- bozor kuchlarining to'laligicha mavjud bo'lmasligi.



5.3- rasm. Raqobatchilarning tahlili.

Ushbu rasimga ko'ra, raqobatchilar tahlili quyidagi ketma-ketlikda amalga oshiriladi:

- 1) bozorning tuzilishi va tavsiflanishini aniqlash;
- 2) tayanch raqobatchilar tavsifini tasvirlash va aniqlash;
- 3) tayanch raqobatchilarni baholash;
- 4) raqobatchilar xarakterini oldindan ko'ra bilish;
- 5) salohiyatli raqobatchilarni aniqlash.

Sof raqobatda talab va taklif o'yini deatamaant hisoblanadi. Baho va taklif etilayotgan son firma uchun o'zgaruvchilar hisoblanadi. Bunda talab vazifasi quyidagicha teskari bog'liqlik yordamida ta'riflanadi:

$$P = f(Q),$$

bu yerda: P - bozor bahosi - bog'liq o'zgaruvchi, Q esa taklif etilayotgan miqdor, bog'liq bo'lmagan o'zgaruvchi. Bunda firma o'z holatini yaxshilash maqsadida yoki yetkazish hajmini o'zgartirishi, yoki ishlab chiqarish hajmini o'zgartirishi kerak. Qisqa muddatli rivojlanishda firma uchun raqobatchilarning ishlab chiqarish hajmini va yangi raqobatchilarning kelishini kuzatib borish muhimdir, chunki bu baholar dinamikasin oldindan ko'ra bilish imkonini beradi. Uzoq muddatli rivojlanishda firmaning manfaati o'z tovarlari o'rinini, osish darajisini kamaytirish maqsadida ularni differentsiyalash yoki xaridorlar uchun o'tish

xarajatlarini yaratish orqali sof raqobatning namoyonligidan xalos bo'lishdan iborat. Marka imijini mustahkamlash siyosati bilan birga amalga oshiriladigan sifatni jiddiy nazorat qilish orqali shunday natijaga erishish mumkin. Bu strategiyaga bir qator oziq-ovqat mahsulotlarini eksport qiluvchi mamlakatlar amal qiladi, shu bilan o'z mahsulolariga talab va narxni saqlab qolishga harakat qiladi: Kolumbiya kofesi, Ispaniya apelsinlari, Janubiy Afrika mevalari.

Oligopoliya raqobatchilar soni kam yoki bozorda bir necha firmalar o'zaro kuchli bog'liqlikni yaratib hukmronlik qilish holatidir. Bunday bozorda har bir firma amal qilayotgan kuchlar bilan yaxshi tanish va istalgan raqobatchining qiyofasini qolgan firmalar his etadi. Strategik qiyofaning natijasi unga raqobatchilar ta'sir ko'rsatishi yoki ko'rsatmasligiga kuchli bog'liq.

Raqobatchilar o'rtasidagi o'zaro bog'liqlik ular tovarlari qanchalik kam differensiyalangan bo'lsa, shunchalik kuchlidir. Oligopoliya vaziyati ko'proq tovarlar bozorida etilish darajasida bo'lgani uchraydi, bunda birlamchi talab kengaytirib bo'lmaydigan hisoblanadi.

Narxlar urushi mexanizmi. Differensiallanmagan oligopoliyada hamma tovarlar asosiy deb qabul qilinadi va xaridor tanlovi asosan narx va ko'rsatiladigan xizmatlarga asoslanadi. Agar firma lider tartib o'rnatish kuchiga ega bo'lmasa va bozorni direktiv narx qabul qilishga majbur bo'lmasa, bunday shartlar narxlar bo'yicha raqobatga yo'l ochib beradi. Agar narx bo'yicha raqobat yuzuga kelsa, hamma raqobatchilarning rentabelligi yomonlashadi. Narxlar urushi ko'rinishi quyidagicha bo'ladi:

- * bitta firma narxlarini pasaytirsa, ko'proq xaridorlarni jalb etadi va bozor ulushining qayta taqsimlanishiga olib keladi;

- * shu firmaga tegishli bozor ulushi ortadi va uni ulushi kamayayotgan raqobatchilar darrov his qiladilar va bunday qayta taqsimlashga qarshi ular ham narxlarini pasaytiradilar;

- * tovar bozorida global talab kengaymasligi sababli narxlarning pasayishi bozor umumiy hajmining o'sishiga olib kelmaydi.

Raqobat harakati variantlari. Raqobat harakati tushunchasi ostida firma qaror qabul qilish jarayonida o'z raqobatchilariga nisbatan egallaydigan vaziyat tushuniladi. Ularni 5 harakat bo'yicha guruhlash mumkin: mustaqil harakat; kooperativ harakat; moslashuvchanlik harakati; ilgarilovchi harakat; agressiv harakat.

Kurashuvchi marketing. Rivojlangan iqtisodiy davlatlarda oligopoliya ko'p uchraydi va sanoatning ko'pgina sektorlarida firmalar to'yingan bozorlarda bir-biriga qarshilik ko'rsatadilar. Bunday vaziyatlarda muvaffaqiyatning muhim omili bo'lib, raqobatchilar aktivligini bostirish hisoblanadi. "Kurashuvchi" marketing raqobat kuchlarining tahlilini muntazam o'tkazish va raqobatchilarga qarshilik ko'rsatish strategiyasini ishlab chiqishni nazarda tutadi.

Raqiblarga nisbatan munosabat har qanday strategiyaning markazini tashkil qiladi. Bunday fikr batafsil tahlilga asoslangan bo'lishi kerak.

Porter raqobatni tahlil qilish vazifalarini quyidagicha tavsiflaydi: «Raqiblarni tahlil qilishdan maqsad har bir raqobatchi olib borishi mumkin bo'lgan strategiyadagi o'zgarishlarning xarakteri va muvaffaqiyat qozonish ehtimolini bilishdan iboratdir...».

Raqobatni kuzatib borish tizimi quyidagi to'rt asosiy savolga javob topishga asoslanadi:

- raqobatchining asosiy maqsadlari nimadan iborat?
- ushbu maqsadlarga erishish uchun ayni paytdagi joriy strategiya qanday?
- raqiblar o'z strategiyasini amalga oshirish uchun qanday vositalarga egalar?
- ular kelgusida qanday strategiyalarni ilgari surishlari mumkin?

Dastlabki uch savolning javobi kelgusi strategiyalarni avvaldan prognozlashga imkon beradi. To'rt savol bo'yicha to'plangan ma'lumotlarni tahlil qilish natijasida raqiblarning faoliyati to'g'risida to'liq tasavvurga ega bo'lish mumkin. Ko'plab yirik firma va kompaniyalar raqobatni kuzatishga katta e'tibor berib, kerakli ma'lumotlarni to'plash uchun katta mablag'lar sarflaydi. Bunga bir necha misollar keltirishimiz mumkin:

- IBM korporatsiyasi tarkibida tijoriy tahlil bo'linmasini tashkil etilgan bo'lib, u raqobatga oid ma'lumotlarni to'plash va taqdim etish bilan shug'ullanadi;

Texas Instruments raqobatchilar bilan hukumat o'rtasida tuzilgan shartnomalarni muntazam ravishda o'rganib borib, ularning texnologik afzallik darajasini baholab boradi;

- Citicorp kompaniyasida esa «raqobatli razvedka bo'yicha menejer» lavozimi kiritilgan;

McDonalds o'z restoran boshqaruvchilariga AQShdagi eng kuchli raqobatchilar - «Burger King» va «Wendy» firmlarining reklama materiallari va takliflarini yuborib turadi.

Monopolistik yoki nomukammal raqobat. Monopolistik raqobat sof raqobat bilan monopoliya o'rtasidagi holat bo'lib, u differentsiatsiya strategiyasi tashqi raqobatli afzallikka asoslanadi. Buning ma'nosi shuki, raqobatchilar juda ko'p bo'lib, ularning tovarlari differentsiyalangan, ya'ni xaridorlar nuqtai nazaridan ular ajralib turuvchi sifatlarga egadir.

Muvaffaqiyatli differentsiatsiya shartlari. Differentsiatsiya strategiyasini muvaffaqiyatli amalga oshirish uchun quyidagi shartlar bajarilishi kerak:

- har qanday differentsiatsiya xaridor uchun «qiymat»ga ega bo'lishi kerak;

ushbu qiymat foydalanish samarasini oshirishga (kuchli qoniqish) yoki iste'mol xarajatlarini kamaytirishdan iborat bo'lishi lozim;

- ushbu qiymat shu darajada yuqori bo'lishi kerakki, xaridor uning uchun ko'proq narxni to'lashga rozi bo'lishi kerak;

- firma o'z differentsiatsiya elementini raqiblar undan darhol nusxa ko'chirib olmasligi uchun himoya qila olishi kerak;

- xaridorga maqbul narxning ko'tarilishi firma differentsiatsiya elementini ishlab chiqarishga sarflagan xarajatlarning ortishidan ko'proq bo'lishi kerak;


nihoyat, agar differentsiatsiya elementi sezilarisiz bo'lib, bozor uni tan olmagan bo'lsa, firma uni ommalashtirish uchun signallarni vujudga keltirishi kerak.

Xaridorlarni doimiy mijozlarga aylantiruvchi va ularning narxga sezgirligini kamaytiruvchi differentsiatsiya firmaning bozordagi mavqeini ma'lum darajada kuchaytiradi. Ayni paytda mijozning savdolashish imkoniyati ham qisman bartaraf etiladi. Shuningdek, differentsiatsiya firmanni raqiblarning hujumlaridan ham himoyalaydi, chunki differentsiatsiya elementining mavjudligi tovarlarning

almashuvchanligini kamaytiradi. Monopolist firma raqiblarning xatti-harakatlariga bog'liq bo'lmaydi, balki mustaqil ish tutadi. Bundan tashqari, differentsiatsiya firmaning yetkazib beruvchilar va o'rinbosar tovarlarga nisbatan mavqeini mustahkamlaydi. Strategik marketing aynan mana shunday raqobatli vaziyatlarni vujudga keltirishga intiladi.

Monopoliya. Monopoliyada bozorda bittagina ishlab chiqaruvchi afzallik qiladi va u xaridorlarning katta qismiga xizmat ko'rsatadi. Natijada uning tovarlari qisqa muddat davomida bevosita raqobatchilarga ega bo'lmaydi. Bu **novatarning monopoliyasidir.** Bunday vaziyat hayot davrining tovarning bozorga kirib kelishiga to'g'ri keladiga bosqichiga, endi vujudga kelayotgan, texnologik innovatsiyalar bilan xarakterlanadigan sektorlarga to'g'ri keladi.

Monopoliya vaziyatida firma bozordagi mavqei juda yuqori bo'ladi. Biroq unga bozorning o'sib borayotgan salohiyatliini va yuqori daromadlarini qo'lga kiritishga intilayotgan yangi firmalar tahdid sola boshlaydi. Natijada monopoliyaning kutilayotgan muddati muhim omilga aylanadi, bu omil innovatsiyaning miqyosiga va yangi raqobatchilar uchun kirish to'siqlarining yuqoriligiga bog'liq. Texnologik yangiliklarning tez tarqalishi natijasida monopoliyalar tobora efemerlashib boradi. Monopolist firma bilan o'rinbosar tovarlar ham raqobatlashishi mumkin. Raqobatchilarni tahlil qilish chizmasi quyida berilgan.



5.4-rasm. Raqobatchilarning ta'sirchanligi.

Davlat monopoliyasi esa ko'proq uchrab turadi, uning mantiqiy mazmuni

xususiy firmalarnikidan farq qiladi. Bu yerda asosiy e'tibor daromadga emas, balki ijtimoiy ne'matga qaratiladi. Bu holatning qiyinchilik tomoni shuki, unda jamiyat manfaatlariga xizmat qilishni nazorat qilib bo'lmaydi, natijada markazlashgan boshqaruv vujudga keladi va u o'zining ichki vazifalari konsentratsiyalanadi. Bu muammoni esa ijtimoiy marketing yoki daromadsiz tashkilotlar marketingi o'rganadi.

5.1-jadval

Raqobat jihatidan bozor modellarining xususiyatlari

Xarakterli xususiyatlari	Raqobat modellari			
	Sof raqobat	Monopolistik	Oligopoliya	Sof monopoliya
Firmalar soni	Juda ko'p	Ko'p	Bir necha	Bitta
Mahsulot turi	Standartlangan	Tabaqalashgan	Ixtisoslashgan yoki tabaqalashgan	Noyob, o'rin bosuvchi tovar yo'q
Narx ustidan nazorat	Yo'q	Tor doirada bor	O'zaro bir-biriga bog'liq bo'lganligi tufayli cheklangan yahsirin kelishuvda sezilarli	Sezilarli
Tarmoqqa kirish	Juda oson	Nisbatan oson	Sezilarli to'siqlar mavjud	O'tib bo'lmaydigan to'siqlar mavjud
Ma'lumot olish imkoniyati	Ma'lumot olish imkoniyati hamma uchun teng	Ma'lum cheklashlar mavjud	Ma'lum cheklashlar mavjud	Ma'lum cheklashlar mavjud
Misollar	Qishloq xo'jaligi	Chakana savdo, kiyim-kechak, poyavzal ishlab chiqarish	Po'lat, avtomobil, elektron asboblari ishlab chiqarish	Jamoat xizmatini qituvchi mahalliy korxonalar

Raqobat dinamikasi. Raqobatchi kuchlarni tahlil qilishni yakunlar ekanmiz, shuni ham qayd qilib o'tish mumkinki, bozor kuchi va salohiyatli daromad bozordagi vaziyatga qarab juda keng diapazonda 'zgarib turishi mumkin.

Biz daromad salohiyatli juda kichik bo'lganda va aksincha, juda yuqori bo'lgandagi holatlarni ko'rib chiqamiz. Birinchi holatda quyidagi vaziyat vujudga keladi:

- tovar bozoriga kirish oson bo'ladi;
- mijozlar va yetkazib beruvchilarga nisbatan bozordagi firmalar hech qanday savdolashish imkoniyatiga ega bo'lmaydilar;
- raqobatchi firmalar juda ko'p bo'lganligi tufayli raqobat cheklanmagan boladi;
- barcha tovarlar o'zaro o'xshash bo'lib, o'rinbosar tovarlar ham juda ko'p bo'ladi.

Bu iqtisodchilar uchun juda qadrlil bo'lgan mukammal raqobatning ideal shaklidir. Daromad salohiyatli juda yuqori bo'lgan ikkinchi holat uchun esa, vaziyat mutlaqo teskari bo'ladi:

yangi raqobatchilarning kirib kelishiga yo'l qo'ymaydigan katta to'siqlar mavjud bo'ladi;

- raqobatchilar bo'lmaydi yoki ular juda kam va kuchsiz bo'ladi;
- xaridorlar o'rinbosar tovarlarga murojaat eta olmaydilar;
- xaridorlar bosim ko'rsata olmaydilar va narxning pasaytirilishiga yerisha olmaydilar;
- yetkazib beruvchilar yuqori xarajatlarning tan olinishiga erishish uchun bosim ko'rsata olmaydilar.

Firma uchun ideal bo'lgan ushbu vaziyatda firma bozorda o'ta yuqori mavqega ega bo'ladi. Hayotiy voqelikda uchraydigan real bozor vaziyatlari esa ushbu ikki holatning oralig'ida joylashadi va raqobatchi kuchlarning o'zaro ta'siri biror-bir vaziyatga tomon yaqinlashib turadi.

5.4. Xarajatlar bo'yicha ustunlik

Raqobatli afzallikka erishishning yo'llaridan biri tovarni muvaffaqiyatli differentsiatsiyalash bo'lsa, ikkinchi yo'l - unumdorlikni yaxshilash va xarajatlarni to'g'ri boshqarish vositasida xarajatlar bo'yicha afzallikka erishishdir. Xarajatlarni kamaytirishning bir necha yo'llari bo'lib, ulardan biri shuki, qo'l mehnatidan ko'p foydalaniladigan sohalarda, ya'ni qo'shilgan qiymat jami xarajatlarning katta qismini tashkil qilgan tarmoqlarda tovarni ishlab chiqarish bo'yicha tajriba oshgan sari, xarajatlarni kamaytirish imkoniyati vujudga keladi. Bunda xarajatlarning kamayishiga ishchilarning o'z ish usullarini tinimsiz takomillashtirib borishi, firmaning yangi ishlab chiqarish jarayonlarini o'zlashtirishi, tovar konsepsiyasini takomillashtirishi sabab bo'ladi.

Bunday «o'rganish jarayoni»ning mavjudligini birinchi bor Rayt va Boston konsalting guruhi (BKG, Boston consulting group) tomonidan aniqlangan edi. 60-yillarning oxirida BKG turtli xil tovarlarning juda katta guruhiga nisbatan tajriba samarali ekanini tasdiqladi va tajriba qonuni deb atalgan qonunni kiritdi. Bir qator firmalar tomonidan tanlab olingan strategiyalarga katta ta'sir ko'rsatgan ushbu qonun iqtisodchilar umumlashgan holda o'rganadigan masalalarni - mehnat unumdorligini oshirish muammosini tasvirlaydi va shakllantiradi.

Tajriba qonunining ta'rifi. Tajriba qonunining strategik ahamiyati shundaki, u firmaning o'z tovarlarigagina emas, balki raqobatchilarning tovarlariga sarflanadigan xarajatlarning evolutsiyasini ham oldindan bilishga imkon beradi. Tajriba qonuniga ko'ra, «standart tovardan qo'shilgan qiymat olishda doimiy pul birliklarida o'lichangan birlik mahsulotga sarflanadigan xarajatlar mahsulot miqdori ikki baravarga oshganda ma'lum bir foiz miqdorida kamayadi».

Ushbu ta'rifga bir necha izohlar kiritamiz:

- «tajriba» tushunchasining bu yerdagi ma'nosi tovarning necha yildan buyon ishlab chiqarilayotganligini emas, balki ishlab chiqarilgan barcha tovar birliklarining sonini anglatadi;

- shu sababli ishlab chiqarish miqdorining ma'lum davr ichidagi o'sishini tajribaning ortishi bilan adashtirib yubormaslik kerak;

- tajriba qonuni tabiat qonunlari tarkibiga kirmaydi va u qaytmas jarayon emas, ya'ni u bir necha vaziyatlardagina (hamma uchun bir xil emas) statistik jihatdan

tasdiqlangan oddiy kuzatuvdir.

Tajriba samarasining manbalari. Ko'pchilik omillar tajriba egri chizig'i bo'ylab harakat mobaynida xarajatlarning kamayishiga o'z hissasini qo'shadi. Bu yerda gap jami ishlab chiqarish hajmi o'sib borgan sari ko'nikish natijasida ishlab chiqarish jarayonining yaxshilanib borishi to'g'risida ketmoqda. Eybell va Xemmond tajribaning olti xil manbaini aniqlaganlar:

1) qo'l mehnatining samaradorligi: ma'lum bir vazifani ko'p martalab takrorlaydigan ishchilar ma'lum bir ko'nikma hosil qilib, samaradorlikni oshiradigan oson va qulay usullarni o'rganib oladilar va o'z ishlarining ustasiga aylanadilar;

2) ishning turlari va usullariga ixtisoslashish: ixtisoslashuv topshiriqni bajarish unumdorligini oshiradi;

3) yangi ishlab chiqarish jarayonlari: texnologik innovatsiya, masalan, robotlashtirish yoki kompyuter orqali boshqaruv xarajatlarini kamaytirishning muhim manbai bo'lib xizmat qilishi mumkin;

4) jihozlarni samarali ishlatish;

5) resurslardan foydalanishdagi o'zgarishlar: ishlab chiqaruvchining tajribasi ortib borgan sari, u arzonroq resurslarni topishi, malakasizroq ishchilarni yollashi yoki ishlab chiqarishni avtomatlashtirishi mumkin;


6) tovarning yangi konsepsiyasi: iste'molchilarning tovardan qanday xususiyatlarni kutayotganliklarini bilgan firma uni, aytaylik, kamroq resurs talab qiladigan shaklda o'zgartirishi mumkin.

Ushbu omillarning barchasi firmaning bevosita nazorati ostida bo'ladi. Bu ishlab chiqarish unumdorligini oshirishga qaratilgan umumiy siyosatning tarkibiy qismi bo'lib, uning maqsadi ayni shu tovarni kamroq xarajatlar bilan ishlab chiqarish yoki shu xarajatlar bilan yanada yaxshiroq tovarni ishlab chiqarishdan iboratdir. Tajribaning faqat o'zi xarajatlarni kamaytirmaydi, balki ularni kamaytirish uchun imkoniyatlarni yaratadi.

5.5. Tovarning raqobatbardoshligini oshirish yo'llari

Hozirgi kunda raqobat kurashida ustunlik bunday raqobatda emas, balki baholardan tashqari raqobatdadir. Chunki, hozirgi kunda iste'molchilar ko'pincha mahsulotning bahosiga emas, balki birinchi navbatda (tovarning) foydali fazilatlariga ahamiyat berishadi va shu fazilatlar ma'qul kelsa, tovar uchun ko'proq pul to'lashga ham tayyor bo'ladilar.

Marketing izlanishlari shuni ko'rsatadiki, rivojlangan mamlakatlarda xaridor tovar xarid qilayotganda birinchi navbatda uning fazilatlari, tashqi ko'rinishiga, dizayniga ahamiyat beradilar. Shundan keyin tovarning texnik ko'rsatkichlariga e'tibor beradilar. Shunday ko'rsatkichlar ichida narx-navo 6-7 o'rinlarda turadi. Lekin bu boy, aholisining turmush darajasi yuqori bo'lgan davlatlariga xos xususiyatdir. Vaholanki, O'zbekiston kabi mamlakatlarda baho hozircha xaridor uchun muhim ko'rsatkich hisoblanadi. Buni albatta hisobga olish zarur.



5.5-rasm. Raqobatbardoshlik ustunliklari va raqobatning asosiy strategiyasi.

Yetuk firmalar baholardan tashqari raqobatda quyidagi narsalarga ham e'tibor beradilar va evaziga firmaning bir tekis rivojlanishiga erishadilar:

- tovarning texnik jihatdan yangiligi, uning avtomatlashtirilishi;
- tovarlarning yangidan-yangi ehtiyojlarni qondirish imkoniyatlari;
- o'xshash tovarlarga nisbatan ishlab chiqarilayotgan tovarning chidamli, ishonchlilik, sifatining yuqorilik darajasi;
- tovarlarni sotib olgan xaridorlarga ko'rsatiladigan xizmatlarning xilma-xilligi, holati;
- tovarlarning tejamliligi, ixcham, foydalanishdagi samarasi;

Atrof-muhit uchun ekologik toza bo'lishi va hokazolar. Ularning har birining ahamiyati katta va kuchli firmalarda shu narsalarga ahamiyat berish faoliyat, turmush tarziga aylangan. Raqobatning noformal, jamiyat tomonidan qoralanadigan turi ham mavjud. Bu o'rinda g'irrom raqobat to'g'risida ham so'z yuritishimiz kerak. Raqobat firmalar uchun hayot-mamot masalasi bo'lgani uchun, ular ayrim hollarda raqobat kurashida g'ayriqonuniy usullardan foydalanadi. Bunda ular davlat tomonidan raqobat kurashini tartibga soluvchi turli qonun va qoidalarga xilof ravishda ish ko'radilar. G'ayriqonuniy usullarga quyidagilarni kiritish mumkin:

- baholar bo'yicha bir necha firmalarning o'zaro kelishib olishlari;

- boshqa firmalar tovarlarining nomlari, tashqi ko'rinishi, tovar nishonasini o'zboishimchalik qilib ruxsatsiz foydalanish;

- raqobatchilar to'g'risida noto'g'ri axborot yoki to'g'ri bo'lsa ham ularning obro'siga ziyon keltiradigan ma'lumotlar tarqatish;

- reklamada tovarlarni nojo'ya solishtirish, axborot berish;

- raqobatchilarga nisbatan reket, shantaj va hokazolar yordamida zo'ravonlik qilish;


- raqobatchining tijorat sirlarini pinhona bilib olish; konfidental va mahfiy ma'lumotlarni ovoza qilish;

- tovarning sifati, xususiyatlari kabi masalada xaridorlarni aldash, noto'g'ri axborot berish va reklama qilish.

Tovarning sifati uning raqobatbardoshligini belgilovchi asosiy ko'rsatkichlardandir. Tovarning sifati o'z ichiga ko'plab elementlarni oladi. Bular birinchi navbatda mahsulot tayyorlash jarayoni va foydalanish xususiyatlari. Bular o'z navbatida, tovarning uzoq muddatga chidamliligi, ishonchiligi, fond sig'imi kabi ko'rsatkichlarni o'z ichiga oladi. Keyingi vaqtlarda tovarlarning ekologik tozaligi, xususiyatlari, estetik ko'rsatkichlari ko'proq ahamiyat kasb etmoqda. Tovarning sifat darajasini aniqlashda normativlar, sifat standartlariga javob berishi nazarda tutiladi.

Tovar siyosatini aniqlash mezoni, hamda uning raqobatbardoshligini ta'minlovchi mezoni, bu uning patent bilan himoyalanganligidir. Bunda ixtirochi - korxonaga shu tovarni ishlab chiqarishga huquqni saqlab qoladi, boshqa korxonaga ushbu tovarni ishlab chiqarmoqchi bo'lsa, litsenziya (ruxsatnoma) olishi lozim. Tovarlar sifatini ifodalovchi umumiy ko'rsatkichlar quyidagilardir: ishlab chiqarilgan tovarlar tarkibida ayrim sifatli tovarlarning ulushi va miqdori, ilg'or tajriba natijalariga javob beruvchi va alohida xususiyatlari.

O'z tovarini raqobatchi tovari bilan taqqoslash chizmasi quyida keltirilgan.



5.6-rasm. O'z tovarini raqobatchi tovari bilan taqqoslash.

Milliy iqtisodiyot tarmoqlarida ishlab chiqarilgan tovarlarning sifatini aniqlashda turli ko'rsatkichlar qo'llaniladi: ular tovarning qanday turi uchun mo'ljallanganligiga bog'liq. Masalan, ohak va ganchning sifati ularning bog'lovchanlik (yopishqoqlik) qobiliyatiga, yoqilg'ining sifati esa uning issiqlik berish qobiliyatiga qarab belgilanadi. Mehnat vositalarining sifati ularning mustahkamligiga va uzoq ishlash qobiliyatiga qarab aniqlanadi. Chunki mashinaning ishlash muddati ta'mirlararo davridagi ishlash muddati, unifikatsiyalashish darajasi, xorijiy va ilg'or korxonalarda ishlab chiqarilgan tovarlarga nisbatan sifat darajasi va hokazolar.

Tovar sifatini tahlil qilishda foydalaniladigan asosiy ko'rsatkichlar bilan bir qatorda sifatsiz tovar uchun iste'molchilarga to'langan jarimalar, tovarni kafolatli ta'mir qiluvchi ustaxonalarga sarflanadigan xarajatlar va birinchi ko'rsatishdayoq, topshirilgan tovarning salmog'i kabi ko'rsatkichlar ham qo'llaniladi.

Tovar sifatini oshirish milliy iqtisodiyotni rivojlantirish, korxonalar raqobatbardoshligini oshirishning asosiy talabi. Bu vazifani hal qilish ijtimoiy mehnat unumdorligini oshirish, umumdavlat boyligini ko'paytirish va mehnatkashlarning ehtiyojini qondirishga imkon beradi. Tovar sifatini oshirish har bir tashkiliy korxonalar va uning bo'limlarining muhim vazifasidir. Respublikamizda ishlab chiqarilayotgan tovarlar jahon standartlari talablarini qondira olishi zarur. Mashina va mexanizmlarning texnikaviy darajasini oshirish, mamlakatning ishlab chiqarish kuchlarini rivojlantirish, milliy iqtisodiyotning barcha tarmoqlarida fan va texnika yutuqlarini tobora kengroq qo'llashning asosidir.

Nazorat va muhokama uchun savollar

1. Raqobatning qanday turlarini bilasiz va ularni izohlab bering.
2. Xususiy mulk sug'urtasi yoki nashriyot mahsulotlari sohasidagi raqobat muhitiga nimalar tahdid solishi mumkinligini tahlil qilib ko'ring.
3. Davlat monopoliyasi bilan novator monopoliyasi o'rtasidagi farq va o'xshashliklarni aytib bering.
4. Muvaffaqiyatli differentsiatsiya shartlari deganda nimani tushunasiz?
5. Kengaytirilgan raqobat konsepsiyasini kim kiritgan va uning ma'nosi qanday?
6. Differentsiallangan oligopoliya bilan monopolistik raqobat o'rtasidagi farq nimadan iborat?
7. Tajriba qonunining mazmuni va ahamiyati nimadan iborat?
8. Raqobatli afzallikni qanday ko'rinishlarini bilasiz?
9. Tovarining raqobatbardoshligini oshirish yo'llari nimadan iborat?
10. O'z tovari bilan raqobatchi tovari qanday taqqoslanadi?

Asosiy adabiyotlar

1. 2012-yil Vatanimiz taraqqiyotini yangi bosqichka ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. // Xalq so'zi, 2011-yil 20-yanvar, № 14 (5434).
2. Ergashxodjayeva Sh.J. va boshq. Marketing. Darslik. – T.: TDIU, 2011.
3. Крвин, Дэвид, В. Стратегический маркетинг, 6-е изд. – М.: Вильямс, 2008.
4. Розова. Н.К. Маркетинг. – СПб.: Питер, 2008.
5. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с. 127-138.
6. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.:TDIU, 2010.

Qo'shimcha adabiyotlar

7. Котлер Ф. Основы маркетинга. Краткий курс: Пер. с англ. – М.: Издательский дом «Вильямс», 2010. – 656 с.
8. Soliyev A., Buzrukxonov S. Marketing, Bozorshunoslik. Darslik. –T.: Iqtisod-Moliya, 2010. – 424b.
9. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
10. Солиев А. Маркетинг. Бозоршунослик. –T.: ART-FLEX, 2008. – 384 б.
11. Юсупов М.А., Абдурахмонова Н. Маркетинг. – Т.: Иқтисодиёт, 2011.
12. www.dis.ru.Маркетинг.Журнал в России и за рубежом. Merder, David.
13. www.4p.com.ua/books/4.html
14. www.marketologi.ru/docs/teaching.html

6-bob. MARKETING STRATEGIYASINI TANLASH

6.1. Faoliyat yo'nalishi portfelining imkoniyatlarini tahlil qilish

Portfel tahlili strategik marketing jarayonlarini aniqlashtirish va yakunlanishidir. Qaysi usul qo'llanishidan qat'i nazar tahlil quyidagilarga asoslanadi:

- tovar bozori yoki segmentlar bo'yicha faoliyat yo'nalishining aniq taqsimlanishi;


- turli yo'nalishdagi strategik qadriyatni solishtirishga olib keluvchi jalb etuvchanlik va raqobatbardoshlik ko'rsatkichlari;

- strategik holat bilan iqtisodiy va moliyaviy ko'rsatkichlar o'rtasidagi aloqalar (ayniqsa BKG uslubida).

O'z portfelini tahlil qilish ko'p yo'nalishli firmaga cheklangan resurslarni o'zi faoliyat olib borayotgan turli bozorlar o'rtasida taqsimlashda yordam beradi. Umuman, vazifa har bir ko'rib chiqilayotgan tovar bozorini ikki mustaqil mezon bo'yicha: asosiy bozorning jalb etuvchanligi va firmaning raqobatchilik kuchi bo'yicha tasniflashdan iboratdir.

Bu maqsad uchun tahlilning matritsalar qo'llaniladigan, jalb etuvchanlik va raqobatbardoshlikning turli xil ko'rsatkichlaridan foydalaniladigan turli usullari ishlab chiqilgan. Biz ikki eng ommabop usulni ko'rib chiqish bilan kifoyalanamiz: bu Boston konsalting guruhining (BKG) «o'sish-bozor ulushi matritsasi» deb ataluvchi usuli va «Djeneral elektrik» va «MakKinzi» firmalarining «jalb etuvchanlik-raqobatbardoshlik matritsasi» usulidir. Bu usullar o'xshash bo'lsa ham, ular turli sabablarga asoslangan va u yoki bu usulning tanlanishi olinadigan natijalarga bog'liqdir.

«O'sish-bozor ulushi» matritsasi. BKG matritsasi ikki mezondan foydalaniladi: birinchi mezon jalb etuvchanlik indikatorini sifatidagi maqsadli segmentning o'sish sur'ati bo'lsa, ikkinchisi raqobatbardoshlik indikatorini sifatidagi eng xavfli raqobatchiga nisbatan bozor ulushidir. Bunda bo'lish chiziqlari bilan to'rt kvadratga ajratilgan ikki kirishli jadval hosil bo'ladi.



6.1-rasm. «O'sish-bozor ulushi» matritsasi.

Birinchidan, o'sish sur'atlari yuqori va past bozorlarni ajratib turuvchi asosiy chiziq «bozorning o'sishi» o'qiga nisbatan yalpi milliy mahsulotning natural ko'rsatkichlardagi o'sish sur'atiga yoki firma faoliyat ko'rsatayotgan turli segmentlardagi o'sish sur'atlarining o'rtacha qiymatiga to'g'ri keladi.

Ikkinchidan esa, «bozor ulushi» o'qi uchun ajratish chizig'i odatda 1 yoki 1,5 nuqtalari orqali o'tkaziladi. Bozor ulushi bu ko'rsatkichdan yuqori bo'lsa, katta, aks holda esa kichik hisoblanadi.

Matritsa shu tarzda avval kiritilgan bozorning nisbiy ulushi tushunchasidan kelib chiqadi, bu tushuncha eng xavfli raqobatchi egallab turgan bozor ulushiga nisbatan aniqlanadi. Agar A markaga bozorning 10 % qismi tegishli bo'lsa va unda eng yirik raqobatchi (B marka) 20 %lik ulushga ega bo'lsa, A markaning nisbiy ulushi 0,5 ga (10% 20%) teng bo'ladi. Bu kichik bozor ulushidir, chunki u 1 dan kichikdir. B marka uchun esa tegishli ulush 2 ga teng (20% 10%).

Nisbiy bozor ulushi tushunchasiga murojaat etishi bozor ulushi bilan tajriba o'rtasida va, demakki, rentabellik o'rtasida musbat korrelyatsiyaning mavjudligi haqidagi gipotezaga asoslangan. Bu nuqtai nazardan, bozordagi eng yaqin raqobatchi 40 yoki 5 %lik ulushga bo'lganda 20 %lik ulushga ega bo'lish mutlaqo turli xil raqobatli vaziyatlarga to'g'ri keladi.

Demak, to'rtta kvadrantning har biri o'zaro tubdan farq qiluvchi vaziyatni anglatib, bu vaziyatlarning har biri moliya bilan ta'minlash va marketing strategiyasini ishlab chiqish nuqtai nazaridan alohida yondashuvni talab etadi.

Tovar bozorlarining tipologiyasi. Ikkala gipoteza ham to'g'ri bo'lgan hollarda tovar bozorlarining turli ustuvor strategik maqsadlar va moliyaviy ehtiyojlarga mos keluvchi to'rt guruhini ajratish mumkin.

- «**Sog'in sigirlar**» (sekin o'sish yuqori ulush): bozor ulushini qo'lda tutib turish uchun talab qilinadigan miqdordan ko'proq mablag' keltirishi mumkin bo'lgan tovarlar. Ular diversifikatsiya yoki tadqiqotlarni rivojlantirishga mo'ljallangan moliyaviy mablag'larning manbalari hisoblanadi. Bu yerda ustuvor strategik maqsad «hosilni yig'ib olish»dan iborat bo'ladi.

- «**Itlar**» (sekin o'sish kichik ulush): bozordagi eng ko'ngilsiz o'rin. Odatda xarajatlar jihatdan yomon ahvolda bo'ladilar va shuning uchun bozor ulushining ko'payish ehtimoli kam bo'ladi, buning ustiga bozordagi kurash asosan yakunlangan bo'ladi. Odatda bunday tovarlarning saqlab turilishi katta moliyaviy sarf-xarajatlarga olib kelib, ahvoning yaxshilanish ehtimoli kam bo'ladi. Bu holatdagi ustuvor strategiya qayta investitsiyalash va kamxarajatlilikdir.

- «**So'roq belgilar**» (tezkor o'sish kichik ulush): bu guruhdagi tovarlar o'sishni qo'llab-quvvatlash uchun katta mablag'lar talab etadi. Ularning ahvoli peshqadamga qaraganda unchalik yaxshi bo'lmasa ham, ularda ma'lum darajada muvaffaqiyat qozonish ehtimoli bor, chunki bozor hali kengayib bormoqda. Bu tovarlarga moliyaviy yordam ko'rsatib turilmasa, ular hayot davri bo'ylab harakatlanish davomida «itlar»ga aylanib boradi. Shuning uchun bu yerda muqobil variant bor: bozor ulushini oshirish yoki qayta investitsiyalash.

- «**Yulduzlar**» (tezkor o'sish yuqori ulush): tezkor o'sib borayotgan bozordagi peshqadam tovarlar. Bu tovarlar ham o'sishni qo'llab-quvvatlash uchun katta mablag'larni talab qiladi. ammo bunday tovarlar raqobatbardosh bo'lganligi tufayli

katta daromad keltiradi; bozor yetilib borgan sari avvalgi «sog'in sigirlar»ning o'mini egallaydi.

Punktir chiziqlar - ushbu obyektlarning xarajatlarini anglatadi.

To'g'ri chiziqlar - "sog'in sigirlar" dan tushgan mablag'larni taqsimlash yo'nalishini belgilaydi.

Kelgusida BKG matritsasini qo'llash ko'lami birmuncha kengayadi. U bir tarmoqda raqobatda bo'lgan firmalar mavqeini tahlil qilishda qo'llana boshladi. Bundan tashqari, "yovvoyi mushuklar" guruhiga kiruvchi raqobatchilarni "so'roq" yoki bo'lmasa "murakkab go'dak" tarzida ham ifodalash ko'pgina xorij adabiyotlarida uchraydi. Ba'zi adabiyotlarda esa gorizontal o'qlarning joylashuvi chapdan o'ngga qarab o'sib borish tartibida tasvirlanadi. Shu tufayli ushbu BKG matritsasining bir muncha takomillashgan tasvirda uchrashiga ijobiy yondashish kerak. Demak, keltirilgan BKG matritsasi yordamida 2 vazifani hal etish mumkin:

1) bozordagi mavqe xususida qaror qabul qilish;

2) SXZ ni kelgusida moliyaviy ta'minlash xususida axborot olish.

Shu bilan birga, BKG matritsasiidan foydalanishda ayrim kamchiliklar ham mavjud.

Jumladan, nobarqarorlikni nazarda tutish mumkinligi, har bir SXZ uchun mahsulot va texnologiyalarning hayotiy davrlarni hisobga olish qiyinligi. Demak,

BKG matritsasi - agar kelgusida o'sish sur'atlari ishonchli o'lchov vositasi bo'lsa va raqobatda bozor ulushiga asoslanib mavqeini aniqlash imkoni bo'lsa-da uni qo'llash samarali hisoblanadi.

SXZ - tashqi muhit sharoitlariga moslashish, kelgusi bozor va talab ko'lami o'zgarishlarini inobatga olish va firma ravnaqi uchun samarali bo'lgan strategiyani amalga oshiruvchi tayinli strategik vazifalarni hal etuvchi bo'linma.

SXM - firma ichki muhitida barcha vakolat va mas'uliyat bilan ta'minlangan tashkiliy tuzilma.

Strategiyani amalga oshirish dastaklari o'zaro bog'langan va bir-birini to'ldiruvchi yalpi tizim sifatida namoyon bo'ladi. Strategik rejani aniqlashda uning maqsadi, uslubi, taktik o'zgartirishlar, tadbirlar yetakchi o'rin egallaydi. Shu nuqtai nazardan strategik rejalashtirish jarayonini keng ko'lamda ko'rib chiqamiz.

Strategiyani amalga oshirishda qo'llaniladigan dastaklarni quyidagi tizimda ifodalash mumkin: tashkiliy konsepsiya, taktika, siyosat, tadbirlar, qoidalar va huquqiy asoslar.

Agar amaldagi va kelgusidagi raqobat o'ta murakkab bo'lsa, bu ikki o'lchamli matritsada imkoni boricha nisbatan barqaror ko'rsatkichlarni ifodalash zarurati vujudga keladi.

“D.E.-Makkinzi” matritsasi

Tarmoqning jalb etuvchanligi	Yuqori	A	A	B
	O'rta	A	B	C
	Past	B	C	C
		Yuqori	O'rta	Past

Бизнеснинг барқарорлиги

A zona – bu barqaror o'sish, ishlab chiqarishni kengaytirish kerak.

B zona – umum jalb etuvchanlikni o'rta darajasiga mos keluvchi tovarlar.

C zona – umum jalb etuvchanligi past darajaga mos keluvchi tovarlar, kapital qo'yilmalarni olib tashlash yoki resurslarni qayta taqsimlash.

6.2-rasm. “D.E.-Makkinzi” matritsasi

Birmuncha farqli baholash uslubini “Djeneral Elektrik” “Makkinzi” matritsasi ko'rishimiz mumkin. “D.E.-M” korporatsiyalari taklif etgan matritsa vertikal va gorizontal o'qlarda mos ravishda SXZ jalb etuvchanligi - raqobatda firma portsiyasi belgilangan.

Ushbu matritsaning afzalligi keltirilgan ko'rsatkichlarning talab va texnologiyani barcha hayotiy davrida va turli raqobat intensivligida qo'llash mumkinligidadir. Matritsani to'ldirishda foydalaniladigan ko'rsatkichlarni aniqlash uslubi xuddi BKG matritsasi kabi qo'llanadi. Lekin ushbu matritsa uchun zarur bo'lgan firmaning raqobatchilik mavqei hamda SXZ jalb etuvchanligini miqdoriy jihatdan hisoblashda bir muncha mushkullik mavjud. Jumladan, hisob-kitobning murakkabligi.

Shu bilan birga ushbu matritsadan foydalanishda ayrim cheklanishlar mavjud:

- strategik tanlovni firma dastavval istiqbolni oldindan tasavvur etib baholash va bunda yangi talab, yangi mahsulot, yangi texnologiya kabi omillarning yetarlicha nazarga olinmasligi;
- uslubda qo'llanadigan noaniqliklar va oldindan ko'ra bilmaslik darajasining yuqoriligi.

SXZ taqdirini hal etish uchun axborotlarning kamligi va boshqaruv xodimlarining qaror qabul qilishning mushkulligi. Demak, yuqorida keltirilgan matritsalaridagi eng sezilarli kamchilik ularning hayotiy davr mobaynida SXZ o'sishi va o'zgarish tendensiyalarini inobatga olish imkonining yo'qligidir. Ushbu kamchiliklarni hayotiy davr balansi matritsasi bilan hal etsa bo'ladi.

Har qanday biznesni (faoliyat turi) shu ko'rinishdagi matritsaga solish mumkin. Uning ko'lamini yuzasining maydoni savdo yoki tushum hajmiga mutanosib bo'lgan doira bilan belgilash mumkin. Tahlilni dinamik rejimda, har bir biznesning

vaqt davomida rivojlanishini kuzatib borgan holda o'tkazish kerak

6.2. Rivojlanishning asosiy strategiyalari

O'sish strategiyasini ishlab chiqishning birinchi bosqichi egallab turilgan raqobatli ustunlikning tabiatini aniqlab olishdan iborat bo'lib, bu ustunlik kelgusidagi strategik va taktik qadamlar uchun asos bo'lib qoladi.

Strategik maqsad		Raqobatli afzalliklar	
		Tovarning xaridorlar nuqtai nazaridan noyobligi	Kam xarajatlar
	Jami sektor	Differensiatsiya	Xarajatlar bo'yicha ustunlik
	Muayyan segment	Konsentratsiya	

6.3-rasm. Porter bo'yicha asosiy strategiyalar.


Yuqorida raqobatli ustunlikni ikki xil o'lchash orqali: «unumdorlik» (xarajatlar bo'yicha ustunlik) va «bozor kuchi» (maqbul maksimal sotish narxiga nisbatan ustunlik) bo'yicha aniqlash mumkinligi ko'rsatilgan edi. Firmaning xususiyatlari, uning kuchli va kuchsiz tomonlari hamda uning raqobatchilarini hisobga olgan holda qaysi ustunlikni tanlash kerak? degan savol tug'iladi. Boshqacha qilib aytganda, ma'lum bir tovar bozorida qaysi ustunlikni himoya qilish osonroq?

Bunday ustunlikni aniqlab olish uchun raqobatli vaziyatni tahlil qilib chiqib, quyidagi savollarga javob berish lozim:

- ko'rib chiqilayotgan tovar bozori yoki segmentda muvaffaqiyatning hal qiluvchi omillari qaysilar?

- mana shu hal qiluvchi omillar nuqtai nazaridan eng xavfli raqobatchining qanday kuchli va kuchsiz tomonlari bor?

Firma bu ma'lumotlardan kelib chiqqan holda: (a) qaysi raqobatli ustunlikka nisbatan eng yaxshi pozitsiyada ekanligini aniqlab olishi; (b) muayyan sohada bunday ustunlikka erishishga qaror qilish; (v) o'z raqiblarining raqobatli ustunligini bartaraf etishga urinishi mumkin.



6.4-rasm. D.A.Littl matritsasi.

Shunday qilib, tanlanadigan asosiy strategiyalar bir-biridan qaysi ustunlikka tayanishi bilan farq qiladi. Porterning fikricha, faqat uchta asosiy raqobatli strategiya mavjud bo'lib, ular o'zining maqsadli bozori bilan (butun bozor yoki uning ma'lum bir segmenti) va amalga oshirilayotgan raqobatli ustunlik turi bilan (xarajatlar yoki tovarning ustun sifatleri bo'yicha) farq qiladi.

Xarajatlarni iqtisod qilish hisobiga liderlik strategiyasi markazida raqobatchiga nisbatan past xarajat bo'ladi. U doimiy xarajatlarni nazorat qilishni, ishlab chiqarishga investitsiya, yangi texnologiya konstruksiyalari ustida yaxshilab ishlashni, savdo xarajatlarini kamaytirishni nazarda tutadi.

Asosiy strategiya uchinchi - maxsuslashtirish strategiyasi, ya'ni konsentratsiya bir segment yoki xaridorlarning raqobatchi guruhlarini bozorni harakatsiz egallab olishdir. Maqsad bu yerda tanlangan maqsadli segmentni raqobatchiga nisbatan ehtiyojini qondirishdir. Bu strategiya differentsiatsiyada ham, xarajadni iqtisod qilishda ham bo'ladi, bunda faqat maqsadli segment doirasida bo'ladi. Xarajatlarni tejash hisobiga liderlik strategiyasi. Bu strategiyani markaz e'tiborida - raqobatchiga nisbatan kam xarajatlar asosiy o'rinda turadi. Xarajat munosabatiga afzalliklar 5 ta raqobatli kuchga qarshi samarali himoyani tashkil etadi:

- firma o'zining to'g'ri raqobatchisi bilan narx jangida ham qarama-qarshi turishga loyiq va narxda foyda olishga ega;

- kuchli mijozlar kuchli raqobatchi uchun darajasidan narxni pasayishiga erisha olmaydi;

- past xarajatlar kuchli ta'minotchilarga qarshi himoyani ta'minlaydi;

- past xarajatlar yangi raqobatchilar uchun kirish to'siqlarini tashkil qiladi va bir vaqtning o'zida tovar-o'rinbosarlarga qarshi yaxshi himoya tashkil etadi. Barcha strategiyalar markaz e'tiborida raqobatchilar bilan solishtirganda past xarajatlar bo'ladi.

6.3. O'sish strategiyalari

Ko'pchilik firmalarning strategiyalari o'sish maqsadlarini: savdo hajmining, bozor ulushining, firma daromadining yoki o'lchamining o'sishini ko'zda tutadi. O'sish firmaning faoliyatiga ta'sir etuvchi, tashabbusini rag'batlantiruvchi hamda firma jamoasi va rahbariyatining motivatsiyasini kuchaytiruvchi omildir.

O'sish maqsadlari uchta turli xil darajada ifodalagan:

- asosiy bozorga nisbatan o'sish; biz buni intensiv o'sish deb ataymiz;
- ishlab chiqarish zanjiriga nisbatan o'sish - asosiy faoliyatga nisbatan «olg'a» yoki «orqaga» integratsiyalanish; bu integrativ o'sishdir.

Bu o'sish maqsadlarining har biriga ehtimoliy strategiyalarning ma'lum bir soni to'g'ri keladi. Ularning turlari quyida keltirilgan.

Intensiv o'sish strategiyasi firma o'zi faoliyat yuritayotgan bozorlardagi tovarlari bilan bog'liq barcha imkoniyatlardan foydalanib bo'lmaguncha dolzarb bo'lib qolaveradi. Bunday holatda quyidagi muqobil variantlar bor.

Bozorga kirib borish strategiyalari. Kirib borish strategiyalari doirasida mavjud bozorlarda tovarlar savdosining hajmini oshirishga urinib ko'rish lozim. Bunga bir necha xil yo'l bilan erishish mumkin.

Birlamchi talabni rivojlantirish: global talabning tarkibiy qismlari ta'sir ko'rsatib, quyidagi usullar bilan bozorning hajmini oshirish:

- tovar yordamida yangi foydalanuvchilarni jalb etish;
- xaridorlarni tovardan tez-tez foydalanishga undash;
- xaridorlarni kattaroq miqdorda bir martalik iste'mol qilishga undash;
- yangi foydalanish imkoniyatlarini topish.

Bunday strategiya bozorning kengayishidan hammadan ko'proq manfaatdor peshqadam firmaga xosdir.

Bozordagi o'z ulushini oshirish: tovarlarni o'tkazish bo'yicha faol xatti-harakatlar orqali raqobatchi firmalarning sobiq mijozlarini jalb etish, masalan: sotilayotgan tovar yoki ko'rsatilayotgan xizmatlarni yaxshilash; marketing o'rmini o'zgartirish; narxni sezilarli kamaytirishga jur'at etish; sotish tarmog'ini mustahkamlash; sotishni rag'batlantirish bo'yicha chora-tadbirlarni amalga oshirish.

Bunday xatti-harakatlar birlamchi talab kengaymadigan bo'lib qolgan, ya'ni tovar hayot davrining yetuklik bosqichida bo'lgan bozorlarga xosdir.

Bozorlarni quyidagi yo'llar bilan sotib olish:

- raqobatchi firmani uning bozordagi ulushini qo'lga kiritish maqsadida sotib olish;
- bozordagi katta ulushni nazorat qilish maqsadida qo'shma korxonaga tashkil qilish.

Bozordagi o'z mavqegini himoya qilish (mijozlar bilan aloqa, sotish tarmog'i, imij): shu maqsadda operatsion marketingni faollashtirish, masalan:

- tovar yoki uning o'rmini birmuncha yaxshilash;
- narxni shakllantirishning mudofaa strategiyasi;
- sotish tarmog'ini mustahkamlash;

sotishni rag'batlantirish chora-tadbirlarini kuchaytirish yoki qayta yo'naltirish.

Bozorni ratsionallashtirish: xarajatlarni kamaytirish yoki operatsion

marketing samaradorligini oshirish maqsadida xizmat ko'rsatilayotgan bozorlarni qayta tashkil etish. Masalan:

- eng rentabelli segmentlarga e'tiborni jamlash;
- eng samarali distribyutorlarga murojaat etish;
- eng kam buyurtma hajmini belgilab, mijozlar sonini kamaytirish;
- ba'zi segmentlardan ketish.

Bozorni tashkil etish: iqtisodiy sektorning samaradorlik darajasiga qonunchilikda ruxsat berilgan darajada ta'sir ko'rsatish. Masalan:

1) boshqaruv organlarining yordamidan foydalangan holda tegishli tarmoqdagi raqobatchilik kurashi qoidalarini o'rnatish;

2) professional tashkilotlar tashkil qilish (masalan, bozor haqidagi ma'lumotlarni yig'ish uchun);

3) ishlab chiqarishni qisqartirish yoki barqarorlashtirish to'g'risida bitim tuzish.

Bu so'nggi uch strategiya ko'proq mudofaa xarakteriga ega bo'lib, ularning maqsadi bozorga kirib borish darajasini qo'llab-quvvatlashdan iboratdir.

Integratsion o'sish tegishli firmaning faoliyat doirasi egallab turgan tarmoqda yetarlicha mustahkam bo'lganda, aynan o'sha tarmoq miqyosida rivojlanish yo'llarini nazarda tutadi.

Xususan, regressiv integratsiya - firmaning ta'minotchilarini turli uslublar bilan nazoratga olishi yoki ularga nisbatan mustahkamroq mavqega ega bo'lishi uchun qiladigan urinishlar tushuniladi. Masalan, poligrafiya kompaniyasining sellyuloza ishlab chiqaruvchi ta'minotchi kompaniyaning 50 % aksiyalarini sotib olishi va uning ustidan moliyaviy nazoratni o'rnatishi.

Progressiv integratsiya esa tegishli firmaning taqsimot tizimi ustidan mustahkam mavqega ega bo'lishi, nazorat etishi tushuniladi. Masalan, qandolatlar ishlab chiqaruvchi kompaniyaning barcha mintaqalarda o'z ulgurji kompaniyalarini barpo etishi yoki qandolatlar bilan savdo qiluvchi maxsus chakana savdo shahobchalarini ochishi.

Gorizontal integratsiya tegishli firmani raqobatchi korxonalar ustidan yuqori mavqega ega bo'lishi, nazorat etishi borasidagi urinishlari tushuniladi. Masalan, bir bozorda tayinli tovar guruhi bo'yicha raqobatlashayotgan A firmaning tur raqobatchisi bo'lgan V firmaning sotuvga qo'yilgan ortiqcha quvvatlarini sotib olishi va unga nisbatan o'z mavqeini mustahkamlashi.

Diversifikatsion o'sish - tegishli firmani o'zi faoliyat yuritayotgan tarmoq imkoniyatlariga nisbatan boshqa tarmoq yo'nalishida rivojlanishi samarali yoki maqsadga muvofiq bo'lgan holda belgilanadi. Lekin buning uchun tegishli firma o'zga tarmoqda rivojlanishi uchun to'plagan tajribasi, ilmiy izlanishlar va tadqiqotlar asosida mavjud kamchiliklarni bartaraf etish, dastlabki tarmoq bo'yicha ixtisoslashuvini o'zgartirish yo'llari va imkoniyatlarini baholagan bo'lishi shart. O'z navbatida, diversifikatsion o'sish quyidagi yo'nalishlarda namoyon bo'ladi:

a) **konsentrik diversifikatsiya** firmaning o'z mahsulotlari ko'lamini marketing nuqtai nazaridan safdosh, to'ldiruvchi mahsulotlar bilan boyitishi borasidagi urinishlarini anglatadi: masalan, faqat kitoblarni chop etish bilan shug'ullanuvchi kompaniyaning jumallarini chop etishni ham yo'lga qo'yishdi;

b) **gorizontal diversifikatsiya** - tegishli firma mahsulotlari assortimentini iste'mol nuqtai nazaridan o'xshash bo'lmagan, ammo o'zaro bog'liq mahsulotlar bilan boyitish borasidagi urinishlari tushuniladi; masalan: musiqa asboblari ishlab chiqaruvchi kompaniyaning bolalar uchun musiqa maktabini tashkil etishi;

v) **onglomerat diversifikatsiya** - firmaning mahsulot ko'lamini texnologik, iste'mol, jihatdan umuman bog'liq bo'lmagan mahsulotlar ishlab chiqarishga, sotishiga taalluqli urinishlar tushuniladi. Masalan, farmatsevtika kompaniyasining kompyuter dasturlari ishlab chiqish yo'nalishi bo'yicha rivojlanish xatti-harakatlari.

Firmalar o'sish yo'nalishlari aynan bir yo'nalishda amaliyotda namoyon bo'lmaydi, ayrim SXZ uchun turlicha tarzda va ko'lamda belgilanadi. Masalan, Germaniyaning BASF kompaniyasi nafaqat kino va fotografiya uchun mahsulotlar ishlab chiqaradi, balki qishloq xo'jaligi uchun mineral moddalar ham ishlab chiqaradi va ularning tarkibini takomillashtirish bo'yicha izlanishlarni tashkil etadi. Bunga yana yorqin misol sifatida yirik yapon firmalarini keltirish mumkin. Jumladan, **Mitsubishi, Toyota, Nissan** firmalari texnologik va iste'mol jihatidan ham o'zaro umuman bog'liq bo'lmagan mahsulotlarni ishlab chiqarish, sotish va ilmiy izlanish ishlarini amalga oshiradi. Bunga asosiy sabablardan biri ushbu firmalarning tegishli sohalar va yo'nalishlar bo'yicha yetarli tajriba to'plaganligi, firma salohiyatining barcha yo'nalishlari bo'yicha yuksak ahamiyat berganidir. Demak, istiqbolni yanada keng imkoniyatli faoliyat miqyosiga aylantirish uchun mumkin qadar diversifikatsiya yo'nalishida rivojlanishni tashkil etish muhim ahamiyat kasb etadi.

6.4. Raqobatchilik strategiyasi

F. Kotler firmaning bozordagi ulushidan kelib chiqqan holda raqobatchilik strategiyasini 4 ta turga ajratib ko'rsatadi:

1. Lider strategiyasi.
2. "Kurashga chaqiruvchi" strategiya.
3. "Lider orqasidan boruvchi" strategiya.
4. Mutaxassis strategiyasi.

Odatda lider asosiy bozorni rivojlantirishga katta hissa qo'shuvchi firmadir. Lidering javobgarligini belgilovchi eng tabiiy strategiya yangi iste'molchilarni egallash, mavjud tovarlarni qo'llashda yangi tashviqot yoki tovarlarning bir marta iste'molini o'stirishga yo'naltirilgan global talabni kengaytirish strategiyasi hisoblanadi.

Mudofaa strategiyasi bozor liderining strategiyasi bo'lib, u orqali korxonada bozorda raqobat kurashida qo'lga kiritgan yutuqlari, o'rinlarini (masalan, bozorda katta ulushni saqlab qolish, mahsulot markasini obro'sini ko'tarish, tovar harakati kanallarini ustidan nazoratni saqlab qolish)ga intiladi. Mudofaa strategiyasi bozor sardori tomonidan o'z biznesini raqobatchilar tajovuzidan doimo himoya qilish maqsadida tanlanadigan strategiyadir. Mudofaa strategiyasining quyidagi turlari mavjuddir: pozitsiyali mudofaa, qanot mudofaasi, mudofaa qayta hujumga o'tish yo'li bilan, mobil mudofaa va qisilib qolayotgan mudofaa.

Hujum strategiyasini qo'llash natijasida firma bozorda o'z ulushini oshirishga harakat qiladi. Bundan maqsad tajriba samarasini keng ishlatish hisobiga rentabellikni oshirishdan iboratdir. Demarketing strategiyasi esa bozor liderining

to'rtinchi strategiyasi bo'lib, lider firma monopolizmida ayblanishdan qochish uchun bozordagi o'z ulushini qisqartirishni ko'rib chiqishi mumkin. Unga erishish yo'llaridan biri ko'rsatilayotgan xizmatlar, reklama va talabni rag'batlantirish maqsadida qisqartirish, ayrim segmentlarda narxni oshirish hisobiga talab darajasini pasaytirish maqsadida demarketing tamoyillarini qo'llash hisoblanadi.

“Kurashga chaqiruvchi” strategiyasining maqsadi lider o'rmini egallashdir. Bu yerda 2 ta muammo muhim hisoblanadi:

1. Liderga hujum qilish uchun vaziyatni tanlash.
2. Uning imkoniyatlarini va himoyasini baholash.

Vaziyatni tanlashda front bo'yicha hujum yoki qanot hujumi muqobillari hisobga olinadi.

Hujum strategiyasi raqobat strategiyasi bo'lib, u bozor da'vogari tomonidan sotuv bozorlarini egallash kurashida qo'llaniladi.

Front bo'yicha hujum raqobatchi korxonaning kuchsiz tomonlaridan kura kuchli tomonlaridan ustun kelish bo'yicha faol harakatlar orqali uning pozitsiyasiga (mahsulotlar, reklama, narxlar va boshqalar bo'yicha) hujum qilish tushuniladi. Uni amalga oshirish uchun korxonaga nisbatan ko'p resurslarga ega bo'lishi hamda uzoq muddatli “jang harakatlari”ni olib borish qobiliyatiga ega bo'lishi kerak.

Qanot hujumi raqobatchilar faoliyatini kuchsiz joylariga yo'naltirilgan bo'lib, bu joylarda ustunlikka erishish uchun asosiy kuchlar tashlanadi; u shunga asoslanganki raqobatchi ko'pincha o'z resurslarining eng kuchli pozitsiyalarini saqlab qolish uchun yo'naltiradi, masalan sifati bo'yicha sardorlik (liderlik) pozitsiyasini saqlab turishi mumkin, ayni vaqtda esa o'z faoliyatida kuchsiz joylarga ega bo'lishi mumkin, masalan vositachilar bilan ishlashga uncha ahamit berishmaydi. Ushbu strategiya bozor da'vogari raqobatchiga nisbatan kam resurslarga ega bo'lsa, yaxshi natija berishi mumkin. U ko'pincha raqobatchilarga qarshi kutilmaganda ishlatiladi.

O'rab olish orqali hujum - bu raqobatchini barcha pozitsiyalarga birdaniga hujum qilinish, uni bir vaqtning o'zida hamma yo'nalishdard bo'yicha mudofaa olib borishga majbur etadi; bu esa bozor da'vogari juda katta resurslarga ega bo'lganda qo'llaniladi hamda qisqa vaqt ichida raqobatchini bozordagi pozitsiyasini yemirilishiga imkoniyat yaratadi. U quyidagi variantlarida amalga oshirishi mumkin, ya'ni mahsulot modifikatsiyasi (turlari) sonini ancha ko'paytirib, raqobatchi harakat qilayotgan barcha bozorlarda o'z mahsulotini sotishi.

Chetlab o'tish hujumi to'g'ridag-to'g'ri bo'lmagan hujum turi bo'lib, ko'pincha quyidagi yo'nalishlardan birida amalga oshiriladi: ushbu korxonaga uchun mutlaqo yangi mahsulot turini ishlab chiqarishni o'zlashtirish, yangi geografik bozorlarni o'zlashtirish, texnologiyada yangi bosqichni o'zlashtirish, bozor da'vogari uchun dastlab eng “yengil” bozorlarda amalga oshirilib, u yerlarda ustunlikka erishilgandan so'ng esa, raqobatchining asosiy faoliyati sohalarida hujum uyushtiriladi.

Partizan hujumi raqobatchini tushkunlikka tushurish maqsadida, har zamonda uncha katta bo'lmagan hujumlarni uyushtirib, unda o'ziga nisbatan ishonchsizlik tuyg'usini rivojlantirishdir (narxlarni har zamonda pasaytirish va mahsulotni jadal sur'atlar bilan siljitish, oqibatda esa raqobatchini o'zi uchun zararli qarshi harakatlarni qilishga majbur etish va h.k.lar). Bunday strategiyani ko'pincha uncha

katta bo'lmagan cheklangan resurslarga ega firmalar, ancha yirik raqobatchilarga nisbatan qo'llaydi. Biroq tez-tez amalaga oshiriladigan partizan hujumlari- bu katta xarajatlarga olib keladigan tadbirlar, uning ustiga raqobatchilar ustidan g'alaba qozonish uchun, unga boshqa turdagi hujum harakatlari bilan qo'llab-quvvatlab turish kerak.

“Lider orqasidan boruvchi” - bu bozorda ulushi uncha katta bo'lmagan raqobatchidir. Ushbu xulq-atvor ko'proq oligapoliya holatidagi o'rinlarga ega bo'lib, unda differentsiatsiya imkoniyatlari kam, har bir raqobatchi barcha firmalarga zarar keltirishi mumkin bo'lgan kurashdan qochadi.

Mutaxassis strategiyasida mutaxassis butun bozor bilan emas, balki bir yoki bir necha segment bilan qiziqadi. Uning maqsadi katta daryoda kichik baliq bo'lish emas, balki kichik daryoda yirik baliq bo'lishdan iborat. Bu raqobatchilik strategiyasi asosiy strategiyalardan biri bo'lgan konsentratsiya strategiyasiga mos keladi. Mutaxassis e'tibor berayotgan chuqurcha rentabellik bo'lishi uchun u beshta shartni qondirishi lozim:

1. Yetarli salohiyatli foydaga ega bo'lishi kerak.
2. Salohiyatli o'sishga ega bo'lishi kerak.
3. Raqobatchilar uchun ham jalb etuvchi bo'lishi kerak.
4. Firmaning maxsus imkoniyatlariga mos kelishi kerak
5. Kirishni barqaror to'siqlariga ega bo'lishi kerak.

Nazorat va muhokama uchun savollar

1. O'zingiz bilgan birorta firma yoki kompaniya uchun «jalb etuvchanlik raqobatbardoshlik» ko'p mezonli matritsasini tuzing.
2. G'oyatda noyob sohaga ixtisoslashgan, dunyoga mashhur, ammo resurslari g'oyatda cheklangan kichik bir firma uchun qanday strategiyani taklif etgan bo'lar edingiz?
3. Bizda qahva G'arbiy Evropa va Shimoliy Amerikaga nisbatan juda kam iste'mol qilinadi. Siz jahonga mashhur qahva markasining boshqaruvchisi bo'lib qolsangiz, O'zbekiston bozori uchun qanday strategiyani tanlaysiz?
4. O'sish strategiyalarining qanday turlarini bilasiz?
5. Raqobatchilik strategiyalari turlarini aytib bering.
6. BKG matritsasining afzalliklari va kamchiliklari nimadan iborat?
7. Diversifikatsion o'sish strategiyasini tushuntirib bering.
8. Hujum strategiyasining mazmuni va uning turlarini aytib bering.
9. Intensiv o'sish deganda nimani tushunasiz?
10. Integratsion o'sish strategiyasini mazmunini aytib bering.

Asosiy adabiyotlar

1. Marketing. Darslik. –T.: TDIU, 2011.
2. Кревин, Дэвид, В. Стратегический маркетинг, 6-е изд. – М.: Вильямс, 2008.
3. Розова Н.К. Маркетинг. – СПб.: Питер, 2008.
4. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с 127-138.

5. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.

Qo'shimcha adabiyotlar

6. Котлер Ф. Основы маркетинга. Краткий курс. /Пер. с англ. – М.: Издательский дом «Вильямс», 2010. – 656 стр.

7. Soliyev A., Vuzrukxonov S. Marketing, Bozorshunoslik. Darslik. – T.: Iqtisod-Moliya, 2010. – 424 b.

8. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.

9. www.marketologi.ru/docs/teaching.html

10. www.gov.uz

11. www.stat.uz

7-bob. SOTISH KANALI BO'YICHA STRATEGIK QARORLAR

7.1. Sotish kanallarining iqtisodiy roli

Marketingning eng muhim tarkibiy qismi - mahsulotni sotish va taqsimlash hisoblanadi. Bu jarayonda tashkiliy nuqtai nazardan eng murakkab vazifa - ishlab chiqarilgan mahsulotni iste'molchiga yetkazish hal etiladi.

Sotish tarmog'i individual iste'molchilar yoki sanoatchi foydalanuvchilar ixtiyoriga tovarlar yoki xizmatlarni taqdim etish maqsadida raqobatli ayirboshlash jarayonida ishtirok etayotgan hamkorlar tomonidan shakllantirilgan tuzilma sifatida aniqlanishi mumkin. Bu hamkorlar ishlab chiqaruvchilar, vositachilar va pirovard foydalanuvchilar-xaridorlardir. Har qanday sotish kanali ayirboshlash uchun zarur bo'lgan ma'lum bir vazifalar to'plamini bajaradi.

Sotish vazifalari quyidagi olti xil amalning bajarilishini ko'zda tutadi:

- **tashish**: tovarlarning ishlab chiqarilgan joydan iste'mol qilish joylariga ko'chirish bilan bog'liq amaliar;

- **«taqsimlash»**: tovarlarning foydalanuvchilar ehtiyojiga mos keluvchi miqdor va shakllarda mavjud bo'lishini ta'minlash bilan bog'liq amaliar;


- **saqlash**: tovarlarning ularni xarid qilish yoki ulardan foydalanish paytida mavjud bo'lishini ta'minlash bilan bog'liq amaliar;

- **saralash**: tovarlarning iste'mol vaziyatlariga moslashtirilgan maxsus va yoki bir-birini to'ldiruvchi to'plamini tashkil qilish bilan bog'liq amaliar;

- **aloqa o'rnatish**: xaridorlarning ko'p sonli va uzoqda joylashgan guruhlariga murojaat qilishni osonlashtiruvchi amaliar;

axborot: bozor ehtiyojlari va raqobatli ayirboshlash shartlari haqidagi bilimlarni oshiruvchi amaliar.

Bu asosiy vazifalarni bajarishdan tashqari vositachilar xaridorlarlarga yaqin joylashganliklari, ish vaqtining qulayligi, tez yetkazib berish, xizmat ko'rsatish, kafolatlar berish imkoniyati mavjudligi tufayli qo'shimcha xizmatlar ko'rsatadilar. Shunday qilib, sotishning iqtisodiyotdagi roli ne'matlarning taklif holati bilan ne'mat va xizmatlarga talab bosqichida zarur holati o'rtasidagi nomutanosibliklarni bartaraf etishdan iborat.



7.1-rasm. Tovar harakati va taqsimot kanallari turlari.

Taqsimot oqimlari. Ko'rib chiqilgan vazifalarning bajarilishi ayirboshlash jarayoni qatnashchilari o'rtasida o'zaro qarama-qarshi tomonlarga yo'nalgan tijoriy oqimlarning paydo bo'lishiga olib keladi. Sotish kanalida jami besh turdagi oqimni ajratish mumkin:

- **egallik huquqlari oqimi:** tovarlarga egallik huquqining bir tashkilotdan boshqa tashkilotlarga o'tishi;

- **jismoniy oqim:** tovarlarning ishlab chiqaruvchidan vositachilar orqali pirovard iste'molchiga tomon ketma-ket jismoniy ko'chib o'tishi;

buyurtmalar oqimi: xaridor va vositachilardan tushayotgan va ishlab chiqaruvchilarga yuborilayotgan buyurtmalar;

moliyaviy oqim: pirovard foydalanuvchidan vositachi va ishlab chiqaruvchilar tomon harakatlanuvchi turli to'lovlar, schetlar va yig'implar;

-**xaborot oqimi:** bu oqim ikki yo'nalishda harakatlanadi: bozor haqidagi ma'lumotlar ishlab chiqaruvchi tomonga, taklif qilinayotgan tovarlar haqidagi ma'lumotlar esa ishlab chiqaruvchi va vositachilarning tashabbusi bilan bozor tomonga harakatlanadi.

Demak, sotish kanalining mavjudligi ayirboshlash ishtirokchilari o'rtasida vazifa va oqimlarning taqsimlanishini ko'zda tutadi. Tarmoqni tashkil qilishdagi muhim masala ushbu vazifa va oqimlarning zarur yoki zarur emasligi emas, balki kanal ishtirokchilaridan qaysi biri ularni amalga oshirishidir. Vazifalarning taqsimlanishidagi xilma-xillikni bir necha bozorlarda emas, balki bir bozor miqyosida ham kuzatish mumkin.

7.2. Sotish kanalining vertikal tuzilishi

Sotish kanalining vertikal tuzilishi. Sotish kanalining tuzilishini tanlashda ayirboshlash jarayoni qatnashchi o'rtasida majburiyatlarni taqsimlash haqidagi savolni yechish orqali amalga oshiriladi. Firma nuqtai nazaridan avvalambor kimgadir sotish vazifasining qismini topshirish mumkinmi yoki yo'qligini hal qilish kerak, agar mumkin bo'lmasa, qanday chegara va qanday sharoitda?

Sotish kanaliga kirish mumkin bo'lgan 4 ta vositachi sinfi mavjud:

- ulgurji savdogarlar;

- chakana savdogarlar;

- agentlar;

- xizmat ko'rsatish bo'yicha tijorat kompaniyalari.

Ulgurji savdogarlar vositachilar odatda sotuvda oxirgi iste'molchiga emas, balki boshqa sotuvchilarga sotish orqali amalga oshiriladi. Masalan, chakana savdogarga yoki mijozlarga - tashkilotlarga (mehmonxona, restoranlarga). Ular tayyorlovchining tovarini xarid qilib oladi, mulkchilik huquqini egallab va ular qo'shimcha xizmatlarga qarab, hamda ularni saqlashini va uncha katta bo'lmagan partiyalarda chakana savdogarlarga qayta sotuvni ta'minlaydi.

Hozirgi liberallashtirish sharoitida ulgurji savdoning iqtisodiyotda tutgan o'rmi katta. Bunda O'zbekiston Respublikasi Prezidentining 2005-yil 23-fevraldagi Farmoni muhim o'ringa ega. Farmonda ko'ra, savdo sohasidagi iqtisodiy islohotlarni

chuqurlashtirish, ulgurji savdo tizimini yanada takomillashtirish, ulgurji, chakana savdo bilan iste'mol tovarlari ishlab chiqaruvchi korxonalar o'rtasida barqaror shartnomaviy munosabatlar uchun shart-sharoitlar yaratish, shuningdek, aholiga savdo xizmat ko'rsatish sifati darajasini oshirish maqsadida iste'mol tovarlarining asosiy guruhlariga bo'yicha hududiy (viloyatlararo, tumanlararo va viloyat) bazalari tarmoqlariga ega ixtisoslashtirilgan respublika ulgurji baza-idoralari shakllantirish to'g'risidagi taklifi ma'qullangan. Bu joylardagi ulgurji savdo tizimiga qarashli ta'minot korxonalari faoliyatiga bevosita taalluqlidir¹

Bog'liq bo'lmagan chakana savdogarlar. Chakana savdogarlar - oxirgi foydalanuvchiga shaxsiy ehtiyojlarini qondirish uchun tovar va xizmatlarni sotadi. Bu savdogarlarni 3 guruhga bo'lish mumkin:

1. Keng miqyosli savdogarlar.
2. Maxsus savdogarlar
3. Savdogar- hunarmandlar.

Xuddi shuningdek, boshqa klassifikatsiyani taklif etish mumkin. Masalan, xizmat ko'rsatish darajasiga ko'ra (o'z-o'ziga xizmat ko'rsatish yoki to'liq xizmat ko'rsatish) yoki foyda xarakteri bo'yicha (kichik qo'shimcha narxlar katta tovar aylanma yoki yuqori qo'shimcha narxlar kichik tovar aylanma). "Kichik qo'shimcha narxlar katta tovar aylanma" tamoyili bo'yicha qanoatlanuvchi chakana savdogarlar qoidaga binoan narxlar bo'yicha raqobatlashadi. "Katta qo'shimcha narxlar kichik tovar aylanma" tamoyiliga amal qiluvchilar alohida assortimentga, savdo nuqtasi va xizmat imijiga e'tibor qaratadi.

Integratsiyalangan taqsimotda hozirgi holat uchun ulgurji va chakana savdo vazifalarini birlashtiruvchi baquvvat sotish tizimini tashkil etish xarakterlidir. Bunday tizimlar, masalan, yirik savdo tarmog'i (supermarket, gipermarket) yoki do'kon tarmoqlari shaklida harakatlanishi, bunga esa yirik savdo markazlarida, ayniqsa oziq-ovqat sektorida o'z-o'ziga xizmat ko'rsatish keng rivojlana boshladi. Ular menejmentni 6 qoidasiga asoslanadi: assortiment; kichik xarid narxlari; kichik savdo qo'shimcha narxlari va kichik sotish narxi; tovarlarni siljitish; boshqarish miqyosida tejjash; to'lovlarning katta muddatlari.

Kanalning vertikal tuzilmasi ishlab chiqaruvchini pirovard foydalanuvchidan ajratib turgan bo'g'inlar soni bilan xarakterlanadi. Bu mezonga ko'ra kanallar bevosita yoki bilvosita bo'lishi mumkin.


1. Bevosita kanalda egalik huquqini qo'lga kirituvchi vositachi bo'lmaydi va ishlab chiqaruvchi tovarni bevosita iste'molchi yoki pirovard foydalanuvchiga sotadi.

2. Bilvosita kanalda bir yoki bir necha vositachi bo'ladi. Bunday kanal ishlab chiqaruvchi bilan pirovard foydalanuvchi o'rtasidagi vositachilar soniga ko'ra, «uzun» yoki «qisqa» deb ataladi.

Ishlab chiqaruvchi nuqtai nazaridan kanal qancha uzun bo'lsa, uni nazorat qilish shuncha qiyin bo'ladi.

Firma odatda bir necha sotish kanallaridan foydalanadi. Bundan maqsad yo raqobatli vaziyatni, sotuvchilar o'rtasida kurashni yuzaga keltirish yoki xaridorlar odatlari turli bo'lgan bir necha segmentlarga chiqish bo'ladi. Masalan, «Filips» rusumli apparatura arzonlashtirilgan tovarlar bozorida, gipermarketlarda, yirik

do'konlarda, yangilik do'konlarida va hatto «Filips» firmasiga qarashli chakana savdo do'konlarida ham sotiladi. Koreyaning «Samsung Elektroniks» firmasi Rossiya bozorlarida o'z mahsulotlarini distribyutorlar va tez kengayib borayotgan dilerlik tarmoqlari orqali sotar ekan, ayni paytda o'z firma do'konlari, omborlari va o'z mahsulotlariga xizmat ko'rsatish markazlarini ham jadallik bilan tashkil etmoqda.



7.2-rasm. Sotuvchilar o'rtasidagi raqobat turlari.

Sotuvchilar o'rtasidagi raqobat turlari. Rasmga ko'ra, sotish tarmog'ida turli raqobat variantlarini kuzatish mumkin.


Gorizontaal raqobat. Savdo tarmog'ining bir bo'g'inida faoliyat yuritayotgan bir xil turdagi vositachilar o'rtasidagi raqobat.

Turlararo gorizontaal raqobat. Raqobatning bu shakli tarmoqning bir bo'g'inida faoliyat yuritayotgan, biroq faoliyat turlari turlicha vositachilar o'rtasida uchraydi; u ko'pincha assortiment va narxlardagi farqlarning katta bo'lishiga olib keladi.

Vertikal raqobat. Tarmoqning turli bo'g'inlaridagi vositachilar yuqoriroq yoki pastroq darajali vositachilik vazifalarini bajaradilar. Masalan, chakana sotuvchilar ulgurji savdogarlarning vazifalarini bajarishi va aksincha ulgurji sotuvchilar chakana savdo bilan shug'ullanishi mumkin.

Sotish kanallari o'rtasidagi raqobat. Bu holda butun kanallar o'zaro raqobatlashadi. Masalan, an'anaviy sotish tarmog'i tovarlarni pochta orqali sotish bilan raqobatlashadi.

Sotish tizimida so'nggi o'n yilliklarda yuz bergan evolutsiya barcha turdagi vositachilar o'rtasidagi raqobatni keskin kuchaytirib yubordi. Vertikal marketing tizimlarining rivojlanishi bu raqobatning ko'rinishlaridan biri bo'lib, ularni quyida ko'rib chiqamiz.



7.3-rasm. Taqsimlash strategiyasini ishlab chiqish bosqichlari.

Vertikal marketing tizimi vositachilar bilan o'zaro xarakteriga ko'ra, vertikal marketingni ikki turga bo'lish mumkin:

- an'anaviy vertikal tuzilish;
- muvofiqlashgan vertikal tuzilish.

An'anaviy vertikal tuzilishda sotish kanalining har bir darajasi boshqasiga bog'liq bo'lmagan holda o'z foydasini oshirishga harakat qiladi.

Muvofiqlashgan vertikal tuzilishda ayirboshlash jarayonlari qatnashchilari to'liq yoki qisman, ya'ni bozorga o'z ta'siri va sotish qobiliyatini oshirish uchun o'z vazifalariga tayanadi.

Qatnashchilardan biri tashabbusni o'z qo'liga oladi. Bu tayyor ham ulgurji savdo va chakana savo bo'lishi mumkin.

Sotish kanalida vertikal muvofiqlikning bir necha shakllarini farqlash mumkin: integratsiyalashgan vertikal marketing; nazorat qilinadigan vertikal marketing; shartnomaviy tizim vertikal marketingi.

Integratsiyalashgan vertikal marketing ishlab chiqarish va sotish bosqichlari yagona ega tomonidan nazorat qilinadi.

Shartnomaviy vertikal marketing tizimida a'zolarining majburiyat va huquqlari aniq ko'rsatib beriladi. Uni 3 turga ajratish mumkin:

1. Ulgurjilar rahbarlik qiladigan chakana sotuvchilarning ko'ngilli birlashmalari.
2. Chakana sotuvchilar shirkati.
3. Franshiza tizimi.

7.3. Bozorni qamrab olish strategiyalari

To'g'ri bo'lmagan sotish kanalini tanlashda bozorga yorib kirish vazifasini hal etish uchun bozorni qamrab olish darajasini ta'minlash uchun qancha vositachilar

talab qilinishi savoli tug'iladi. Turli bozorni qamrab olish strategiyalarini ko'rish mumkin:

«Gollivud» firmasi o'z saqichlarini qayerda mumkin bo'lsa o'sha yerda taklif etadi: barcha oziq-ovqat do'konlarida, kantstovarlar do'konida, savdo avtomatlarida, dorixonalarda.

«Per Karden» firmasi o'z kiyimlarini juda tanlangan maxsus do'konlarda tarqatadi va ular ichida eng yaxshisi bo'lishga harakat qiladi.

ViEyDji (VAG) firmasi o'z avtomashinalarini ekskluziv dilyerlar orqali sotadi: har bir diler o'z hududiga ega, boshqa hech qanday diller ViEyDji markasini taklif etishga haqqi yo'q.

«Gollivud» intensiv sotish strategiyasini, «Per Karden» tanlanma sotish strategiyasini, ViEyDji esa ekskluziv sotish strategiyasini amalga oshiradi. Aniq bir tovar uchun strategiyani tanlash tovarning xossalariga, maqsadlariga, raqobatlik holatlariga bog'liq.

Bevosita sotish kanalini tanlashda bozorni qamrab olish darajasini ta'minlash uchun necha vositachi talab qilinadi, degan savol yuzaga keladi. Bozorni qamrab olish darajasi bozorga kirib borish vazifalarini hal etish uchun zarurdir. Bozorni qamrab olishning turli strategiyalarini ko'rib chiqish mumkin.

- «Gollivud» firmasi o'z saqichini duch kelgan joyda: barcha oziq-ovqat do'konlari, tamaki rastalari, kantstovarlar do'konlari, savdo avtomatlari va hatto dorixonalarda taklif etadi.

- «Pyer Karden» firmasi o'z kiyim-kechak mahsulotlarini sinchiklab tanlab olingan ixtisoslashtirilgan do'konlargagina tarqatadi va bu do'konlarning eng yaxshilarida sotishga intiladi.

- «ViEyDji» firmasi o'z avtomashinalarini ekskluziv dilerlar orqali sotadi: bunday dilerlarning har biri o'z mintaqasiga ega bo'lib, bu mintaqada boshqa birorta diler «ViEyDji» markasini taklif eta olmaydi.

«Gollivud» intensiv sotish strategiyasi, «Karden» – saylanma sotish strategiyasi, «ViEyDji» esa ekskluziv sotish strategiyasini amalga oshiradi. Ma'lum bir tovar uchun strategiyani tanlash tovarning o'z xususiyatlari, firmaning maqsadlari va raqobatli vaziyatga bog'liqdir.

Iste'mol tovarlari turlari. Iste'mol bozorlarida bozorni qamrab olish strategiyalarini tanlash ko'p darajada tovarning turiga mos holda xaridorlarning barqaror ko'nikmalariga bog'liq. Odatda kundalik iste'mol tovarlari, avval tanlanadigan tovarlar, alohida ehtiyoj tovarlari va passiv iste'mol tovarlari ajratiladi.

Kundalik iste'mol tovarlari. Bu tez-tez sotib olinadigan, kam miqdorda va sotib olishda kam kuch sarf qilinadigan iste'mol tovarlaridir. Sotib olish paytidagi xatti-harakat odatdagidek bo'ladi. Tovarlarning bu toifasini uch guruhga bo'lish mumkin: kundalik ehtiyoj buyumlari, impulsiv xarid tovarlar va favqulodda holatlar uchun tovarlar.

Kundalik ehtiyoj buyumlari tez-tez sotib olinadigan tovarlardir (ichimliklar, chiroqlar, sut). Xarid jarayoni bir marka yoki savdo shoxobchasiga o'rganganlik tufayli osonlashadi. Xarid haqidagi qaror, masalan, tez-tez takrorlanib turadigan reklama tufayli avvaldan qabul qilingan bo'ladi.

Impulsiv xarid tovarlari o'ylab o'tirmay sotib olinadi (saqich, chipslar,

shirinliklar). Bunday tovarlarni istalgan joylardan sotib olish mumkin bo'lishi lozim (kassa apparatlari oldida, savdo avtomatlari yonida).

Favqulodda holatlar uchun tovarlar birdan ularga ehtiyoj tug'ilib qolgan paytlarda sotib olinadi, masalan yomg'ir paytida zont, aspirin. Firma bunday tovarlarga nisbatan strategiya tanlay olmaydi. Bunday tovarlar bozorni maksimal darajada qamrab olishni talab etadi, chunki agar xaridor tovarni zarur paytda va kerakli joyda topa olmasa, boshqa markali tovarni sotib olishga majbur bo'ladi va sotish imkoniyati qo'ldan boy beriladi.

Avval tanlanadigan tovarlar. Bu tovarlar o'rtacha xatar toifasiga kiradi. Iste'molchi o'ziga tanish markalarni turli mezonlar bo'yicha, masalan, o'z maqsadi, o'zi yoqtirgan uslub, narx va sifatga mos kelishi bo'yicha taqqoslab ko'radi. Avvalgi boblarda ko'rsatib o'tilganidek, xaridorning xatti-harakati cheklangan ratsionallik tamoyiliga asoslangan bo'lib, bu odatdagi holat emas. Bunday turdagi tovarlarga nisbatan iste'molchi o'z vaqtini bozordagi turli takliflarni chamalab ko'rish uchun sarflashga tayyordir. Bunday tovarlar toifasiga mebel, kiyim-kechak, audio va videoapparatlar, ya'ni har kuni sotib olinmaydigan qimmatbaho tovarlar kiradi. Odatda, xarid qilishdan avval iste'molchilar bir necha savdo shoxobchalariga borib ko'radi, bunda sotuvchilar o'z maslahat va tavsiyalari bilan ularga katta ta'sir ko'rsatishi mumkin. Bu toifadagi tovarlar uchun bozorni katta miqyosda qamrab olish shart emas va sotuvchining roli hisobga olinsa, saylanma savdo afzalroqdir.

Maxsus ehtiyoj tovarlari. Bu noyob xususiyatlarga ega tovarlar bo'lib, ularni topish va sotib olish uchun iste'molchi ko'p kuch sarflashga tayyor bo'ladi. Bularga avvalo lyuks toifasiga kiruvchi maxsus tovarlar: avtomobillarning nufuzli modellari, eng yaxshi poyzafzal modellari, tansiq taomlar, so'nggi modadagi buyumlar kiradi. Xaridor bunday tovarlarni sotib olishda markalarni taqqoslab o'tirmaydi. U o'z nimani istayotganligini aniq bilgan holda o'zi xohlagan marka sotilayotgan savdo shoxobchasini izlaydi. Bu yerda xaridorning tovar yoki markaning bir yoki bir necha belgili xossalariga o'chligi asosiy rol o'ynaydi. Bunday turdagi tovarni ishlab chiqaruvchilar saylanma yoki ekskluziv sotish bilan cheklanishlari mumkin. Bunda savdo shoxobchalarining topishga oson joyda bo'lishi ham shart emas, xaridorlar ularning qayerda joylashganligini bilsalar bo'ldi.

Passiv ehtiyoj tovarlari. Bu iste'molchi bilmaydigan yoki bilsa ham, ularni sotib olishga kuchli ehtiyoji bo'lmagan tovarlardir. Masalan: haroratni yoki havoning tozaligini boshqarib turuvchi murakkab qurilmalar, sug'urta polisleri, entdavropediyalar va hokazo. Bu tovarlarni sotish katta sarf-xarajatlarni talab etadi. Bu yerda faqat vositachilarning saylanma sotish doirasidagi yordami yoki bevosita marketing tizimi kerak.

Bozorni qamrab olish strategiyasini tanlashda boshqa holatlar ham e'tiborga olinadi. Umumiy holatlarda saylanma va ekskluziv sotish tizimlari sotuvchilar tomonidan katta yordam berilishini, ishlab chiqaruvchining sotish xarajatlarini qisqartirishni va sotish operatsiyalari ustidan to'laroq nazorat o'rnatilishini talab etadi. Firma har bir sotish tizimining afzallik va kamchiliklari o'rtasidagi muvozanatni ushlab turishi zarurdir.

Intensiv sotish. Firma intensiv sotishda bozorni maksimal qamrab olish va

savdo hajmini oshirish maqsadida savdo shoxobchalari va omborlar sonini mumkin qadar ko'paytirishga harakat qiladi. Bunday qamrab olish strategiyasi kundalik ehtiyoj tovarlari, xomashyo tovarlar va kam mehnat talab qiluvchi xizmatlar uchun to'g'ri keladi. Faol sotish jarayonining afzalligi shuki, tovar doim mavjud bo'ladi va u keng namoyish qilinganligi tufayli bozor ulushi katta bo'ladi.

Bozorni qamrab olish darajasining yuqoriligi tufayli savdo hajmlari ortadi, biroq ayni paytda bu o'sishning ba'zi salbiy jihatlarini bo'lib, ularni e'tiborga olmaslik mumkin emas.

1. Turli kanallardagi savdo hajmi bir xil bo'lavermaydi, va holanki har qanday vositachi bilan aloqada bo'lish xarajatlari esa o'zgarmaydi. Shu sababdan, sotish xarajatlarning ortishi butun tizimning rentabelligini pasaytirib yuborishi mumkin.

2. Tovar ko'plab xilma-xil savdo shoxobchalariga tarqatilganda, firma marketing strategiyasini: chegirmalar belgilashni, xizmat ko'rsatish sifati va distribyutorlar hamkorligini tashkil etishni nazorat qila olmay qolishi mumkin. Shu sababdan intensiv savdo ko'pincha markaning imijini saqlab turish va bozorda aniq o'ringa ega bo'lishga zid keladi.

3. Aytib o'tilgan qiyinchiliklar firmalarni iste'molchilarni marka bilan tanishtirib bo'lgach, sotishning saylanma tizimlari tomonga siljishga undaydi.

4. Saylanma sotuvda savdo firmasi o'lchami, xizmat sifati, texnik qurollanganligi, murakkab tovarlar uchun muhim bo'lib, sotuvdan keyingi xizmatda muhim rol o'ynaydi.

5. Iste'mol bozorini qamrab olish strategiyasi bilan tovar turiga ko'ra xaridorlarning barqaror yengilliklari aniqlanadi.

7.1-jadval

Iste'mol tovarlari turlari

Iste'mol tovarlari tipologiyasi			
Kundalik iste'mol tovarlari: - doimiy talabdagi asosiy tovarlar (go'sht, sut, yog', sovun va h.k.) - impulsiv tarzda sotib olinadigan tovarlar (saqich, gazeta). - favqulodda holatlar uchun tovarlar (dori-darmon, zont)	Dastlabki tanlov asosida olinadigan tovarlar (kiyim-kechak) a) o'xshash tovarlar b) alohida ko'rinishdagi tovarlar (audio, video)	Alohida talabdagi tovarlar (avtomobillar, maxsus mebellar)	Passiv talabdagi tovarlar (notanish tovarlar)

Ekskluziv sotish tizimi tanlov asosida sotishning eng oxirgi hodisasidir. Faqat bitta savdogar ushbu markani aniq hududda sotish huquqini oladi. Ekskluziv sotishning muhim shakli sifatida franshizani ko'rsatish mumkin.

Franshiza iste'mol tovar va xizmatlarini sotish uchun shartnomaviy vertikal

marketing tizimidir. U franshizer deyiluvchi bitta firma boshqa firmaga chegaralangan hududda belgilangan qoidaga asoslanib va aniq marka ostida aniq biznesni yuritish huquqini bildiruvchi uzoq muddatli shartnomaviy munosabatdir.

Franshizaning 4 turi mavjud:

1. Tayyorlovchi va chakana savdogarlarni bog 'lovchi franshiza. Masalan, avtomobil dilerlari va xizmat qilish stantsiyalari franshizani sotib olib, AQShdagi "Singer" firmasi Frantsiyadagi "Iv Roshe" firmasi.

2. Tayyorlovchi va ulgurji sotuvchi o 'rtasidagi franshiza. "Koka-Kola" va "Seven-AP" firmalari franshizaga asosan o 'z konsentratlarini ulgurji savdogarlarga sotib, aralashtirib, butilkaga solib, chakana savdogarga sotuvchi hisoblanadi.

3. Ulgurji va chakana savdogarlar o 'rtasidagi franshiza.

4. Xizmat ko 'rsatuvchi firma va distributerlar o 'rtasidagi franshiza.

5. Savdo firmasi marketingi

Ishlab chiqaruvchining gurkirab o 'sib kelayotgan yirik savdo firmalari oldidagi pozitsiyasi qanday bo 'lishi kerak? Bu yerda uch xil strategiya bo 'lishi mumkin:

1. Pirovard iste'molchiga qaratilgan va kuchli, yaxshi differensiyalangan markani qo 'llab-quvvatlashni ko 'zda tutuvchi marketing strategiyasini qabul qilish hamda sotuvchini bu markani o 'z assortimentiga kiritishga majbur qilish.

2. Eng kam xarajatlar sarflab ishlab chiqarishga ixtisoslashish va marketingni batamom sotuvchining ixtiyoriga qoldirish, biroq bunda bozordan uzilib qolish xavfi bor.

3. Sotuvchiga raqobatchi yoki sotish kanalidagi hamkor emas, balki vositachi-mijoz sifatida qarash. Savdo marketingining asl mohiyati mana shundan iborat.

Savdo marketingi marketing usulini yagona mijozlar sifatida qaraladigan sotuvchilarga nisbatan qo 'llashdan iboratdir. Savdo marketingi to 'rt asosiy bosqichni o 'z ichiga oladi:

- ehtiyojlarni tahlil qilish: sotuvchilarning ish shaklini va ularning istaklarini tushunish;

- sotuvchilarni segmentlash yohud ehtiyojlari yoki istaklari bir xil bo 'lgan sotuvchilarni ajratib olish;

- ishlab chiqarish uchun ustuvor maqsadli segmentni tanlash;

- maqsadli segmentga (segmentlarga) moslashtirilgan takliflarni ishlab chiqish.

Chakana savdo firmalarining turlari 4 ta mezon bilan farq qiladi:


1) do 'konning jihozlari;

2) mijozga xizmat ko 'rsatish darajasi;

3) tovar assortimenti;

4) savdoda xizmat ko 'rsatish xarakteri.

Bularning chizmasi quyida berilgan (7.4-rasm).



7.4-rasm. Chakana savdo vositachilari turlari.

Bog'liq bo'lmagan do'konlar odatda bir kishi mulkchiligida bo'ladi. Bu qoidaga ko'ra kichik do'konlar bo'lib, xizmat ko'rsatishning yuqori darajasi bilan farqlanadi, hamda savdo masalalarini xo'jayinning o'zi hal etadi.

Korporativ tarmoq o'z ichiga katta dokonlar sonini oladi, mulkdor bo'lib bitta firma xizmat qiladi. Chakana savdo tashkilotining bu turini afzalligi yirik partiya tovarlariga buyurtma berish imkoniyati orqali transport xarajatlarini iqtisod qilish va soni bo'yicha shagirma olish, tashkil etishning yuqori darajasi, sotishni rag'batlantirish va bashorat qilish imkoniyati, tovar zaxiralari va narxlarini boshqarish.

Iste'mol kooperativi chakana savdo do'konlari bo'lib, iste'molchilarning o'zi boshqaradi (ko'proq oziq-ovqat bozoridir).

Savdo kooperativlari bog'liq bo'lmagan do'konlar tarmog'i bo'lib, odatda bitta ta'minotchining o'zidan xarid qiladi. Uning afzalligi xaridor ko'z o'ngida yirik savdo tarmog'i imijini yaratish (past narxlar bilan jalb etuvchi).

Xizmat ko'rsatish darajasi sotayotgan tovar turiga bog'liq. Kundalik talabdagi tovarlar uchun o'z-o'ziga xizmat ko'rsatish, avvaldan tanlov tovarlari uchun chegaralangan xizmat ko'rsatish, yuqori tovarlarga to'liq xizmat ko'rsatiladi, bu o'z

ichiga xaridorga yordam sifatida axtarishni, solishtirishni, tanlashni, turli savollar bilan maslahat berishni oladi.

Savdoning ilg'or usullaridan biri savdo avtomatlari orqali savdo qilish hisoblanadi. Savdo avtomatlari savdoning ijtimoiy-iqtisodiy samaradorligini ta'minlashda muhim o'rin tutadi, ya'ni savdoda iste'mol xarajatlarini kamaytirish, iste'molchi hukmron bo'lgan sharoitda muhim ahamiyatga egadir. Hozirgi sharoitda zamonaviy dizaynga ega savdo avtomatlaridan foydalanish muhim masala hisoblanadi.

Xorijiy mamlakatlarda tovarlarni sotishda qo'llanayotgan quyidagi ilg'or usullardan mamlakatimiz savdo korxonalarini va tashkilotlarida foydalanish mumkin:

- chakana savdo korxonalarining namoyish zalida tushirilgan narxlarda kataloglar bo'yicha nooziq-ovqat mahsulotlarini sotish;
- shahar markazida joylashgan va kichik savdo maydoniga, qat'iy interyer, uncha ko'p bo'lmagan xodimlarga ega chakana savdo korxonalarida narxi tushirilgan cheklangan assortimentdagi tovarlar bilan savdo qismi;
- "qulay do'konlar", cheklangan assortimentdagi tovarlar asosan yangi oziq-ovqat mahsulotlari bilan savdo qiluvchi hamda xaridorlarga kun mobaynida xizmat ko'rsatuvchi savdo korxonalarida sotish.

Xorijiy mamlakatlar savdo korxonalarida tovarlarni sotishda qo'llanilayotgan ilg'or usullarning muvaffaqiyatini ta'minlovchi yo'llar xaridorga yanada ko'proq turli xil xizmatlarni ko'rsatish va tovarlarga bo'lgan narxni tushirish hisoblanadi. Bulardan savdo korxonalarida foydalanish maqsadga muvofiqdir.

7.4. Interfaol yoki bevosita marketing

Ko'rib o'tganimizdek, vositachisiz bevosita savdo sanoat bozorlari uchun odatiy hol bo'lib, bu yerda salohiyatli mijozlarning soni kam bo'ladi va ular oson topiladi, tovarlar esa murakkab bo'lib, ko'pincha maxsus buyurtma bo'yicha yetkazib beriladi va narxi yuqori bo'ladi. Shunisi qiziqki, so'nggi yillarda sotishning bu usuli eng kutilmagan joylarda: iste'mol tovarlari va xizmatlari bozorlarida paydo bo'lmoqda. Buni avvalo telemarketing, radio va televidenie kabi teskari aloqali yangi kommunikatsiya vositalari hamda buyurtmalarni qabul qilishning elektron vositalarining rivojlanishi bilan izohlash mumkin. Bevosita marketing uyushmasi bevosita marketingga shunday ta'rif beradi:

Bevosita marketing - istalgan mijozdan o'lgash mumkin bo'lgan javob olish va yoki u bilan bitim tuzish maqsadida bir yoki bir necha reklama vositalaridan foydalanuvchi interaktiv tizimdir.

Bu ta'rifga ko'ra, bevosita marketingni do'konsiz savdo, ya'ni vositachilarsiz marketing tizimi deb tushunmaslik kerak. Bu masalaga oydinlik kiritish uchun bevosita savdo tizimi (bevosita marketingning o'zi) bilan «bevosita aloqalar» marketingining farqini ajrata olish kerak.

Bevosita savdo tizimida xarid uyda turib amalga oshiriladi va tovar uyga keltirib beriladi: firma vositachilarsiz bevosita sotuvni amalga oshiradi. Bunday do'konsiz savdo pochta orqali tarqatiladigan kataloglar, bevosita tarqatuv, telemarketing, elektron vositalar orqali xaridlar va hokazolar yordamida amalga

oshiriladi.

Bevosita munosabatlar marketingi tizimida bevosita savdo shart emas: bu yerda vazifa doimiy munosabatda bo'lish uchun mijozlar bilan bevosita aloqa o'rnatishdan iborat.

Bu keyingi tizim oddiy vertikal marketing tizimlariga osonlik bilan qo'shila oladi. Shuning uchun, «interaktiv marketing» atamasi bu ikkala tizimni faqat do'konsiz savdonigina anglatuvchi «bevosita marketing» atamasiga nisbatan yaxshiroq qamrab oladi.

Interaktiv marketingning rivojlanishi bu tizimlarning ikkallasida ham oddiy texnologik rivojlanishga nisbatan chuqurroq o'zgarishlarni aks ettiradi. U kommunikatsiya munosabatlarining yangi turi hamda ishlab chiqaruvchi va iste'molchilar o'rtasidagi bu munosabatlarning o'sib borayotgan individualizatsiyasini aks ettiruvchi ayirboshlash jarayoni bilan bog'liq bo'lib, ommaviy marketingning an'anaviy monologini bozor bilan muloqot bilan almashtirishga intiladi. Interaktiv marketing oxir-oqibatda shaxsiylashtirilgan marketingga tomon intiladi. Marketing munosabatlarida foyda manbai - bu mijoz bo'lib, tovar yoki marka emas, balki yangi mijozlarni jalb etishdir. O'zaro manfaatli munosabatlarni o'rnatishda asosiy maqsad - mijozlarni kengaytirish va qo'llab-quvvatlashdan iborat.

Professor E.P. Golubkov 5 ta bevosita marketing shaklini ajratib ko'rsatadi:

1. Pochta bo'yicha bevosita marketing (direkt meyl, xat, reklama, namuna, prospekt), pochta orqali salohiyatli mijozlarga jo'natish.

2. Katalog va marketing.

3. Telemarketing iste'molchiga tovarni bevosita sotish uchun telefon tarmoqlaridan foydalanish.

4. Televizion marketing - reklamani ko'rsatish, televizor orqali bevosita marketing.

5. Elektron savdo - ikki kanal tizimi orqali bevosita marketing, iste'molchini kabel yoki telefon liniyalari sotuvchini kompyuterlashgan kataloglar bilan bog'laydi. Maxsus pult bilan boshqarish, televizorni yoqib yoki shaxsiy kompyuter bilan iste'molchi sotuvchi bilan bog'lanadi.

Bevosita marketing yordamida sotish hajmini oshirish maqsadida integratsiyalangan to'g'ri marketingdan foydalaniladi, ya'ni multimedia texnologiyalar yig'indisi, unga reklamani o'tkazish, pochta orqali to'g'ri marketing, telemarketing va mijozlar bilan kommivoyajyerlarni shaxsiy aloqa o'rnatishni kiritish mumkin.

Nazorat va muhokama uchun savollar

1. Sotish kanalining vazifalari nimalardan iborat?
2. Vertikal marketing tizimi deganda nimani tushunasiz va uning qanday turlari mavjud.
3. Bozorni qamrab olish strategiyasining mazmunini tushuntirib bering.
4. Ekskluziv sotish tizimi deganda nimani tushunasiz?

5. Franshiza nima va uning qanday turlarini bilasiz?
6. Sizga basseynlardagi suvni tozalash uchun kimyoviy reagentlarni sotishni tashkil etish topshirilgan. Ushbu tovarni qanday savdo tarmoqlari orqali o'tkazish mumkin?
7. Firma distribyutorga 5 % rag'batlantiruvchi chegirma beradi, bungacha esa distribyutorga buyurtmalar hajmining kattaligi tufayli 7 %lik chegirma berilgan. Tarif narxi 4 ming so'm bo'lsa, avval 7 %lik, so'ngra 5 %lik chegirma uchun sotish narxini hisoblang.
8. Tovar distribyutorga qo'shilgan qiymat solig'isiz 120 ming so'mdan sotiladi. Ushbu tovar uchun QQS 20,5 % ni tashkil qiladi, distribyutorning ustamasi esa QQSsiz narxga nisbatan 30 %ga teng. Ushbu tovarning chakana narxi qanday bo'ladi?
9. Xorijiy mamlakatlarda tovar sotishning qanday ilg'or shakllaridan foydalanadi?
10. Taqsimlash strategiyasini ishlab chiqish bosqichlari haqida tushuncha bering.

Asosiy adabiyotlar

1. Ergashxodjaeva Sh.J.va boshq. Marketing. Darslik. – T. TDIU, 2011.
2. Крeвин, Дэвид, В. Стратегический маркетинг, 6-е изд. – М.: Вильямс, 2008.
3. Розова. Н.К.Маркетинг. – СПб.: Питер, 2008.
4. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007. 127-138 стр.
5. Bekmurodov A.Sh., Qosimova M.S., Ergashxodjaeva Sh.J. Strategik marketing. O'quv qo'llanma. – T.:TDIU, 2010.

Qo'shimcha adabiyotlar

6. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
7. Солиев А. Маркетинг. Бозоршунослик. – Т.: ART-FLEX, 2008. – 384б.
8. Юсупов М.А., Абдурахмонова Н. Маркетинг. – Т.: Иқтисодиёт, 2011.
9. www.marketologi.ru/docs/teaching.html
10. www.gov.uz
11. www.stat.uz


8-bob. NARXLARINI TASHKIL ETISH BO'YICHA STRATEGIK QARORLAR

8.1. Marketing strategiyasidagi narxning roli

Har bir tovar o'z narxiga ega, ammo hamma firmalar ham o'z tovarini sotmoqchi bo'lgan narxni mustaqil belgilashga qodir bo'lavermaydi. Agar tovarlar differensiyalanmagan bo'lib, raqobatchilari soni ko'p bo'lsa, firma bozorda salohiyatga ega bo'lmaydi va bozor belgilagan narxni qabul qilishga majbur bo'ladi. Agar firma strategik marketingni rivojlantirib, shu tufayli bozorda ma'lum bir salohiyatga erishgan bo'lsa, narxni belgilash tanlangan strategiyaning muvaffaqiyati uchun hal qiluvchi ahamiyatga ega bo'ladi.

Yaqin paytlargacha ham narx to'g'risidagi qarorlar faqat moliyaviy yondashuv doirasida qabul qilinib kelar edi, ya'ni narxlar asosan xarajatlar va rentabellik nuqtai nazaridan belgilanar edi. Iqtisodiy turbulentiqliq inqirozli yillarning ahvolini o'zgartirib yubordi: yuqori inflyatsiya, xomashyo narxlarining o'sishi, foiz stavkalarining o'sishi, narxlarning nazorat qilinishi, raqobatning kuchayishi, xarid qobiliyatining pasayishi, konsyumerizm omillari narx shakllanishining strategik rolini kuchaytirib yubordi. Narx belgilashning marketingdagi ahamiyatini qayd etib o'tgan holda, xarajatlar, raqobat va talabdan kelib chiqadigan narx strategiyalarini izchillik bilan tahlil qilib chiqamiz.

Firma miqyosida narx ikki xil rol o'ynaydi: bir tomondan u reklamaga o'xshab talabni rag'batlantirish vositasi bo'lsa, shu bilan birga ayni paytda u uzoq muddatli rentabellikning asosiy omili hamdir. Shuning uchun, narx strategiyasini tanlashda xarajatlar va rentabellik bilan bog'liq ichki cheklashlarni ham, bozorning xarid qobiliyati va raqobatchi tovarlarning narxlarini bilan bog'liq tashqi cheklashlarni ham hisobga olish lozim. Undan tashqari, narxlarga oid qarorlar tovarni pozitsiyalashga oid qarorlar bilan va sotish strategiyasi bilan muvofiqlashtirilgan bo'lishi kerak.



8.1-rasm. Narxni shakllantirishga ta'sir etuvchi omillar.

Tovarni xarid qilishning to'la qiymati. Ilgari aytib o'tilganidek, xaridorning asl xarajatlari faqat to'langan narx emas, balki ayirboshlash shartlari bilan ham belgilanadi. Bu xarajatlar egalik huquqining o'tishidagi muayyan jarayonni: to'lov tartibi, yetkazib berish shartlari va muddatlari, sotishdan keyingi xizmat ko'rsatish va hokazolarni to'liq qamrab oladi. Ba'zi holatlarda, masalan, agar sotuvchi boshqa mintaqada bo'lsa, xaridor narxlarni taqqoslash, muzokaralar olib borish va bitimni imzolash jarayonida katta mablag'larni sarflaydi. Xuddi shunga o'xshab, agar xaridorning texnik talablari muayyan ishlab chiqaruvchiga mo'ljallangan bo'lsa va u shu paytda yetkazib beruvchilarni almashtirsa, o'tish xarajatlari uning uchun katta bo'lishi mumkin. O'tish xarajatlarining asosiy manbalari quyidagilardir:

- ishlab chiqarilayotgan tovarlarni yangi yetkazib beruvchining mahsulotiga moslashtirish maqsadida yangilash xarajatlari;
- tovarni iste'mol qilish yoki undan foydalanish odatlaridagi o'zgarishlar;
- foydalanuvchilarni o'qitish yoki qayta tayyorlash xarajatlari;
- yangi tovarlardan foydalanish uchun zarur bo'lgan yangi asbob-uskunalar ga ajratilgan investitsiyalar;
- qayta tashkil qilish va o'zgarishlar bilan bog'liq ruhiy muammolarga ketadigan xarajatlar.

O'tish xarajatlari mavjud bo'lganda xaridor uchun real qiymat tovarning sotuv narxidan bir necha baravar yuqori bo'ladi.

Shunday qilib, xaridorning nuqtai nazaridan qaraganda, narx tushunchasi nominal baho doirasidan chetga chiqib, xaridor oladigan barcha foydalarni va uning barcha xarajatlarini o'z ichiga oladi. Shuning uchun xaridorning narxga sezgirlik darajasida monetar narx bilan bir qatorda barcha ko'rsatib o'tilgan foyda va xarajatlar hisobga olinishi lozim.

Narx bo'yicha strategik qarorlarning muhimligi quyidagilardan iborat:

- belgilangan narx - talabning darajasi va sotuvning hajmini aniqlaydi. Juda yuqori yoki past narx tovarning muvaffaqiyatiga ta'sir ko'rsatishi mumkin;
- sotuv narxi ish faoliyatining rentabelligini belgilaydi, faqatgina foydaning darajasini emas, balki uning sotuv hajmi orqali aniqlaydi. Narxning ma'lum bir darajada o'zgarishi rentabellikka katta ta'sir ko'rsatishi mumkin;
- sotuv narxi umumiy qabul qilinishiga yoki markasiga ta'sir etadi va salohiyatli sotib oluvchilarning ko'z oldida markaning imijini tashkil etuvchilardan biri hisoblanadi;

Narx markaning boshqa komponentlariga qaraganda bu raqobatli tovarlar va markalarni taqqoslash uchun qulay asos hisoblanadi. Narxning o'zina o'zgarishi bozor orqali tezgina seziladi va bu holat bozorning muvozanatini buzishi mumkin. Narx bu raqobat sirlarining o'zaro bog'lanishida asosiy nuqta hisoblanadi. Narx strategiyasi marketing strategiyasi tashkil etuvchilari bilan o'zaro bog'liq bo'lishi kerak. Narxning ichida tovar pozitsiyasini mustahkamlaydigan tovarni qadoqlash, rivojlanishi va reklama xarajatlari bo'lishi shart.

Har bir firmaning maqsadi shundan iboratki, u o'zining rentabelligini ta'minlash va foydaning katta hajmda kelishiga qaratiladi. Bu keng maqsadlar turli yo'llar bilan amalga oshirilishi mumkin.

Talab nuqtai nazaridan narx. Bozor iqtisodiyotida qaysi tovarning sotilishi

bu oxirgi qaror qilish huquqiga ega sotib oluvchiga bog'liq bo'ladi. Shuning uchun bozorni boshqaruvchi firma o'zining bozorga to'g'ri keladigan qarorlarida narxdan kelib chiqishi lozim.

Egiluvchan narx strategiyasi. Ko'p holatda firmalar turli bozor sharoitlarida yagona narxni qo'llamasdan, balki bir qator narxlarni qo'llashadi. Agar mahsulot har xil sotib oluvchilarga turli narxlarda sotilsa, bu narxlar egiluvchan hisoblanadi. Bu holat sotib oluvchilarning har xilligidan kelib chiqib, ularning narxga munosabatlariga bog'liq. Narxlarning egiluvchanligi mintaqalarga, sotilayotgan vaqtiga (kuz, qish, bahor, yoz) yoki mahsulotning segment yoki shakllariga bog'liq. Iqtisodiyot tili bilan aytganda, bu *narxlar diskriminatsiyasi* deb ataladi.

Narxning bozorga ko'ra egiluvchanligi. Bu g'oya foydali bo'lishi uchun firma qo'shimcha ishlab chiqarish quvvatlariga ega bo'lishi va mahsulotni u uchun yangi segmentda xarajatlarni ko'paytirmasdan sotish imkoniyati bo'lishi kerak. Firma imkoni boricha eng kichik narxni qo'ysa ham, qilingan to'g'ri xarajatlar ham qoplanishi kerak. Bunday qarashni ro'yobga chiqarish, eksport qilish, sotuvchi markasi ostida qo'yiladigan tovarlar yoki mahsulotni ba'zi turdagi aholiga, ya'ni - talabalar, bolalar, qariyalarga sotish bilan bog'liqdir. Eng muhimi, bu holda past narxda sotib oluvchilar mahsulotni yuqori narxda sotib olib asosiy bozorga halaqit berishlarini ta'qiqlash kerak.

Mavsumiy moslashuvchan narx. Mavsum boshi va oxiriga ko'ra qanday narx qo'yilishi kerak, qaysi vaqtda narx qabul qilinadi. Ba'zi sotib oluvchilar mahsulotni mavsum boshida sotib olishga tayyor bo'lib, uning narxiga ahamiyat bermaydilar; boshqalar bo'lsa, qachon bo'lsa ham sotib olishga tayyor bo'lib, mahsulotning narxiga katta ahamiyat qaratadilar.

Bu holda firma mavsum boshida katta narx qo'yib, mavsum oxiriga kelib narxni pasaytiradi. Shu sababdan zamonaviy mahsulotlarga mavsumiy narx pasaytirish, ertalabki spektakllarga narxni pasaytirish va hokazolar qo'llaniladi.

Mavsumiy narx pasaytirishning asosiy qoidasi - ularning sotib oluvchilarning raqamlariga bog'lab, doimiy bo'lishidir.

8.2. Xarajat, talab, raqobat nuqtai nazaridan narxlarning shakllanishi

Xarajatlarni tahlil qilish so'zsiz narx strategiyasini ishlab chiqishga eng tabiiy yondashishdir. Ishlab chiqaruvchi tovarni ishlab chiqarishga ketgan xarajatlarni qoplaydi. Avvalo, u to'g'ri va doimiy xarajatlarni qoplashni ta'minlashga hamda foyda olishda narxning diapazonini aniqlashga intiladi.

Xarajatlar asosida hisoblangan narx "xarajatlardan kelib chiqqan narx" hisoblanadi. Xarajatlar va rentabellikni qoplaydigan uch turdagi narxlarni ajratish mumkin.

Chegarlangan narx - to'g'ri (o'zgaradigan) xarajatlarga to'g'ri keladi. U faqat xarajatlarni qoplaydi, ya'ni cheklangan foyda nolga teng bo'ladi.


Texnikaviy narx yoki narx zararsizligi. Texnikaviy narx zararsizlik nuqtasiga mos keladi. Texnikaviy narx doimiy xarajatlarni qoplash va mahsulotlarni almashtirish uchun ketgan xarajatlarni qoplash degan tushunchani bildiradi.

Shunday qilib, texnikaviy narx aniq hajmdagi mahsulotni sotish xarajatlarini

qoplaydi va boshqa hajmga taalluqli bo'lmaydi.

Maqsadli narx - texnikaviy narxga ba'zi qo'shimchalar orqali hamda investitsiya qilingan kapitalga qarab qo'yiladigan narxdir.

Korxonada narxni belgilash ekan, xarajatlarning jami manzarasi ko'rib chiqiladigan, zarar ko'rmaslikni ta'minlaydigan tahlil usulidan foydalaniladi. Bunday tahlil narxlarini belgilashda foydali vosita hisoblanadi, ammo tor ishlab chiqarish ixtisoslashuv sharoitida o'zgaruvchan xarajatlarni oson hisoblash mumkin bo'lgan paytlarda uni qo'llash yaxshi natija beradi. Zarar ko'rmaslikni tahlil qilishda asosiy e'tibor mahsulot sotish hajmi nuqtasiga, to'liq daromad to'liq xarajatlarga teng bo'lgan, ya'ni na foyda, na zarar bo'lmagan nuqtaga qaratiladi. Marketologlar bir qator har xil narxlarini tadqiq etadilar, so'ngra har bir narx uchun zaruriy hajmlar qiyoslanadi.



8.2-rasm. Narxni hisoblab chiqish jarayonining pog'onali modeli.

Asosan narxni o'zgartirish yo'li bilan talabga ta'sir ko'rsatish raqobatning narx bilan bog'liq ustunliklarini yaratadi. Narx bilan bog'liq bo'lmagan raqobat usullarida firmalar o'z mahsulotining o'ziga xos xislatlariga zo'r beradi, mahsulot sotish, tovarlar harakati, reklama, mahsulotni joylashtirish, servis kabi marketing qismlariga katta e'tibor beradi.

Narxni chegaraviy xarajatlarni bo'yicha belgilash usulini qo'llash bilan firma mahsulotining qo'shimcha hajm birligini bu mahsulotni ishlab chiqarishning alohida qiymatiga sotadi, bu holda xarajatlarning faqat bir qismi qoplanadi, foyda amalga

oshmaydi. Narx belgilashning bu strategiyasi agar firma ishni to'xtatish xavfi ostida qolgan va ishchi kuchini saqlab qolishni xohlagan sharoitlarda naf keltirish mumkin.

Savdoda do'konlarga xaridorlarning kelishini ko'paytirish uchun sotuvchilar ayrim tovarlarni to'liq xarajatlaridan pastroq baholab, "jalb etuvchi" narxlar yaratadilar. Xaridorlar oqimi ko'payadi, ular arzon narxdagi tovarlar bilan birga narxi me'yorda bo'lgan tovarlarni ham xarid qiladilar.

Tovarning "qabul qilinadigan qiymati" tushunchasi. Tovarning "qabul qilinadigan qiymati" tovarning pirovard iste'molchi tomonidan qanday foydalanilishini to'liq bilish va tushunishga asoslanadi. Ushbu yondashuvning asosiy g'oyasi shuki, xaridor tovarni sotib olishdan oldin xaridning afzalliklarini va unga ketadigan xarajatlarni solishtirib ko'radi. Bu g'oya bir tomondan oddiy ko'rinsa-da, uning amalda qo'llanishi doim ham oson bo'lavermaydi.

Xaridor tovar uchun qanday narxni to'lashga tayyor ekanligini ilishi uchun tovar ta'minlaydigan qoniqish hissi yoki u qursatishi ehtimoli bo'lgan xizmatlarning turli shakllarini hamda uni sotib olishga ketadigan harajatlarni yaxshi bilishi kerak bo'ladi.

Shu yerda maksimal maqbul narx tushunchasini kiritish maqsadga muvofiqdir. Maksimal maqbul narx bu xarajatlardan tejash nolga teng bo'lgan narxdir. Narx ushbu chegaradan ko'tarilgan sari, tovar xaridor uchun qimmatlashib boradi va aksincha, narx ushbu ko'rsatkichdan kamaysa, xaridorning unga qiziqishi ortadi. Ushbu yondashuvda quyidagi harakatlar ketma-ketligiga rioya qilish taklif etiladi:

- tovarning qanday maqsadda va qanday sharoitlarda ishlatilishini aniqlash;
- tovarning xaridor uchun narxga bog'liq bo'lmagan afzalliklarini aniqlash;
- xaridorning tovardan foydalanishdagi narxga bog'liq bo'lmagan barcha (obyektiv va subyektiv) xarajatlarni aniqlash;
- "afzallik-xarajatlarni" muvozanitining maksimal maqbul narxga to'g'ri keluvchi darajasini belgilash.

Agar maqsadli bozor segmentlangan bo'lsa, bunday tahlil barcha xaridorlar guruhlari uchun olib borilishi kerak.

Raqobatdagi narx. Firmaning narx strategiyasini tanlashdagi erkinligi ikki omilga: **sektordagi raqobatchilar** soniga bog'liq **raqobat vaziyati** va xaridorlar tomonidan his qilinadigan tovar qiymatining roliga bog'liqdir.

Raqobat vaziyati: monopoliya sharoitida firmaning narx mustaqilligi juda katta bo'lib, sof raqobatda eng kichik bo'ladi. Oligopoliya va monopolistik raqobat bu ikki vaziyatning oraliq'idan o'rin oladi.

Tovarning his qilinadigan qiymati: firmaning tashqi raqobatli ustunlikka erishish maqsadida differentsiatsiyaga intilish bilan belgilanadi. Agar xaridor differentsiatsiya elementini qiymat deb his qilsa, u yuqoriroq narxni to'lashga ham tayyor bo'ladi. Demak, firma narxga nisbatan ma'lum darajada mustaqillikka erishadi.

Narxga bog'liq qarorlarning raqobatli muhitning xarakteriga bog'liqligi

Tovarning his qilinadigan qiymati	Raqobatning intensivligi	
	Past	Yuqori
Quyi	Differensiyallanmagan oligopoliya	Sof raqobat
Yuqori	Monopoliya yoki differensiyallangan oligopoliya	Monopolistik raqobat

Ushbu ikki omil ikki xil darajada ko'rib chiqiladi, u esa narx belgilash muammosi turlicha hal qilinadigan to'rt xil vaziyatni ajratib olish imkonini beradi. Real voqelikda bu oson kechmasa ham, o'z tovari uchun ushbu to'rt kvadratdan birida joy topish narx belgilash muammosini to'g'ri tushunish uchun foydadan xoli bo'lmaydi:

- agar raqobatchilar kam bo'lsa va tovarning xis qilinadigan qiymati katta bo'lsa, vaziyat **monopoliya** yoki **differensiyallangan oligopoliya**ga yaqin bo'ladi;

- raqobatchilar ko'p bo'lib, tovarlar bir xil bo'lsa, vaziyat **sof** yoki **muqammal** raqobatga yaqin bo'ladi, bozor narxi talab va taklifning o'zgarishiga bog'liq bo'ladi;

- raqobatchilar kam va his qilinadigan qiymat past bo'lsa, differensiyallanmagan oligopoliya yuzaga keladi. Bunda peshqadamga yaqinlashib olib, unga ergashish taklif qilinadi;

- ko'plab raqobatchilar tomonidan kuchli differensiyallanmagan tovarlar taklif qilinayotgan bo'lsa, **monopolistik** yoki **nomuqammal** raqobat vujudga keladi, narx belgilashdagi erkinlik raqobatning keskinligiga bog'liq bo'ladi;

Raqobatchilarning xatti-harakatini oldindan bilish uchun ko'pgina vaziyatlarda raqobatchilar bir-biriga kuchli ta'sir ko'rsatadi va ular uchun asosiy hisoblangan "bozor narxi" mavjud bo'ladi.

Narx sohasida raqobatni tahlil qilishdan maqsad raqobatchilarning biror harakat yoki qarshi harakat qilish qobiliyatini tahlil qilishdir. Bunda birinchi navbatda eng xavfli raqobatchi reaksiyasining elastikligi aniqlanadi.

8.3. Yangi tovarlar uchun narx strategiyasi

Yangi tovarlar uchun narx o'rnatish boshqa tovarlar bilan solishtirishdan ham qiyin bo'lgan muammodir. Boshlang'ich narx fundamental ma'noga ega, ishlab chiqarishning tijorat va moddiy hayotiga katta ta'sir ko'rsatadi. Talab, xarajat, raqobat tahlilini olib borishda firma quyidagi ikki strategiyaning birini tanlashi shart: a) yuqori boshlang'ich narx strategiyasi, talabdan "qaymoq olish" uchun va b) eng past narxni qo'llab bozorga tez "yorib kirish" strategiyasi.

"Qaymog'ini olish" narx strategiyasi. Bu strategiyadan aksariyat bozorga yangimahsulotni joriy qilishda foydalaniladi. Bunda narx qandaydir bir yuqori darajada belgilanadi, mahsulot esa segmentatsiya natijasida asosiy deb e'tirof etilgan bozorda sotiladi. Bozor to'yinishidan so'ng iste'molchilarni jalb etish maqsadida narx pasaytiriladi. Shunday yo'l bilan to'liq daromad eng ko'p miqdorga yetkaziladi.

Ushbu strategiya yangi tovarni yuqori narxja sotishni oldindan ko'ra biladi,

shunday narxni to'lashga tayyor bo'lgan ma'lum bir sotib oluvchilar guruhi bilan belgilangan va pul tushumlarining tez tushishiga erishishdir.

Bu strategiyaning xislatlari ko'p bo'lib, uning muvaffaqiyati uchun quyidagi shartlarni bajarish zarur:

- yangi tovarning hayotiylik davri qisqa bo'lishi va raqobatchilarning uni tez qaytarishiga olib keladi deyish uchun asoslar mavjud;
- tovar qanchalik yangi bo'lsa, sotib oluvchida taqqoslash bazasi shunchalik kam bo'ladi va bozorning rivojlanishi sekinlashib, talab noelastik bo'ladi hamda bu narsa firma uchun yuqori narxni belgilash keyinchalik raqobat narxlariga moslashish ustunliklarini qiziqish uyg'otishga sabab bo'ladi.

Yangi tovarni yuqori narxda ishlab chiqarish turli narx elastikligiga ega bozorni turli segmentlarga bo'ladi. Boshlang'ich narxda kamroq narxni sezish xususiyatiga ega sotib oluvchilardan "qaymoq olish" mumkin. Narxning keyingi pasayishlari segmentlarga katta elastiklik bilan kirib borishga sabab bo'ladi. Bu narxlarning vaqtincha diskriminatsiyasiga asoslanadi.

Talab qiyinchilik bilan baholash va tavakkal narx belgilashda bozorning kengayishi haqida prognozlar tuzilishiga beriladi. Bunday muammo, masalan, ishlab chiqarish jarayoni to'liq bo'lmaganda va harakatlar kutilayotgan darajadan oshib ketish xavfi bo'lganda kelib chiqadi.

Firma keng miqyosda yangi tovarlarni ishlab chiqarishda zarur aylanma vositalari, imkoniyatlari yo'q va uning sotilishi yuqori narxda uni olishga olib kelishi mumkin.

Firma bozorda yangi tovarlar taklif qilishda monopol holatda bo'lsa, talab taklifdan yuqori, baland narx xaridorlar tomonidan yuqori sifatli tovar belgisi deb qabul qilingan vaqtlarda bu strategiya o'zini oqlaydi.

Narxni "yorib kirish" strategiyasi. Narxning "yorib kirish" yoki "past narx" strategiyasi boshidan bozorning eng katta ulushini egallab olish maqsadida eng past narxni belgilashdan iboratdir. Tovarlar boshlang'ich narxi past belgilanib, talab rag'batlantiriladi, raqobatda yutib chiqiladi, raqiblar tovarini bozordan siqib chiqariladi, unda asosiy ulushni egallaydi va keyin tovar narxini oshira boshlaydi. Ammo "xaridorlar" bozorida bu strategiyani qo'llash juda qiyin, faqat "to'yinmagan sotuvchilar" bozorida biror natijaga erishish mumkin. Bu intensiv sotish tizimini tahlil qiladi. Bu strategiya yirik boshlang'ich, tez orada qaytarilmaydigan investitsiyalarga qaratilgan strategiyadir. Quyidagi shartlar ushbu strategiyani ta'minlashga qaratilgan:

- talab narx bo'yicha juda elastik ustunlik segmentlari mavjud emas, shuning uchun ham yagona strategiya - keng doiradagi sotib oluvchilarni qondirish maqsadida yetarli darajadagi narx bilan butun bozorga murojaat etish;

- sotuvning katta hajmi hisobiga mahsulotning bir-biriga ketadigan past xarajatlarga erishish imkoniyatlari mavjud;

- yangi tovarga bozorga chiqqandan so'ng tez orada keskin raqobatning yuzaga kelish xavfi paydo bo'ladi;

- qimmat tovarlar segmenti to'yingan bo'ladi, u holda bozor rivojlanishidagi yagona siyosat "yorib kirish" strategiyasidir.

Nazorat va muhokama uchun savollar

1. Narxning marketing strategiyasidagi rolini izohlab bering.
2. Raqobat narx bo'yicha strategik qaror qabul qilishda qanday rol o'ynaydi?
3. Yangi tovarlar uchun qaysi narx strategiyalaridan foydalaniladi?
4. Savdo firmasi tovarni 250 ming so'mdan sotib oladi va o'rtacha har 300 tasini 300 ming so'mdan sotadi. Agar firma bir haftaga narxni 10 foizga arzonlashtirishga rozi bo'lsa, yalpi foydani saqlab qolish uchun necha dona tovarni sotish kerak bo'ladi?
5. Narxga qanday omillar ta'sir ko'rsatadi?
6. Narxning moslashuvchanligi deganda nimani tushunasiz?
7. Narxni hisoblash chiqish jarayoni haqida tushuncha bering.
8. Narx belgilashda talabning ta'siri qanday boladi?
9. Narxga raqobat omili qanday ta'sir ko'rsatadi?
10. Narxning yorib kirish strategiyasi haqida tushuncha bering.

Asosiy adabiyotlar

1. Ergashxodjayeva Sh.J.va boshq. Marketing. Darslik. – T.: TDIU, 2011.
2. Кревин, Дэвид, В. Стратегический маркетинг, 6-е изд. – М.: Вильямс, 2008.
3. Розова Н.К. Маркетинг. – СПб.: Питер, 2008.
4. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с.127-138.
5. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.

Qo'shimcha adabiyotlar

6. Котлер Ф. Основы маркетинга. Краткий курс. /Пер. с англ. – М.: Издательский дом «Вильямс», 2010. – 656 стр.
7. Soliyev A., Buzrukxonov S. Marketing, Bozorshunoslik. Darslik. –T.: Iqtisod-Moliya, 2010. – 424 b.
8. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
9. www.marketologi.ru/docs/teaching.html
10. www.gov.uz
11. www.stat.uz

9-bob. KOMMUNIKATSIYA BO'YICHA STRATEGIK QARORLAR

9.1. Marketingda kommunikatsiyaning roli

Marketing kommunikatsiyasi deganda, biz firmadan turli ommaga, shu jumladan, mijozlar, sotuvchilar, yetkazib beruvchilar, aksionyerlar, boshqaruv organlari hamda firmaning o'z xodimlariga mo'ljallangan signallar majmuasini tushunamiz. Reklama, shaxsiy savdo, savdoni rag'batlantirish va jamoat bilan aloqalar kommunikatsiyaning "kommunikatsion majmua" deb ataluvchi asosiy vositalari hisoblanadi.

Reklama - bir tomonlama ommaviy kommunikatsiyaning pullik shakli bo'lib, bu kommunikatsiya muayyan xomiydan kelib chiqadi va firma faoliyatining bevosita yoki bilvosita qo'llab-quvvatlash uchun xizmat qiladi.

Shaxsiy savdo - "o'lchov bo'yicha" shaxsiy va ikki tomonlama (muloqot) kommunikatsiya bo'lib, uning maqsadi mijozni darhol xatti-harakat qilishga undashdir va u ayni paytda firma uchun axborot manbai hamdir.

Savdoni rag'batlantirish reklamaga va shaxsiy savdoga qo'shimcha bo'lgan hamda muayyan tovar savdosini tezlashtirish va kengaytirishga qaratilgan barcha vaqtinchalik va mahalliy chora-tadbirlarni qamrab oladi. Jamoat bilan aloqalar tashkilot va jamoalar o'rtasida maqsadli xatti-harakatlar tashkilot orqali ruhiy hamjihatlik va o'zaro ishonch muhitini yaratishga qaratilgan. Bu yerda kommunikatsiyalarning maqsadi faqat savdoni tashkil qilish emas, balki firma faoliyatini ma'naviy qo'llab-quvvatlashdir.

Bu an'anaviy vositalarga qo'shimcha ravishda yarmarkalar, salonlar, ko'rgazmalar, pochta tarqatish, telemarketing va kataloglar bo'yicha savdo kabi bevosita kommunikatsiya vositalarini ham aytib o'tish joizdir. Turli xil kanallar bir-birini to'ldiradi, shu sababli bu yerda muammo savdoni rag'batlantirishga murojaat etishning zarurligida emas, balki umumiy kommunikatsiya budjetini tovarning xususiyatlari va qo'yilgan kommunikatsiya vazifalaridan kelib chiqqan holda turli kanallar o'rtasida taqsimlashdan iboratdir.

Kommunikatsiya raqobat kurashida muvaffaqiyat omili hisoblanadi. Quyida marketing kommunikatsiyasining bosqichlari berilgan.

9.1- jadval

Marketing kommunikatsiyasi bosqichlari

No	Yillar	Bosqich nomi	Bosqichning tavsifnomasi
1.	1950-1960	Tizimsiz kommunikatsiya bosqichi	Kommunikativ siyosat katta rol o'ynamaydi, doimiy talabni ta'minlash uchun tovar taklifi hajmiga konsentratsiya bosh masala hisoblanadi
2.	1960-1970	Tovar kommunikatsiyasi bosqichi	Sotishni tashkil etishda korxonalar kommunikativ instruentlardan foydalanadi. Birinchi rejaga reklama va sotishni rag'batlantirish chiqadi
3.	1970-1980	Maqsadli guruh	Kommunikatsiya firmalar tomonidan

		kommunikatsiya bosqichi	foyd omiliga imkon beruvchi maqsadli guruhlar bilan o'zaro ta'sirida mijozlar bilan muloqat uchun ishlatiladi
4.	1980-1990	Raqobatli kommunikatsiya bosqichi	Kommunikativ sharoitni o'zgarishi va kommunikativ raqobat kurashini o'sishi korxonadan kommunikatsiyani optimal shakl va vositalarini talab etadi
5.	1990-2010	Raqobatli va integratsiyalangan kommunikatsiya bosqichi	Bozorni rivojlanish dinamikasi reklama tashuvchilarga media tarqatishni shakllanishiga olib keladi. Integratsiyalangan kommunikatsiya o'tishi talab etadi.

Kommunikatsiya jarayoni. Korxonada o'z firmasini yaxshi imijini yaratish uchun ko'plab kommunikativ jarayonlar bilan o'zaro kelishishga majbur. Korxonada tovar bilan raqobatlashib kommunikativ raqobatga chuqurroq, ya'ni bozorni muhimroq maqsadli segmenti va xaridorlari e'tiborini erishishga kurashib jalb etiladi.


Keyingi kommunikativ siyosatda strategik va taktik choralarini ichiga oluvchi faqat kompleks yondashish imkoniyati qo'yiladi. Buning uchun korxonadan tadbirkorlikni integratsiyalangan kommunikativ konsepsiyasini yaratish va rivojlantirish talab qilinadi.

Integratsiyalangan kommunikativ jarayonning xususiyati kommunikatsiya vositasi va jarayoni, tashuvchilari shakllarining turli-tumanligi hisoblanadi. Kommunikatsiya quyidagicha tasniflanadi: aloqatiri bo'yicha; shaxsi va shaxssiz; jadalligi bo'yicha: jadal va zaif, qo'llash chastotasi bo'yicha yagona va ko'p marotabalik; ta'sir natijasiga ko'ra samarali va samarasiz. Kommunikatsiya tashuvchilari sifatida: menejment (firma boshqaruvi); xodimlar; mijozlar; jamoat; biznes bo'yicha sheriklar va boshqalar.

Har qanday kommunikatsiya uzatkich va qabul qilgich o'rtasida yozish va tanib olish maqsadida kodlash va kodni o'qish tizimidan foydalangan holda signallar almashinuvini ko'zda tutadi. Quyidagi rasmda bu jarayonning sakkiz elementi ko'rsatilgan.

- **uzatkich** (alohida shaxs yoki tashkilot) - axborot manbai;
- **kodlash** - fikrlarni belgilar, tasvirlar, rasmlar, shakllar, tovushlar, tillar va hokazolarga aylantirish jarayoni;
- **axborot** - uzatkich orqali berilayotgan belgilar majmui;
- **uzatish kanallari** - signallarni uzatkichdan qabul qilgichga uzatish vositalari;
- **kodni o'qish** - qabul qilgichning uzatkichdan kelib tushgan belgilarga ma'lum ma'no berish jarayoni;
- **qabul qiluvchi** - mo'ljaldagi auditoriya;

- **javob** - qabul qiluvchining axborot bilan tanishgandan keyingi reaksiyalari majmui;
- **teskari aloqa** - qabul qiluvchidan chiqayotgan javoblarning uzatkichga kelib tushadigan qismi.



9.1-rasm. Kommunikatsiya jarayoni.

Rasm samarali kommunikatsiyaning muhim shartlarini aniqlashga ham imkon beradi. Ular ichidan quyidagilarni ko'rsatib o'tamiz:

1. Kommunikatsiya maqsadlari. Uzatkich qaysi auditoriyalarga qarata axborot uzatishni va qanday ko'rinishdagi javob olishni aniq bilishi kerak.

2. Axborotni tayyorlash. Tovardan foydalanib ko'rganlarning tajribasi va mo'ljaldagi auditoriyaning kodlangan axborotlarni o'qish jarayonini hisobga olish zarur.

3. Kanallarni rejalashtirish. Uzatkich o'z axborotlarini mo'ljaldagi auditoriyaga samarali yetkazib beruvchi kanallar bo'yicha uzatishi kerak.

Bu oxirgi ikki vazifa odatda reklama agentliklari yoki axborot vositalarini tanlashga ixtisoslashgan firmalar tomonidan amalga oshiriladi.

Axborotning samaradorligi. Uzatkich teskari aloqa signallariga qarab mo'ljaldagi auditoriyaning uzatilayotgan axborotlarga javobini baholashi kerak.

Marketing konsepsiyasini reklamaga joriy etish xaridorlarning tajribasini hisobga oluvchi va ular tushunadigan tildagi axborotlarni ishlab chiqishni ko'zda tutadi. Sanab o'tilgan samaradorlik shartlari istalgan marketing kommunikatsiyasi dasturiga kiruvchi qarorlar majmuini belgilab beradi. Kommunikatsiya xarajatlarini hisobga olish mushkul. Bu masalaga oid ma'lumotlar tarqoq bo'lib, xarajat miqdorlari turli sohalarda keng doiralarda katta farq qiladi. Umuman, shuni aytish mumkinki, shaxsiy kommunikatsiya xarajatlari reklama xarajatlaridan yuqori bo'ladi, buning ustiga ular sanoat tovarlari bozorlarida ayniqsa katta bo'ladi.

Shaxsiy va shaxssiz kommunikatsiyani o'zaro taqqoslash

Kommunikatsiya jarayoni elementlari	Shaxsiy kommunikatsiya	Shaxssiz kommunikatsiya
Uzatkich	Suhbatdoshni bevosita aniqlash	Mo'ljaldagi auditoriyaga xos sohani bilish
Axborot	Moslashtiriladigan axborot Asoslar ko'p Shakl va mazmun nazorat qilinmaydi	Bir jinsli axborot asoslar kam Shakl va mazmun nazorat qilinadi
Kanallar	Shaxsiy aloqalar Vaqt birligidagi aloqalar kam	Shaxssiz aloqalar Vaqt birligidagi aloqalar ko'p
Qabul qiluvchi	Kodni o'qishdagi xatolarning oqibatlari yengil E'tiborni qo'llab-quvvatlash oson	Kodni o'qishdagi xatolarning oqibatlari og'ir Qo'llab-quvvatlanishi mushkul bo'lgan e'tibor
Samara	Darhol javob kelishi mumkin	Darhol javob olish mumkin emas

9.2-jadval ma'lumotlaridan foydalangan holda, bu xarajatlarning turli mamlakatlar iqtisodiyotidagi nisbiy ahamiyatini baholash mumkin.

Bir savdo xodimiga to'g'ri keluvchi xarajatlar ayniqsa sanoat tovarlari bozorlarida tinimsiz ortib boradi; bir reklama aloqasining qiymati esa, aksincha, axborot vositalarining o'sib borayotgan tanlovchanligi tufayli pasayib boradi

Kommunikatsiya xarajatlarining taraqqiy etishi va ayniqsa yangi kommunikatsiya vositalarining tez rivojlanishi reklama kanallari va bevosita savdoning nisbiy rolini qayta baholashni talab etadi.

9.2. Shaxsiy muloqot

Bevosita savdo xarid jarayonining ma'lum bir bosqichlarida, ayniqsa xaridorning o'zi sotayotgan tovarni afzal ko'rishiga erishish va uni sotib olishga undash zarur bo'lganda eng samarali kommunikatsiya vositasi. Shuning uchun, soddaroq vazifalar kommunikatsiyaning arzonroq texnik vositalari orqali uzatilgan sari, savdo xodimlarining strategik marketingdagi roli kuchayib boradi.

Savdo xodimlarining maqsad va vazifalari. Shaxsiy muloqot strategiyasini ishlab chiqish eng avval firmaning marketing strategiyasini amalga oshirishda savdo xodimining rolini belgilab olishni talab etadi. Buning uchun firma har bir tovar bozorida o'z mijozlari bilan o'rnatmoqchi bo'lgan aloqa xarakterini aniqlab olish kerak.

Savdo xodimining tipik vazifalarini uch yo'nalish bo'yicha guruhlash mumkin:

savdo qilish, shu jumladan salohiyatli mijozlarni aniqlash, ularning ehtiyojlarini o'rganish, sotish sharoitlarini muhokama qilish va bitim tuzish;

- mijozlarga xizmatlar ko'rsatish, shu jumladan tovardan foydalanishda yordam ko'rsatish, xariddan keyingi xizmat ko'rsatish, tovarni ilgari surish va boshqalar;

- firma uchun ehtiyojlarning o'zgarishi, raqobatchilarning faolligi, tovarlarning moslashuvi haqida axborot to'plash.

Shunday qilib, savdo xodimi faqat firmaning tijoriy organi emas, balki uning marketing axboroti tizimidagi muhim element hamdir.

Aytib o'tilgan u yoki bu vazifalarga berilayotgan e'tiborga bog'liq ravishda, «savdo xodimi» va «savdo agenti» atamalariga amalda turlicha ma'no berilishi mumkin. Savdo xodimlarining quyidagicha turlarini ko'rsatib o'tish mumkin:

- sotish hududida faoliyat ko'rsatuvchi, buyurtmalarni qabul qiluvchi va undan tashqari, ayniqsa yirik do'konlarda mijozga maslahatchi bo'la oluvchi sotuvchi.

buyurtmalar qabul qilish va tovarlarning uzluksiz yetkazib berilishini ta'minlash maqsadida ulgurji va chakana sotuvchilar bilan uchrashib turuvchi sayyor vakil;

- savdoni rag'batlantirish bo'yicha vakil: u reklama va reklama tadbirlarini bevosita savdo shoxobchasining o'zida tashkil qiladi;

- tijoriy targ'ibotchi: u buyurtmalarni qabul qilmaydi, faqat yangi tovarlar haqida, ayniqsa tibbiyot sohasidagi yangi tovarlar haqida axborot beradi;

- texnik jihatdan chuqur bilimga ega hamda mijozga uning muammolarini hal qilishda maslahatlari bilan yordam bera oluvchi savdolar bo'yicha muhandis. IBM firmasining savdolar bo'yicha muhandislari aynan shunday ishlaydilar;

- avtomobillar, maishiy elektr asboblari, endavropediyalar, sug'urta polisleri kabi tovarlarni sotish bilan shug'ullanuvchi kommivoyajer, bunda ijodiy qobiliyatlar va kommunikatsiya strategiyalari muhim rol o'ynaydi;

- murakkab loyihalar bo'yicha kontrakt tuzuvchi, u texnik va moliyaviy bilimlardan tashqari muzokaralar olib borish iste'dodiga ham ega bo'lishi kerak.

Aytib o'tilgan barcha xodimlarning vazifalari u yoki bu darajada ijodiy va strategik vazifalar bilan bog'liq. Bu yerda vazifa tijoriy munosabatlarni to'g'ri tashkil qilish hamda savdo xodimlari, sotish tarmog'i va kommunikatsiya vositalari o'rtasida majburiyatlarni optimal taqsimlashdan iboratdir.

Savdo xodimlarining strategik marketingdagi roli. Umuman, savdo xodimning asosiy vazifasi, avvalgidek, tovarning o'z talablariga mos kelishi masalalari bo'yicha ikkiyoqlama aloqadan yaxshi xabardor xaridorning ehtiyojlarini qondirish bilan bog'liqdir. Firma uchun esa, savdo xodimining yangi vazifasi firmaning bozordagi o'zgarishlarga moslashuvini tezlashtiruvchi ma'lumotlarni to'plashdan iboratdir.

Yapon firmalaridan biri o'z savdo xodimlarining roli shunday ifodalaydi:

«Sotuvchilar - tengi yo'q ma'lumot to'plovchilardir; axborotlarni yaxshiroq tekshirish va to'plash uchun ularni o'zining sotish rejasinigina bajarishga, ya'ni faqat o'z ko'rsatkichlarinigina yaxshilashga intiluvchi o'ziga bino qo'ygan sotuvchi bo'lishga emas, balki boshqa sotuvchilar va umuman boshqa firma bilan hamjihatlikka o'qitish kerak».

Sotuvchilarning roli konsepsiyasidagi bunday evolutsiya ularning strategik marketingdagi ishtirokini kuchaytiradi, bu ishtirok quyidagi strategik vazifalarni bajarishdan iborat: bozorning yangi tovarlarni qabul qilishiga erishish; yangi mijozlarni topish; mavjud mijozlarning qo'ldan chiqarimaslik; texnik yordam ko'rsatish; iste'molchilarga tovarlar to'g'risidagi ma'lumotlarni yetkazish; axborot to'plash.

Savdo xodimlari tovar siyosatini ishlab chiqishda, ya'ni strategik marketingda xaridorlarning ehtiyojlari haqidagi axborotni ta'minlash yo'li bilan ishtirok etadi.

9.3. Reklama kommunikatsiyasi jarayoni

Reklama - kommunikatsiya vositasi bo'lib, u firmaning bevosita muloqot o'rnatilmagan salohiyatli xaridorlariga axborot uzatish imkonini beradi. Firma reklama yordamida markaning imijini yaratadi va sotuvchilar tomonidan hamkorlik orqali pirovard iste'molchilarda ma'lumlik sarmoyasini shakllantiradi. Reklama kommunikatsion strategiyaning asosiy vositasidir.

Reklama kanallarining rolini tanlash. Reklamaning reklama beruvchi va xaridor uchun qanday ahamiyatga ega ekanligi avvalgi boblarda muhokama qilib o'tilgan edi. Yana eslatib o'tamiz:

- reklama beruvchi uchun reklamadan maqsad - axborotlarni iste'molchilarga yetkazish va tovarga talabni kengaytirish maqsadida ularning moyilligiga erishish;

reklama iste'molchining tovarning alohida xususiyatlarini aniqlashga ketadigan vaqti va mablag'larini tejaydi.

Reklama rivojlangan sari, uning xilma-xil ko'rinishlardagi shakllari ko'payib bormoqda, shu sababli reklama beruvchilar birgina axborot kanalidan foydalansa ham, ularning ixtiyorida reklama uslublarining keng assortimenti mavjuddir.

Imij reklamasi tovarga yo'naltirilgan bo'lib, uning maqsadi xaridoring ushbu markaga munosabatini shakllantirishdan iborat. Bu holatda «reklama beruvchilarning ijodiy xatti-harakatlari nafaqat xaridoring darhol reaksiyasiga, balki keyinchalik xaridga olib keluvchi ijobiy munosabatni ishlab chiqishga qaratilgan bo'ladi».

Bunday reklamaning samaradorligini faqat uzoq kelajakdagina baholash mumkin. Bu yerda munosabat tushunchasi hal qiluvchi rol o'ynaydi, shuning uchun kommunikatsiya obyektini vazifasini avvalo tovar konsepsiyasi bajaradi.

Undovchi reklamaning asosiy vazifasi xaridoring munosabatlari emas, balki uning xatti-harakatlariga ta'sir qilishdan iboratdir. Reklama axboroti tovar yoki xizmatni xarid qilishga undashi kerak, shuning uchun uning samarasi qisqa muddatli bo'ladi va savdning borishi bilan baholanadi. Bunday reklama uslubi tajovuzkorroq bo'lsa-da, u ham aslida imij yaratish vazifasiga o'xshab ketadi.

Interaktiv reklama muayyan bir shaxsga moslashtirilgan reklama axboroti bo'lib, uning maqsadi salohiyatli xaridor bilan uning javobini rag'batlantirish orqali muloqot o'rnatishdir. Firma xaridoring javob reaksiyasi asosida tijoriy munosabatlarni yo'lga qo'yishga harakat qiladi.

Reklamaning bu turi avvalgi ikki reklama uslubining vazifalarini o'zida mujassamlashga: imijni yaratish va ayni paytda axborotning samarasini darhol baholashga imkon beruvchi ma'lum bir xatti-harakatlarga erishishga intiladi. Avvalgi boblarda tavsiflab o'tilgan aynan mana shu uslub interaktiv marketingga bevosita bog'liqligi tufayli tez rivojlanadi.

Tashkilot reklamasi. Yuqoridagi uch xil reklama stili bir tovar yoki markaga qaratilgan edi. Tashkilot reklamasi (firma reklamasi) vazifasi - ommaning turli tabaqalari orasida firmaga nisbatan ijobiy munosabatni shakllantirish yoki kuchaytirishdan iborat.

Gap firmaning imijini shakllantirish uning faoliyat turlarini tavsiflash va uning afzal tomonlari, ustunliklari, xislatlari va imkoniyatlariga e'tiborni jalb etish orqali firma va uning mijozlari o'rtasida o'zaro ishonch va hamjihatlik muhitini yaratish haqida bormoqda. Bunda reklamaga boy bo'lgan, xaridorlar xilma-xil tovarlarning reklamasidan charchagan muhitda alohida kommunikatsiya yo'llarini topish zarurdir.

Ko'rinib turibdiki, bunday reklama munosabatga asoslangan va uning samarasi faqat uzoq kelajakdagina bilinadi.

Marketingning kommunikatori quyidagi masalalarni hal etishi lozim:

maqsadli auditoriyani aniqlash: maqsadli auditoriyani aniqlash bu kommunikatorning eng asosiy vazifasi hisoblanadi. Siz kim uchun tovar ishlab chiqargan bo'lsangiz o'sha sizning maqsadli auditoriyangiz hisoblanadi. Masalan, aholining ma'lum bir qatlami, ayollar, yoshlar, ishbiarmonlar va hokazo;

reklama qilishdan asosiy maqsadni aniqlash: siz turli maqsadlarda tovaringizni reklama qilishingiz mumkin. Bu maqsadlarni quyidagi turlarga bo'lish mumkin:

a) tovar haqida ma'lumot berish. Bunda xaridorlar shunday tovar mavjudligi, tovarning nomi, markasi haqida ma'lumotga ega bo'ladilar;

b) xaridorlarning tovar haqidagi bilimlarini oshirish. Bunda xaridor tovar haqida ma'lumotga ega bo'lishi mumkin, lekin bu ma'lumotlar yetarli bo'lmisligi mumkin. Shu tovar haqida to'liq ma'lumot beriladi.

v) xaridorlarni tovarga munosabatini ijobiy tomonga o'zgartirish. Bunda asosan xaridorlarning tovar haqidagi fikri va tovarga munosabati yaxshi bo'lmagan holda foydalaniladi. Ya'ni kommunikator xaridorlar tovarni yoqtirmasliklari sababini aniqlab, reklama orqali o'sha kamchiliklarning bartaraf etilganligini ko'rsatib berishi kerak;

g) xaridorlarni ishontirish; buning uchun ishontiruvchi reklamadan foydalaniladi. Bunda sizning tovaringizni raqobatchilar tovaridan ustunliklari va uning foydaliligi ko'rsatiladi. Ishontirishning asosiy vositalaridan biri bu omma bilan aloqa hisoblanadi.

d) Sotish hajmini oshirish maqsadida qilinadigan reklama. Bunda tovar haqida hamma yetarli ma'lumotga ega, lekin xaridorlarga tovarni eslatib turadi.


axborotni tanlash. Siz qanday maqsadda reklama qilishingizni aniqlab olganingizdan keyin shunday reklama matnini tayyorlashingiz kerakki, u maqsadli auditoriyaga o'z ta'sirini ko'rsatsinsin.

- axborotlashtirish vositalarini tanlash. Kommunikator ma'lumotni tayyorlagandan keyin uni qaysi kanal orqali yetkazishni aniqlashi kerak.

Ma'lumot yetkazishning ikki asosiy turi farqlanadi: shaxsiy (individual) va umumiy.

1. Shaxsiy kanalga xaridor bilan alohida suhbat o'tkazish, telefon orqali aloqa qilish, pochta orqali murojaat qilish va bohqalar.

2. Umumiy kanalga ommaviy axborot vositalari, chora-tadbirlar, konferensiyalar va boshqalar.



9.2-rasm. Bevosita marketing uslublari.

Zamonaviy kompyuter texnologiyalari bevosita marketingning ikki yangi uslubini: bu buyurtmani elektron ko'rinishda joylashtirish imkoniyati va Internet orqali oldi-sotdi bitimini amalga oshirish imkoniyatini hayotga tatbiq etdi. Buyurtmani elektron joylashtirish tizimi sotuvchini tovar zaxiralarini kamaytirish va xarajatlarini pasaytirisha imkonini beradi.

Devoriy savdo nuqtalari savdo avtomatlariga o'xshash muhim joylarda, supermarketlarda yoki boshqa jamoat joylarida (masalan, aeroportlarda) joylashtiriladi. Bunday tarzda sotiladigan tovarlarga aviachiptalar va havo yo'llari orqali uchish uchun sug'urta polisleri kiradi. Ayrim holatlarda devoriy savdo nuqtalari faqat iste'molchilar buyurtmalarini joylashtirishga mo'ljallanadi, tovarning o'zi esa kechroq uyga yetkazib beriladi. Ushbu savdo uslubining sotuvchi uchun afzalligi uni tovarlari yoki xizmatlari bilan tanishish imkoniyatiga ega ko'pgina kishilar bilan bog'lanadi. Iste'molchilar savdo nuqtalarining muvaffaqiyatli joylashganidan yutadilar.

Nazorat va muhokama uchun savollar

1. Kommunikatsiyaning maqsadi nimadan iborat? Ikki xil reklama muhitiga misollar keltiring.
2. Marketing kommunikatori qanday masalalarni hal etadi?
3. Kommunikativ jarayonini tushuntirib bering.
4. Marketing kommunikatsiyasining qanday boqichlarini bilasiz?
5. O'zingiz yaxshi bilgan iste'mol tovarini tanlab oling. Maslouning matrisasi asosida reklama mutaxassislariga taklif etish mumkin bo'lgan reklama ma'lumotlarining uch yo'nalishini ko'rsatib bering.
6. Reklama vositalarini qo'llagan holda korxonada samaradorligi aniqlang.

7. Bevosita marketing uslublariga nimalar kiradi?
8. Interaktiv reklama deganda nimani tushunasiz?
9. Savdo xodimlarining strategik marketingdagi roli nimadan iborat?
10. Integratsiyalangan kommunikatsiya bosqichi mazmunini ifodalab bering.

Asosiy adabiyotlar

1. 2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. // Xalq so'zi, 2011-yil 20-yanvar, № 14 (5434).

2. Ergashxodjaeva Sh.J. va boshq. Marketing. Darslik. – T.: TDIU, 2011.

3. Крeвин, Дэвид, В. Стратегический маркетинг, 6-е изд. – М.: Вильямс, 2008.

4. Розова Н.К. Маркетинг. – СПб.: Питер, 2008.

5. Фатхудинов Р.А. Стратегический маркетинг. Учебник для вузов. 3-е изд. – СПб.: Питер, 2007, с. 127-138.

6. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.

Qo'shimcha adabiyotlar

7. Котлер Ф. Основы маркетинга. Краткий курс: Пер. с англ. – М.: Издательский дом «Вильямс», 2010. – 656 с.: ил.

8. Soliyev A., Buzrukxonov S. Marketing, Bozorshunoslik. Darslik. – T.: Iqtisod-Moliya, 2010. – 424 b.

9. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.

10. Солиев А. Маркетинг. Бозоршunoslik. –Т.: ART-FLEX, 2008. – 384 б.

11. Юсупов М.А., Абдурахмонова Н. Маркетинг. – Т.: Иқтисодиёт, 2011.

12. www.gov.uz

13. www.stat.uz

10-bob. STRATEGIK MARKETING REJASI

10.1. Strategik rejalashtirish rolini asoslash

Strategik g'oyalar- firmaning harakat dasturiga aylanishi kerak bo'lib, bu dasturda strategik maqsadlar aniqlanadi va tanlangan rivojlanish strategiyasining amalga oshirilishini ta'minlovchi vositalar belgilanadi. Firmaning yaqin kelajakdagi muvaffaqiyatini avvalo, uning joriy faoliyatidagi turli yo'nalishlarning moliyaviy jihatdan qay darajada muvofiqlashtirilganligi belgilaydi. Uning uzoq kelajakdagi rivojlanishi va taraqqiyot etishi esa bozordagi o'zgarishlarni o'z vaqtida oldindan ko'ra bilish hamda o'z tuzilmasi va tovar portfelining tarkibini tegishli ravishda bunga moslashtira olish qobiliyatiga bog'liq.

Bunday strategik, faol fikrlar samarali bo'lishi uchun ular izchil bo'lishi va «kelajakni tashkil qilish»ga, ya'ni kutilayotgan natijalarga olib keladigan harakatlarga tayyorlanishga qaratilgan bo'lishi lozim. Shuningdek, strategik reja qabul qilingan qarorlarni qarorlarni hayotga tatbiq etuvchilargacha yetkazib berishi lozim. Bu vazifa kelajakning mavhumligi sababli murakkablashadi. Strategik rejani ishlab chiqish oldindan bilish mumkin bo'lmagan o'zgarishlarni «rejalashtirish»ni ham o'z ichiga oladi.

Strategik marketing rejasining maqsadi - firmaning uzoq muddatli taraqqiyotini ta'minlash maqsadida tanlangan strategiyasini aniq va izchil bayon tavsiflab berishdir. Bu tanlov asta-sekin qarorlar va harakat dasturlariga aylanishi kerak. Quyida rejaning umumiy tuzilishini va strategik rejalashtirishdan kutiladigan foydalarni ko'rib chiqamiz.

Strategik marketing rejasining umumiy tuzilishi. Strategik marketing jarayoni oltita hal qiluvchi masala bilan bog'liq. Bu savollarga javob topish firmaning maqsadlari va shunga mos ravishda rejaning tuzilishini belgilab beradi.

1. Biz olib borayotgan biznes qanday ko'rinishda (ya'ni firma uchun asosiy bozor qaysi) va firmaning bu bozordagi strategik missiyasi qanday?


2. Qanday tovar bozorlari asosiy bozorni tashkil etadi va bu bozorlarda qanday joyni tanlash mumkin?

3. Tovar bozorlarining obyektiv jalb etuvchanligi qanday va ular bilan bog'liq qanday imkoniyat va xatarlar mavjud?

4. Firmaning bozordagi tovarlarga nisbatan farq qiluvchi jihatlari, uning kuchli va zaif tomonlari va raqobatli ustunligi nimada?

5. Qamrab olish va rivojlanish bo'yicha qanday strategiyani tanlash kerak va firma portfeliga kiruvchi tovar bozorlarida strategik mo'ljallar darajasi qanday bo'lishi lozim?

6. Tanlangan strategik maqsadlar qanday qilib operatsion marketing majmuiga: tovar, sotish, narx va kommunikatsiyaga aylantiriladi?



10.1-rasm. Strategik rejalashtirish jarayoni.

Bozor strategik tahlil qilinish, oltita hal qiluvchi savolga javob topilgach, yakunlovchi bosqichda tanlangan maqsadlarni, ularga erishish vositalarini, bajarilishi lozim bo'lgan muayyan harakat dasturlarini va, nihoyat, har faoliyat yo'nalishi bo'yicha va umuman firma bo'yicha dastlabki daromad va xarajatlar ro'yxatini muvofiqlashtirish kerak.

Aslida strategik marketing rejasi moliyaviy rejadir, biroq u moliyaviy oqimlarning manbalari va maqsadlari haqidagi ma'lumotlar bilan boyitilgan bo'ladi. Amalda u firmaning jami iqtisodiy faoliyatini belgilab beradi va uning qolgan barcha vazifalariga: IITTI (ilmiy izlanish va tajriba-tadqiqot ishlari) bevosita ta'sir ko'rsatadi.

- IITTI: bozor ehtiyojlari yangi, yaxshilangan yoki moslashtirilgan tovarlarga o'tkazilishi kerak;

moliyaviy mablag'lar: marketing dasturi moliyaviy cheklashlarni va resurlarning mavjudligini hisobga olishi lozim;


- ishlab chiqarish: savdo hajmlari ishlab chiqarish imkoniyatlari va yetkazib berish tezligi bilan cheklangan;

- xodimlar resurslari: rejaning bajarilishi malakali va tayyorgarlikdan o'tgan xodimlarning mavjud bo'lishini ko'zda tutadi.

Marketingni rejalashtirish jarayoni quyidagi chizmada keltirilgan.

Strategik marketingning vazifasi firmaning barcha faoliyat turlarini uning taraqqiyoti va rentabelligini ta'minlaydigan yo'nalishlarga har doim yo'naltirish va qayta yo'naltirib turishdan iborat. Uning impulslari faqat marketingga emas, balki

barcha vazifalarga ta'sir ko'rsatadi. Shuning uchun uning roli an'anaviy marketing boshqaruvining roliga nisbatan kengdir: u vazifalararo muvofiqlashtirishni ham o'z ichiga oladi.



10.2-rasm. Marketingni rejalashtirish jarayonining tuzilishi.

Hozirgi davrning asosiy talabi ilmiy izlanish va tajriba-tadqiqot ishlarini (IITTI) firmalar strategiyasida hal etuvchi sohaga aylanishi bilan belgilanadi. Shu bilan birga biznes strategiyasini belgilashda va IITTI amalga oshirishda uning istiqboldagi natijalarini dastavval to'liq baholashning imkoni yo'qligi (turli loyihalar ehtimoliy jihatlarining mavjudligi, barcha ixtiro va yangiliklar tijorat ahamiyatiga molik emasligi va boshqalar), strategiya albatta tasodifiy va yuqori tavakkalchilik evaziga amalga oshirilishi lozimligini nazarda tutishi kerak. Amerikalik olimlarning fikricha, hozirgi paytdagi barcha ilmiy izlanishlarning faqat 10 foizigina katta tijorat g'alabasini keltiradi. Demak, firmaning umumiy va IITTI strategiyasi o'zaro bog'liq holatdagi bir-birlarini to'ldiruvchi siyosatlarining mushtarak ko'lami ekan.


Strategik rejaning ahamiyati. Har qanday firmaning rahbari, hatto u rejalashtirish g'oyasiga qarshi bo'lsa ham, hech bo'lmaganda uch yo'nalishdagi istiqbollarni belgilab olishga majburdir:

- bozor evolutsiyasiga tegishli moslashish yoki yangi tovar bozorlariga kirib borish uchun zarur investitsiyalar;

- ko'zda tutilayotgan buyurtmalar hajmi bilan moslashtirilishi zarur bo'lgan ishlab chiqarish dasturi, buyurtmalar hajmi, o'z navbatida, talabning mavsumiyligi, tovarlarni ilgari surish va hokazolarga bog'liq;

- moliyaviy majburiyatlarni bajarish uchun zarur aylanma mablag'lar, ular daromad va xarajatlarning mo'ljallari asosida hisoblanadi.

Savdo korxonasi va marketing strategiyasi darajasidagi rejalashtirish jarayoni quyidagi chizmada berilgan.



10.3-rasm. Korxonada va marketing strategiyasi darajasidagi rejalashtirish jarayoni.

Ko'rinib turibdiki, sanab o'tilgan boshqaruv vazifalarini hal etish uchun ishonchli savdo istiqbollariga ega bo'lish lozim. Marketing strategiyasini ishlab chiqish metodologiyasi quyidagi chizmada berilgan.

Strategik rejalashtirishning ahamiyatini yuqori qo'shimcha jihatlar belgilab beradi:

reja qiymatlar tizimini, firma oliy rahbariyatining qarashlarini, uning kelgusidagi mo'ljallarini ifodalaydi, bu esa firma xodimlarini kerakli tomonga yo'naltirishga yordam beradi;

- reja dastlabki vaziyatni va muhitdan kelib chiquvchi cheklashlarni hamda uning evolutsiyasini izohlab beradi. Bu rejalashtirilayotgan natijalarning firma

rahbariyati uchun yanada tushunarli bo'lishini ta'minlaydi;

reja muvofiqlashtirish vositasi bo'lib, u maqsadlarning o'zaro muvofiq bo'lishini ta'minlaydi va ziddiyat yoki qarama-qarshiliklar yuzaga kelgan paytda obyektiv mezonlar asosida kelishuvga erishishni osonlashtiradi;

- reja firma faoliyatini kuzatib borishni osonlashtiradi, maqsadlar va natijalar o'rtasidagi tafovutlarni obyektiv talqin etisha imkonini beradi;

- reja firmaning kutilmagan o'zgarishlarga tayyorlik darajasini oshiradi, ammo buning uchun ehtimoliy o'zgarishlarni rejalashtirish bosqichida tahlil qilingan bo'lishi kerak;

reja firmani me'yorlar, budget va grafiklarga asoslagan holda qat'iy boshqarisha imkonini beradi.

Ko'pincha strategik reja firma uchun hayotiy muhim omillarga qaratilgan «favqulodda vaziyatlar rejasini» qo'shimcha qilinadi.

10.2. Marketingni strategik rejalashtirish jarayonining mazmuni

Bu bo'limda biz strategik rejalashtirishning har bir bosqichini hamda strategik tavsiyalarni ishlab chiqish uchun zarur bo'lgan ma'lumotlarni ko'rib chiqamiz.

Strategik missiyaning bayoni. Bu yerda gap eng asosiy hujjat haqida bormoqda. Bu hujjatda firma o'z faoliyat sohasini, o'z asosiy bozori, iqtisodiy va noiqtisodiy ko'rsatkichlarga nisbatan tamoyillarini belgilaydi va qadriyatlar tizimini e'lon qiladi. Bu hujjat firma faoliyatining ham ichki, ham tashqi tomonlari uchun teng darajada muhimdir. Firmaning o'zida ushbu hujjat xodimlarga firmaning maqsadlarini tushunish va firma madaniyatini mustahkamlovchi yagona munosabatni ishlab chiqishda yordam beradi. Tashqi sohada u firmaning yaxlit qiyofasini yaratishga imkon beradi hamda firmaning jamiyatda qanday iqtisodiy va ijtimoiy rol o'ynashga intilayotganligini va mijozlar, sotuvchilar, xizmatchilar, aksionerlar va umuman jamiyat tomonidan qanday kutib olinishini istayotganligini izohlaydi.

Firma missiyasining ta'rifi quyidagi to'rtta majburiy elementni o'z ichiga olishi shart:

1. Firma tarixi.
2. Faoliyat sohasini aniqlash.
3. Maqsad va cheklanishlari.
4. Asosiy strategik variantlari.

Asosiy strategik variantlar. Rahbariyat tomonidan belgilab berilgan keng ko'lamli maqsadlarga qo'shimcha ravishda firmaning istak-xohishlarini, ya'ni uning asosiy bozordagi umumiy siyosati va u yerda egallamoqchi bo'lgan mavqei aniqlab olish ham foydalidir. Gap yuqorida ko'rib o'tilgan raqobatli strategiyalar haqida, masalan, peshqadam firmaning strategiyalari haqida bormoqda. Tabiiyki, bu maqsadlar mavjud vositalarga yarasha bo'lishi va bundan kelib chiquvchi fikrlarga mos kelishi lozim.

Hayotiy bir misolni ko'rib chiqaylik. X kompaniyasi eng kuchli beshta texnologik jihatdan peshqadam firmalar qatoriga kirmoqchi, bu firmalar saqlash qiyiq bo'lgan moddalar (aerozollar, maxsus ichimliklar, kimyoviy reagentlar va hokazo) uchun maxsus qattiq idishlar ishlab chiqarishga ixtisoslashgan. Maqsad: har bir mahalliy bozorda 20 % dan 40 % gacha bo'lgan ulushga erishish. Firmaning o'sishi

uncha katta bo'lmagan markazlashtirilmagan zavodlar yordamida ta'minlanadi, bu zavodlar tovarlarni kam transport xarajatlari bilan tezkor tashish mumkin bo'lgan tarzda joylashtirilgan.

Mijozlar	Firmaning mijozlari kimlar?
Tovarlar / xizmatlar	Qanday tovarlar taklif etilmoqda?
Joylashish	Firma raqobatli kurashni qayerda olib bormoqda?
Texnologiya	Firmaning asosiy texnologiyasi qanday?
Yashash uchun kurash muammolari	Firma qanday iqtisodiy maqsadni ko'zlamoqda?
Falsafa	Qanday asosiy g'oyalar, qadriyatlar va ustuvor maqsadlar mavjud?
O'zi haqidagi tasavvur	Qanday farq qiluvchi sifatlar, raqobatli ustunliklar bor?
Kerakli imij	Firma qanday imijga erishishga intilmoqda va u jamiyat oldida o'z zimmasiga qanday mas'uliyatni olmoqda?
Ijtimoiy mas'uliyat	Firmaning o'z xodimlariga munosabati qanday?

10.4- rasm. Firmaning strategik missiyasini ishlab chiqishda hisobga olinadigan omillar.

Strategik maqsadlarni ifodalashda avvalgi boblarda aytib o'tilgan asosiy strategiyalarni (xarajatlarni tejash hisobiga ustunlikka erishish, differentsiatsiya yoki konsentratsiya) hamda raqobatli ustunlikning tanlangan variantini ham e'tiborga olish lozim. Rejalashtirishning bu bosqichida gap faqat har bir biznes birligi uchun ishlab chiqarilgan harakat dasturlarida miqdoriy atamalarga aylantiriladigan umumiy yo'nalish haqida bormaydi.

Tashqi omillar tahlilida muhitni jalb etuvchanligi muhim o'rin egallaydi. Bozor imkoniyatlari tahlili vazifasini amalga oshirish uchun tovarlarning hayotiy davrini o'rnatish va bular asosida bozor sig'imiga miqdoriy baho berish kerak.

Global bozor evolutsiyasi imkoniyatlari quyidagi savollarga javob topadi:

1. Global bozor sig'imi qanday?
2. Qanday o'rin imkoniyatlariga ega (o'sish, to'xtab qolish, inqiroz)?
3. Mijozning, oilaning, aholining jon boshiga iste'moli qanaqa?
4. Firmaning ta'minlanish darajasi qanday?
5. Tovar xizmatining o'rtacha muddati qanday?
6. Qanday reklama vositalaridan foydalanish maqsadga muvofiq?
7. Sotish tizmining tuzilishi qanday va hokazolar.

Bundan tashqari xaridorlarning xulq-atvori tahlil qilinadi. Bunda quyidagi savollarga javoblar izlanadi: xarid haqida qaror qabul qiluvchi markaz tuzilishi qanday? Kim xaridor, foydalanuvchi, qaror qabul qiluvchi shaxs, maslahatchi hisoblanadi? Xarid haqida qaror qabul qilish jarayoni qanday? Qondirilganlik va qondirilmaganlikning sabablari nimada? Marketingning qanday omillariga

xaridorlarning e'tibori ko'proq?

Sotishning tuzilish tahlili esa iste'mol tovarlari bozori uchun muhim bosqich hisoblanadi. Raqobatchilar tuzilishi tahlil qilinib, firma o'zining o'sish maqsadiga va rentabelligiga erishish lozim bo'lgan sohada tahlil olib boriladi.

To'g'ridan-to'g'ri raqobatchilar bor-yo'qligi, 3-5 yirik raqobatchilar qanday bozor ulushiga ega ekanligi, raqobatchilar markasi qanchalik kuchliligi, yangi raqobatchilarni bozorga kirish uchun qanday to'siqlar mavjudligi, qanday tovarlar o'rinbosar tovarlar hisoblanadi, kabi savollar raqobatchilar tuzilishining tahliliga yordam beradi.

Ijtimoiy - iqtisodiy va siyosiy muhitlar tahlilida bozor rivojini ta'sir etuvchi makroiqtisodiy omillar: demografik, iqtisodiy, texnologik, siyosiy, huquqiy, ijtimoiy, madaniy va ekologik omillar hisobga olinadi.

Strategik rejalashtirish jarayonida raqobatdoshlik tahlili, firmaning kuchli va kuchsiz tomonlari, firma uchun bozor mavqei tahlili, obro'li raqobatchilar tahlili, sotish tizimiga yorib kirish tahlili, shuningdek, kommunikatsiya dasturi tahlil qilinadi.

10.3. Strategik mo'ljal va maqsadni tanlash

Ko'plab firmalar maqsadlari ikki guruhga birlashishi mumkin:

1. Tashqi iqtisodiy xarakterdagi maqsadlar rahbarlarning shaxsiy qiziqishlari bilan bog'liq;

2. Marketing maqsadlari sotish darajasi, foyda yoki xaridorga nisbatan topshirilgan bo'lishi mumkin.

Sotish darajasi bo'yicha maqsadlar: sotish tushumi, fizik ko'rinishdagi sotish, bozor ulushi bo'yicha belgilanadi.

Marketingning tanlagan maqsadlari: aniq va tushunarli; kommunikatsiyani yengillashtirish uchun yozma shaklda ko'rsatilgan; vaqt va hududlari bo'yicha aniqlangan; sonli ko'rinishda ifodalangan; firmaning keng maqsadlari bilan kelishilgan; motivatsiyani tashkil etish uchun real bo'lishi lozim.

Maqsadni tanlash bir ish, unga qanday erishishni bilish umuman boshqadir. Unga turli usullar bilan erishish mumkin: sotish hajmini 10 %ga oshirish orqali o'rtacha narx oshirish, global talabni narxni pasaytirish orqali kengaytirish yoki intensiv reklama yo'li bilan narxni o'zgartirmay bozor ulushini o'stirish va sotishni rag'batlantirish chora-tadbirlarini ta'minlashi mumkin.

Agar maqsad yorib kirish strategiyasini ishlatishini talab qilsa, unda firma quyidagi strategik variantlarni ko'rishi mumkin:

- sotishni rag'batlantirish bo'yicha chora-tadbirlarni qo'llab, tovardan foydalanmaydiganlarga ta'sir etish;

- doimiy mijozlarga ega bo'lish uchun ustamalarni kamaytirish mumkin;

- yirik qadoqlangan tovarlarni taklif etib bir martalik tovar iste'molini o'stirish mumkin.

Agar firma maqsadi tovarni ishlab chiqarishni kengaytirish strategiyasiga mos kelsa, unda keyingi strategik yo'llar bo'lishi mumkin: segmentlar uchun yangi tovarlarni yaratish; jami bozorlarni qamrab olish uchun markalar sonini uzluksiz o'stirish; qo'shimcha tovarlar ishlab chiqarish imkoniyatlarini egallash va h.k.

Agar firma maqsadi bozorni strategik rivojlanishini amalga oshira borib sotish hajmini o'zlashtirishga yo'naltirilgan bo'lsa, quyidagi strategik yo'llarni ko'rib o'tish mumkin: sotish joylarini kengaytirish, salohiyatli mijozlar sonini o'stirib sotish intensivligini oshirish.

Strategiyani bayon qilish umumlashtiruvchi hujjat bo'lib, qo'yilgan maqsadga erishi usullarini aniqlash lozimdir. Bu faqat marketing sohasida harakatga mo'ljallanmay, balki ishlab chiqarish, texnikaviy ishlanmalar va moliyaviy xizmatga ham mo'ljallanadi. Ushbu hujjat rejalashtirish jarayonining boshqa bosqichlarida ham asos bo'lib xizmat qiladi. Strategiya bayoni quyidagi elementlarini o'z ichiga olishi lozim:

- bir yoki bir necha maqsadli segmentlarni aniqlash;
- tovar ishlab chiqaruvchi talablar;
- sotish kanallari;
- narxlar va sotish sharoiti;
- savdo xodimlari, uning vazifalari va uni tashkil etish;
- reklama va sotishni rag'batlantirish;
- sotishdan keyingi xizmat ko'rsatish, kafolat, xizmatlar bozorni tadqiq qilish.

Bu hujjat uch-to'rt varoqdan iborat bo'lib, firma rahbariyatiga tavsiya etish uchun ko'rsatiladi.

Rejalashtirishning juda aniq olib borishda ham firmaning tashqi muhitida kutilmagan muammolar tug'iladi. Bular Ansoffning fikricha "strategik syurprizlar" deyiladi. Inqiroz quyidagi 4 elementlar bilan tavsiflanadi:

Voqea to'satdan tug'iladi:

1. U shunday muammoni qo'yadiki, firma tajribasida avvallari bunaqa bo'lmagan;

2. Tezda reaksiyaga moslasha olmaslik moliyaviy yo'qotishlarga yoki qo'yib yuborilgan imkoniyatlarga olib keladi;

3. Shoshilinch reaksiyalar zarur bo'ladi.

Strategik marketing rejasi moliyaviy reja bo'lib, balki moliyaviy oqimlarni belgilash (ko'rsatish) va manbalari haqidagi ma'lumotlarga ega bo'lib, amalda u firmani iqtisodiy faolligini aniqlaydi va bevosita barcha qolgan vazifalariga ta'sir ko'rsatadi.

Nazorat va muhokama uchun savollar

1. Marketing rejasi bilan marketing strategiya o'rtasidagi farqni nimada deb bilasiz?

2. O'zingiz yaxshi tanigan, faoliyati va ustuvor yo'nalishlarini yaxshi biladigan birorta firmani tanlab oling va uning missiyasini ifodalab berishga harakat qiling.

3. Strategik marketing rejasini ishlab chiqishda tashkilotning turli tuzilishlari o'rtasida samarali o'zaro hamkorlikni ta'minlash uchun nima qilish kerak? «Tepadan pastga» yoki «Pastdan tepaga» yondashuvlarni qiyoslang.

4. Firmaning missiyasini ishlab chiqishda qanday omillarni hisobga olish lozim?

5. Marketingni strategik rejalashtirish jarayonida xaridorlarning xulq-atvori

qanday tahlil qilinadi?

6. Orientirni (mo 'ljalni) rejalashtirishdan maqsad nima?
7. Marketingni strategik rejalashtirish jarayoni necha bosqichdan iborat?
8. SWOT- tahlil deganda nimani tushunasiz?
9. Strategik marketing rejasi mazmunini tushuntirib bering.
10. Marketing strategiyasini ishlab chiqish metodologiyasi haqida to 'xtalib o 'ting.

Asosiy adabiyotlar

1. 2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. // Xalq so'zi, 2011 yil 20 yanvar, № 14 (5434).

2. Sh.J.Ergashxodjayeva va boshq. Marketing. Darslik. – T.: - TDIU, 2011.

3. Кревин, Дэвид, В. Стратегический маркетинг, 6-е изд. – М.: «Вильямс», 2008.

4. Розова Н.К. Маркетинг. – СПб.: Питер, 2008.

5. Фатхуддинов Р.А. Стратегический маркетинг. Учебник для вузов. 3-е изд. – СПб.: Питер, 2007, с.127-138.

6. Bekmurodov A.SH., Qosimova M.S., Ergashxodjaeva Sh.J. Strategik marketing. O'quv qo'llanma. – T.: TDIU, 2010.

Qo'shimcha adabiyotlar

7. Soliyev A., Buzrukxonov S. Marketing, Bozorshunoslik. Darslik. – T.: Iqtisod-Moliya, 2010. – 424 b.

8. Соловьев Б.А., Мешков А.А., Мусатов Б.В. Маркетинг: Учебник. – М.: ИЦФРА-М, 2010. – 336 с.

9. Солиев А. Маркетинг. Бозоршunoslik. – T.: ART-FLEX, 2008. – 384б.

10. Юсупов М.А., Абдурахмонова Н. Маркетинг. – T.: Иктисодиёт, 2011.

11. www.dis.ru.Маркетинг.Журнал в России и за рубежом. Merder, David.

IZOHLI LUG'AT

Bozor - 1) talab va taklif uchrashadigan joy, bu yerda ishlab chiqarilgan mahsulotning jamoatchilik sezayotgan ehtiyojga mos kelish darajasi aniqlanadi, mazkur tovarning boshqa raqobatchi tovarlar bilan raqobatbardoshligi taqqoslanadi; 2) tovar, xizmat va boshqa mulk turlari bilan almashish sohasi; 3) iste'molchilar guruhi; 4) mazkur tovarning barcha xaridorlari; 5) tashkillashtirilgan savdo joyi; 6) tovar va xizmatlarni olish manbai; 7) qandaydir mahsulot yoki xizmatlarning virtual yoki tabiiy aks ettirilgan mavjud yoki salohiyatli xaridorlari va sotuvchilari majmui; 8) birja.

Bozor segmenti taklif etilayotgan bitta mahsulot turi va marketing kompleksiga bir xilda munosabatda bo'luvchi iste'molchilar guruhi majmui.

Bozorni segmentlash - bozorni har biri uchun alohida tovarlar yoki marketing kompleksi talab qilinishi mumkin bo'lgan xaridorlarning aniq guruhlariga bo'lish, taqsimlash.

Bozorni tadqiq etish - muntazam ravishda ishlab chiqarish bozorlarini (ishlab chiqarishni takomillashtirish uchun), ularning mavjud va salohiyatli iste'molchilar ehtiyojini qondirish uchun tovar va xizmatlar ishlab chiqarishni ta'minlash qobiliyatini tadqiq etish. Tadqiqotlar sotuv bozori, ishchi kuchi bozori, kapital bozori, hamda xomashyo va materiallar bozorini qamrab oladi; 2) bozori sig'imi, salohiyati, raqobatchilik muhiti va narx tavsifnomalari to'g'risidagi ma'lumotlarni olish uchun bitta yoki bir necha bozorlarning sifat va miqdoriy tahlili.

Bozorning raqobatchilik haritasi - raqobatchilarini bozorda egallab turgan o'rimga ko'ra tasniflash; bozorda raqobatchining o'rmini nazorat qilish imkonini beruvchi raqobatchilar ulushini taqsimlash. Aniq tovar bozorlarida raqobatchilarning o'rmini talil qilish natijasida aniqlanadi.

Brending - marketing kommunikatsiyalari tizimining firma uslubi va uning elementlarini ishlab chiqish, firmani raqobatchilardan ajratib turuvchi o'ziga xos imijini yaratish sohasi

Gorizontal diversifikatsiya firma assortimentini ayni paytda ishlab chiqarilayotgan mahsulotlar bilan bog'liq bo'lmagan, biroq mijozlarning qiziqishini uyg'otishi mumkin bo'lgan mahsulotlar bilan to'ldirish.

Demping tovarni o'rtacha bozor narxidan arzon, ba'zida hatto o'z tannarxidan arzon narxda sotish. Ko'pchilik g'arb mamlakatlarida milliy ishlab chiqaruvchilar foydasini himoya qiluvchi va aksari hollarda boshqa mamlakatlardan raqobatning kuchli emasligi sababli arzon narxda tovar olib kirishni ta'qiqlovchi antidemping qonunlar amal qiladi.

Diversifikatsiya tovar strategiyasi turi, unga asosan korxonalar ishlab chiqarilayotgan mahsulotlar sonini kengaytiradi; yangi bozorlarni egallab olish va qo'shimcha foyda olish maqsadida ishlab chiqarishning o'zaro bog'liq bo'lmagan ikki yoki undan ortiq turini bir vaqtning o'zida kengaytirish va rivojlantirish.

Imij - tovar timsoli, uning biron narsani eslatishi, o'xshashi va aks ettirishi, tovar bozori iqtisodiyotiga chambarchas bog'liq bo'lgan ijtimoiy-psixologik holat. Tovar imiji tovarning reputatsiyasi, tovar markasi, tovar ishlab chiqarilgan korxonalar va mamlakat bilan assotsiatsiyalashadi.

Informatsiya (axborotlar, ma'lumotlar) - ishlarning ahvoli haqida xabardor qilish; 2) tadbirkorlik, marketing va boshqa faoliyat turlari oldida turgan vazifalarni bajarishda yordam berishi mumkin bo'lgan turli xil bilim va ma'lumotlar; 3) marketing tizimi subyektlarining o'zaro munosabatlar jarayonidagi bevosita va teskari aloqa natijalari tavsifnomasi; 4) turli xil energiyalarning o'zaro aloqalari natijasi.

Iste'molchining mustaqilligi (suvereniteti) - iste'mol huquqining mustaqilligi, qaram emasligi, huquqning mustaqil yo'nalishi bo'lib, tovar va xizmatlar bozorida iste'molchining manfaatlarini himoya qilishga karatilgan qoida va yo'riqnomalar majmuidan iborat.

Kommunikativ siyosat - 1) korxonaning istiqboldagi harakatlar kursi hamda talabni shakllantirish, iste'molchilar ehtiyojini qondirish va foyda olish maqsadida tovar va xizmatlarni bozorga olib kirish bo'yicha samarali va barqaror faoliyatni ta'minlovchi marketing tizimining barcha subyektlari bilan o'zaro harakatlarni tashkil etish va kommunikativ vositalar (kommunikativ miks) majmuasidan foydalanish strategiyasining mavjudli. 2) rag'batlantirish majmuasini ishlab chiqish, ya'ni biznes - hamkorliklarning o'zaro aloqalari samarali bo'lishini ta'minlash bo'yicha, tadbirlar, reklamani tashkil etish, savdoni rag'batlantirish usullari, jamoatchilik bilan aloqa va shu kabilar.

Konglomerat diversifikatsiya - firma assortimentini na firmada kullanayotgan texnologiyalarga, ishlab chiqarilayotgan mahsulotlar hamda hozirgi bozorga hech qanday aloqasi bo'lmagan mahsulotlar bilan to'ldirish.

Konsyumerizm iste'molchilar huquqi va manfaatlarini himoya qilish bo'yicha tashkil etilgan harakat, iste'molchilar xavfligi, ularning iqtisodiy manfaatlarini muhofaza qilish, sifatsiz tovar ishlab chiqarish g'irrom raqobatchilikka va qarshi kurash bilan bog'liq.

Konsentrik (markazlashtirilgan) diversifikatsiya firma assortimentini mavjud tovarlarga texnik va marketing nuqtai nazaridan o'xshash bo'lmagan mahsulotlar bilan to'ldirish.

Korporativ reklama - aniq bir tovar markasiga emas, balki to'liq tovarlar assortimentiga ehtiyoj yaratuvchi reklama.

Makromuhit - firmaning marketing muhiti tarkibiy qismi, ijtimoiy jihatdan mikromuhitga ta'sir ko'rsatuvchi kuchlarga nisbatan keng ifodalanuvchi omillar, masalan, demografik, iqtisodiy, tabiiy, texnik, siyosiy va madaniy omillar.

Maqsadli bozor - biror-bir mahsulotni sotish bazorini tadqiq etish natijasida tanlangan, marketing xarajatlarining minimalligi bilan tavsiflanuvchi va firma faoliyati natijalarining asosiy ulushini (qismini) ta'minlovchi bozor.

Marketing axborot tizimi (MAT) - 1) marketing tadbirlarini rejalashtirish, hayotga tatbiq etish va nazorat maqsadida aniq, dolzarb ma'lumotlarni o'z vaqtida to'plash, tasniflash, tahlil qilish, baholash va undan marketing sohasida foydalanish maqsadida tarqatish uchun mo'ljallangan usullar, asbob-uskunalar va kishilarning muntazam faoliyat yurituvchi o'zaro aloqalar tizimi; 2) marketing sohasida qarorlarni ishlab chiqish va qabul qilish jarayonida foydalaniluvchi ma'lumotlarni to'plash, tahlil qilish va yetkazish usullari, asbob-uskunalar va xodimlar majmui.

Marketing budgeti - firmaning marketing faoliyatini amalga oshirishdagi xarajatlar, foyda va daromadlar miqdori detallashtirilgan tarzda (marketing kompleksi elementlari yoki marketing tadbirlari bo'yicha) aks ettirilgan ko'rsatkichlar tizimi, marketingning moliyaviy rejasi, korxonaning marketing rejasining bo'limi. Marketing budgetini rejalashtirish maqsadli foydaga asoslanishi yoki foydani optimallashtirishdan kelib chiqishi mumkin.

Marketing jarayoni - yangi ehtiyoj va g'oyalarni izlab topish, tanlash va ularni tovar yoki xizmatga aylantirish, bu tovarlarni izlab chiqish va bozorlarda yoki savdo taksimot tarmoqlariga sotish bilan bog'liq harakat va bosqichlarning tartibga solingan majmui.

Marketing kommunikatsiyalari tizimi - 1) marketing tizimining tashqi muhit bilan o'zaro aloqalari jarayonida subyektlar (jo'natuvchi va qabul qiluvchi), vositalar, kanallar, to'g'ri (xabar) va teskari (qabul qiluvchining taxriri) aloqalar majmui; 2) insonlar o'rtasidagi o'zaro aloqa shakli va vositalari majmui.

Marketing konsepsiyasi - 1) bozor munosabati sharoitlarida faoliyat kursatayotgan firma, tashkilot yoki shaxsning ish yuritish, tadbirkorlikni tashkil etish falsafasi; 2) korxonaning yakuniy maqsadi - daromad olish va iste'molchilar ehtiyojini qondirish uchun foydalaniluvchi marketing faoliyatining asosiy vositalari, qoida va g'oyalari tizimi. Atrofdagi aniq holatga, bozor munosabatlari rivojlanish darajasiga karab an'anaviy, ishlab chiqarish, savdo. Tovar, ijtimoiy va servis konsepsiyalarini ajratib ko'rsatish mumkin.

Marketing qarori - 1) iste'molchilarning tovar va xizmatlarga talabini barqaror shakllantirish, rivojlantirish va qondirish uchun zarur marketing tadbiri yoki tadbirlari majmui variantlar ichidagi tanlash, javob; 2) firma, tovar va xizmatlarning raqobatchilik ustunligini saqlab qolish yoki yaxshilash uchun marketing tizimi subyekt va obyektlariga maqsadli yunaltilgan ta'sir ko'rsatish.

Marketing qarori qabul qilishning samaradorligi - 1) marketing vazifasini bajarishning kurib chiqilayotgan (kutilayotgan) ko'plab variantlari orasidan tanlab olishda iqtisodiy tavalakchilik narxining natijasi, foydalilik ko'rsatkichi; 2) marketing vazifasini bajarishning tanlab olingan variantining iqtisodiy samara keltirish qobiliyati.

Marketing majmuasi (marketing - miks) - marketing retsepti, undan foydalanish korxonaga maqsadli bozorlar ehtiyojlarini qondirish va atrof-muhitdagi o'zgarishlarga moslashishda eng yaxshi ko'rsatkichlarga erishish imkonini beradi. Eng sodda marketing retsepti tovar, narx, savdo va kommunikatsiya siyosati sohasida (4R:Rroduct, Price, Plase, Promotion) muvofiqlashtirilgan chora-tadbirlar o'tkazishni talab etadi.

Marketing modellari - 1) foyda olish yoki uni oshirish maqsadida tovar va xizmatlarga talabni yaratish va takror ishlab chiqarish bo'yicha o'zaro aloqalar jarayonida marketing tizimi subyektlari xatti-harakatini ko'rsatish, sifat va sonlar jihatidan aks ettirish shakli; 2) marketing tizimini loyihalashtirish, rejalashtirish, tashkil etish, faoliyat yuritish va rivojlanishda marketing muhiti va subyektlarining funksional, sabab-oqibat va resurs aloqalarini ifodalovchi va aks ettiruvchi (imitatsiya, regressiya, korrelyatsiya va h.k.) modellar majmui; 3) marketing-miks

yoki uning tarkibiy qismlari modellari (tovar siyosati modeli, narx hosil bo'lish modeli, reklama modeli va h.k.).

Marketing o'zaro aloqalari - 1) xizmat ko'rsatish tadbirkorligining tovar xayotiylik davrining har bir bosqichida barcha bozor subyektlari bilan aloqalarni rejalashtirish, tashkil etish va boshqarish jarayonida barcha faoliyat turlari va resurslarni qamrab olishga yo'naltirilgan istiqbolli konsepsiyasi. Mijoz bilan uzoq muddatli o'zaro munosabatlar va bitimda ishtirok etuvchi tomolar maqsadlarini qondirishga yunaltirilgan konsepsiya; 2) bajarish ma'suliyatini taqsimlash va kengaytirish tamoyillari bo'yicha marketingni tashkil etish usuli.

Marketing operatsiyalari tadqiqoti - 1) marketing qarorlarini ishlab chiqish va qabul qilish tizimida foydalaniluvchi usullar (matematik dasturlashtirish, uyinlar nazariyasi, qarorlar nazariyasi, tasvirlarni tanib olish nazariyasi va hokazo) yig'indisi; 2) "boshqa usullar yordamida bundan ham yomon javob beriladigan amaliy savollarga yomon javob berish san'ati" (T.A.Saati, operatsiyalar tadqiqoti sohasidagi amerikalik mutaxassis)

Marketing rejasi - belgilangan marketing maqsadlariga erishishda yordam berishi kutilayotgan chora-tadbirlarning ketma-ketlikda detalli ravishda ifodalanishi.

Marketing salohiyati (salohiyatli) - 1) korxonada salohiyatining ajralmas qismi; 2) tovar, narx kommunikatsiya va savdo siyosati, talabni o'rganish sohasida samarali marketing tadbirlarini rejalashtirish va o'tkazish hisobiga marketing tizimining korxonaning doimiy raqobatbardoshligi, tovar va xizmatlarning bozordagi iqtisodiy va ijtimoiy konyunkturasi ta'minlash qobiliyatlarini majmui.

Marketing tadqiqoti dizayni - 1) marketing tadqiqoti jarayoni va modelini loyihalashtirish va tuzish; tadqiqotni o'tkazish, marketing axborotlarini izlab topish uchun ratsional rejalarni ishlab chiqish. Qo'lda yoki axborot texnologiyalari yordamida amalga oshirilishi mumkin; 2) marketing tadqiqoti subyektlari xatti-harakatining o'zgarish holatlarini o'rganish va bashorat qilish bo'yicha ijodiy jarayon.

Marketing tizimi - bozor muhitining mustaqil, foyda olish maqsadida tovar va xizmatlarga talabni shakllantirish va rivojlantirish bo'yicha o'zaro uzluksiz aloqada buluvchi ijtimoiy-iqtisodiy elementlar majmui. Marketing tizimi o'z ichiga quyidagilarni kiritadi; ishlab chiqaruvchi firma, ta'minotchi firma, raqobatchi firma vositachi firma, iste'molchi (bozor).

Marketing tizimini axborot bilan ta'minlash - 1) marketing hujjatlarini rasmiylashtirish usullari va vositalari majmuasi, marketing tizimining holati va xulq-atvori to'g'risidagi ma'lumotlarni izlab topish, kodlashtirish va saklashni tashkil etish; 2) marketing tizimining normal faoliyat yuritishini ta'minlovchi quyi tizimlardan biri (tashkiliy, huquqiy, iqtisodiy, texnik, dasturiy, matematik ta'minot va boshqalar); 3) marketing axborotlari manbai, uning asosida korxonada menejmenti turli xil boshqaruv qarorlarini qabul qiladi; 4) ma'lumotlarni olish, ishlov berish, sistemalashtirish va ularni "iste'mol uchun tayyor" axborotga aylantirish.

Marketing tizimining samaradorligi - 1) marketing tizimining marketing xarajatlari belgilab qo'yilgan holda tovar va xizmatlarga talabni takror ishlab chiqarishni tuxtovsiz shakllantirish jarayonini ta'minlash qobiliyati ko'rsatkichi; 2) marketing tizimi faoliyatining sifat ko'rsatkichi; 3) marketing tizimi subyektlarining

resurslar ayirboshlash jarayonida o'zaro aloqalari natijaviyligining kompleks ko'rsatkichi.

Marketing faoliyati - 1) tadbirkorlik sohasida bajariladigan ishlar va vazifalar turi; 2) talabni shakllantirish va takror ishlab chiqarish, firmaning foyda olishini ta'minlash maqsadida amalga oshiriluvchi marketing vazifalari (marketing tadqiqotlari, savdo, narxning hosil bo'lishi, tovarni yetkazib berish, marketing razvedkasi, bengmarketing va h.k.) bilan bog'liq faoliyat; 3) bozor iqtisodiyotida takror ishlab chiqarish zanjirining barcha buginlarida marketing vositalari va falsafasini qo'llash jarayonini qamrab oluvchi hamda tovar yoki xizmat talabni qondirish va foyda keltirish uchun nimani, kayerda, qancha va qanday qilib ishlab chiqarish lozim degan savollarga javob berishga imkon beruvchi har qanday faoliyat.

Marketing faoliyatining iqtisodiy samaradorligi - 1) marketing faoliyatining oraliq va yakuniy maqsadlarini amalga oshirishga javob beruvchi nisbatan ko'p turli (marketing jarayonining barcha bosqichlari bo'yicha) natija; 2) marketing faoliyatini amalga oshirish samarasining (natijasi) bu jarayonda sarflanuvchi barcha xarajatlarga nisbati; 3) marketing faoliyati bilan bog'liq xarajatlar qaytimi, natural yoki qiymat (narx) shaklida aks ettirilgan natija va samaraning marketing faoliyatini tashkil etish va amalga oshirish uchun zarur barcha (moddiy-texnik mehnat va hokazo) resurslarga nisbati yordamida baholanadi.

Marketing xarajatlari - tovar va xizmatlarni shakllantirish va takror ishlab chiqarish bo'yicha marketing chora-tadbirlari va marketing faoliyatini amalga oshirish uchun zarur sarf va chiqimlar yig'indisi. Marketing xarajatlarning asosiy tarkibiy qismlari: boshqaruv xarajatlari, marketing bo'limi xodimlari maoshi, amortizatsion ajratmalar, marketing bo'limining normal faoliyat yuritishi uchun zarur material va resurslar, tovar siyosati, narx siyosati, kommunikativ siyosat, savdo va distributiv siyosat uchun sarflanuvchi xarajatlar.

Marketing chora-tadbirlarining iqtisodiy samaradorligi - 1) marketing chora-tadbirlarini amalga oshirish samarasining (natijasi) buning uchun sarflangan barcha xarajatlar miqdoriga nisbati; 2) marketing majmuasining (marketing-miks) samaradorlik ko'rsatkichi. Natural va qiymat shaklida o'lchanadi.

Marketingda tarmoq yondashuvi - marketing tizimi subyektlarining nafakat ikkitomonlama (xaridor va sotuvchi) emas, balki ko'p tomonlama o'zaro aloqalari jarayonini aks ettirish konsepsiyasi. Tarmoq yondashuvi na sotuvchilar va na xaridorlar o'zlariga hamkorni tanlash va ularni almashtirishda erkin emas, chunki resurslar o'zgariganda ularning bir-biriga qaramligi yuzaga keladi, ya'ni aloqalar almashuvi buziladi degan fikrni olga suradi. Marketing tarmogi a'zolari o'rtasida resurslar ayirboshlash "qaramlik" va "hokimlik" manbai hisoblanadi. Marketing tarmogi uchta o'zaro bog'liq tarkibiy qismdan iborat: ishtirokchilar (firmalar), resurslar va faoliyat turlari. Tarmoq yondashuvi resurslarning turli xilligi va ularni ierarxik nazorat qilishni talab etadi.

Marketing-miks (marketing majmuasi) - 1) marketing tuzilishi; marketing tizimining tarkibiy qismlari, elementlari; marketing tarkib topuvchi jarayonlar; 2) marketing xarajatlari tuzilishi; 3) marketing retsepti; tovar yoki xizmatlarni ishlab chiqaruvchidan iste'molchiga yetkazib berish chora-tadbirlarining majmuaviy dasturi.

Marketingni rejalashtirish marketing rejasini tuzish, tovarlarni sotish hajmining o'sishi va firma foydasini maksimalashtirishga qaratilgan marketing strategiyasini tanlash bilan bog'liq jarayon.

Marketingning tashkiliy tuzilmalari - menejmentning asosiy tamoyillari - markazlashtirish, desentralizatsiya va moslashuvchanlikni modifikatsiya qilishga asoslangan marketing xizmati asosiy bo'linmalarining o'zaro harakatlari sxemasi turlari. Funksional, mahsulot, bozor va matritsa tuzilmalari va ularning modifikatsiyalarini ajratib ko'rsatish mumkin.

Mikromuhit - firma marketing muhitining tarkibiy qismi, bevosita firmaning o'ziga va uning mijozlarga xizmat ko'rsatish imkoniyatlariga munosabatlariga taalluqli kuchlar, ya'ni ta'minotchilar, marketing vositachilari, mijozlar, raqobatchilar bilan ifodalanadi.

Motivatsiya 1) ehtiyojlarni qondirish bo'yicha qaror qabul qilishda individuumlarni harakatini faolashtirish maqsadida ularning motivlarini kuchaytirish jarayoni; 2) xaridorning xarid qilish qarorini qabul qilish jarayonida uning faolligini ta'sir ko'rsatuvchi majburlovchi harakatlar.

Multimedia-texnologiyalar - 1) reklama faoliyatini rejalashtirish, tashkil etish va boshqarish jarayonida foydalaniluvchi zamonaviy audio-, tele-, vizual va virtual kommunikatsiya vositalari majmui; 2) marketingni boshqarish tizimini tashkil etish tizimiga kiritiluvchi tovar va xizmatlarni harakatlantirish usul va vositalari.

Narx - 1) qiymatning pul ko'rinishida aks ettirilishi, iste'molchilar tovarga ega bo'lish uchun to'lashlari lozim bo'lgan pul miqdori. Firma belgilagan narx qabul qilinuvchi taklifning qiymatiga mos kelishi lozim; 2) marketing-majmuasi, marketing-miksning samarali vositasi.

Narx hosil bo'lishi usullari - mahsulot va xizmatlar narxini shakllantirishda qo'llanuvchi usullar. Xarajatlarga asoslangan, xaridorlar liniyasiga asoslangan va raqobatchilar narxiga asoslangan turlari mavjud.

Narx siyosati narxni va narx hosil bo'lishini boshqarish tadbir va strategiyalari, tovar yoki xizmatlarga ishlab chiqarish xarajatlari va bozor konyunkturasi mos keluvchi, xaridorni qondiruvchi va rejalashtirilgan foydani keltiruvchi narx belgilash san'ati.

O'ram (upakovka) - 1) tovar solinuvchi, joylashtiriluvchi idish, material. Tovar ishlab chiqarilgandan sungening uning xususiyatlarini saqlash hamda yukni tashishda qulaylik yaratish uchun mo'ljallanadi; 2) muhim reklama manbai.

Press-reviz - gazeta va jumallar, tele va radio redaksiyalari ularni qiziqtirayotgan ma'lumotlarni olishi mumkin bo'lgan bulletin, publik rileyshnz vositasi.

Prognozlash (bashorat qilish) usuli - o'rganilayotgan obyektning o'tmishdagi va hozirgi ma'lumotlarini tahlil qilishga asoslangan ilmiy asoslangan oldindan ko'ra bilish. Turli xil tarkibiy qismlarni prognozlashga asoslangan qisqa muddatli (1,5) yilgacha, o'rta muddatli (5 yil) va uzoq muddatli (10-15 yil) prognozlar mavjud. Taqdim etish shakliga ko'ra, miqdoriy va sifat prognozlariga, tadqiqot obyektlarini qamrab olish bo'yicha umumiy va qisman prognozlashga taqsimlanadi.

"Reklama piramidasi" - asosiy iste'molchilar doiralari birikuvi, ularning reklama qilinayotgan tovarni xarid qilishga tayyorligi. Usib borish tartibiga ko'ra

quyidagi bosqichlarga taksimlanadi: bexabarlik, xabardor bo'lish, moyillik, afzal ko'rish, xarid qilish, qayta xarid qilish.

Raqobat - 1) alohida shaxslar o'rtasida har biri o'zi uchun shaxsan erishini maqsad qilgan bitta yo'nalishdagi, xususan tadbirkorlar o'rtasida kattaroq foyda olish, savdo bozori, xomashyo manbalari uchun kurash; 2) moddiy va ma'naviy ne'matlar yaratish, sotish va iste'mol qilish jarayonida bozor tizimi subyektlarining kommunikatsiyasi, kurashi, o'zaro aloqalari iqtisodiy jarayoni; 3) bozor munosabatlarining tartibga soluvchisi, FTT va jamoatchilik ishlab chiqarishining samaradorligini kuchaytirish rag'batlantiruvchisi.

Raqobatchilik muhiti tashhisi - marketing tadqiqotining raqobatchilar xatti-harakatlarining ichki motivlari haqida to'liq va aniq tasavvurni shakllantirish uchun zarur o'ziga xos mustaqil bosqichi.

Mintaqaal marketing - 1) mintaqada marketing faoliyatini tashkil etish; 2) mintaqaning mahalliy, milliy va halqaro investorlarga ko'rsatiluvchi xizmat va tovarlar marketingi; 3) mintaqaning ijtimoiy-iqtisodiy rivojlanishni boshqarish tizimidagi marketing.

Reklama - 1) g'oya, tovar va xizmatlarni ma'lum xomiy nomidan taqdim etish va taklif qilishning shaxsiy bo'lmagan pulli shakli; 2) tovar va xizmatlar sifatini xaridorlarning talab va ehtiyojlari tiliga ugrishga intiluvchi kommunikatsiya shakli.

Reklama auditoriyasi - muayyan axborot manbalari orqali elon qilingan reklama xabarlarini eshitishi, kurishi va ukishi mumkin bo'lgan barcha shaxslar.

Reklama samaradorligi - reklama vositalarining ishlab chiqaruvchi yoki vositachilari manfaatlarini yo'lida iste'molchilarga ta'sir etish darajasi. Reklama murojaatidan oldin va keyin aniqlanadi. Reklamaning savdo natijalariga ko'rsatuvchi ta'sirini aniqlash (iqtisodiy samaradorlik) reklama xarajatlarini avvalgi faoliyat natijalari bo'yicha tovar sotish hajmiga nisbati yordamida aniqlanadi. Bu usulning aniqligi yuqori emas, chunki savdo natijalariga reklamadan tashkari boshqa ko'plab omillar ham ta'sir ko'rsatadi.

Servis (xizmat ko'rsatish) - korxonada marketing faoliyatining mashinalar, asbob-uskunalar va transport vositalarini sotish va ekspluatatsiya qilishni ta'minlovchi bo'limi, quyi tizimi.

Sifat - tovarning muayyan iste'molchilar ehtiyojini qondirish qobiliyatini belgilab beruvchi, kuyilgan talablarga mos keluvchi xususiyatlari majmui. Oldi-sotdi shartnomalarida tomonlar sifat ko'rsatkichlari, uni tekshirish tartibi, tovar sifatining belgilangan talablarga mos kelishini tasdiqlovchi hujjatlarni taqdim etish tartibi kelishib olinadi, zarur hollarda tovarni sifati bo'yicha qabul qilish va topshirish shartlari, shuningdek, tovar sifati yoki uni saqlash muddati bo'yicha kafolatlar belgilab qo'yiladi.

Strategik marketing - 1) asosiy iste'molchilar guruhlarini talab va ehtiyojlarini muntazam, sistemali tahlil qilish, shuningdek, kompaniyaga xaridorlarning talab olingan guruhlariga raqobatchilarga qaraganda yaxshirok xizmat ko'rsatish va shu tariqa raqobatchilik ustunligiga ega bo'lish imkonini beruvchi tovar va xizmatlar konsepsiyasini ishlab chiqish; 2) tashkilotlar va jismoniy shaxslar ehtiyojlarini tahlil qilish; 3) firmaning maqsadlarini belgilab olish, rivojlanish strategiyasini ishlab chiqish va muvozanatlangan tovar portfeli tuzilmasini ta'minlash; 4) strategik

majmua-miks hamda muntazam o'zgarib turuvchi marketing muhiti omillarini hisobga olgan holda firmaning tovar, narx, kommunikatsiya, taqsimlash va sotish sohasidagi strategik siyosatining asosiy yo'nalishlarini ishlab chiqish jarayoni.

Strategik rejalashtirish - firmaning maqsadlari, uning marketing sohasidagi salohiyatli imkoniyatlari o'rtasidagi strategik muvozanatni yaratish va qo'llab-quvvatlashni boshqarish jarayoni. U firmaning aniq shakllantirilgan dasturi, qo'shimcha vazifa va maqsadlarni ifodalash, sog'lom xo'jalik portfeli va o'sish strategiyasiga asoslanadi.

Talab tovar xo'jaligiga xos va savdo, ayirboshlash sohasida ko'zga tashlanuvchi toifa. Talab bozorda turli xil tovarlar yordamida aks ettirilgan, iste'molchilarning o'zaro farqlanuvchi ko'p sonli ehtiyojlaridan tarkib topuvchi, doimiy ravishda o'zgarib turuvchi jamoatchilik ehtiyojlari majmuasini aks ettiradi.

Telemarketing marketing turi bo'lib, uni amalga oshirish salohiyatli iste'molchilarga tovar va xizmatlarni real va virtual bozorlardan izlash va xarid qilish imkonini beruvchi telekommunikatsiya vositalari va Internet tarmog'idan foydalaniladi.

Tijoratlashtirish (kommertsializatsiya) - yangi mahsulotni ishlab chiqish bosqichi; bozorga kirib borish vaqtini to'g'ri tanlash, turli bozorlarda faoliyat yuritish hajmi va ketma-ketligi, mahsulotni operativ harakatlantirish va taqsimlash bo'yicha samarali usullar, shuningdek, marketing rejasini ishlab chiqish jarayoni.

Tovar - 1) eng umumiy ko'rinishda bozorda sotiluvchi mahsulot sifatida ifodalanishi mumkin bo'lgan iqtisodiy toifa, oldi-sotdi obyekti; 2) mahsulotning ma'lum bir xaridorlar ehtiyojini qondiruvchi asosiy iste'molchilik tavsifnomalari majmui; 3) iste'molchiga ko'rsatiladigan, mahsulotni to'ldiruvchi va uni sotishni yangillashiruvchi xizmat va imtiyozlar; 4) mahsulotni urab turuvchi "muhit" (mahsulot dizayni, sifati, markasi, o'rovi).

Tovar variatsiyasi - ishlab chiqarilayotgan va bozorda mavjud tovarni uning ayrim xususiyatlari yoki ko'rsatkichlarini o'zgartirish yo'li bilan modifikatsiyalash. Tovarining tabiiy (materiali, sifati), estetik (dizayni, rangi, shakli), simvolik (tovar markasining nomi) xususiyatlari va firmaning bo'linmalari faoliyati bilan bog'liq xususiyatlari o'zgartirilishi mumkin. Tovar sifatini yaxshilash, uning foydaliligini oshirish, shakli va stilini yaxshilash strategiyasi tovar modifikatsiyasining muhim strategiyasi bo'lishi mumkin.

Tovar innovatsiyasi - 1) mahsulotni takomillashtirishning original, sifati yaxshilangan va modifikatsiyalangan mahsulot ishlab chiqarish bilan bog'liq uzluksiz jarayoni. Tovarining hayotiylik davri o'zunligi va korxonaning rentabelligini ta'minlovchi chora-tadbirlar orasida alohida o'ringa ega. O'z ichiga mahsulotni differensiyalash va diversifikatsiyalashni kiritadi; 2) bozorga yangi mahsulotni yoki mahsulotlar guruhini olib kirish.

Tovar siyosati - tadbirkorlik maqsadlarini belgilash va ularga erishishga yo'naltirilgan tadbir va strategiyalar majmui, yangi tovar yoki tovarlar guruhini bozorga olib kirish (innovatsiya), bozorda mavjud tovarlarni zamonaviylashtirish (variatsiya) yoki ishlab chiqarish dasturidan tovar ishlab chiqarishni chiqarib tashlash (eliminatsiya), shuningdek, assortiment siyosatidan iborat.

Tovar strategiyalari 1) tovar siyosatining korxonaga tovar xayotiylik davrining istalgan bosqichida foyda olish va savdo hajmining barqaror bo'lishini ta'minlashi mumkin bo'lgan asosiy qat'iy yo'nalishlari. Tovar strategiyasining asosiy turlari: tovar yoki xizmatlar innovatsiyasi, variatsiyasi, eliminatsiyasi; 2) tovar nomenklaturasini optimallashtirish yo'nalishlarini ishlab chiqish hamda firmaning samarali faoliyat yuritishi va raqobatbardoshligini ta'minlash uchun sharoitlar yaratuvchi tovarlar assortimentini aniqlash.

Tovarni bozorda joylashtirish - tovarlarning bozordagi raqobatbardoshligini ta'minlash va mos keluvchi marketing majmuasini ishlab chiqish uchun amalga oshiriluvchi harakatlar.

Tovarning xayotiylik davri - tovar rivojlanishining uni ishlab chiqishdan to bozorga olib kirishgacha bo'lgan asosiy bosqichlarini aks ettiruvchi ma'lum bir vaqt davri (tdavri); sotuvchining har bir bosqichda oluvchi foyda miqdori unga bog'liq. Tovarni sotish va foyda olish jarayonida besh bosqich ajratib ko'rsatiladi: tovarni ishlab chiqish (bozorgacha) bosqichi, tovarni bozorga olib kirish (kiritish) bosqichi, tovarni sotish hajmining o'sish bosqichi, yetuklik (tuyinganlik) bosqichi, tovarning susayish bosqichi yoki tovar eliminatsiyasi.

Tovarning raqobatbardoshligi - 1) aniq ehtiyojni qondirishda bozordagi raqobatchilar tovarlari oldida ustunlikni ta'minlovchi tovarning sifat va narx tavsifnomalari majmui; 2) tovarning raqobatchi tovarlar bozorida birinchi bo'lib xarid qilish qobiliyati; 3) tovarni iste'mol qilish (foydalanish) samarasining uni sotib olish va foydalishga sarflanuvchi xarajatlarga (iste'mol narxi) nisbati; 4) korxonaning milliy va jahon tovar bozorlariga chiqishi maqsadga muvofiqligining muhim ko'rsatkichi.

FOYDALANILGAN ADABIYOTLAR RO'YXATI

1. O'zbekiston Respublikasi Konstitutsiyasi. – T.: O'zbekiston, 2010. – 40 b.
2. O'zbekiston Respublikasi “Raqobat to'g'risida” gi qonuni. 2012-yil 6-yanvar. № O'RQ-319. //Xalq so'zi 2012-yil 7-yanvar, №5.
3. O'zbekiston Respublikasi “Oilaviy tadbirkorlik to'g'risida” gi qonuni. 2012-yil 26-aprel. № O'RQ-327. //Xalq so'zi 2012-yil 27-aprel, №82(5502).
4. O'zbekiston Respublikasi Prezidentining “To'g'ridan-to'g'ri xorijiy investitsiyalar jalb etilishini rag'batlantirishga oid qo'shimcha chora-tadbirlar to'g'risida”gi 2012-yil 10-apreldagi Farmoni. //Xalq so'zi, 2012-yil, 11-aprel, №70 (5490).
5. O'zbekiston Respublikasi Prezidentining “Tadbirkorlik subyektlarini tekshirishlarni yanada qisqartirish va ular Faoliyatini nazorat qilishni tashkil etish tizimini takomillashtirish borasidagi qo'shimcha chora-tadbirlar to'g'risida” gi 2011-yil 4-apreldagi Farmoni. //Xalq so'zi, 2011-yil 5-aprel, 66-son.
6. O'zbekiston Respublikasi Prezidentining “Monopoliyaga qarshi ishlarni tartibga solish va raqobatni rivojlantirish tizimini yanada takomillashtirish chora-tadbirlari to'g'risida”gi 2010-yil 26-fevraldagi PF-4191-son Farmoni. //O'zbekiston Respublikasi qonun hujjatlari to'plami, 2010-yil, 9-mart, 9-son.
7. 2012-yil Vatanimiz taraqqiyotini yangi bosqichga ko'taradigan yil bo'ladi. O'zbekiston Respublikasi Prezidenti Islom Karimovning 2011-yilning asosiy yakunlari va 2012-yilda O'zbekistonni ijtimoiy-iqtisodiy rivojlantirishning ustuvor yo'nalishlariga bag'ishlangan Vazirlar Mahkamasining majlisidagi maruzasi. // Xalq so'zi, 2011 yil 20 yanvar, № 14 (5434).
8. O'zbekiston Respublikasi Prezidentining “Ulgurji va chakana savdoni liberalashtirish hamda uni rivojlantirish uchun qulay shart-sharoitlar yaratish chora-tadbirlari to'g'risida” gi 2006-yil 23 fevraldagi PF 3722-sonli Farmoni.
9. O'zbekiston Respublikasi Prezidentining “O'zbekiston Respublikasida 2010-yilgacha bo'lgan davrda xizmat ko'rsatish va servis sohasini rivojlantirishni jadallashtirishga oid qo'shimcha chora-tadbirlar to'g'risida” gi 2007-yil 21-maydagi PQ-640- sonli qarori.
10. Багиев Г.Л., Тарасевич В.М., Анн Х. Маркетинг. учеб. -СПб.: Питер, 2008. -736с.
11. Boltaboyev M.R.va boshq. Kichik biznes va xususiy tadbirkorlik. Darslik. – T.: TDIU, 2011.
12. Голубков Е.П. Основы маркетинга: учебник. – М.: Финпресс, 2008. – 704 с.
13. Данченко Л.А. Маркетинг. Учебно-практическое пособие. – М.: 2004. – 304 с.
14. Jalolov J. J., Fattaxov A.A. Biznes marketingi. Darslik. – T.: Moliya, 2006. – 355b.
15. Завьялов П.Д. Маркетинг в схемах, рисунках, таблицах. Учебное пособие. – М.: Инфра-М, 2008. -496 с.
16. Ерёмин В.Н. Маркетинг: основы и маркетинг информации: учебник. – М.: КНОРУС, 2009. – 656 с.

17. Кривин, Дэвид, В. Стратегический маркетинг, 6-е изд. – М.: Вильямс, 2008. – 512 с.
18. Кальке Р. Маркетинг. – М.: Омега, 2008. – 126 с.
19. Крылова Г.Д., Соколова М.И. Маркетинг. Практикум: учеб. пособ. – М.: ТК Велби, Изд-во Проспект, 2008. – 360 с.
20. Котлер Ф. Основы маркетинга. Краткий курс: Пер. с англ. – М.: Издательский дом «Вильямс», 2010. – 656 с.
21. Маслова Т.Д., Божук С.Г., Ковалик Л.Н. Маркетинг: Учебник. 3-е изд., перераб. и доп. – СПб.: Питер, 2008. – 384 с.
22. Маркова В.Д. Маркетинг, менеджмент: Учебное пособие. – М.: Омега - Л, 2009. – 204с.
23. Soliyev A., Buzrukxonov S. Marketing, Bozorshunoslik. Darslik. –Т.: Iqtisod-Moliya, 2010. – 424b.
24. Соловьев Б.А., Мешков А.А., Мусатов Б.В. Маркетинг: Учебник. – М.: ИНФРА-М, 2010. – 336 с.
25. Солиев А. Маркетинг. Бозоршунослик. – Т.: ART-FLEX, 2008. – 384 б.
26. Панкрухин.А.П. Маркетинг: Учебник для студ. – М.: Омега-Л, 2009. – 656с.
27. Розова Н.К. Маркетинг. – СПб.: Питер, 2008. – 182 с.
28. Тимофеев М.М. Маркетинг: Учебное пособие. – М.: РИОР, 2009. – 223 с.
29. Федько В.П. Маркетинг. – Ростов н/Д: Феникс, 2008. – 251 с.
30. Ergashodjaeva Sh.J.va boshq. Marketing. Darslik. – Т.: TDIU, 2011.
31. Юсупов М.А., Абдурахмонова Н. Маркетинг. – Т.: Иқтисодиёт, 2011.
32. Qosimova M.S., Ergashodjaeva Sh.J., Abduhalilova L.T. Strategik marketing. O'quv qo'llanma. 2007. – 161b.
33. Bekmurodov A.SH., Qosimova M.S., Ergashodjaeva Sh.J.Strategik marketing. O'quv qo'llanma. – Т.: TDIU, 2010. – 217 b.

Internet veb-saytlari

1. www.dis.ru.Маркетинг.Журнал в России и за рубежом. Merder, David.
2. www.4p.com.ua/books/4.html
3. www.marketologi.ru/docs/teaching.html
4. www.gov.uz
5. www.stat.uz

MUNDRIJA

KIRISH	4
1-bob. BOZOR IQTISODIYOTI SHAROITIDA KORXONADA (FIRMADA) MARKETINGNING ROLI	6
1.1. Marketingning g'oyaviy asoslari.....	6
1.2. Marketingning kompaniyadagi roli.....	8
1.3. Marketingning bozor iqtisodiyotidagi o'rni.....	11
1.4. Marketingning ustuvor ahamiyati o'zgarishi.....	14
2-bob. MARKETING VA EHTIYOJNI QONDIRILISHI	20
2.1. Inson ehtiyojlari.....	20
2.2. Yakka iste'molchi motivatsiyasi.....	22
2.3. Inson ehtiyojlari tipologiyasi.....	26
2.4. Sanoat xaridorig motivatsiyasi.....	31
3-bob. BOZORNI SEGMENTLASH VOSITASIDA EHTIYOJLAR TAHLILI	36
3.1. Makrosegmentlash tahlili.....	36
3.2. Mikrosegmentlash tahlili.....	42
3.3. Segmentlash strategiyasini amalga oshirish.....	46
4-bob. BOZORNING JALB ETUVCHANLIGI TAHLILI	52
4.1. Talabni tahlil qilishning asosiy konsepsiyalari.....	52
4.2. Birlamchi talab tuzilishi.....	57
4.3. Tovar hayotiylik davri modeli.....	63
4.4. Talabni bashorat qilish uslublari.....	69
5-bob. FIRMANING RAQOBATBARDOSHLIGI TAHLILI	72
5.1. Raqobatli afzallik tushunchasi.....	72
5.2. Kengaytirilgan raqobat konsepsiyasi.....	74
5.3. Raqobatli holatning tahlili.....	76
5.4. Xarajatlar bo'yicha afzallik.....	82
5.5. Tovarning raqobatbardoshligini oshirish yo'llari.....	83
6-bob. MARKETING STRATEGIYASINI TANLASH	88
6.1. Faoliyat yo'nalishi portfelini tahlil qilish.....	88
6.2. Rivojlanishning asosiy strategiyalari.....	92
6.3. O'sish strategiyalari.....	94
6.4. Raqobatchilik strategiyasi.....	96
7-bob. Sotish kanali bo'yicha strategik qarorlar	100
7.1. Sotish kanali bo'yicha strategik qarorlar.....	100
7.2. Sotish kanali konfiguratsiyalari.....	101
7.3. Bozorni qamrab olish strategiyalari.....	104
7.4. Interfaol yoki bevosita marketing.....	110
8-bob. NARXNI TASHKIL ETISH BO'YICHA STRATEGIK QARORLAR	113
8.1. Narxning marketing strategiyasidagi roli.....	113
8.2. Xarajat, talab, raqobat nuqtai nazaridan narx.....	115
8.3. Yangi tovarlar uchun narx strategiyasi.....	118
9-bob. KOMMUNIKATSIYA BO'YICHA STRATEGIK QARORLAR	121
9.1. Marketingda kommunikatsiyaning roli.....	121

9.2. Shaxsiy muloqot.....	124
9.3. Reklamanning kommunikatsiya jarayoni.....	126
10-bob. STRATEGIK MARKETING REJASI.....	130
10.1. Strategik rejalashtirish rolining asoslanishi.....	130
10.2. Marketingni strategik rejalashtirish jarayonining mazmuni.....	134
10.3. Strategik mo'ljil va maqsadni tanlash.....	136
IZOHLI LUG'AT.....	139
FOYDALANILGAN ADABIYOTLAR RO'YXATI.....	148

Ma'firat Sobirovna Qosimova, Shahnoza Jasurovna Ergashxodjaeva,
Laylo Abduxalilova

Strategik marketing
(O'quv qo'llanma)

"Iqtisodiyot" - 2012.

Muharrir
Vahabova M.M.
Texnik muharrir
Mirhidoyatova D.M.

Litsenziya AI № 089 15.03. 2007 y. Terishga berildi 07.05.2012. Bosishga ruxsat etildi 30.06.2012. Qog'oz bichimi 60x80 1/16. Times garniturası. Ofset muhri. Ofset qog'ozi. Shartli bosma tabog'i 10.0. Hisob nashr varae'I 9.8.

Адади 50 нусха. 36-сонли буюртма. Баҳоси келишилган

Toshkent davlat iqtisodiyot universitetining bosmaxonasida bosildi. 100003.
Toshkent. O'zbekiston shoh ko'chasi, 49-uy.

65(07) **Strategik marketing.** /Qosimova M.S., Ergashxodjaeva Sh.J., Abduhalilova L.T. O'quv qo'llanma. –T.: Iktisodiyet, 2012. - 153 b.

1. Qosimova M.S.
2. Ergashxodjaeva Sh.J.
3. Abduhalilova L.T.

UDK 339.138(07)
ВВК 65(07)